




THE  
WILLIAM R. PERKINS  
LIBRARY  
OF  
DUKE UNIVERSITY



Rare Books







FRANCISCI MARIÆ  
CAMPIONI

*Instructio pro se præpa-  
rantibus ad audien-  
das Confessiones.*

PARS SECUNDA.

*Editio Tertia Auctior.*



ROMÆ, MDCCXI.

Typis Georgii Plachi Cælaturam Profi-  
tentis, & Characterum Fusoriam,  
apud S. MARCUM.

---

*Superiorum permiss.*

THE UNIVERSITY OF CHICAGO

CHICAGO, ILL.

LIBRARY

OF THE

UNIVERSITY OF CHICAGO

CHICAGO, ILL.

1900

CHICAGO, ILL.

CHICAGO, ILL.

CHICAGO, ILL.

CHICAGO, ILL.

CHICAGO, ILL.

CHICAGO, ILL.

CHICAGO, ILL.

CHICAGO, ILL.

CHICAGO, ILL.



# I N D E X

## C A P I T U M,

### *Quæ in hac Secunda Parte continetur.*

Cap. I. De Fidei virtute.	1
Cap. II. De actu externo Fidei .	16
Cap. III. De Donis Intellectus, & Scientiæ , correspondentibus virtuti Fidei .	20
Cap. IV. De peccatis commissionis per se oppo- sitis virtuti Fidei .	24
Cap. V. De peccatis per accidens oppositis vir- tuti Fidei .	32
Cap. VI. Edictum Sanctæ Inquisitionis circa obligationem denunciandi delicta spectan- tia ad ipsum Tribunal.	38
Cap. VII. De Absolutione à peccatis contra Fidem .	43
Cap. VIII. De Virtute Spei , & ejus Acti- bus .	45
Cap. IX. De Dono Timoris .	48
Cap. X. De peccatis Commissionis oppositis Spei, & Dono Timoris.	53
Cap. XI. De Charitate, & ejus Objecto.	58
Cap. XII. De Actibus , & Præceptis Charita- tis .	66

Cap. XIII. De Sapiencia Dono correspondente Charitati .	76
Cap. XIV. De peccatis contrariè oppositis Cha- ritati, & Dono Sapiencie .	78
Cap. XV. De Prudentia, Virtute Cardinali , & Dono Consilii correspondente .	96
Cap. XVI. De peccatis per defectum oppositis Virtuti Prudentie .	106
Cap. XVII. De peccatis per excessum oppositis Virtuti Prudentie .	107
Cap. XVIII. De Justitia in genere , secunda Virtute Cardinali .	111
Cap. XIX. De Justitia Legali , & Vitiis op- positis .	114
Cap. XX. De Justitia Distributiva , & pecco- tis eidem oppositis .	124
Cap. XXI. De Justitia Vindicativa , & pec- catis eidem oppositis .	133
Cap. XXII. De Justitia Commutativa, & ejus Actu, qui est Restitutio .	134
Cap. XXIII. De peccatis contrariè oppositis Ju- stitie Commutative in generali .	143
Cap. XXIV. De peccatis contrariè oppositis Justitie Commutative circa vitam proxi- mi .	146
Cap. XXV. De peccatis contrariè oppositis Ju- stitie Commutative, per quæ facto infertur damnum rebus proximi .	153
Cap. XXVI. De peccatis verborum in judicio contrariè oppositis Justitie Commutative .	

Cap. XXVII. De peccatis contrariè oppositis <i>Iustitiæ Commutativæ, &amp; quæ verbo com-</i> <i>mittuntur extra Iudicium.</i>	166
Cap. XXVIII. De peccatis contrariè oppositis <i>Iustitiæ Commutativæ, quæ committuntur</i> <i>in commutationibus voluntariis.</i>	171
Cap. XXIX. De Cambiis.	181
Cap. XXX. De Censu, Societate, aliisque <i>contractibus.</i>	196
Cap. XXXI. De Religione, ejusque Actibus <i>internis.</i>	211
Cap. XXXII. De Actibus Religionis externis, <i>per quos exhibemus nostra Deo.</i>	219
Cap. XXXIII. De Voto.	227
Cap. XXXIV. De Actibus Religionis, quibus <i>assumuntur res divinæ.</i>	237
Cap. XXXV. De Actibus externis Religionis, <i>quibus assumitur nomen divinum.</i>	143
Cap. XXXVI. De peccatis per excessum con-	
<i>trariè oppositis Religioni.</i>	251
Cap. XXXVII. De peccatis externis per dese-	
<i>ctum contrariè oppositis Religioni.</i>	266
Cap. XXXVIII. De Virtute Pietatis, & Vi-	
<i>tiis eidem oppositis.</i>	286
Cap. XXXIX. De Observantia, Obedientia,	
<i>&amp; Vitiis oppositis.</i>	293
Cap. XL. De Virtutibus Retribuentibus, &	
<i>Vitiis contrariè oppositis.</i>	301
Cap. XLI. De Veracitate, ac Vitiis eidem	
<i>contrariè oppositis.</i>	304
Cap. XLII. De reliquis duabus Virtutibus	
anne-	



*annexis Justitiæ, scilicet, Affabilitate, ac Liberalitate, Vitiisque oppositis.* 311

Cap. XLIII. De Dono Pietatis correspondente Justitiæ. 317

Cap. XLIV. De Fortitudine, ut est Virtus, & Donum, Vitiisque oppositi, Tertia Virtute Cardinali, Vitiisque oppositis. 319

Cap. XLV. De Magnanimitate, & Magnificencia Virtutibus Fortitudini annexis, Vitiisque oppositis. 329

Cap. XLVI. De reliquis duabus Virtutibus Fortitudini annexis, nempe, Patientia, & Perseverantia, Vitiisque oppositis. 338

Cap. XLVII. De Temperantia in genere, ejusque partibus integralibus. 341

Cap. XLVIII. De primis duabus speciebus Virtutum contentarum sub genere Temperantiæ. 346

Cap. XLIX. De Vitiis contrariè oppositis Abstinentiæ, & Sobrietati. 357

Cap. L. De Virtutibus, quæ refrænant concupiscentias Tactus. 364

Cap. LI. De peccatis contrariè oppositis Castitati. 375

Cap. LII. De Pudicitia, peccatisque contrariè oppositis. 382

Cap. LIV. De tribus Virtutibus annexis Temperantiæ, scilicet, Continentia, Mansuetudine, Clementia, Vitiisque oppositis. 387

Cap. LV.



Cap. LV. De Humilitate ; peccatisque eidem  
contrariè oppositis . 397

Cap. LVI. De reliquis Virtutibus annexis  
Temperantiæ . 405

Cap. LVII. Recapitulatio Virtutum Theolo-  
gicarum , peccatorumque oppositorum .  
422

Cap. LVIII. Recapitulatio eorum , quæ dicta  
sunt de Restitutione spectante ad Justitiam  
commutativam . 435

Cap. LIX. Recapitulatio peccatorum contra  
Justitiam commutativam . 444

Cap. LX. Recapitulatio dictorum de actibus  
Religionis . 449

Cap. LXI. Recapitulatio doctrina de peccatis  
per excessum Religioni oppositis . 454

Cap. LXII. Recapitulatio peccatorum per de-  
fectum Religionis oppositorum . 457

Cap. LXIII. Recapitulatio dictorum de Tem-  
perantia . 467

Cap. LIV. Recapitulatio doctrinae de Sacra-  
mento Pœnitentiæ , juxta examen S. Ca-  
roli . 471

Cap. LV. Eadem , quæ præcedenti capite, pro-  
ponuntur magis in particulari . 481

Cap. LXVI. De Excommunicatione , Suspen-  
sione, Interdicto, & Irregularitate . 489

Cap. LXVII. Confessor instruitur ad praxim,  
super primis tribus Decalogi præceptis . 512

Cap. LXVIII. Praxis super quarto Decalogi  
præcepto . 533

Cap. LXIX.

Cap. LXIX. <i>Praxis super quinto, &amp; sexto Decalogi præcepto.</i>	545
Cap. LXX. <i>Praxis super septimo, &amp; octavo Decalogi præcepto.</i>	564
Cap. LXXI. <i>Praxis super Vitiis Capitalibus.</i>	589
Cap. LXXII. <i>Praxis super quibusdam statibus Ecclesiasticorum.</i>	599
Cap. LXXIII. <i>Praxis super quibusdam statibus Sæcularium.</i>	619
Cap. LXXIV. <i>Praxis super aliis quibusdam statibus Laicorum.</i>	635





## PARS SECUNDA.

*De Virtutibus , & Vitiis in particulari.*

---

### CAPUT PRIMUM.

*De Fidei virtute .*



X p.1. c.39.n.1. particularis præmissa syllogismi operativi , quæ est conscientia , dictans hic , & nunc aliquid esse bonum, vel malum, v. g. hunc actum esse occisionem; unde concludimus esse fugiendam, informatur pluribus habitibus, seu, quod idem est, pendet à pluribus cognitionibus, & scientiis, quarum primaria est Synderesis, habitus legum naturalium, ut versatur circa operabile, præceptum lege naturæ: Alii habitus sunt scientia Theologiæ moralis, ut conflatur per plures habitus partiales, spectantes ad diver-

fas virtutes concurrentes ad formationem illius præmissæ, ut est in allata occisionis, ad quam concurrit scientia de Justitia.

2 Hinc methodicè, rationabilitè, & profundè, post tradita in universali principia Moralis Theologiæ in 1. 2. S.Th. in 2.2. descendit ad examen singularum virtutum. Studebat Theologi conscientiam in omnibus rectam efformare; nec erit talis, nisi habeatur scientia cæterarum, quæ habent efformare conscientiam.

3 Notat 2.2. q.45. art.2. posse dari duplex iudicium de virtutibus: aliud *per rationis inquisitionem*, aliud *per quandam connaturalitatem*: Rectè iudicat de necessariis ad conservandam castitatem, & de mediis fugiendi vitium oppositum Sutor, qui castè vivit, estò sit Idiota. Idem dic in reliquis virtutibus. Audisti ex Historia sacra pueros ità in fide instructos, ut iudicaverint vitam esse dandam pro illius confessione, & de factò dederunt, præcedente syllogismo, quem toties diximus necessarium ad operandum, cuius secunda præmissa dirigi debebat per aliquam fidei notitiam, nullatenus haustam ex Theologia. Hæc notitia virtutis, cum qua indoctus operatur actum, dicitur *per quandam connaturalitatem*: & originatur, vel per exercitium talis virtutis, vel per donum Spiritus Sancti correspondens. Aliud iudicium dicitur *per rationis inquisitionem*; & est in illo, qui, loquendo de castitate, vivit in se minus castè, sed didicit perfecte



fectè partem illam Theologiæ , quæ agit de castitate . Si quæras , quod ex his comparare debeas Rituale p.1. c.7. n. 6. requirit utrumque , nam exigit bonitatem vitæ , & scientiam : per scientiam intelligit iudicium acquisitum per rationis inquisitionem ex studio ; per bonitatem vitæ iudicium acquisitum ex consuetudine per exercitium virtutis , & per donum Spiritus Sancti , cum ex 8. Doct. 1. 2. q. 68.a.2.hæc sint connexa cum virtutibus Christianis . Ita tamen , quod in dirigendis pœnitentibus utamur iudicio rationis,quo,adstare Christus promisit Ecclesiæ , suisque Superioribus : quare ipse Papa iudicat per secundum , inquirens , quid ratio dicat ; vel Spiritus Sanctus per inspirationem , non per exercitium ; valebitque suum iudicium , estò sit malus coram Deo . Nihilominus omne feret punctum Confessor , qui perfectissimè sibi comparaverit utrumque ; imò debet eniti , ut quancumque virtutem exercens excellentissimè , sit doctissimus . Nec aliud commendant Scriptura , Patres , Concilia , Episcopi , & Doctores , qui scripserunt de sana Theologia Morali . Horum salutaria monita suscepturus , qua par est , veneratione , consideret primam Christianarum virtutum esse fidem ; circa quam primò efformanda est conscientia , seu dictamen rationis , quod dicat , quando hic , & nunc sit exercenda &c. Ad quod post implorata humiliter , & ferventer , dona Sancti Spiritus , assuescet exercere

frequenter actus prædictæ virtutis , ut judicet de illa ex quadam connaturalitate . Ut verò perfectum omni ex parte iudicium acquirat , hæc præcipuè per rationis inquisitionē addiscet.

4 D. S. Th. ubi agit de virtute Fidei ?

M. In 2. 2. à q. 1. ad 17. ubi agit primò de fide in se : secundò de actu interno : tertio de externo : quartò de habitu : quintò de causis : sextò de effectibus : septimò de donis , quæ correspondent : octavò de peccatis oppositis : nonò de præceptis , & hoc semper ordine procedit examinando singulas virtutes in particulari .

5 D. Confessor debet nè inquirere de Habitu , an de Actu Fidei ?

M. Principaliter de actu , quem tenetur exercere Christianus , & ad quem debet efformare Pœnitentem ?

6 D. Quid est actus fidei ?

M. Alius est internus , alius externus . Illum ex S. Aug. S. Th. q. 2. a. 1. definit, quòd sit *cum assensione cogitare* . Igitur actus internus fidei Theologicæ est , quo firmiter homo intellectu credit aliquid esse verum , quia Deus summè verax revelavit Ecclesiæ Catholicæ , & illud hæc nobis proponit ut revelatum à Deo. Externus est , quo verbis , vel signis profite-mur nos habere illum internum : Primò dicam de interno , postea de externo .

7 D. Actus fidei non erit meritorius : meritum enim consistit in actibus voluntatis ,

tis, qui sequuntur ad actum intellectus?

M. Valdè meritorius est, utpotè virtutis Theologicæ, quem maximè debet frequentare Christianus, & ad illum Confessor invitare pœnitentem; imò facit optimè, qui pro pœnitentia imponit recitare symbolum Apostolorum, vel Nicænum, quod canitur in Missa, vel S. Athanasii, quod dicitur ad Primam in Dominiica; vel etiam Professionem fidei statutam à Pio IV. Aliqui actus intellectus præcedunt omnem actum voluntatis: in illis nulum est meritum, ut tentationes contra fidem, castitatem &c. si quæ præcedunt omnem actum voluntatis.

8 D. Quomodo vocatur actus voluntatis, qui præcedit actum Fidei?

M. Trid. sess. 6. c.6. vocat actum, quo *liberè moventur in Deum*: Scholastici piam affectionem, qua voluntas fertur in Deum, ut fontem omnis veritatis revelatæ, vi cujus afficimur ad credendum quidquid ille dixit, sicuti filius ex affectu ad patrem, ut veracem, movetur ad credendum quidquid nomine patris refert pædagogus à patre destinatus, ut sua filio dicta referat.

9 D. Hæc pia affectio non potest efficere, ut assensus fidei sit firmior, quam mereatur pondus rationum?

M. Hæc est 19. Thesis damnata ab Inn. XI. Vide p. 1. cap. 26. S. Th. q. 1. a. 4. *Intellectus aliquando assentit alicui, non quia sufficienter*

*moveatur ab objecto proprio, sed per quandam electionem, voluntariè declinans in unam partem magis, quam in aliam.*

10 D. Datur nè præceptum habendi hanc piam affectionem?

M. Qui præcipit finem, simul præcipit media. Quia jure divino tenemur explicitè credere tria principaliora mysteria, etiam jure divino tenebimur ad piam affectionem: & quia præcepto Ecclesiæ tenemur ad totum symbolum, tenemur etiam ad piam hanc affectionem ex præcepto Ecclesiæ. Idem dic de aliis explicitè credendis juxta cujusque statum, & de credendis implicitè. Porro quia præcipitur ratione finis, obligabit tantum per accidens. Vide p. 1. c. 38. n. 16. de præcepto obligante per accidens.

11 D. Tot mysteria contenta in Sacra Scriptura, & traditione, à Christo, vel instinctu Spiritus Sancti accepta, sub qua ratione sunt credenda?

M. Sub ea ratione, quia Deus revelavit Ecclesiæ Catholicæ, & hæc nobis proponit. Ad quam ut assuescant Christiani magis idiotæ, Parochi, Scholarum Magistri, Concionatores, curabunt tradere actus fidei cum illa causali, & Confessores imponent pœnitentibus, ut eliciant aliquoties actus fidei cum illa causali; Vide *Instr. Cl.* c. 6. n. 11. 13.

12 D. Ad justificationem sufficit fides latè dicta ex testimonio creaturarum, similive motivo?

M. Est



M. Est 23. damnata ab Inn. XI. Vide p. 1. c. 26. Ex S. Th. quæst. 1. art. 1. creduntur plura creata, sed *quia Deus revelavit Ecclesiæ &c. Non enim fides, de quâ loquimur, assentit alicui, nisi quod est à Deo revelatum.*

13 D. Potest nè stare assensus fidei cum notitia probabili revelationis, an requiritur evidentia moralis, quòd Deus fuerit locutus Ecclesiæ Catholicæ, & per illam nobis?

M. Est 21. damnata ab Innoc. Estò fidei mysteria in particulari non appareant evidenter, tamen *in generali, scilicet, sub ratione credibilis*, ait S. Th. q. 1. a. 4. ad 2. *sunt visa ab eo, qui credit: non enim crederet, nisi videret esse credenda, vel propter evidentiam signorum, vel propter aliquid hujusmodi.* Et q. 171. a. 5. *Signum prophetica certitudinis accipere possumus ex hoc, quòd Abraham admonitus in prophetica visione, se præparavit ad filium unigenitum immolandum, quod nullatenus fecisset, nisi de divina revelatione fuisset certissimus.* Quinque signa, quæ simul juncta faciunt hanc evidentiam, assert 1. contra Gent. ca. 6. miracula; efficaciam Prædicatorum: vilissimi enim, indoctique Apostoli subegeunt orbem: sublimitatem doctrinæ omninò contrariam sensibus, & tamen adeò universaliter acceptatam: potestatem impugnantium, qua non obstante, magis crevit fides, quò magis irrigata sanguine martyrum: prophetias de hac omninò completas. Hæc, addit *in suo effectu*

conversione mundi *apparent evidenter*, sicut evidenter apparet ignis ex fumo: nec tamen est necesse, quòd omnia hæc omnibus innotescant. S. Th. dixit *propter evidentiam signorum, vel aliquid hujusmodi*. Ex hoc secundo capite apparet evidenter notitia revelationis puero, qui perveniens ad usum rationis elicit actum fidei ex instructione parentum, estò ad prædicta non reflectat, sed solùm directè movetur ad actum fidei, ex evidentia, quam habet, quòd in materia salutis æternæ sequenda est eorum instructio.

14 D. Credimus nè fide Theologica revelationes particulares factas alicui Sancto, dum Papa eas proponit v. g. S. Birgittæ, de qua in Collecta: *Deus, qui B. Birgittæ per Filium tuum secreta cœlestia revelasti &c.*

M. *Innititur fides nostra ex S. Th. 1. p. q. 1. ad 2. revelationi Apostolis, & Prophetis factæ, qui canonicos libros scripserunt: non revelationi, si qua fuit aliis Doctoribus facta.* De fide credenda debent contineri litteraliter in aliquo textu Scripturæ, vel traditione habitatore Christi, aut instinctu Spiritus Sancti. Est de fide, quòd in hostia consecrata sit Christus; non est de fide, quòd hæc hostia particularis sit consecrata: nec enim hoc continetur eo modo in Scripturâ, vel traditione.

15 D. Potest nè fide Theologica credi unus articulus sine alio, ut Calvinistæ credunt Trinitatem, sine præsentia Christi in Eucharistia?

M. Non

M. Non: si credit, ut à Deo revelatum Ecclesiæ Catholicæ, & per hanc nobis propositum, quia utrumque stat sub hac ratione, utrumque est credendum: credit igitur sub alia ratione, quia proponitur à tali Ecclesia particulari. S. Th. q. 5. a. 3. Hæreticus estò millies ore protestetur se credere ex tali ratione formali, est protestatio contra factum.

16 D. Tenemurnè credere omnia literalitèr contenta in Scriptura; vel traditione habita ore Christi, & instinctu Spiritus Sancti, per Ecclesiam proposita?

M. Tenemur, quia omnia stant sub ratione formali posita n. 11. Non tamen omnia tenemur credere explicitè, sed aliqua sufficit credere implicitè. Juxta *Inst. Cl.* c. 6. n. 5. credimus implicitè, quando credimus in generali, quidquid Ecclesia proponit: credimus explicitè, quando credimus hoc, vel illud mysterium in particulari.

17 D. Unde habemus hoc præceptum eliciendi actum fidei?

M. Ex Apostolo, Hæbr. 10. *Sine fide impossibile est placere Deo*. S. Th. qu. 2. art. 3. & q. 16. Vide p. 1. c. 25. & 26. Theses damnatas.

18 D. Quia Confessor debet *esse paratus omni poscenti rationem reddere de fide*, unde habetur præceptum divinum credendi tria mysteria, quæ in *Inst. Cl.* c. 6. n. 7. habentur?

M. Circa unitatem Dei, & remunerationem æternam habemus. Hæbr. 11. *Acceden-*

*tem ad Deum oportet credere, quia est, & quòd inquirentibus se Remunerator sit.* Hæc duo erant credenda in omni lege, etiam Moy-  
sis, & naturæ. S. Th. q. 2. art. 5. Circa Trini-  
tatem Matth. 28. *Docete omnes gentes, bapti-  
zantes eos in nomine Patris &c.* Circa Incar-  
nationem: Jo: 17. *Hæc est vita æterna, ut co-  
gnoscant te verum Deum, & quem misisti Je-  
sum Christum,* addita expositione Augustini  
ep. 157. *Illa fides sana est, qua credimus nul-  
lum hominem (sive majoris, sive parvæ ætatis)  
liberari à contagio mortis, & obligatione pec-  
cati, nisi per unum mediatorem Dei, & homi-  
num, Jesum Christum.* S. Th. q. 1. a. 8. q. 2. a. 7.  
De passione, & morte Christi. 1. Cor. 1. *Prædi-  
camus Christum, & hunc crucifixum.* De Re-  
surrectione. 1. Cor. 15. *Si Christus non resur-  
rexit, inanis est fides.* S. Th. q. 1. a. 8.

19 D. Ex Inst. Cl. cap. 6. u. 10. Christiani tenentur ad illa tria tantum mysteria ex præcepto divino, estne præceptum Ecclesiæ credendi alia mysteria. quæ, & quando?

M. Etiam ex præcepto Ecclesiæ tenemur credere tria illa: sed omittendo utrumque præceptum, committimus unicum peccatum: quia distinctio peccatorum non sumitur ex diversitate præcepti, sed, ut p. 1. c. 35. n. 7. Insuper ex præcepto Ecclesiæ Christiani universaliter tenentur ad mysteria symboli Apostolici, pro iisdem temporibus, quibus tenentur ad tria.



20 D. Tenemur igitur ad recitandum symbolum quinquies, vel sexies in anno; sed sicut indeterminatum communicandi præceptum divinum, Ecclesia determinavit ad Pascha, sic determinavit nè tempus præcisum ad tales actus?

M. Ex universali consuetudine cognoscimus extare præceptum credendi mysteria symboli S. Th. q. 2. art. 7. *Tàm majores, quàm minores tenentur habere fidem explicitam deysteriis Christi, præcipuè quantum ad ea, quæ communiter in Ecclesia solemnizantur, & publicè proponuntur.* Transfiguratio Christi non solemnizatur communiter, sed solum ab Ecclesiasticis: quare ab his credenda est, & à toto populo illius Ecclesiæ particularis, in qua communiter solemnizatur: non tamen est determinatum tempus credendi solemnizata communiter.

21 D. Quomodo à pœnitente, qui per triennium omisit actus fidei, potero scire utrum commiserit, quindecim, vel octodecim peccata?

M. Fac explicare tempus, & inde circumcirca elicies numerum peccatorum: *sufficit discipulo; si sit, sicut magister ejus* Matth. 10. Cum ergo Ecclesiæ sufficiat scire circumcirca numerum, sufficiet idem Confessori.

22 Præter hæc mysteria omnibus credenda, tenenturnè alia credere Christiani particulares?

M. Ex

M. Ex q. 2. a. 6. *Plura tenentur explicitè credere majores, qui habent officium instruendi, quàm alii*; quare plura tenetur credere Episcopus suprà Sacerdotem, Sacerdos suprà Clericum, Clericus suprà Laicum. Vide p. 1. c. 35. n. 7. Ex his, qui ignoraret, quæ tenetur alios docere, committeret triplex peccatum: primò, quia omisit instruere populum suo tempore, uti tenebatur ex justitia: secundò, quia contra præceptum affirmativum omisit illa explicitè credere suo tempore: tertio, quia contra præceptum negativum ignoravit. Si non explicet omnia, Confessor tenetur inquirere.

23 D. Universalitas Christianorum per se tenetur ad actus fidei, ut nu. 9. tenebiturnè aliàs per accidens?

M. Vide p. 1. c. 35. n. 6. sacramenta recipiens tenetur ad explicitè credendum principaliora illius sacramenti, v. g. in Paschate, quid sit sacramentum Eucharistiæ: quolibet etiam die Dominico, dùm audit missam, tenetur ad idem, & ut, quoad substantiam, explicitè (licèt non reflexè) credat potestatem Sacerdotis ad transubstantiandum panem, & vinum in corpus, & sanguinem Christi, quam, nisi adorans hostiam consecratam, credendo supponeret, esset idololatra. Porro vides quòd simul creduntur tria mysteria: nam in Eucharistia creditur filius Dei, qualis est vivus in cælo, qui seipsum sacrificavit ob dandam nobis vitam

tam eternam. Hęc Parochus, & Confessor explicabunt clarè, ac distinctè, ut Christiani current reflexè tot actus elicere omni fervore, quò devotiùs audiant sacrum, & recipiant sacramenta, innuendo semper, ut exprimant rationem formalem, *Quia Deus revelavit Ecclesiæ &c.*

24 D. Tenetur nè aliàs homo per accidens ad actus fidei ?

M. Primò Catechumeni: Rituale : *Si adultus sit baptizandus, debet prius, secundum Apostolicam regulam, in Christiana fide, ac sanctis moribus diligenter instrui, & per aliquot dies in operibus pietatis exerceri.* Per instructionem acquirit scientiam de his mysteriis, ad quam obligatur præcepto negativo. Vide p. 14. c. 35. n. 4. Primum opus pietatis exercendum est actus fidei, ad quem tenetur præcepto affirmativo; & exercitium dicit frequentiam; & verè sunt actus fidei, licet imperfecti, quia non procedentes ab habitu. Vide p. 1. c. 33. n. 2.

25 Secundò addit Rituale. *Admonendus est Catechumenus, ut peccatorum suorum pœniteat;* utique dolore supernaturali, qui dirigatur lumine fidei, & est pœnitentia ex Trid. sess. 14. c. 1. necessaria iis qui sacramento baptismi ablui petivissent, & ex 3. p. q. 90. art. 4. est pars subjectiva virtutis Pœnitentiæ.

26 Tertiò: ante fores Ecclesiæ petit fidem à Sacerdote; quo suggerente; *Fides, quid tibi præ-*

*præstat?* respondet: *Vitam æternam*: quare credit Deum Remuneratorem. Proponit Sacerdos mysteria Symboli credenda: & Catechumenus ait: *Credo*; quare circa singula elicit singulos actus fidei, vel unum æquivalentem omnibus. Postea signatur cruce in fronte, cui signo voluntariè se subjiciens, profitetur jam tèr principaliora mysteria.

27 Quartò recitat tèr Orationem Dominicam, quæ tota constans actibus Spei præsupponit actus Fidei.

28 Quintò: tenetur recitare ex se symbolum Apostolicum; & iterùm, ac tertio, interrogatus de ejusdem articulis respondet *Credo*, Considerans ritus, quibus super baptizando utitur Sacerdos, vides præponi actum fidei ad omnes, & singulos.

29 Sextò: si Rubricæ Ritualis diligenter perpendantur, videbis, in administratione, & receptione cujuslibet sacramenti, etiam ad absolutionem censurarum, præexigi actum fidei, circa institutionem, Ministrum, materiam &c. circa potestatem Ecclesiæ &c.

30 Septimò: Ecclesiasticus ratione officii divini, tenetur saltem tèr in die ad symbolum Apostolorum, in Matutino; Prima, & Completorio; & pluries in pluribus officiis: die Dominico, ad symbolum S. Athanasii. Et totum officium, ut oratio, præsupponit actus fidei.

31 Octavò: Sacerdos celebrans pænè innumeros elicit actus fidei, recitans orationes,  
sym-



ſymbolum Nicænum, commemorans Trinitatem, myſteria Redemptionis; conſecrans &c. reverentiam exhibens nomini Jeſu, vel imagini Crucis, & ubicunque aliquid facit, ad quod dirigitur lumine Fidei: Propterea vident Eccleſia, toties, ut ita dicam, in die obligatum Chriſtianum ad tot actus fidei, noluit determinare tempus præciſum, quia neceſſitas urget ad plures. Hinc vide, ſi juſtè Innoc. XI. damnavit: *Satis eſt actum fidei ſemel in vita elicere*. Hæc, ut jacet, deobligans Chriſtianum ab omni actu fidei, ſive per ſe, ſive per accidens, deobligat ab omni oratione, perceptione ſacramentorum, ab omni actu ſupernaturali ſpei, charitatis &c.; quo nequius quidquam ſomniare potuit, vel impiiſſima ſecta.

32 Hæc circa fidei actum curâ per rationis inquisitionem, diligenti ſtudio addiſcere, quæ juncta ſcientiæ comparatæ per connaturalitatem ex frequentatione actuum fidei, plurimum inſervient, ut efformes conſcientiam rectam, pœnitentis, in ordine ad actus internos fidei, quos debet elicere ( quantum ſpectat ad Confefſorem ordinarium ) quoties in ſyllogiſmo operativo circa fidem, tenetur ponere particularem hanc vel ſimilem, *Hic, & nunc actus internus fidei me obligat*.

## C A P U T II.

*De actu externo Fidei .*

1 **N**on solum obligamur actu interno credere mysteria à Deo revelata Ecclesiæ Catholicæ , & per illam tradita nobis ; verum insuper eadem exterius profiteri verbis, vel signis. De hac professione habemus præceptum affirmativum non obligans ad semper , quo tenemur aliquandò facere hos actus externos , & negativum obligans ad semper, quo tenemur nunquam ponere actus oppositos; quidquid de affirmativo aliquis dixerit damnatus ab Inn. XI. prop. 18. Vide p. 1. c. 26. Dandæ igitur sunt notitiæ , ut Confessor, quoad ea, quæ ordinariè contingunt , possit per rationis inquisitionem efformare rectam conscientiam pœnitentis , quoad actus externos fidei .

2 D. Quando nos obligat per se præceptum affirmativum ad actum externum fidei ?

M. Ex S. Th. q. 3. a. 2. *Confiteri fidem est de necessitate salutis , quando per dimissionem hujus confessionis , subtraheretur honor debitus Deo , & etiam utilitas proximis impendenda, puta , si aliquis interrogatus de fide taceret ; & ex hoc crederetur , vel quòd non haberet fidem , vel quòd fides non esset vera ; vel alii , propter ejus taciturnitatem , averterentur à fide .* Ex his apparet nullum esse tempus huic præ-

præcepto determinatum, sed obligare tantum in prædictis circumstantiis; quare in illis Christianus mentiens se non esse talem, coram multitudine, peccat primò peccato mendacii, gravissimo, utpotè in materiâ fidei; & est peccatum commissionis: secundò, peccato omissionis non confitens fidem, quando tenetur sub gravi: tertio, peccato scandali, quod multiplicatur juxta p. 1. c. 34. n. 9. si non mentiatur, sed taceat, erit duplex peccatum in specie: alterum contra confessionem fidei: alterum commissionis, & scandali: At si nemo adfit, erit unicum. Ratio S. Th. videtur velle plus, quàm 18. Thesis Innoc. XI. Hæc restringitur ad interrogatum à potestate publicâ: Ratio videtur universalis ad omnem casum, in quo sequerentur mala prædicta. Igitur incideret in pœnas Bullæ solùm, qui doceret interrogatum à potestate publicâ &c. quia contrarium est definitum judicio autoritativo Sedis Ap. non incideret, qui doceret id de interrogato non à potestate publicâ: etenim docetur judicio tantum doctrinali S. Thomæ.

3 D. Ex nu. 1. fides est profitenda verbis, & signis externis, quomodo id contingit?

M. Multipliciter per ritus, vestes, abstinentiam à cibis prohibitis &c. quare, si casus accidat, multum sit cautus Confessor: Christianus transit per hæreticos, minanturque mortem, nisi comedat carnes die Veneris. Interrogâ, nùm invitent ad carnes, quò dignoscant,

an sit Catholicus: Tenetur abstinere tunc, etiam cum evidenti periculo mortis, & comedens, peccat graviter contra præceptum profitendi fidem tali signo: Si non fiat in signum dignoscendi eum Catholicum, sed solùm ex malitiâ, non peccabit, quia cum tanto incommodo Ecclesia non obligat ad abstermentiam; si desit incommodum, peccabit contra præceptum Ecclesiæ; si desit incommodum, sitque signum &c. peccabit duplici peccato. Idem dic de ritu, veste, &c. quæ omnia Confessor interrogabit pœnitentem, si deficiat.

4 D. Datur nè præceptum Ecclesiasticum per se obligans ad professionem externam fidei?

M. Pro totâ universitate nullum datur. Ex particularibus obligantur primò, qui dicti sunt c. 1. à n. 23. secundò, suspecti in fide, quorum alii sunt suspecti de levi, & alii de vehementi. Confessor ordinarius non tenetur scire hanc distinctionem, sed ubi contingat pœnitentem commisisse delictum, quo reddatur in fide suspectus, hortetur, quantum potest, tanquam bonum consilium, ut spontè compareat coram S. Tribunali; & interim ipse pro absolutione sacramentali eliciat externam professionem fidei, quomodocunque sit suspectus: tertio, ex Trid. sess. 24. c. 12. de ref. Beneficiati cum curâ animarum, *ad minus intra duos menses à die adeptæ possessionis*: quarto, provis de Canonicatu, aut dignitate in Cathedrali: quinto, ex const. Pii IV. incip. *Injun-*  
*ctum*



*Etum nobis* , Regulares, etiam Militares , provisi de Monasterio , Conventu &c. sextò, ex aliâ , *In sacrosanctâ* , qui debent legere scientiam , vel artem liberalem , aut præsidere in Collegiis , ubi leguntur , juxta tenorem Const. omninò legendæ dantis formulam . Ceterum non est meum definire , quale sit peccatum omittere , & an consuetudo illam omitendi introducta in quibusdam communitatibus excuset à peccato , vel an lex illam emitendi sit tantum pœnalis . Hæc scire non est omninò necessarium Confessori ordinariò , cui scribo : qui pœnitùs introspicere vellet , debet callere dicta p.1. c.38. de legibus, & consulere Canonistas magis classicios , qui ex professo scripserunt , habentes præ oculis ordinationes Papales , declarationes Congr Concilii , & Constitutiones Episcopales . Idem dic, ubi ad Confessorem ordinarium accedit pœnitens, inquisiturus , nùm talem , vel talem pœnam, incurrerit in conscientia, comminatum omittentibus professionem . Quia super hoc non tenetur statim respondere Confessor, petat tempus, ut consulat prædictos . Adverto solùm ex Const. citatis obligari magis Superiores (nam emittenda est in manus eorum ) etenim subditus non potest aliter ad illam teneri , quare illi considerent suum statum , ubi negligunt exequi tam salutare præceptum .

5 D. Christianus per accidens tenetur nè unquam ex præceptis Ecclesiæ ad hanc professionem externam ?

B 2

M.Ex

M. Ex dictis nu. 1. fieri potest verbis, & signis, dicta c. 1. a n. 24. ostendunt ratione symboli &c. pluriès per accidens teneri Christianos ad hanc externam professionem; ex his deducet alios casus, in quibus per accidens tenetur; sed, & non pauciores, in quibus tenetur per accidens factis exprimere hanc fidem, ut quotiès tenetur in Missà, vel Officio Sacerdos munire se signo Crucis: genuflectere coram Sanctissimo &c. quæ sunt facta de se protestativa fidei, licèt non semper præcipiantur in protestationem fidei: etenim si hoc modo præciperentur, vel communiter acciperentur, illa omittere, semper esset mortale, nec daretur parvitas materiæ.

### C A P U T III.

*De Donis Intellectus, & Scientiæ, correspondentibus virtuti Fidei.*

I **D**icta in præcedentibus de actu interno, & externo fidei, multum profunt, ut per rationis inquisitionem homo possit elicere ambas præmissas syllogismi operativi, universalem, & particularem; ita v.g. syllogizans: *Quandocunque instat obligatio eliciendi actum fidei, est eliciendus: At hęc, & nunc instat obligatio, ergò hęc, & nunc est eliciendus.* Et illuminant pro utraque, sed principaliter pro secundà particulari. Quia verò ex p. 1. ca. 38. n. 5.

n.5. speculativa simul, & practica sunt dona Sancti Spiritus, æquè principaliter conferent ad utramque præmissam.

2 D. Explica, quid sit donum Intellectus?

M. Antequam eliciam hunc actum Fidei, *Credo Trinitatem, quia Deus revelavit Ecclesiæ Catholicæ, & per hanc mihi proponitur*, debeo percipere terminos hujus actus, nempe, quid significetur nomine Trinitatis, quid nomine Ecclesiæ Catholicæ, uti antequam judicem, *Hæc domus est aliquod totum respectu mansionum*, debeo intelligere, quid sit totum, quid pars; id habeo per intellectum, qui est habitus primorum principiorum naturalium: Antequam credam Petro dicenti, se vidisse Viennam, debeo percipere, quid sit Vienna, quid sit videre; an accipiatur, ut videre dicitur de intellectu, vel de oculo corporeo: Illos terminos, *Trinitas, Ecclesia Catholica &c.* percipio per donum Intellectus, quâ est speculativus; & per idem, quâ practicum, & correspondens synderesi, percipio dari præceptum eliciendi prædictum actum. Non intelliges primo vim hanc donorum, quia de illis neque Scholastici, neque Morales tractant; sed relege sæpius dicta, nam explicata sunt omni claritate, ac brevitate possibili: quæ non percipis hic, lege in S.Th. q.8.

3 D. Intellectus præcedit actum fidei; hoc est contra S. Th. qui ponit dona solum in habentibus gratiam; tu autem ponis etiam in

catore fidei; imò, & in eo infideli, qui nondùm habet actum fidei, sed disponitur ad ipsam?

M. Habitus donorum certè sunt solùm in habente gratiam; sed actus imperfecti in lineâ donorum, reperiuntur etiam in peccatore fidei, & in disponente se ad fidem: Hic debet percipere terminos, quos ponit in suo actu fidei: Vide p. 1. c. 33. nu. 3. S. Th. q. 8. a. 5. ad 1. expressè agnoscit hunc actum imperfectum, ut dispositionem ad actum fidei.

4 D. Extat nè præceptum habendi aliquandò actus doni Intellectus?

M. S. Th. qu. 19. art. 2. sollicitus ostendere, quod fuerit in lege veteri, concludit: *Hæc abundantius in novo Testamento, tam in doctrinâ Evangelicâ, quàm Apostolicâ, leguntur.* Quatuor sunt actus doni Intellectus: primò, accipere terminos credendos, ut, cùm opus fuerit, circa illos eliciamus actum fidei: secundò, ita accipere, ut de illis instruamus alios (Circa hunc Trid. sess. 23. c. 14. de ref. vult probari per Episcopi examen idoneos, quoscunq; ordinandos in Sacerdotium: ) tertio, ut ea meditemur per studium: quartò, ut conservemus memoriter: Primus præcipitur Matth. 17. *ipsum audite*: secundus Marc. 16. *Prædicare Evangelium omni creaturæ*: tertius Luc. 21. *Attendite, nè fortè graventur corda vestra* &c. quartus Jo. 15. *Mementote sermonis mei.*

5 D. Hoc præceptum doni Intellectus obligat nè per se, an per accidens?

M. Per



M. Per accidens ratione actus fidei, quem pe se tenemur elicere, nec possumus, nisi percipiamus objectum, circa quod eliciendus est.

6 D. Quid est donum Scientiæ?

M. Ad actum fidei Theologicæ non sufficit percipere terminos, v.g. quid sit Christus, & quid esse crucifixum: si audio proferentem, quod Sol in meridie non luceat, percipio terminos propositionis, nec tamen assentior, imò illud derideo, quia scio esse impossibiles prædictos terminos; si quis mihi asserat se fuisse Viennæ, percipio statim terminos, at non statim credo, nisi constet mihi, quod ille sit veridicus, vel alia adducat argumenta, quæ id reddant credibile. Sic, ubi à Concionatore percepi, quid sit Christus, & quid fuisse crucifixum, nisi constet mihi, quod sit verax Deus loquens per Concionatorem tanquam per instrumentum, vel nisi adducas motiva credibilitatis posita c.1. n.13. non judicabo: & si quidem scio reducens in veracitatem Dei, est donum Sapientiæ, de quâ cap.13. si propter signa credibilitatis est donum Scientiæ: Actus quorum donorum sequitur actus fidei credens, *quia Deus revelavit &c.* Dicta de dono Intellectus applica dono Scientiæ. Imò quartus actus Intellectui tributus, magis propriè convenit Scientiæ. Objecta autem materialia, de quibus debet esse donum Scientiæ, numerata sunt c.1. à n.16.

7 D. Quæ Beatitudines, & fructus cor-

respondent duobus hisce donis?

M. Ex q.8. a.7. dono Intellectus correspondet sexta Beatitudo : *Beati mundo corde, quoniam ipsi Deum videbunt* . Dono Scientiæ, ut qu.9. a.4. tertia : *Beati, qui lugent, quoniam ipsi consolabuntur* . Ex fructibus fides correspondet utrique dono : scitò in fructibus venire non actum, sed quandam certitudinem, unde Christianus, vi talium donorum, est certus vera esse, quæ credit, & ad quæ credenda dirigitur dono Intellectus, & Scientiæ .

## C A P U T IV.

*De peccatis commissionis per se oppositis  
virtuti Fidei .*

1 **U**T efformetur hic, & nunc rectum dictamen, seu conscientia de fide, homo debet per rationis inquisitionem scire etiam actus oppositos ; nam opposita juxta se posita magis elucescunt . Alii opponuntur privativè, alii contrariè : opponuntur privativè peccata omissionis, quando omittimus ponere actus hic, & nunc præceptos . Opponuntur contrariè peccata commissionis . Præcedenter dicta sufficiunt, ut efformemus rectam conscientiam quoad fugienda peccata omissionis contra fidem : Ut recta efformetur circa peccata commissionis, distingue peccata per se opposita, & per accidens ratione periculi, quod immineret fidei : de his agam c.5

2 Quot

2 Quot sunt specie peccata contrariè , & per se opposita fidei ?

M. Primum est Paganismus , quo nolumus credere mysteriis revelatis , neque in suâ veritate manifestatis per testamentum novum, neque in figurâ propositis in veteri : Secundum est Hæbraismus, quo recipimus figuras Testamenti veteris , sed nolumus credere veritati revelatæ per Jesum Christum, & per Spiritum Sanctum Ecclesiæ : Tertium est hæresis , quâ credimus aliquas ex prædictis veritatibus , non omnes . Hæ tres opponuntur actui interno fidei . Quartum est blasphemia hæreticalis opposita actui externo, tamen cum S.Th. agemus de blasphemiâ in generali . Quintum est Habetudo sensuum ; & sextum cæcitas mentis : hæc duo opponuntur dono Intellectus : septimum est ignorantia rerum fidei , opposita dono Scientiæ , de quâ sufficienter dictum est p.1. cap.35.

3 D. Peccata opposita actui interno vocantur omnia nomine generico , Infidelitas : At dic specialiter de hæresi , super quâ instructus , cognoscam cætera non ita in Christianis obvia ?

M. Est error in intellectu Christiani cum pertinaciâ in voluntate circâ aliquem articulum fidei : Est error , quare non sufficit ignorantia : vide p.1. c.35. n.1. Est error cum pertinaciâ : Hec extat, quando sciens homo Christianus Ecclesiam aliquid definivisse , vult te-

ne-

nere contrarium: Ambo ad hæresim requiruntur; unum sine alio non sufficit. Rusticus credens Christum non esse totum sub utraque specie, sed ignorans, quod id Ecclesia definierit, est hæreticus materialiter, & etiam sine peccato. At si sciat Ecclesiæ definitionem, & per unicum instans id credat, est hæreticus formaliter.

4 D. Petrus non absolutè discredit, sed dubitat, sciens tamen Ecclesiam definivisse contrarium, quod peccatum committit?

M. Si voluntariè dubitat, etiam per unicum instans, est hæreticus formaliter, quia, *dubius in fide est infidelis*; nam habet errorem cum pertinaciâ: Error est omnis conceptus, quem de re habemus contra id, quod debemus.

5 D. Credidit contra fidem, sed negat se pertinacem, quia ignorabat definitionem Ecclesiæ?

M. Ex p. 1. c. 35. nu. 8. habes, quomodo procedas cum pœnitente, qui allegat ignorantiam invincibilem de mysteriis Fidei; eodem modo procede cum allegante ignorantiam definitionis Ecclesiæ. Et pro hæresi est regula S. Th., tùm 1. p. q. 32. a. 4., tùm hic q. 11. a. 2. ad 3. Si discredo articulum obvium, & facilè cognoscibilem, hoc ipso, quod illum discredo, est cum pertinaciâ; etenim non ignoro invincibiliter Ecclesiam definivisse talem articulum, qui mihi propositus fuit per Ministros Ecclesiæ: si non sit obvius, nec expressè definitus,

tunc



tunc ante definitionem expressam non erit hæreticus formaliter, qui contrarium senserit, Hac methodo quotidie procedit Ecclesia. Quosdam articulos proponit, ut Catholicos, non tamen declarat hæreticos, qui contrarium senserunt ante definitionem. Ut ergo recte judices, semper in particulari confidrà, & interrogà pœnitentem, ubi non explicat; præ omnibus consule Ministros S. Tribunalis, apud quos videbis plura definita judicio authoritativo, quæ tunc poteris determinare doctrinali.

6 D. Est nè unicum specie peccatum hæresis, an multiplex, itaùt pœnitens teneatur aperire in confessione, cui adhæserit?

M. Est specie multiplex: Peccata diversificantur specie per diversitatem objecti, cui adhæreo, & ita S. Tribunal in praxi exigit, ut explicentur varieg hæreses. Huic praxi Ecclesiæ te conformabis: Distinguuntur autem specie, quando sunt contra specialem articulum. Ut cognoscas, quando veniant sub speciali articulo, vide q. 1. a. 6. & 8.

7 D. Apostasia est nè species infidelitatis distincta à reliquis?

M. Ex q. 12. distingue tres Apostasiæ species: prima est, cum initiatus Ordine sacro, relinquit habitum suum animo non amplius vivendi vitam Ecclesiasticam sibi debitam: secunda, cum relinquit eodem animo habitum regularem: tertia, cum professus fidem Catholicam, ab eâ desciscit; & vide, an amplectatur hæresim,

sim, an Hæbraïsmum, an Paganismum : quòd quis primò professus fuerit fidem Catholicam ex q. 12. a. 1. ad 3. non diversificat speciem; est circumstantia aggravans; quare aperienda in confessione, quia variat iudicium Confessarii; & aperiendum, si pluriès apostatavit, & pluriès rediit.

8 D. Explica quartum peccatum, quod dicitur blasphemia, opposita actui externo, prohibeturque secundo Decalogi præcepto?

M. Blasphemia opposita actui externo fidei est hæreticalis; At S.Th. q. 13. & 14. agit de omni blasphemîa, cum quo dic, blasphemiam esse convicium in Deum, vel Sanctos: si solum corde concipitur, erit blasphemia cordis; si ore profertur, blasphemia oris; si factò quis convicietur Deum, vel Sanctos, blasphemia operis. Sivè sit in Deum, sivè in Sanctos, est ejusdem speciei. S.Th. q. 13. a. 1. ad 2. Distinguitur simplex ab hæreticali; & simplex opponitur virtuti Religionis. Hæreticalis addit suprà simplicem, quòd affirmet aliquid contra articulos fidei; quare dicens: *Deus est maledictus*, profert blasphemiam hæreticalem; dicens: *Deus sit maledictus*, profert simplicem, quia non affirmat, sed tantum optat.

9 D. Nulla est differentia inter blasphemiam hæreticalem, & hæresim?

M. Est maxima: Possum injuriari Petrum, vocando furem, sed non credendo, & possum vocare credendo, quòd sit fur: hæc secunda est

est major injuria , quàm prima . Applica hæc Deo , si dico : *Deus est injustus* , non credendo , hæreticaliter blasphemio : si credo , sum hæreticus ; quare , cùm poenitens se accusat , interroga , si crediderit etiam pro uno instanti ; nam tunc est hæreticus : hæresis enim , ut alia peccata , committi potest in uno instanti , si sciam , Ecclesiam definivisse contrarium .

10 D. Ut blasphemia sit peccatum mortale , requiritur nè animus conviciandi Deum ?

M. Ex qu. 13. a. 1. ad 1. sicut ad peccatum mortale furti non requiritur animus formalis displicendi Deo , aut proximo , sed sufficit advertere , quòd res sit alterius ; ita ad mortale peccatum blasphemiae sufficit advertere , quòd verba sint Dei convicium : qui habet illum animum , committit duo peccata ; alterum odii contrà charitatem , alterum blasphemiae contrà religionem , vel contrà fidem , si sit hæreticalis .

11 Ex n. 8. est blasphemia cordis , oris , & operis : mihi videtur tantùm una oris ?

M. Antequam proferas , v. g. *Deus sit maledictus* , habes hunc conceptum in corde : si ergò non proferas exterius , erit blasphemia cordis : Blasphemia operis esset , quandò quis ex c. 2. n. 3. obligatus factò profiteri fidem , omitteret cum injurià Dei .

12 D. Quæ sunt opera de se injuriosa Deo , ut propterea dici possint blasphemiae ?

M. Omne peccatum est injuriosum Deo , sed ali-

aliqua sũt de se specialius injuriosa; & sunt sex, vocanturq; blasphemix in Spiritum Sanctum : prima est *Desperatio* opposita virtuti Spei : secunda *Præsumptio* eidem Spei opposita : tertia *Impænitentia*, seũ propositum formale non pænitendi, opposita virtuti Pænitentix : quarta est *Obstinatio* : differunt Impænitentia, & Obstinatio, quòd illa firmat se in peccato, esto videat, & consideret damna peccati, præsertim Infernum : ista firmat se in peccato, considerans delectationem ex peccato. Obstinatio non est species peccati, sed circumstantia notabiliter aggravans quancunque speciem peccati, S.Th. q.88. a.6. in fin. Quinta est *Impugnatio Veritatis agnitæ* : non est determinata species peccati, sed diversa, juxtà diversas formaliter veritates, quas impugnat : sexta *Invidentia fraternæ gratiæ*, quà quis, ait S.Th. qu.14. a.2. *invidet gratiæ Dei crescenti in mundo*; & juxtà diversitates gratiarum, erit diversum specie hoc peccatum, v.g. si trister, quòd aliquis sit justus per gratiam sanctificantem, vel quòd habet gratiam gratis datam miraculorum. Peccata rarissima, sed si contingant, inquire speciem omnem specialissimam : quomodò de se sint specialius injuriosa Deo, explicat S.Th. qu.14. Vide ipsum, qui a.2. ad 4. schisma reducit ad invidentiam : Omnes hæ blasphemix sunt contrà dona Spiritus Sancti.

13 D. Explicà ultima duo peccata ?

M. Hebetudo sensus, & cæcitas mentis oppos-



ponuntur fidei, quatenus opponuntur dono intellectus, cujus aliquis actus præexigitur ad eliciendos actus fidei. Ex c. 3. n. 2. donum Intellectus in eo consistit, ut percipiantur termini propositionis, quæ creditur: In corporalibus dicitur cæcus, qui nihil omnino videt: hebes visu, qui non distinguit objecta, quantum debet. In spirituali dicitur cæcus mente, qui nullatenus percipit terminos, quos debet percipere in judicio formando per donum intellectus: Hebes sensu, qui non distinguit, ut debet: Donum intellectus est simul speculativum, & practicum: Ut speculativum, debet percipere terminos hujus actus, v.g. *Christus est crucifixus*: Ut practicum, terminos hujus, v.g. *Ad promerendam vitam eternam requiritur mortificatio carnis*. Quoad primum, si nullatenus percipiat, ly *Christus* importare duas naturas, divinam, & humanam &c. erit cæcus mente: si percipiat, non tamen distinguat, uti debet, erit hebes sensu. Confessarii experiuntur hujusmodi morbis laborare plumes, quorum alii ad Confessionale approximant, uti narrantes historicè sua peccata, non perfectè percipientes, vel non videntes, quid intersit inter confessionem, & simplicem narrationem: alii communicant, non distinguentes inter Panem de Cælo, & panem communem, quoad dispositionem accipiendi. Videntur alii ad divina, velut somnolenti, ac lethargici. Confessor hos omnes reprehendat acriter, non

tamen damnet peccati specialis , nisi sciat ipsos advertisse , quòd facilè inciderent in hujusmodi hebetudinem , aut cecitatem , & cum hac inadvertentià neglexerint remedia , nè incurrerent . In istis casibus , & hebetudo , & cecitas essent peccata distincta , in confessione specialiter explicanda , quoad speciem , & numerum , vel saltem quoad tempus , quo permanserunt in illis , & poterant percipere juxta proprium statum , & de credendis , & de operandis , ut cognito tempore , Confessor possit habere numerum *circumcirca* . Ex c. 3. n. 4. dona nos obligant ratione fidei , vel operationum ad Christianos pertinentium , ideò peccata hebetudinis , & cecitatis multiplicantur numero , ut ratione , illorum , omittuntur actus præcepti .

14 D. Hebetudo hæc , & cecitas non videntur peccata inhumana , ut opponantur dono Intellectus ?

M. Sunt inhumana , ut Ignorantia , ex p. 1. c. 35. n. 19.

## C A P U T V.

### *De peccatis per accidens oppositis Virtuti Fidei .*

I **V**Oco peccata per accidens opposita fidei actiones , quas Ecclesia prohibet ratione periculi circa fidem . Peccat utique con-

contra fidem, qui exercens actionem aliquam, etiam indifferentem, cognoscit ex ea se constitui in periculo proximo hæresis, vel alterius ex enumeratis c.4. sed de his nunc non loquor. Prohibitæ sunt ex natura rei. Adverto solum, quòd non potest dari regula generalis ad dignoscendum, quæ importent hoc periculum proximum, Confessor considerabit circumstantias, statum personæ, si sit idiota, puer, fœmina, parùm firmus in fide &c. His esse potest proximè periculosa v. g. lectio alicujus libri, quæ talis non erit docto. Etsi conjiciat periculum hoc, debet prohibere talem lectionem, estò librum Ecclesia permittat universitati Christianorum.

2 Aliæ non important de sui natura periculum proximum, sed quia sunt multùm periculosæ, præsertim respectu multitudinis, illas Ecclesia absolutè prohibuit cuilibet fidei, determinando etiam aliquandò, quòd operans illas habeatur ut suspectus de fide. Loquor nunc de his, quæ ante prohibitionem vel erant permissæ, ut est lectio nonnullorum librorum, vel non prohibitæ, ut contra fidem, v. g. sollicitatio Confessoris in Confessione ad turpia. Lectio libri ante prohibitionem, licèt permissa cuicunque ex illa non incurrat periculum fidei: post prohibitionem, si declaretur doctrina esse contra fidem ( non tantùm contra bonos mores ) esset peccatum cuicunque legenti sine licentia, oppositum virtuti fidei, ad quam

pertinet ex determinatione illa Ecclesiæ: Sollicitatio ante Bullas, erat peccatum, gravissimum; sed per Bullas reductum est ad peccatum contra virtutem fidei.

3 Non enumero singulas, quia principales continentur in Edicto S. Inquisitionis, dandum cap. 6. Confessarii omnes debent frequenter legere, notando singulos apices, & verba semper in proprio sensu, ne ex una parte deficient suo muneri, in quo gravissimæ pœnæ Rei erunt apud S. Tribunal: ex alia ne gravent pœnitentes, obligando adire S. Tribunal, ubi verè non extaret hæc obligatio. Satiùs autem erit abundare, in mittendo illos: Tribunalis Ministri optimè conscii suarum facultatum, antequam in particulari, & judicialiter accipiant delictum, interrogant minutè denunciantem, & dimittunt, si comperiant non esse suæ jurisdictionis. In dubio nihil agat Confessor sine consilio Tribunalis.

4 D. Quare Ecclesia prohibuit tot actiones contra fidem, paucissimas contra alias virtutes?

M. Quia gerit se more Sapientis Architecti, & Medici. Architectus principaliter insistit, ne fundamentum patiat; Medicus principaliter curat morbos, qui sunt circa cor. Ambo invigilant contra omne periculum, etiam non proximum, quod immineat, quia fundamento nutante, & corde infecto, sequitur ruina, & mors. Fides est fundamentum ædificii, &

cor



cor vitæ spiritualis . Eodem spiritu , procede  
tu , avertens à pœnitentibus omne periculum  
circa doctrinam fidei .

5 D. Opera in edicto Inquisitionis con-  
tenta spectant ad præceptum negativum Ec-  
clesiæ , quo illa prohibuit , & per suam deter-  
minationem posuit sub numero peccatorum fi-  
dei oppositorum ; extatne præceptum affirma-  
tivum , quo posuerit aliquam actionem sub  
virtute Fidei , adeò ut ejus omissio sit contra  
fidem ?

M. Extat : nam obligamur denunciare ,  
quos cognoscimus reos contra tale edictum .  
Circa quam obligationem, noto sequentia: Pri-  
mò, non omnia peccata in edicto contenta sunt  
reservata : v.g. superstitio, blasphemia hæreti-  
calis, sollicitatio Confessoris à quolibet absol-  
vi possunt , nisi specialiter Episcopus reservet ;  
tamen , reus sacramentaliter absolutus , judi-  
cialiter damnabitur ad triremes, vel alias pœ-  
nas contra ipsos inflictas ; secundò , ubi pœni-  
tens se accusat de criminibus in Edicto con-  
tentis ( & aliàs non reservatis ) Confessor sua-  
vibus, & efficacibus verbis, ostendat, pro eva-  
dendis pœnis, nullum aliud remedium extare.  
quam immediatè spontaneum comparere co-  
ram Tribunali . Summa enim misericordia  
suscipit spontaneè comparentes, dummodò non  
sint diminuti , sed omnia ultrò fateantur con-  
tra Edictam commissa , priusquàm juridicè  
denuncientur . Imò ubi reus integrè compa-

ruit spontaneè ; etiamsi subsequenter mille testes deponerent contra illum de crimine spontè confessio , & correctio per pœnitentias salutare orationum &c. Tribunal non ultra procedit. Saxeus profectò erit pœnitens, qui hæc audiens renuat comparere spontaneus: tertio, reus ipse non tenetur sub mortali ad denunciandum se ipsum: quarto, ex duobus complicibus alter sub mortali tenetur denunciare alterum, esto essent strictissimi consanguinei. Ne quid verò complex denunciatus patiat ex subsequutura confessione complicitis, Confessor hortetur, ut primò spontè compareat pro suo delicto, & secundò denunciaret complicem: quinto, in delictis huiusmodi non est præmittenda correctio fraterna: tum quia hæc præcedere debet, *si peccaverit in te* personam privatam frater tuus, non in Ecclesiam: tum quia suspectus de fide est suspectus, quòd nolit se subijcere iudicio totius Ecclesiæ, quomodo igitur sperare potes, quòd se corriget ob tuum privatum iudiciũ? & aliàs, ubi admonentur, est grande periculum, ne fugiendo, se subtrahant à pœnis promeritis, transferanturque ad inficiendas alias provincias: sexto, denunciandi sunt Confessores delinquentes contra Bullam *de sollicitatione*, quamvis unicum proferant inhonestum verbum, quod protulerint, sollicitati promissis, & minis à pœnitente. Quia solum Bulla est contra Confessorem, neque tenetur confiteri spontaneè suum crimen:

men; si Pœnitens ex simplicitate referat, non attenditur. Si petat, quomodo debeat se gerere in tali casu: respondeat Confessor, ut sincerè dicat à pristino Confessore dicta sibi esse talia, vel talia verba, quæ verè dixit, & in reliquis expectet interrogationes Inquisitoris, cui nunquam mentiatur: septimò, qui agnoscens reum contra hoc edictum, & sciens edictum, non satisfecerit infra triginta dies, præcepto in virtute sanctæ obedientiæ per illud lato, post dictum terminum, incidit in excommunicationem majorem reservatam Tribunali.

6 D. Potest ne fides periclitari aliter, quam modis in Edicto contentis?

M. Potest etiam ex modo loquendi. Ut ait S. Hieronymus. *Ex verbis incautè prolatis incurritur hæresis*. Propter eà aliquandò Ecclesia prohibet nonnullas locutiones, quæ possunt sumi in malam partem. Hoc modo S. Th. asserit prohibitam hanc thesim *Christus est creatura*. Plurimæ hodie turbæ vexant Ecclesiam ob nonnullos, qui volunt uti modo loquendi antiquo, à pluribus sæculis jam obsoleto. Id pœnitenti non permittat Confessor; exemplum Hieronymi proponat, qui nunquam usurpare voluit nomen *hypostasis*, quousque ab Apost. Sede certioratus non fuit de licito illius usu. Filius ita reveretur matrem carnalem, ut nullum addiscat idioma, quod reprobet mater. Pari pietate colenda est Mater Ecclesia.

7 D. Peccata fidei opposita, admittunt

nè parvitatem materiæ, vi cujus reddantur venialia?

M. De natura sua sunt mortalia, ut part. 1. cap. 34. nu. 6. Applicando hic doctrinam c. 36. dico parvitatem materiæ, non excusare, ubi quis omittit actum fidei pro tempore, quo præcipitur, uti neque si omittas denunciare suspectos de fide. Sed neque peccatum commissio- nis: imò irreverentia est major in Deum, quò leviora sunt, quæ non credit. Materiæ par- vitas excusabit, si quis unam, vel alteram li- neam lega libri Hæretici: dummodo ab sit omne periculum.

## C A P U T V I.

*Edictum Sanctæ Inquisitionis circa obliga-  
tionem denunciandi delicta spectantia  
ad ipsum Tribunal.*

**I**llud est hic inferendum, ut scias casus principales, in quibus, sub pœna ex- communicationis Ecclesia præcipit denun- ciandos Reos.





*Nos . . . divina misericordia S. R. E. Cardinales in tota Republica Christiana contra hæreticam pravitatem Generales Inquisitores ab Apostolica Sede specialiter deputati.*

2 **C**um longa experientia nobis constet, multos ex malitia, alios ex inobedientia. & alios ex ignorantia, non satisfacere obligationi, quam habent, denunciandi Sanctæ Inquisitioni delicta ad ipsam spectantia; ideoque contingere gravissima inconvenientia, & errores, non solum contra bonos, & Christianos mores, verum etiam contra Fidem Catholicam, Nos, quibus præcipue debet cordi esse Dei gloria, conservatio, & augmentum Fidei Catholicæ, & salutis Animarum, volentes providere tanto incommodo, Apostolica auctoritate Nobis commissa, præcipimus in virtute Sanctæ Obedientiæ, & sub pœna excommunicationis latæ sententiæ, præter alias pœnas præscriptas per Sacros Canones, decreta, Constitutiones, & Bullas Pontificum, tenore præsentis Edicti, omnibus, & singulis, cujuscunque status, gradus, conditionis, & dignitatis, Ecclesiasticæ, & Sacularis, ut infra mensem, cujus decem dies sint pro primo, decem pro secundo, & decem pro tertio termino peremptorio, ut denuncient; & juridicè notificent Sanctæ Inquisitioni, aut lacorum Ordinariis, omnes,

C 4

nes, & singulos . quos sciant , habuerint , vel habebunt notitiam .

3 Quòd sint Hæretici , aut suspecti , vel difamoti de hæresi, aut illorum credentes, fautores, receptatores, aut defensores; Adhæserint, vel adhæreant Ritibus Judæorum, Mahumetanorum , aut Gentilium , aut Apostataverint à Fide Christiana .

4 Quòd fecerint, vel faciunt actus, ex quibus argui possit pactum expressum, vel tacitum cum Dæmone , exercendo incantationes , magias , sortilegia, offerentes suffitum, incensum, ad inveniendum thesauros , & alia , petendo responsa illorum , invocando , & promittendo obedientiam , consecrando pentaculos , libros , enses , specula , & alia , in quibus interveniat nomen, & opera ipsius .

5 Quòd se ingesserint, aut ingerant in experimentis Nicromanticis, aut Magicis cujuscumque generis, ingrediendo circulos, faciendo experimentum Amphoræ, aut Cribri, ad inveniendos thesauros , res occultas , furto ablatas , aut amissas , vel faciendo similes actiones superstitiosas ad alios fines, maximè, cum abusu sacramentorum , rerum sacrarum, aut benedictarum .

6 Quòd absque debita licentia retineant scripta continentia hæreses , aut libros Hæreticorum tractantes ex professo de Religione, illos legerint , tenuerint , impresserint, aut imprimi fecerint, vel legant, teneant, imprimant,  
aut

aut imprimi faciant , introducant , aut defendant sub quovis prætextu , & colore .

7 Quòd habeant libros Nicromanticos , Magicos , aut continentes incantationes , sortilegia , & similes superstitiones , maximè cum abusu rerum sacrarum .

8 Quòd contra votum solemne factum in Religione approbata , aut post susceptos Ordines sacros contraxerint , aut contrahant matrimonium .

9 Quòd prima uxore vivente , nubant alteri , vel primo vivente marito secundum accipiant .

10 Quòd contra decreta , & Constitutiones Apostolicas abusi fuerint , vel abutantur Sacramento Pœnitentiæ , utentes Confessione , & Confessionali ad fines inhonestos , sollicitando Pœniteztes in ipsis ad turpia , & cum his differentes de rebus illicitis , & inconvenientibus fini , propter quem fuit institutum .

11 Quòd protulerint , vel proferant blasphemias hæreticales contra Deum , & B. Virginem , & Sanctos , aut procedant ad aliquem actum offensionis , & contemptus contra imagines , & figuras idem representantes .

12 Quòd induxerint aliquem Christianum ad Judæismum , aut aliam sectam Fidei Catholicæ contrariam , aut impediaverint à baptismo Judæos , vel Turchas .

13 Quòd non ordinati Sacerdotes , ausi fuerint sacrilegè , aut audeant celebrare , est

non

*non protulerint verba consecrationis, aut præsumpserint ministrare sacramentum Pœnitentiæ Christianis, etiamsi actu non absoluerint.*

14 *Præterea declaratur, quòd qui, juxta præsens edictum, non denunciabunt, à nemine absolvi possunt, nisi à Sancto Officio, postquam in eo juridicè denunciaverint delinquentes; nec possint satisfacere huic obligationi per scripta, vel epistolas absque nomine, & cognomine Authoris, vel aliis modis incertis, quorum nulla habetur ratio in Sancto Tribunali.*

15 *Ulterius declaratur per supradictam expressionem casuum, ut supra commemoratorum, non excludi alios casus ad Sanctum Officium spectantes, & comprehensos in Sacris Canonibus, Constitutionibus, & Bullis Pontificum. Nec presenti Edicto intelligatur derogatum aliis provisionibus Canonicis, & Apostolicis, neque aliis edictis Ordinariorum, & Inquisitorum.*

16 *Et ne presentis Edicti possit ignorantia obtendi, præcipimus affigi per consueta loca Urbis, & notificari Episcopis Urbium Romæ vicinarum, in quibus non adsunt Inquisitores, ut illud publicent, ordinentque suarum Diæceseon Parochis illud legere quotannis primis Dominicis Adventus, & Quadragesimæ; quod pariter fieri volumus à Parochis, & Regularibus Urbis, in propriis Ecclesiis, tempore majoris concursus populorum; & postea illius exemplar affigi in Ecclesiis, & Sacristiis.*



## CAPUT VII.

*De Absolutione à peccatis contra  
Fidem.*

1 D. **Q**uis absolvit à peccatis omissionis,  
contra fidem?

M. Nullum ex his invenio reservatum, nisi peccatū omittentis denunciationem debitam ex præcepto Ecclesiæ; nam sciens edictum, & aliquem peccasse contra illud, si omittat denunciare per triginta dies: post illud tempus incurrit excommunicationem reservatam S. Tribunali, à qua nec in Jubilæo potest absolvi, nisi si prius denunciaret.

2 D. Est nè reservatum aliquod peccatum commissionis oppositum fidei ex præcepto Ecclesiæ?

M. Bulla Cœnæ §. i. reservat peccatum, quòd quis committit modis, ibi explicatis circa libros quosdam. Debent primò esse Hæreticorum; secundò continere hæresim, vel etiam si non contineant hæresim, & sint Hæreticorum, si tractent de Religione, hæc interroga particulariter, si pœnitens non sufficienter se explicet: secundò quicumque peccant contra septimum §. quem diligenter sæpiùs leges.

3 D. Est nè reservatum aliquod peccatum ex illis, quæ per se opponuntur fidei?

M. Ex

M. Ex c. 4. n. 2. septem peccata per se opponuntur fidei. Tria prima sunt reservata in §. 1. quartum, blasphemia hæreticalis, non est reservata Romæ, sed solent reservare Episcopi: vide Diœcesis casus reservados.

4 D. Intelligitur nè in dicto primo §. reservata quælibet hæresis.

M. Alia est merè interna, & alia etiam externa: Qui verbo profert errorem contra fidem, est blasphemus hæreticaliter, si non credit: si credat, sed sine pertinacia, quia ignorat invincibiliter contrarium fuisse definitum ab Ecclesia, ubi hæc ignorantia potest admitti, est hæreticus materialiter, & non peccat, nisi quousque adjungat pertinaciam: ubi hæc adjungitur, est hæreticus formaliter, & externus, etiamsi proferat nemine audiente, nec valente audire, etiamsi non proferat ore, sed tantum scribat, vel faciat aliud signum externum, sufficiens ad exprimendum, quod ipse taliter credat; & quicumque sit, comprehenditur in dicto primo §. Si verò sit hæreticus tantum mentaliter: non incurrit excommunicationem, & potest absolvi à quolibet, quia Ecclesia non judicat de internis.

5 D. Potest nè hæresis externa absolvi saltem virtute Jubilæi?

M. Vide dicta p. 1. c. 21. n. 5.

6 D. Petrus externè amplectitur sectam Mahometi, sed in corde retinet fidem, est nè excommunicatus?

M. Non,

M. Non , sed à quocunque absolvi potest : In foro tamen externo ad cautelam absolvitur ab excommunicatione , debetque denunciari , ac si vult effugere pœnas, comparere spontaneus, vide part.1. cap.19. num. 3. & hic cap.5. num. 5.

7 D. Quas pœnitentias imponam pro peccatis contra fidem ?

M. Vide dicta p.1. c.13. n.19.

8 D. Adsunt nè Theses prohibitæ circa fidem , & peccata illi opposita?

M. Quoad objectum formale , quod est revelatio divina facta Ecclesiæ Catholicæ, & per hanc nobis proposita , vide 23. Inn.XI. Quoad materiale credendorum, vide 26. quoad actum internum, vide primam Alex. VII. 16. 17. 19. 20.21., & 65. Innoc. quoad externum, vide 18. Innoc. ; quoad ignorantiam oppositam dono Scientiæ vide 64. ejusdem : quoad præceptum affirmativum denunciandi, vide 5.6. & 7. Alex. VII. Quæ tangunt absolutionem ad hæresi habes p.1. c.18. n.23.

## C A P U T VIII.

### *De Virtute Spei , & ejus Actibus.*

1 **F**ormato recto dictamine circa secundam præmissam particularem syllogismi operativi in materia fidei , quæ est prima virtus , procedo ad ea , quæ possunt ordinare  
fimi-

similem præmissam in materia secunde, scilicet, Spei.

2 De hac, ut est passio appetitus sensitivi, vide p. 1. c. 32. Virtus Theologica, residet in voluntate, & procedit hoc modo. Justificandus ex Trid. sess. 6. c. 6. ante omnia debet credere *vera esse, quæ divinitus promissa sunt.* Hic est actus fidei circa Deum Remuneratorem (& fuit necessarius in omni lege) Perceptis terminis importatis in Deo Remuneratore, nempe, vita æterna gloriæ, & gehennæ, cognitisque proprietatibus utriusque, & quod gloria sit maximum bonum, inclinatur voluntas, ut complaceat, & desideret hanc gloriam: hæc complacentia, & desiderium sunt actus Voluntatis, ut est Concupiscibilis; Quia deinde cognoscit hoc bonum esse arduum, Voluntas, ut Irascibilis, per spem firmatur in tali desiderio.

3 Spes ista respicit quatuor causas nostræ salvationis: primò finalem, quæ est ipse Deus: nam speramus consequi Deum, licet id, quo consequimur Deum, sit visio beata: secundò efficientem, quæ dabit ipsum finem, & media pro consequendo fine: hæc etiam est ipse Deus: tertio causam formalem, seu motivam; à qua movemur ad sperandum, quod Deus poterit, & volet dare nobis se ipsum: Hæc est ipse Deus sub ratione duplicis attributi, ut est Omnipotens, qui potest, & Misericors, qui vult dare nobis beatitudinem: quartò causam

in-



instrumentalem. Hæc est aliquid creatum; & alia est necessaria omninò, alia utilis: necessaria est duplex, gratia Dei, tam actualis, quàm habitualis, collata nobis per Christum; es nostra bona opera facta per illam gratiam. Utilis sunt orationes Sanctorum, & quædam superogationis opera, ut facere eleemosinam, quando non est in præcepto &c. Necessaria, debemus comprehendere in ipso actu Spei, vide *Instr. Cler.* c. 6. n. 11. ideo semper proponenda sunt opera bona; & est differentia inter Spem, & Charitatem: Ista nunc facit saltèm aliquem actum bonum, nempe, Contritionem: Illa proponit pro futuro.

4 D. Tenemur nè præcepto affirmativo ad aliquem Spei actum?

M. Juxta dicta de fide c. 1. n. 19. tenemur primò: cum pervenimus ad usum rationis: secundò, in articulo mortis: tertiò, quinquies, vel sexies in anno.

5 D. Sunt nè præcepti nobis à Christo aliqui particulares actus Spei?

M. Ex p. 1. c. 35. n. 5. tenemur scire, & aliquoties recitare orationem Dominicam: Ex 2. 2. q. 83. a. 1. ad 1. oratio est interpret desiderii; quòd si sit de bono arduo, firmatur per spem: quare quæ sunt petitiones orat. Dominicæ, tot in nobis præcedunt actus Spei, & quia obligamur ad orationem Dominicam, obligamur etiam ad Spem.

6 D. Universitas Christianorum obligatur

tur nè ex præcepto Ecclesiæ ad actum Spei ?

M. Nullum super his invenio Ecclesiæ præceptum per se obligans ; ob rationem de fide adductam c. 1. n. 31. Per accidens obligantur ex præcepto audiendi sacrum , cujus orationibus non possunt consentire , nisi sperent : ex præcepto confitendi , quod ut impleatur , coniungi debet cum spe veniæ : ex præcepto communicandi , quod fit cum spe gratiæ . Catechumenus toties obligatur , quoties ante baptismum , tenetur recitare orationem Dominicam . Ecclesiasticus quoties in officio , obligatur ad hanc , & ad Salutationem Angelicam , quæ ex *Instr. Cl.* c. 8. n. 17. tota est actus Spei . Obligatur Sacerdos , quando tenetur celebrare , tum propter orationes , tum propter Symbolum Nicænum ; in quo ex q. 17. art. 6. ad 2. dicens : *Expecto resurrectionem mortuorum, & vitam venturi sæculi* , fidem de duobus hisce mysteriis manifestat per actum Spei . Hæc de Spe ; cætera vide apud S. Th. q. 17. & 18.

## C A P U T I X.

### *De Dono Timoris.*

**Q**uia non potest sciri species , nisi sciatur genus , sub quo continetur , S. Th. qu. 19. explicaturus donum Timoris , explicat timorem in genere . Quintuplex est Timor : primus naturalis , quando quis ex apprehensione

sione mali contristantis naturam, refugit illud per actum Irascibilis . Hoc modo bruta cognoscentia cognitione sensitiva mortem esse maximum malum, refugiunt ; & homo refugit per voluntatem ad cognitionem intellectivam, antequam incipiat ratiocinari, an sit subeunda ob bonum virtutis . De hoc timore S. Th. 1.2.q.41.a.3.

2 D. Quomodo vocatur secundus Timor?

M. Mundanus : Prima omnium passionum est amor : ex isto profluunt cæteræ . Igitur iudicium de timore sumendum est ex amore , à quo procedit, eritque timor mundanus , si procedat ex inordinato amore temporalium . Timebat, ac fugiebat mortem S. Athanasius; at non timore mundano, quia non ex amore inordinato vitæ, sed ut obediret Christo Matth. 10. *Cum vos persequentur in istà civitate, fugite in aliam.* Christiani timore persecutionis negantes Christum, mundanè timent, quia inordinatè, & plus quàm amanda sit, amant vitam . Mundanus est timor Confessoris, qui nè perdat pœnitentem, connivet illius peccatis, & quærit opiniones laxiores, ut illum possit absolvere, quando est in occasione proxima &c. Hinc timor prohibetur per accidens ratione inordinati amoris, à quo procedit; quare erit peccatum mortale, si talis sit amor: veniale, si venialis amor; & ut amor temporalium admittit parvitatem materiæ, ita Timor; nec obligatur pœnitens ad dicendum in confessio-

ne, quòd ex timore mortis negaverit, v. gr. fidem, sed sufficit accusare, quòd negavit fidem. S.Th. q.19. a.3.

3 D. Quomodò vocatur tertius Timor?

M. Servilis ; & est , quando quis timet pœnâm cognitam per fidem ex revelatione divina imminere peccato . S. Th. art.2. ad 4. Iste , si excludat voluntatem peccandi, est supernaturalis, & bonus , quia regulatur à fide , quæ est principium supernaturalitatis p.1. c.13. nu. 3. Non excluderet voluntatem peccandi , si dicerem : *Doleo de peccatis ob metum gehennæ , sed, si non esset gehenna , non dolerem.* Est donum Spiritus Sancti , sed nondum inhabitantis, ex Trid. sess. 14. cap.4. propterea est actus imperfectus doni Timoris , ex his actibus, qui sunt habitus , sed nondum habentis habitum ; & procedit ex bono amore, quo quis amans se ipsum, refugit sibi tam grande malum; ad quem amorem tenemur. Quia timor iste dicitur principaliter respicere bonum proprium , explico, quomodò possit esse bonus . Homo timeas gehennam , vult suum bonum , sed non ut ultimum finem: actus enim supernaturalis , & bonus respicit Deum , ut ultimum finem; & esset peccatum mortale, si respiceret se, ut ultimum finem: quare dicitur respicere principaliter se, quia non habet Deum, ut finem suæ totius vitæ , sed solum in illo actu timoris ; quo modo justus , dum venialiter peccat , respicit principaliter Deum: estò enim in illo actu respiciat se,



se, quia tamen iusti vita est adhuc habitualiter ordinata in Deum per gratiam sanctificantem, per hoc in peccato veniali respicit se minus principaliter, & magis principaliter Deū: & quando iustus timet gehennam, iste timor ex illa ratione respicit principaliter Deum. S. Th. a. 4.

4 D. Extat nè præceptum eliciendi actum timoris servilis?

M. Trid. sess. 6. cap. 6. ostendit nos obligari ad hunc timorem, quando volumus justificari. Non obligat per se, sed per accidens, ratione justificationis, ad quam est medium; quare omissio non est explicanda specialiter in confessione, sed sufficit, dicere, quod tempore debito, non se justificavit.

5 D. Quomodo vocatur quartus Timor?

M. Filialis: habet duos actus: primum, qui est revereri Deū: ex hoc procedit ad secundum, qui est fugere culpam ex amore Dei. Hoc est propriè donum Spiritus Sancti; quando ejus actus sunt perfecti, & sunt tales, quando sunt conjuncti cum habitu charitatis. S. Th. a. 5.

6 D. Quomodo vocatur quintus Timor?

M. Initialis. Est mixtum ex duplici timore, servili, & filiali: Filialis habet pro forma charitatem, ita ut homo perfectè per totam vitam se subjiciat Deo; Sæpè solus non est ita perfectus, ut simul sit cum habitu charitatis. Ut ad illum homo perveniat, assumit timorem servilem, etiam à Deo ordinatum ad charita-

tem, sed magis remotè ; atque ita simul juncti, ex conjunctione habent efficaciam producendi perfectam charitatem , quod neuter habet ex se solo. Idem videre est in naturalibus; Ignis parvus non habet ex se solo efficaciam producendi, aut conservandi calorem in aqua, si jungatur ferro calenti , uterque simul junctus possunt , quod neuter ex se posset . Invenitur iste timor initialis in habentibus charitatem incipientem : quare Trid. insinuat illum sess. 6. cap. 6. dum, memorato priùs timore servili , addit : Deum , *tanquam omnis justitiæ fontem diligere incipiunt* : & ex hac dilectione incipiente vult peccatorem moveri adversùs peccata per odium aliquod &c. S. Th. a. 2. & 8.

7 D. Trid. ad justificationem requirit timorem filialem perfectum : hic autem dicitur imperfectus : quare non sufficiet .

M. Ex a. 8. de timore differe , sicuti de charitate . Charitas viæ q. 24. a. 8. dicitur perfecta : primò, si homo sit totus Deo deditus , ita ut ex vi sola charitatis, homo adhæreret Deo, etiamsi nullus esset timor gehennæ, sicut in naturalibus ignis magnus ex se solo habet efficaciam calefaciendi aquam , estò non adesset simul ferrum calens . Timor ita perfectus non requiritur ad justificationem: secundò, charitas dicitur perfecta , quæ, licet ex se sola non habeat vim , ut homo adhæreat Deo , illam recipit ex consortio timoris gehennæ à Deo ordinati , ut medium pertrahendi nos ad suum

amo-

amorem, sicut ignis parvus dicitur perfectus ad calefaciendum, quando potest calefacere sufficienter ex consortio ferri calentis. Hanc perfectionem habet timor initialis.

8 Qui fructus, & quæ Beatitudo correspondent huic dono Timoris?

M. Prima, *Beati Pauperes Spiritu* &c. nam hoc donum subjicit perfectè hominem Deo; & paupertas in actu est humilitas subjiciens hominem Deo; Hæc expressa illis verbis est actus perfectissimus istius doni. Ex fructibus correspondent modestia, continentia, & Castitas; nam qui se subjicit perfectè Deo, moderatè utitur rebus externis. S.Th. a. 12.

## C A P U T X.

*De peccatis Commissionis oppositis Spei,  
& Dono Timoris.*

1 **P**Eccamus peccata negativè opposita Spei, & Dono Timoris: cum omittendo, violamus præceptum affirmativum. Posset dubitari, an quoties elicimus actum charitatis, præcedat actus Spei; & Timoris erga pænam. Innocent. XII. de anno 1699. prohibuit librum inscriptum: *Explication des Maximes des Saints* &c. in quo dicitur contineri hæc Thesis. *Datur habitualis status amoris Dei, qui est charitas pura, & sine ulla mixtione motivi proprii interesse. Neque timor pæna-*  
rum,

*rum, neque desiderium remunerationum habent amplius in eo partem. Non amatur amplius Deus propter meritum, neque propter perfectionem, neque propter felicitatem in eo amando inveniendam. Damnatio respicit asferentes dari statum, in quo ex vi status, animæ possent elicere actus charitatis absque ullo actu Spei, vel Timoris imperfecti, qui est Timor pœnarum: An Anima dari possit adeò perfecta, quæ in aliquo casu eliciat perfectum actum charitatis, sine prævio Spei, vel dicti Timoris, nec fuit quæsitum; neque debes inquirere: si casu aliqua accedat, erit tuum, nihil ex arbitrio gerere, sed consulere primò Judicem, & Doctorem à Deo constitutum, Episcopum, deinde alios viros doctos in Scholasticâ, & Mysticâ, quibus repræsenta statum, & perfectionem Pœnitentis, quoad omnes circumstantias, illorumque judicio, & orationibus pete illuminari, ut discernas, nùm illusa sit Anima, veltribuendum sit extraordinariæ Dei gratiæ, quòd eliciat unum, vel alterum actum perfectæ charitatis, absque ullo timore pœnarum, vel spe præmii, saltem virtualiter concurrentibus ad charitatem.*

2 D. Quot sunt peccata commissionis contrariè opposita spei, & dono Timoris?

M. Spei, opponuntur contrariè duo, desperatio, & Præsumptio: Dono Timoris Timor mundanus, de quo c. 9. nu. 2. quare nihil restat dicendum.



3 Quid est Desperatio, opposita Spei Theologicæ, & c.4.n.12. dicta est peccatum in Spiritum Sanctum?

M. Per hanc, ob difficultates, quas habebit in consequendo Deum, voluntas ut Irascibilis, hîc, & nunc assentit à se nullatenus consequendum; Christianus desperans credit Deum Omnipotentem, & Misericordem, causam nostræ salutis, ab eo dari media huic impetrandæ, sed concludit, quòd hîc, & nunc non præstabit hæc omnia sibi, per hunc syllogismum quatuor terminorum: *Deus non dat vitam æternam immerentibus, sed ego sum immerentis, ergo mihi non dabit vitam æternam.* Ita voluntas movetur ad actum desperationis; Syllogismus habet quatuor terminos: major intelligitur de immerentibus in morte, non de immerentibus hîc, & nunc; minor supponit pro immerentibus hîc, & nunc. Hoc peccatum oritur ex Accidia; est gravissimum, nec admittit parvitatem materiæ ex p.1. c. 36. n.6. non tamen est reservatum Papæ. An Episcopi reservent, vide casus reservatos propriæ Diœcesis, S. Th. q.20.

4 D. Quid est Præsumptionis peccatum?

M. Ex S. Th. q.21. a. 1. est duplex: aliud procedens à voluntate, ut Irascibili, per iudicium, quo hîc, & nunc judico aliquid possibile meis viribus, quod verè non est tale; Hoc opponitur Magnanimitati, ut suo loco. Aliud procedit à voluntate, ut Irascibili, per iudicium,

cium, quo hic, & nunc judico dandam esse mihi gloriam æternam per Dei potentiam, & misericordiam, sine respectu ad justitiam, quæ in adultis ordinavit dare gloriam per merita, & gratiam sanctificantem per dispositiones prævias; & præsumo, quòd dabit sine his meritis, & dispositionibus. Hoc oritur ex Superbia; est gravissimum, & in Spiritum Sanctum, non admittens parvitatem materiæ, quia qui in minimo nititur contra justitiam Dei, tollit omnem; non tamen est Papæ reservatum. Videns esse duplex specie, in confessione, cura explicari motivum præsumptionis, ut cognoscas speciem, & ex S. Th. q. 130. a. 1. ad 1. adverte in secundo contineri primum.

5 D. Quas pœnitentias imponam peccanti contra Virtutem Spei?

M. Nullas Ecclesia in particulari determinavit; quare dirigendi erunt juxta regulas generales Ritualis p. 1. c. 17. n. 23. quòd imponantur contrariæ peccatis. Omissio actuum Spei præceptorum provenit ex desidia, torpore, aut otio: quare maximè sunt objurgandi, utpotè qui deseruerint per longum tempus omnem orationem; ad devotionis studia sunt obligandi præcipuè ad orationem Dominicam, & Salutationem Angelicam. Desperantes, leniter tracta, retrahere à nimia consideratione propriorum criminum: attrahe ad considerationem infinitæ Dei misericordiæ; unde eliciant frequentiores actus Spei fundatos super

Om-

Omnipotentia, & Misericordia. Præsumptuosos acerrimè objurga, proposita severitate divinæ justitiæ, & impositis pœnitentiis gravioribus, ut ex justitia hominum judicare possint aliququaliter de divina. Ubi pœnitens peccavit ex timore mundano; more periti Medici, animadvertens radicem timoris esse amorem proprium, reduc primò hunc amorem ad debitam mensuram, ita, quòd amet se, subordinatè ad Deum, & principaliter pro vita æterna; Liberati à feбри vires considerat Medicus corporalis, & convalescenti præcipit parvum iter, nulla tractare negotia &c. si dùm convaluit, est complexionis adeò debilis, ut nequeat sine periculo magna tractare, interdiciuntur omnia, ex quibus timetur relapsus: ita spiritualis Medicus, huic pœnitenti explicet vim litteralem illius dicti: *Si quis venit ad me, & non odit patrem suum, & matrem, & uxorem, & filios, & fratres, & sorores; adhuc autem & animam suam, non potest meus esse discipulus.* Ubi præposuit Deum supra se, sed adhuc est debilis, utatur prudentia, ut suppl. q. 3. a. 1. ad 4. Non tentet actus voluntatis expressos, quibus declaret in particulari se subiturum hanc, vel illam pœnam potius, quàm reincidere in tale peccatum, ratione timoris; nisi esset in occasione proxima, quàm nequit aliter declinare, sed prohibeat tractare negotia, in quibus illum faciliè vincet timor mundanus, ut exercere officium Judicis, in quo deflectit à justitia ob timorem

morem Principis. Inducet, ut deferat patriam sub Hæretico constitutam Principe, cujus timore peccat contra fidem &c. si opus fuerit.

6 D. Adfunt nè Theses prohibitæ circa Virtutem Spei, Donum timoris, & peccata opposita?

M. Circa præceptum eliciendi actum Spei, extat prima Alex. VII. Circa ejusdem actus bonitatem moralem 10. Alex. VIII. & 13. circa Timorem servilem 14. & 15. ejusdem.

## C A P U T X I.

### *De Charitate, & ejus Objecto.*

1 **C**haritas est suprema virtus Theologica, imò finis omnium. Sed & Confessarii finis primarius debet esse, ut illam introducat in Penitentē, quò Judicis, Medici, sive Doctoris munus exerceat, qua propter de illa debet sibi comparare judicium rectissimum, primò per connaturalitatem, exercendo actus excellentissimos ejusdem, inter quos non infimum locum habet patienter adfistere Confessionali ad tollendas animas de potestate tenebrarum, & transferendas in regnum Dei: secundò per rationis inquisitionem, cognoscendo maximè naturam charitatis, objecta, actus, præcepta, & peccata opposita. S. Th. agnovit hanc necessitatem; proptereà agit de illa fusissimè à q. 23. ad 47. à quo seligam magis necessaria,

ut



ut formes secundam præmissam syllogismi operativi, rectum dictamen rationis ad concludendum, quando aliqua actio sit verus actus charitatis, quando sit elicienda, erga quos &c. Majoris claritatis gratia hæc agam capitibus distinctis.

2 D. Quid venit nomine Charitatis?

M. Primò habitus à Deo infusus, vi cujus postquam intellectus cognovit Deum esse summum bonum, voluntas inclinatur ad illum sub hac ratione amandum. Quòd sit habitus, probat. S. Th. hic q. 23. a. 2. quòd in voluntate q. 24. a. 1. quòd in voluntate, ut concupiscibili, quia distinguitur à Spe recepta in Irascibili. Secundò, venit actus, qui est proprius prædicti habitus, sive sit perfectus, hoc est, elicitus dependenter ab habitu, sive imperfectus, qualis est, qui ut dispositio præcedit habitum ex p. 1. c. 4. n. 12. q. 83. a. 3. ad 2. desiderium præcedens orationem, & spem, nominat actum charitatis; At magis communiter nomine charitatis venit actus perfectus procedens ab habitu præexistente: ita sæpius S. Th. præsertim suppl. q. 9. a. 1. ubi admittit confessionem informem. Non est contrarius Trident. docenti sess. 6. cap. 6. amorem initialem Dei præcedere odium peccati (hinc multò magis confessionem) sed vult secundam partem Pœnitentiæ non præexigere, actum charitatis perfectum. Ne litiges de vocibus. Porro amare est velle bonum, & amare amore amicitie est

est velle alicui bonum propter se.

3 D. Quod est objectum charitatis?

M. Ex S. Augustino sunt quatuor diligenda amore charitatis. *Quæ sunt supra nos: quæ sumus nos: quæ sunt juxta nos, & quæ sunt infra nos.* Supra nos est Deus: Nos est anima nostra: Juxta nos est proximus noster: Infra nos est corpus nostrum: Deus est amandus, ut principium nostræ beatitudinis æternæ, non ita, quòd hæc ratio sit motiva charitatis; amicitia enim perfecta non respicit Deum, quia est mihi bonus, sed quia est in se bonus; estò tamen ratio motiva non debeat esse Deus ut principium mihi beatitudinis æternæ, amor charitatis in Deum, debet in me sequi ad actû fidei, & Spei per quos cognosco, & spero Deum mihi fore principium beatitudinis æternæ. Ita Trid. sess. 6. c. 6. nam cognitio fidei, ad quam sequatur justificatio, describit esse fidem, quæ credamus *vera esse, quæ divinitus promissa sunt*. Igitur charitas perfecta procedit per cognitionem, quæ cognoscit duas saltem rationes in Deo, alteram, quòd est bonus in se; alteram, quòd est bonus nobis per beatitudinem æternam; Utraque relucere debet, sed prima tantum habet movere. Nota hoc in confuso, & si accedant pretendentes amandum esse Deum, etiamsi non reluceat in illo secunda conditio, statim damna; ut hos securius ducas in posterum, profundius examina Doctores scribentes super vera Mystica; quò clariùs

rius detegas errorem, semper, & ante omnia sequens ipse ducatum Episcopi à Deo constituti, ut sit ovium Magister, & Doctor.

4 D. Quomodo est amandus Deus?

M. Super omnia, & in omnibus. *Super omnia* tamen appetitativè, non intensivè part. 1. c. 13. n. 3. In omnibus autem, ita ut, *sive manducemus, sive bibamus, sive aliquid aliud agamus, omnia in gloriam Dei faciamus*, 1. Cor. 10. S. Th. 1. 2. q. 88. a. 1. ad 2. & q. 100. art. 10. ad 2. Nec litiges, an Apostoli verba sint tantum de consilio, vel obligent sub veniali. Multi divertunt ad hasce quæstiones, non animo addiscendi, sed disputandi; unde nullus inde resultat profectus; & imò plerunque violatio charitatis Christianæ. Cura in te, & in pœnitentibus tollere omnia peccata mortalia; & erit sanè multum: secundò, quantum potes, peccata commissionis venialia ex suo genere: præsertim deliberata: tertio, si adsit anima purior, apta, ut incitetur ad perfectionem dicti Apostolici, consule Interpretes, & Classicos Theologos super illo, præcipuè Angelicum; Ulterius scito omnes actiones ex natura sua bonas, & recta ratione regulatas esse per se ordinatas in Deum ratione operis; quare non indigent referri per actualem relationem operantis; unde vides solum actiones de se indifferentes per operantem esse ordinandas in Deum; & sic esset summa felicitas, si nullum aliud esset in mundo peccatum, nisi hoc venialissi-

lissimum, quòd non referrentur in Deum, actiones hujusmodi per se indifferentes, quæ aliàs sunt paucissimæ: nàm, si benè consideres, comedere, bibere, dormire, ambulare &c. propter necessitatem, sive utilitatem corporis, sunt actiones bonæ ex natura sua, & si ob dictum finem fiant, meritorix in Justo. Ergo ne illas culpes, sed excessum, si adlit; & si invenis animas puriores timentes in his Deum offendere, cura, quòd se accusent, si quid exceßerint, ut p. 1. c. 32. n. 8.

5 D. In Deo, ut objecto charitatis, reluctare debet illum esse fontem beatitudinis; & non esse amandum sub hac ratione, quid ergo faciam de pœnitentibus, qui accedunt ad sacramenta, moti ex amore Dei, ut fons est beatitudinis?

M. Charitas perfecta non movetur ex tali ratione, licet consideret illam. Charitas est amicitia, & amicitia triplex est: Utilis, Delectabilis, & Honestas: Omnes amant amicum propter se, ut finem proximum, non ut purum medium. Primæ duæ ordinant amorem, quo amant amicum, ad propriam utilitatem, seu delectationem: tertia neque amicum, neque amorem ipsum ordinat ad præmium (licet aliàs speret præmium) sed amici, & amoris unicus finis est honestas, hæc tertia est amicitia perfecta: primæ duæ sunt imperfectæ, sed tamen veræ. Pœnitentes, qui amant Deum propter se, sed ordinant hunc amorem, ut ex eo habeant



beant præmium beatitudinis, si habeant alia requisita, justificantur, sed amicitia imperfecta, à qua semper incipiendum est. S. Th. q. 23. art. 5.

6 D. Explica secundum objectum charitatis quòd sumus nos ipsi?

M. Post Deum debemus amare animam nostram; ut velimus illi beatitudinem æternam, hoc est, Deo convivere, illo frui, & facere operationes consimiles divinis, nempe, videre, & amare Deum: Dei enim proprium est intelligere, & amare se, & debemus etiam velle operari hæc, dùm sumus Viatores, pro quanto possumus, cognoscendo Deum per fidem, & amando. S. Th. q. 25. a. 4. & 7.

7 D. Explica tertium, quòd est juxta nos?

M. Est amandus proximus noster, seu quicumque potest nobiscum esse particeps æternæ beatitudinis, sub ratione, sub quâ potest esse particeps: quare amandi sunt Angeli, non dæmones, aut damnati, quia hi non possunt esse participes. Amandi inimici, & peccatores, non tamen sub hac ratione, sub qua non possunt esse participes gloriæ, sed quatenus homines, & ut convertantur ab odio, & peccato. S. Th. q. 25. a. 8. 10. & 11.

8 D. Explica quartum, quòd est infra nos?

M. Est corpus nostrum, cui etiam debemus velle beatitudinem æternam in patria, non ut videat, & fruatur Deo, sed, quòd ex redundantia gloriæ in anima, corpus habeat beatitudi-

titudinem sibi convenientem . S. Thomas  
qu. 25. art. 5.

9 D. S. Th. art. 2. docet charitatem diligere etiam charitate ; & art. 3. etiam irrationalia posse diligi charitate ; quare alia præter illa quatuor diliguntur ?

M. Nec charitati , nec irrationali creaturæ volumus bonum beatitudinis æternæ , cuius non possunt esse participes ; ideò illa tantum quatuor dicuntur charitate diligi , quatenus illis volumus beatitudinem : Irrationalia charitate diliguntur , quia amans amicum , eodem amore diligit media , quibus conservatur amicus . Charitatem charitate diligi , est certum , quia diligere charitatem , est actus virtuosus , nec alteri virtuti potest assignari , quàm charitati . Ex 1. p. q. 87. Homo cognoscens aliquod objectum , v. gr. parietem , eadem cognitione cognoscit , antecedentia , & consequentia ipsum objectum ( non tamen semper distinctè ) qui videt fumum , cognoscit antecedentia fumum , scilicet , esse ignem , estò non videat ignem , & consequentia fumum , scilicet , densitatem in aere à fumo causatam ; & ita homo cognoscens parietem , cognoscit suam cognitionem ( directè , non reflexè ) causasque cognitionis , nempe , habitum , si extat , potentiam intellectivam , & essentiam animæ : quæ omnia antecedunt , seu causant cognitionem : cognoscit etiam consequentia ad cognitionem , nempe , actum voluntatis , quo vult parietem ,  
habi-

habitu virtuosum, vel vitiosum, quo inclinatur ad volendum parietem, ipsam potentiam, quæ vult &c. quod dicitur de cognitione, dicitur etiam de volitione. Amans Deum, eodem actu amat suum amorem, & causam, nempe, habitum charitatis, & gratiæ, tum sanctificantis, tum actualis, & præiis, quæ sunt principium, quo amat, etiam amat se ipsum, ut principium, quod amat; amatque se ipsum totum, seu, secundum omne, quod requiritur, ut sit completus, & perfectus ad operandum, scilicet, secundum omnes habitus virtuosos, qui reddunt perfectum, aut facile operativum. Hinc habes charitate diligi non solum charitatem, & gratiam, verum reliquas omnes virtutes, quibus homo perficitur ad operandum. Notâ hanc doctrinam: Rustici enim accedentes ad sacramentum, rarissime cogitant reflexè de Deo, sed solum explicant se velle confiteri, ut redeant in gratiam Dei; quare volunt, & amant gratiam Dei, per consequens ipsum Deum, & habent verum actum charitatis. Confessor non illos turbet, requirendo, ut expressè Deum ament: ad hoc enim eriguntur difficile; imo tutissimū est ab illis exigere alios actus faciliores, qui præsupponunt actum charitatis, ut, quod percutientes pectus, ore, & corde proferant: *Misericordia Domine, &c.* Ad hos enim facilimè excitantur, non ita ad merum amorem Dei.

## CAPUT XII.

*De Actibus, & Præceptis Charitatis.*

1 D. **Q**uot sunt actus Charitatis?

M. Alii sunt interni tantum, alii externi, qui actui interno conjungunt externum opus proprium Charitatis: primo loquemur de internis, postea de externis.

2 D. Qui, & quot sunt actus interni Charitatis?

M. Primus est sibi complacere de Deo, ut summè bono: secundus, desiderare Deum summè bonum: tertius, amor benevolentiae, quo volumus Deo bonum propter seipsum: Primi duo sunt imperfecti, nec justificant: qui enim desiderat aliquid, nondum habet: tertium plures sentiunt, quod justificat: E' contra S. Th. qu. 27. a. 2. docet esse principium amicitiae, & insuper exigi, quod illi actui jungatur animus perpetuò (quantum est de se) convivendi Deo, & faciendi eadem opera divina, quæ sunt, cognoscere, & amare Deum: quartus, est gaudium, seu complacentia de Deo jam possesso. Huc pertinet voluntaria susceptio gratiæ, & donorum, per quam sess. 6. c. 7. Trid. docet nos justificari. Quatuor hos Charitatis actus exercere potest homo, & erga Deum, & erga proximum: potestque erga proximum exercere illos, tam circa bonum principale, quod



quod est Beatitudo æterna , quàm circa bona minùs principalia , quæ sunt , vita , fama , res exteriores &c.

3 D. Est nè necessarium ad justificationem , quòd hi actus tendant semper in Deum , & in proximum , an sufficit solus tendens in Deum ?

M. Requiritur , quòd tendant in quatuor objecta diligibilia , uti prærequiritur Fides in omnia revelata ; tamen dictum est de fide , quòd objectum formale est unum , revelatio divina facta Ecclesiæ Catholicæ , & per hanc nobis proposita , sed objecta materialia sunt plurima , & horum aliqua tenemur credere explicitè ; reliqua semper creduntur implicitè , hoc ipso , quòd non excludantur positivè à ratione formali ; imò si quis positivè aliquod excluderet , jam neque crederet illa quatuor fide divinâ , sed humanâ , ut c. i. n. 15. Hæc applica Charitati , & dic , quòd ratio formalis amandi est unica , nempe bonitas divina , ut fide cognoscitur fons beatitudinis æternæ . Materialia objecta sunt quatuor enumerata , & majoris claritatis gratia distinguo quintò gloriam æternam : sextò gratiam sanctificantem : septimò , gratias actuales : octavò , habitus virtutum consequentes ad gratiam sanctificantem &c. Hæc non est necesse , quòd singula diligantur explicitè . Debemus ferri primò in Deum : secundò in nos ipsos : tertio in gloriâ : quartò in gratiam sanctificantem : Cætera di-

ligimus implicitè, diligendo hæc explicitè; & si positivè excluderemus inimicum, v. g. jam non esset dilectio charitatis. Tenemur tamen explicitè diligere in casibus particularibus, in quibus non posset esse vera dilectio Dei, nisi etiam explicitè tenderemus in illâ, v. g. teneor explicitè velle salutē æternam proximi, in casu, quo illa est in periculo apud me, undè imminet necessitas; idem dic de bonis temporalibus &c. necnon universaliter de omni proposito non peccandi.

4 D. Sunt nè alii actus interni charitatis?

M. Quintus est pax. Gaudentes de Deo statim volumus, & subordinari eidem, simulque ordinare nos ipsos in nobis, & ergà proximū, ut ille præcipit sub mortali ( hoc enim sufficit ad Charitatem. ) Hic etiam actus explicitè ordinat justum in Deum, & in seipsum, quoad gloriam, & gratiam: Ordinatur autem implicitè in proximum, nisi in casu, quo fit læsus particulariter; tunc enim explicitè debeo velle cum illo concordiam, seū me ordinare in illum: Hic actus ordinans, seū hæc unio dicitur pax. Hi quinque actus sunt specie diversi, sed ab unâ virtute procedunt, quia omnes respiciunt bonum, ut bonum: sextus est Misericordia, quæ in Viatore importat saltem duos actus; alterum, quo tristor de malo, seū miseriâ proximi; alterum, quo in illum volo operari bonum, ut bonum, & simul, ut sublevativum talis miseriæ. Misericordia est virtus di-

distincta à charitate, quia tendit in illam rationem, *ut bonam est sublevativum miseriæ*, sed subordinata charitati, adeo ut idem actus sit, & Charitatis, & Misericordiæ: Charitatis, quia respicit bonum; Misericordiæ, quia respicit, ut sublevativum miseriæ. Hic actus tendit solum in proximum in casu; ideò tendere debet explicitè in particulares hic, & nunc indigentes.

5 D. Enumera nunc actus exteriores?

M. Uno generico nomine vocantur beneficentia, quæ dividitur in quatuordecim species: Septem vocantur eleemosinæ corporales; aliæ spirituales. Singulas habes *in Instruct. Cler.* c.10. n.30. S.Th. q.31. 32. & 33.

6 D. Extat nè præceptum charitatis obligans nos ad actus internos?

M. Utique, vi cuius tenemur ad quinque primos ergà Deum per se loquendo: primò, dum pervenimus ad usum rationis: secundò, cum sumus in articulo mortis: tertio, quinquies, vel sexies in anno. Complacentia, ac desiderium de Deo ex c.8. n.2. præcedunt spè de Deo inhabitante. Nomine gaudii, intelligo voluntariam susceptionem, aut conservationem gratiæ, ac donorum. Ad primam obligatur peccator; ad secundam justus quinquies, vel sexies in anno, recitando actum conservandi gratiam.

7 D. Plures justi non videntur facere hos actus quolibet bimestri, & peccatores habi-

tuati non se accusant, quòd reliquerint prædictos actus?

M. Ob innumeras vitæ humanæ tentationes, impossibile est justum perseverare, nisi renovet hunc actum internum. Peccatores habituati violant hoc præceptum, sed se accusant, si tempus explicant, quo perseverarunt in peccato. Ideo Rituale adductū p.1. c.7. num. 15. vult pœnitentem interrogari *quampridem sit confessus*; & qui de hoc habituatos non interrogant, non possunt scire numerum circumcirca peccatorum, quæ contra præceptum charitatis fuere commissa. Hanc doctrinam quis fortè nusquam legerit, sed quia supponitur obligatio trium Virtutum Theologicalium, pro quinquies, vel sexies in anno danda fuit regula, ut Confessor juxta illam possit efformare conscientiam, & officium Judicis exercere, inquirendo numerū peccatorū.

8 D. Extat nè præceptum pro quinto actu, qui est Pax?

M. Extat eodem modo, sed subsequitur ordinariè ad gaudium: hoc enim ipso, quòd volo suscipere, vel conservare in me gratiam Dei &c. volo unionem, ac subordinationem meæ voluntatis ad divinam, mearum virium inferiorum ad superiores, & concordiam cum proximo, saltem in iis, quæ sunt absolutè necessaria.

9 D. Extat nè præceptum eliciendi sextum, qui est Misericordia?

M. De



M. De actu externo Misericordiæ postea; nunc loquar de actu tantum interno; qui duos comprehendit, alterum tristitiæ de miseria, alterum sublevationis miseriæ. Hos erga Deum habere non possumus. Explicitè non tenemur erga omnem proximum ex num.4. quando ad particulares teneamur explicitè, dicitur infra. Neque erga corpus nostrum tenemur explicitè: Restat, ut teneamur ad hos duos erga nos ipsos, quando sumus in miseriâ, & tenemur eodem tempore, quo dictum est nu.6. Miseria est peccatum mortale, de quo teneamur tristari, seu odire. Actus sublevativus est amor Dei, seu voluntaria susceptio gratiæ; quare peccator tenetur hoc modo misereri prædictis temporibus: Eccl. 30. *Miserere animæ tuæ placens Deo.*

10 D. Extat nè præceptum eliciendi actus externos charitatis, seu misericordiæ in proximum?

M. Ex quatuordecim operibus Misericordiæ, in omnem proximum potest exerceri sola decima quarta, *orare pro vivis, & mortuis*; Quia non tenemur per actum internum tendere explicitè in omnem proximum, ita neque per actum externum; quia in actu interno tenemur explicitè non excludere proximum, ita in actu orationum communium tenemur non excludere ullum proximum.

11 D. Extat nè præceptum charitatis, seu Misericordiæ erga proximum?

M. Ex ca. 11. n. 3. charitate diliguntur quatuor objecta materialia, & media, quibus aliqua ex illis possunt pertingere ad finem beatitudinis æternæ; ex p. 1. c. 34. n. 6. sub mortali obligamur ad charitatem, & media, sine quibus non potest stare charitas. Ex S. Gregorio, *Probatio dilectionis exhibitio est operis*; unde obligamur ad amandam proximi beatitudinē, & volendum ea, sine quibus non posset proximus salvari, & ad ea exterius exhibenda, per actus externos charitatis. Ad beatitudinem requiruntur media corporalia, & spiritualia. (Nunc loquar de spiritualibus) ideo sunt septem eleemosinæ spirituales: Ubi est in necessitate proximus, eas tenemur exhibere. Necessitas in hisce est, quod probabiliter speretur emendandus. Ita Christianus videns aliū ignorantem necessaria ad salutem, sub mortali tenetur illum instruere, si probabiliter sperat fructum; sub iisdem conditionibus dare bonum consilium, corrigere delinquentem &c. Circa hoc ex S. Th. qu. 33. primò ponenda est correctio fraterna: *Si peccaverit in te frater tuus*; non si peccat in publicum, præsertim contra Fidem: secundò, ex meâ correctione debet sperari probabiliter emenda; propterea est facienda, non tempore, quo delinquentis ira fervet, sed ubi animus est sedatus: tertio, si fui frustratus spe emendæ, & adhuc sperem, quod emendabitur correptus in præsentia duorum, vel trium testium, debeo ita corripere;

si ul-

si ulterius fruster hac spe, sed sperem emendandum correptione superioris, debeo recurrere ad hunc. Ubi desit spes emendæ, non teneor uti medio, ex cujus positione despero: quartò, ubi adsit hæc spes, inferior tenetur corripere superiorem; & superior inferiorem, non ut superior, sed ut frater; nam ut superior debet procedere per scientiam publicam, hoc est, per depositiones apud Notarium &c. cum concessione defensionum &c. Peccantque Superiores, maximè Regulares, qui aliter procedunt, & delictum subditi amici, etiamsi depositum juridicè, gravissimumque, curant tegere absque ullâ emendâ, imo fortè foventes aliquando suâ tolerantia. Delictum verò à subdito minùs benè viso ex fragilitate commissum, faciunt publicum, etiamsi desint publicæ depositiones, & statim procedunt ad pœnas canonicas. Hæc omnia considera in actibus externis eleemosinarum spiritualium.

12 D. Extat nè præceptū exercendi eleemosinas corporales?

M. Extat etiam hoc; quia vita proximi est medium, ut ille consequatur beatitudinem, ubi nequit illa conservari, obligamur sub mortali ad conservandam eleemosinis corporalibus; & si sit in extremâ necessitate, tenemur subvenire etiam de iis, quæ superfluum ad necessitatem nostri, aut nostrorum; si non sit in extremâ, tenemur subvenire de superfluis statui. Quid autem sit hic, & nunc superfluum statui, vide

vide S. Th. quæst. 32. art. 5. & 6.

13 D. Obligamur nè ad eleemosinas de illicitè acquisitis ?

M. Distingue ; aliqua dicuntur illicitè acquisita , quia cum peccato acquiruntur , sed justè : Meretrix peccat , sed non contra justitiam . Ista lucrum facit suum ; qui promisit , & aliàs potuit promittere pretium non excedens , ante peccatum tenetur rescindere contractum , post peccatum tenetur solvere . Idem dic de quibusdam ludis , quos Princeps prohibuit , sed non irritavit . De his acquirens tenetur in prædictis casibus , & universaliter potest facere eleemosinam , excepto , quòd ob reverentiam sacrorum , Ecclesia prohibuit lucra offerri ad Altare ; quando publicè scitur ex lucro procedere oblationes pro Missâ &c. Meretrixque perseverat in eo . Alia dicuntur illicitè acquisita , quia acquiruntur contra justitiam , & contra leges irritantes contractum , v.g. promisi centum Petro , si hostem occideret , & occidit : Id est contra justitiam , & leges irritant hujusmodi contractum . Promisi centum Petro , si mihi obtinet beneficium ( in quo committitur Simonia . ) Promisi centum , si mihi obtineat gratiam , etiam temporalem , à Sede Ap. Leges irritant hosce contractus , & super ultimo extat constitutio Alex. VII. videnda à Confessoribus Urbis , quia specificat multos casus particulares : In illis , & similibus , qui promisit , invalidè recipit Beneficium , &  
gra-



gratiam etiam temporalem, & qui accepit, non potest retinere sibi, sed tenetur erogare pauperibus. Adsunt Theologi universaliter asserentes idem de omni contractu contra justitiam, quia injustitia non potest fundare justitiam; quare volunt obligari Judicem ad erogandum pauperibus, quidquid accepit ob ferendam sententiam injustam. Qui committunt adulterium, vel stuprum, imo, & Religiosi sacrilegè peccantes contra Castitatem, itaut accipientes pretium nequeant sibi retinere. Fundamentum ita sentientium est solidum, & unica fortè via eliminandi tot adulteria, stupra &c. quæ nimis hodiè regnant, esset, si Superiores, præsertim Ecclesiastici, & Regulares, irritarent hujusmodi contractus, cogerentq; ad restituendum pauperibus adulteras &c. quidquid receperunt in pretium.

13 D. Ecclesiastici specialiter nè teneantur ad eleemosinas, etenim multi paucas faciunt?

M. Hoc est judicium temerarium. Ecclesiastici obedientes præcepto: *Quod superest, date eleemosinam*, obediunt & alteri: *Nesciat sinistra tua, quid faciat dextera*. In genere circa illos ex S. Th. q. 185. a. 7. hæc habe in promptu: primò, distingue bona patrimonialia ab Ecclesiasticis; de illis tenetur, ut n. 11. De his Clericus dispensator, non Dominus, tenetur ad rectam administrationem ex justitiâ: 2. etiã si habeat pingue patrimonium, vivere potest de redditibus Ecclesiæ, relicto consanguineis

pa-

patrimonio: 4. in Ecclesiis, ubi portiones non sunt distinctæ reddituum, quatuor faciendæ sunt partes: prima pro Episcopo: secunda pro Clericis: tertia pro reparatione, aut ornamentis Ecclesiæ: 4. pro pauperibus: Ut in praxi cognoscat, an portiones sint divisæ, consideret, si proventus Beneficii sint multò ampliores reliquis, si in Urbe sint Seminaria, Hospitalia &c. ubi desint pro amplitudine Civitatis, erunt indistinctæ portiones; & ex S.Th. *ad restitutionē tenetur* Beneficiatus dans consanguineis, non pauperibus: 6. non satisfacit proprio muneri Ecclesiasticus hauriens pingues redditus à Beneficio, quod finit ruinas minari, & miserrimè incolas vivere, ut alibi extruat insignes Ecclesias: 7. congruum est, ut, cæteris paribus, respiciat ad pauperes. Horum alii sunt voluntarii, & Deo inservientes; alii Religionem Catholicam disseminant inter Hæreticos, & Infideles; alii sunt in discrimine abnegandi fidem, ut captivi Turcarum, vel ruendi saltem in mille scelestis &c. Confessor Beneficiato non ostendat tantum obligationē erogandi eleemosinas, verum & doceat, in quos utilius erogenter eleemosinæ.

### C A P U T XIII.

*De Sapientiæ Dono correspondente Charitati.*

1 **D**E hac S.Th.q.45. Distinguitur à scientiā, quia hæc judicat de rebus per cau-

causas proximas. Sapientia est iudicium, sive speculativum, sive practicum, quo homo iudicat de rebus per causam alissimam, nempe, Deum. Justus iudicans hic, & nunc sibi esse comedendum, ut conservet viam, & proficiat in gratia, habet iudicium doni Scientiæ. Iudicans hic, & nunc esse comedendum, quia Deus præcipit, iudicat per donum Sapientiæ. Doni Sapientiæ actus perfectus est iudicium, quo iudicamus Deum esse amandum, ut summum bonum, ad quod immediatè sequitur actus perfectus charitatis. Hinc præcedens syllogismus est talis: *Quando instat obligatio amandi Deum, est amandus, quia summum bonum; sed hic, & nunc instat hæc obligatio; ergo hic, & nunc est amandus, quia summum bonum.* Universalis præmissa est actus speculativus doni Sapientiæ: secunda est dictamen rationis formatum ex regulis charitatis: conclusio est iudicium spectans ad virtutem charitatis. Ad hunc syllogismum sequitur iudicium practicum, seu præceptum intellectus, quo dicit: *Fac hunc actum charitatis ex eo motivo, quia Deus summè bonus est.* Hoc iudicium in virtutibus Cardinalibus est actus Prudentiæ, in Theologalibus est actus doni Sapientiæ, & actus perfectus, quia sequitur infallibiliter ad ipsum perfectam charitatem. Simile iudicium præcedit fidem, quia priusquàm actu credam, iudico esse credendum, quia Deus revelavit Trinitatem Ecclesiæ Catholi-

cæ, & per hanc mihi proponitur, quod est iudicium speculativum; deindè post syllogismum sequitur iudicium practicum. Etiam præcedit utrumque Spem; nam speculativè, & practicè iudico sperandam esse beatitudinè, quia Deus est Omnipotens, & Misericors. Iudicia tamen præcedentia fidem, & spem, non sunt actus perfectus doni Sapientiæ, sed iudicia solùm immediatè præcedentia charitatem: sola enim hæc ordinem habent ad voluntatem, ut perfectè quiescat in Deo.

2 D. Qui fructus, & que beatitudo correspondent dono Sapientiæ?

M. S.Th. q.45. a.6. ponit correspondere septimam: *Beati pacifici, quoniam filii Dei vocabuntur*. Et q.9. a.4. ad 1. quòd fructus correspondentes sunt gaudium, & pax.

## C A P U T XIV.

*De peccatis contrariè oppositis Charitati,  
& Dono Sapientiæ.*

1 **D**E his S.Th. à q. 34. ad 47. Reducuntur ad duo genera, nempe, odium Dei, & acidiam. Odium, quod est velle malum, includit tres actus specie diversos: primum oppositum complacentiæ, & est tristari de bono divino, quatenùs tali: secundus desiderium, quòd Deus habeat bonum, & est desiderare malum Deo: tertius gaudio de Deo, & est



& est delectari, cùm apprehenditur Deus habere aliquod malum. Vix committi possunt hæc peccata, & quandò committerentur, ad integram confessionem esset explicandum, de quo Dei attributo tristaremur, vel quòd Deo malum desideraremus; si tristarer, quòd esset justus, misericors &c.

2 D. Quid est Acidia, secundùm genus?

M. Est tristitia, per quam tristamur de bono divino, quod relucet in serviendo illi, & faciendo opera bona, homini laboriosa. Possum tritari de opere bono, quia laboriosum est mihi, v.g. de recitatione Rosarii. In hoc casu Acidia non est prohibita per se, sed per accidens: Vide p. 1. cap. 38. n. 16. quare Confessor non statim damnabit pœnitentem peccati, sed videbit primò, an omiserit illud opus: secundò, an fuerit præceptum: tertio, sub quo præcepto sit injunctum, an veniali, an mortali; quòd si non omiserit, saltem, an habuerit voluntatem deliberatam omittendi: quartò, si res fuerit præcepta sub mortali, v.g. divinum officium; videbit nùm res præcepta admittat parvitatem materiæ, ut est divinum officium; tunc enim in parvâ quantitate non erit mortale: quintò, tunc non est necesse, quòd pœnitens accuset se omisisse opus illud ex tædio laboris, sed quòd accuset se omisisse dictum opus: sextò, interrogabit ultimam speciem, ut si ad jejunium omissum obligabatur ex voto, an ex præcepto Ecclesiæ &c. Secundò, possum trita-

ri

ri non de opere bono, quia laboriosum est, sed quia bonum, seu divinum est, & tendit in gloriam Dei: Hoc est propriè peccatum Acidiae per se prohibitum, & mortale ex genere suo, ut p.1. cap.34. n.6. non admittens parvitatem materiae, adeo ut si ex eo motivo omittam invocare nomen *Jesu*, sit mortale, dummodo talis tristitia sit voluntaria, & deliberata. Si obligatus v.g. ad officium, omitto ex illo motivo, committo duplex peccatum, aliud Acidiae contra Charitatem, aliud omissionis contra Religionem, & utrumque tenetur distinctè poenitens explicare; imo & bonum opus, quod omisit; aliud est enim specie peccatum, si ex tædio omittam communicare, vel orare &c. Aliud etiam est, si ex tædio subordinationis ad Deum, nollem habere actum pacis. Hic actus esset directus, & per se oppositus paci.

3 D. Cùm Acidia dicitur vitium capitale, & quæ sunt illius filiae?

M. Ex q.35.a.4. Acidia est vitium capitale, quia ad evitandam tristitiam in operando, multa peccata committuntur, quæ propterea dicuntur oriri ex Acidia, tanquam ex principio: Sex sunt illius filiae, *Malitia*, *Rancor*, *Pusillanimitas*, *Desperatio*, *Torpor circa observantiam præceptorum*, & *Evagatio mentis circa illicita*. Malitia est detestatio bonorum operum; quare est genus complectens omnia opera bona, pertinebitque ad illam virtutem, ejus opera detestamur, v.g. injustitiæ, odii &c.

Ran-

Rancor est detestatio personarum . quæ nos incitant ad bonum , ut Confessarii, Concionatoris , Parochi &c. est etiam genus , & explicandum erit , si sit detestatio ejus , quem obligamur audire ex justitia , ut Parochus &c. Insuper opera , propter quæ illum detestantur audire, circa mysteria fidei necessaria &c. nec dabitur parvitas materiæ , si odio habentur, ut Ministri Dei , in nos excitando . Pusillanimitas est species opposita Magnanimitati: de illa suo loco . Desperatio est contra spem. Torpor est genus, ut etiam Evagatio mentis &c.

4 D. Quot sunt peccata contraria charitati proximi ?

M. Novem : primò , Odium dilectioni oppositum : secundò , Invidia opposita gaudio : tertio : Discordia opposita paci , seu Concordiæ internæ: quartò, Contentio opposita Paci quoad verba : quintò , Schisma : sextò, Rixa : septimò, Seditio: octavò, Bellum: omnia quatuor opposita Paci quoad opus ; & schisma renuit pacem cum membris Ecclesiæ. Rixa renuit pacem cum alio privato : seditio est, cum renuit pacem una multitudo regni cum alia: Bellum , si renuit pacem unus Princeps cum alio . Nonò , scandalum opponitur actui externo charitatis , hoc est , Beneficentiæ . Hæc novem peccata ex genere suo sunt mortalia.

5 D. Quid est odium ?

M. Est velle malum proximo; ex n. i. est in triplici specie : primò, si trister de bono, ut est

illius bonum: secundò, si delecter de malo, sive quod actu habet, sive quod imaginor illum habere, v. g. audio meum hostem fuisse occisum: imaginor, quòd famulus invadit, occiditque hostem, & gaudeo: tertio, si desidero malum. Ulteriùs ex p. i. c. 31. erit intentio, si intendam, & electio, si eligam media, ut illi noceam &c. In omnibus his peccatis interrogabit speciem ultimam, ut, si malum volitum sit contra famam, contra bona corporis &c. Insuper, quia c. 12. n. 5. quatuordecim eleemosinæ differunt specie, interroga non solum, quando omittit eleemosinam, sed etiam quando peccat contra illas peccato commissionis, ut si imaginans Petrum indigere cibo, positivè dicerem *Nolo illi subvenire*: Idem dic de reliquis, etiam spiritualibus.

6 D. Explica secundum peccatum gaudio oppositum, & vocatur Invidia?

M. Est tristitia de bono proximi, ut apprehendo per illud diminui meam excellentiam. Possum tristari de bono, seu de victoriis Hostis, quia est in damnum religionis; hæc tristitia est virtuosa; secundò: quia nollem, habere tale bonum; hoc ex n. 5. est odium, quia est contra personam; tertio, quia illo est indignus: si trister fuisse justificatum, quia erat indignus, est Invidentia fraternæ gratiæ ex c. 4. num. 12. Idem dic de tristitia reliquarum virtutum: Deus enim, infundendo illas, de ind. gno reddit dignum: Idem de gratiis gratiis



tis datis , ut , si quis faciat miracula : nam hæc non dantur ob meritum recipientis , cum peccatores possint facere miracula , sed ob utilitatem Ecclesiæ . Non esset mortale, si tristarer; quia abutitur beneficio Ecclesiastico , redditibus , jurisdictione , amicitia , bonisque aliis temporalibus : nam tristitia tunc est de malo usu ; sed perfectæ charitatis est , orare Deum , ut ex malè utente faciat benè utentē : ad hanc excitabis efficaciter Pœnitentem: tertiò, videns Petrum habere bona, possum tristari, non quòd ipse habeat, sed quòd non habeam ego: & si sint virtutes, hæc tristitia dicitur Zelus, quo tristor me non esse virtuosum, ut est Petrus: si sint bona temporalia , & inordinatè appetantur, erit avaritia : quartò , possum tristari de bono Petri , quia illud in Petro apprehendo , ut diminutivum meæ excellentiæ . Displicet mihi , quòd Petrus obtinuerit pingue beneficium , præcisè, quia ego non habeo majus, vel æquale : hoc est propriè Invidia .

7 D. Quæ peccata dicuntur filiæ Invidiæ; & quibus virtutibus opponuntur ?

M. Quinque : *Odium , Susurratio , Detractio , Gaudium in adversis proximi , & Afflictio in prosperis*. Odium n.5. est genus peccati contra charitatem. Susurratio, & Detractio sunt species contra Justitiam, de quibus suo loco . Gaudium in adversis est propriè odium ex n.5. Afflictio in prosperis , si est, ut hæc sunt diminutiva meæ excellentiæ , est ipsa Invidia :

est filia, ut affligor, & conor impedire, nè consequatur illa prospera; eruntque explicanda media, quæ eligo ad impediendum. S. Th. q. 36. a. 4. præsertim ad 3.

8 D. Explica tertium peccatum, quod vocatur Discordia?

M. Ex c. 12. n. 4. pax dicit duas uniones nostri affectus, alteram ad Deum, alteram ad proximum: hæc secunda sine prima, vocatur Concordia, peccatumque internum oppositum vocatur Discordia, charitati opposita, ex genere suo mortale: quando tenemur concordare. Erit diversum specie peccatum Discordiæ juxta diversitatem eorum, in quibus discordamus, ut si filius discordet à patre, subditus à Principe, miles à duce, pœnitens à Confessario &c. Est speciale peccatum, si discordem animo, non tantum facto. Discordat facto à patre filius, qui aliquid obligatus agere, non agit; & tunc sufficienter se accusat, dicens non obtemperasse patri. At si formaliter intendat deobedire, ut discordet ab ejus voluntate, tunc committit duplex, aliud inobedientiæ, aliud discordiæ S. Th. q. 37.

9 D. Explica quartum peccatum Charitati oppositum in verbis, & vocatur Contentio?

M. Contentio ex q. 38. tunc est peccatum oppositum charitati, & ex genere suo mortale; quando quis vel impugnat veritatem cognitam, vel defendit veritatem modis indebitis:

tis : Impugnatio veritatis agnitæ est peccatum in Spiritum Sanctum , ut cap.4. n.12. possunt intervenire alia peccata : si impugnat Hæreticus veritates Catholicas , peccat etiam contra fidem : si calumniis impugnetur , aut destruatur bona fama alicujus , erit contra justitiam &c. si vera sint , quæ sparguntur , sed occulta , adhuc erit contra justitiam , quia peccator occultus habet jus ad propriam famam : si crimen sit publicum ; in sola specie Contentionis ; hæc , nè Confessor erret , prudenter inquirat à Pœnitente .

10 D. Explica quintum peccatum , quod vocatur Schisma ?

M. Est , quando quis se separat ab unionem Ecclesiæ tam gravitèr commendata per Christum ; est gravissimum peccatum , quia tollit maximum bonum ; & fit duobus modis : primò si se separet à Capite Ecclesiæ , nolens obedire Papæ , præcisè ( formalitèr , vel virtualitèr ) quia non vult ei subesse . Violans jejunium Vigilæ renuit obedire , sed ut satisfaciât gulæ , non quia renuit eidem subesse , ideò non est schismaticus : secundò , schisma committitur , si quis separet se à communione reliquorum fidelium . Utrunque frequentèr est cum hæresi : nam ut palliet suam rebellionem , inducit se ad credendum , quòd Papa non sit caput Ecclesiæ , vel quòd fideles non sint vera Ecclesia ; sed tamen potest quis esse schismaticus , & non hæreticus : nam subditus tenens in intelle-

Et si aliquem esse suum verum Principem, potest adhuc ab eo rebellare per voluntatem excitatam à judicio, quo hic, & nunc judicat illi non esse obediendum.

II D. Explica sextum, quod dicitur Bellum?

M. Est, quando Princeps supremus renuit habere pacem, sive unionem civilem cum alio supremo, ideò illum aggreditur militibus. Non semper est peccatum, quia Princeps constitutus, ut suorum offensas vindicet, potest etiam vindicare offensas in suum publicum illatas ab alio Principe: sicuti pœna mortis vindicat suos, ita potest vindicare morte inimicorum. Quando est peccatum, directè violat charitatem, quia opponitur paci, sed involvit alias mille injustitias. Ut liceat, primò requiritur causa efficiens, quòd bellantes sint supremi Principes, non habentes tertium superiorem, ad quem recurri possit utrinque pro justitia obtinenda: sine hac conditione bellum est contra justitiam legalem: secundò, debet indici ex causa materiali licita. Dux tantum virtutes possunt honestate bellum: Justitia Vindictiva mali publici, & Religio; ut reparentur injuriæ illatæ illi, vel isti: nec ardor extendendi dominium dat justam belli causam; & circa Religionis injurias, priùs judicare debet Papa, quòd tales sint, ut licitè possit inferri bellum: tertio: causa finalis debet esse ad obtinendam pacem ex convenienti reparatione

in-



injuriarum : quartò , causa instrumentalis debent esse media aliàs licita : solùm enim uti possunt insidiis : non fraudibus. Fraudes, & insidiæ distinguuntur, illæ sunt signum per se deceptivum , non istæ . Fraude , & dolo fuit usus ille Dux , qui jurans inducias per triduum, prima nocte hostiliter egit , causans deinde , quòd nomine dierum intellexisset lucem , non spatium viginti quatuor horarum , usus æquivocatione illius nominis, cum dolo, ex parte sua, & simplicitate, pro parte adversarii. Sunt insidiæ, si Dux, exposita parte exercitus, reliquos milites occultet in sylva : nec enim tenetur exponere : Generaliter scito hæc in confuso ; casus particulares non ita facilè discernes quia innumeri scripserunt in favorem æquivocationum : ubi casus contingat , lege S. Th. q. 40. a. 4. q. 110. a. 3. ex quo callebis doctrinam de fraudibus , aut dolis mendacibus ; curabisque semper audire sententias Ducum expertorum, qui habeant magnum Dei timorem : quintò : se tenent ex parte causæ instrumentalis, personæ, seù milites, qui bellantur ; hæ, ut bellum sit licitum, esse debent idoneæ. Bellare convenit Reipublicæ : non singuli de Republica sunt apti ad officium, quod convenit multitudini. Hæc benè ordinata debet habere sutores, fabros &c. quorum officium dedecet Nobiles , & eos, qui destinati sunt gravioribus ministeriis . Includit Clericos , quos, utpotè Mediatores Dei, & hominum, dedecet bellare contra

homines: quare hos Ecclesia declaravit ineptos bello. Poterit indicere bellum Princeps Ecclesiasticus habens gladium temporalem; sed sicuti potest præcipere, non exercere sutoriam per se, neque per primores in populo, ita potest præcipere bellum, sed non exercere per se, neque per Clericos, qui sunt primores. Hæc circa Bellum; Porro sicuti Princeps non agit de illo, nisi post maturum consilium, & Ducum, & Theologorum, ita, non audeat Confessor quicquam determinare circa illud particulariter, nisi post diligens studium; sed, & priusquam consulat bellum, considerans innumera peccata, quæ oriuntur ex bello etiam licito, totus inclinet ad pacem.

12 D. Explica septimum, quod dicitur Rixa?

M. Est, quando unus absque auctoritate debita, insurgit in alium, vel pauci in paucos, violando pacem, seu concordiam. Si sit sine condictione, dicitur propriè Rixa: si ex condictione, cum designatione loci, & temporis, dicitur Duellum. Utrunque semper est conjunctum Injustitiæ: nam vel offenditur proximus, vel exponitur periculo. Rixa (non ita Duellum) potest esse sine peccato ex parte illius, qui injustè invaditur, nec potens fugere se defendit cum moderamine inculpatæ tutelæ, ut dicetur de Homicidio. Oritur semper ex contentione verborum; quare in confessione primò exquire verba, & injurias illatas in fama; deinde damnum

num in corpore, vel quod erat periculum inferendi, cum numero personarum, cum quibus, vel contra quos rixando, cooperati fuimus peccato; Si unus fuit reliquis Author rixandi, tunc iste est causa omnium peccatorum; & ita peccans in diversa specie debet id explicare.

13 D. Explica octavum quod dicitur Seditio?

M. Est, cum ad violandam pacem, pars unius Reipub. insurgit in aliam, sive actu pugnet, sive præparet se ad pugnam (quæ duo distingue in confessione) Importat non modò peccatum contra iustitiam commutativam, in damnificando compartem, sed etiam contra legalem, quia tendit ad tollendas leges iustas; est peccatum respectu solùm partis, quæ insurgit, non quæ defendit cum moderamine inculpatae tutelæ. S. Th. q. 42.

14 D. Explica nonum, quod vocatur Scandalum?

M. Peccata enumerata huc usque opponuntur contrariè actibus internis charitatis, & in Deum, & in proximum, restat considerare peccata contrariè opposita beneficentiæ, seu actibus externis Charitatis. Beneficentia in Deum non potest exerceri, quia bonorum nostrorum non eget. Reperitur tamen respectu Dei aliquid simile beneficentiæ in eo, qui quærit gloriam extrinsecam Dei; sed hæc consistit in exercitio virtutum omniū, & ita peccata  
con-

contrariè opposita huic glorificationi sunt singula peccata: quoad charitatem in proximum Beneficentia habet ex c. 12. num. 10. quatuordecim actus specie diversos, septem corporales, & septem spirituales. Utrisque dantur peccata contrariè opposita: Non pascere esurientem est peccatum omissionis; at commissionis est tollere alteri cibum, quo reddatur esuriens; & vides, quòd commissio hæc formaliter est contra justitiam; quoad eleemosinas spirituales, etiam sunt plura specie peccata contraria; sed, ubi sola violatur Charitas, vocantur sub uno generico nomine *Scandalum*, de quo S. Thom. quæst. 43. optimè distinguens scandalum activum, & Phariseorum, à passivo, & Pusillorum.

15 Scandalum in genere est dictum, vel factum, proximo præbens occasionem ruinæ, seu mali spiritualis: dicitur occasio, non causa: etenim imperio, suasionem, consilio &c. causans in alio peccatū, etiā peccat contra virtutē, ad quam violandam inducit, v.g. contra Castitatem, contra Justitiam &c. Hinc causa inducens ad violandam justitiam, & ipse tenetur restituere. At, qui solū suo malo exemplo inducit ad peccatum, dicitur occasio, & lædit solam charitatem, si malo exemplo inducerem alium ad furandum, quia non lædo justitiam, non teneor restituere, restitutio est actus justitiæ. Confessor ergo inquirat, an solo malo exemplo pœnitens induxerit proximum ad fur-



furtum &c. vel etiam verbis &c. ut cognoscat speciem peccati, & obliget ad restitutionem, quando fuit causa injustitiæ, non si malo exemplo fuit tantum occasio.

16 Scandalum est occasio ruinæ data, non accepta. Dat occasionem murmurationum sæcularibus Confessor, qui quotidie visitat fœminas pœnitentes, absque adfistentia Socii, tempore minùs congruo: vel plus debito, in die magni concursus detinet ad confessionale, quamvis agat semper de spiritualibus; Possunt nonnulli aliquando scandalizari, quòd longior sit in audiendo confessiones, estò non plus debito, quia pœnitens indiget; hoc est scandalum pusillorum; sed si aliqui scandalizentur de veris actibus virtutum, postea quàm sufficienter innotuit virtuosè exerceri, tunc erit scandalum Phariseorum. S. Th. a. 6.7. & 8. docet, quæ bona temporalia, vel etiam spiritualia sint dimittenda, ut evitetur scandalum pusillorum. Nec refero, quia in partibus Catholicorum, fortè nunquam continget, ut explicandum sit pœnitenti, quæ debeat dimittere: si casus contingat, pete tempus, ut maturiùs studeas, consiliumque Doctiorum exquiras. Ubi opus hoc incideret in manus Missionarii, prævideat ex se casus, qui contingere possent in sua missione, Superiorisque judicium authoritativum petat, ipsius etiam Congr. de Propag. Fide, cujus Cardinales, Apostolica patientia, & benignitate, solent audire dubia, & decidere cum

cum consilio principaliorum Theologorum.

17 Scandalum, ut num. 15. est genus quare Confessor debet inquirere speciem ultimā : quæ defumilur ex specie peccati, ad quam homo inducit malo exemplo ; quare interroga, si induxit ad violandam castitatem, & in qua specie ; si iustitiam, & in qua specie &c. Quia ex p. 1. c. 34. n. 9. diversitas objecti materialis facit differentiam numericam, interroga quoties, quot scandalizaverit. Ad praxim, nota quod ego pluries obligatus interrogavi adolescentiores incipientes peccare contra castitatem, quomodo commiserint primū illud peccatum, & vidi sæpè inductos vel exemplo ( quod est peccatum scandali ) vel verbis perditorum ( quod est esse causam ) nusquam tamen audiui se accusantem de hoc peccato inductionis ; ad quod non advertunt, nec ( ob malignitatem temporum ) advertent, nisi seriò Confessarii, Concionatores, & docentes doctrinam Christianam inculcent malitiam huius peccati distincti, & ad illud eradicandum, viriliter incumbant prudenti, sed efficaci monitione.

18 D. Explicatis peccatis contra Charitatem, explica peccatum Stultitiæ, oppositum dono Sapientiæ ?

M. Est, quando quis obligatus ad iudicandum per altissimam causam, nempe, Deum, redderetur stupidus, ita ut non iudicaret: v.g. antequam eliciantur actus fidei, spei, & charita-

ritatis, homo tenetur ad judicandum, quod sit credendum articulis, quia Deus revelavit Ecclesiæ Catholicæ, & per illam nobis: ad judicandum, quod debeamus sperare, quia Deus est omnipotens, & misericors, ad judicandum, quod debeamus amare, quia Deus est summè bonus. Si homo, ubi obligatur, talium virtutum actus omittat, quia stupidus nescit judicare, committit peccatum stultitiæ, sed quia obligamur ad hoc judicium per accidens, ratione virtutum præceptorum, sufficienter se accusabit, si dicat se omisisse actus tales; sed si prævidens, quod ex luxuria, quæ ut plurimum est mater stultitiæ, incidet in talem stupiditatem, quod tempore debito, non poterit formare hujusmodi judicium, vel si velit positivè ita esse stupidus, in hoc duplici casu stultitia est peccatum per se, distinctè explicandum: quare tenebitur primò explicare peccata luxuriæ: secundò, quories omiserit actus Theologales: tertio, peccatum stultitiæ, quam directè, vel indirectè voluit, cum tempore, quo in ea duravit, ut peccati numerum sciat circumcirca Confessor. Omnia etiam peccata Charitati opposita, si bestialia sint, opponuntur dono Sapientiæ, ut est contra Misericordiam Obstinatio Acidix filia, de qua num. 3. & sexta blasphemia in Spiritum Sanctum, de qua cap. 4. num. 12.

19 D. Quæ Theses prohibitiæ tangunt virtutem Charitatis?

M. Cir-

M. Circa charitatem Dei, vide Alex. VII. 5. 6. & 7. Innoc. XI. primam inter duas Alex. VIII; Inter ejusdem 31. sunt etiam nonnullæ, sed magis videntur afficere Scholasticos, quàm Morales. Pro animabus, quæ profitentur Mysticam, relege 68. Innoc. XI. & 23. Innoc. XII. Præceptum charitatis proximi tangitur in 10. & 11. Innoc. XI. Odium, seu Invidia in 13. 14. & 15, ejusdem. Secunda Alex. VII. tangit Rixam ex condicito, seu Duellum. Circa actus externos beneficentiæ extat 12. Innoc. XI.

20 D. Ex peccatis contra Charitatem extat nè aliquod reservatum.

M. In §. primo Bullæ Cœnæ reservatur Papæ schisma. In Constit. Pontificiis Duellum, à quo intra Italiam, & extra Urbem, ex p. 1. c. 10. n. 6. non possunt absolvere Privilegiati.

21 D. Peccata charitati opposita admittunt nè parvitatem materiæ?

M. Ex p. 1. c. 36. num. 5. nullum peccatum oppositum charitati Dei admittit parvitatem materiæ, neque Acidia, si de illa differas, uti num. 2. Neque admittunt contra charitatem proximi, quæ violant unitatem multitudinis, quia semper est gravissimum malum violare hanc unitatem. Igitur Schisma, Seditio, & Bellum erunt semper mortalia, si habeant perfectam rationem schismatis &c. In odio, contentione, ac rixa, quia potest inferri parvum nocumentum, erit veniale ex parvitate materiæ, quamvis omninò deliberatè intendam illud



lud leve nocumentum. Circa scandalum audisti num. 5. esse genus; quare si sim occasio sufficiens non admittentis parvitatem materiæ, neque illam admittet scandalum; v. g. si sum occasio peccati contra castitatem, dummodò meum factum, vel dictum non inducat nimis remotè; in hoc enim casu est veniale, non ex parvitate materiæ, circa quam versatur, sed ex remoto influxu, quem habet in peccatū.

22 Quæ pœnitentia est imponenda violenti charitatem?

M. Sicut eadem vestis non potest esse omninò proportionata duobus, præsertim, quando alter est parvus, alter magnus; ita nec eadem pœnitentia. Habenda igitur ex p. i. c. 7. n. 22. ratio *status, conditionis, ætatis, & dispositionis*, imponendo contrarias peccatis pœnitentias. At potissimum in illos officium Doctoris exerce: quò circa de charitatis excellentia intellectum illuminatum, inclina charitati ferventiùs in posterum exercendæ. Quam ut exerceret Dei filius è cœlo descendit. Nullum est efficacius signum charitatis Dei in nos, quàm charitas proximi. Tantùm illa crescit, quantùm ista: quod proximis impendimus, Christus acceptat, ut sibi impensum. Explica vim veræ Misericordiæ: quia verò exempla plurimum accendunt, collige ex Breviarii lectionibus in secundo Nocturno, quæ talibus abundant, sententias Patrum pro excellentia charitatis, ex Evangeliiis, & Epistolis

stolis Apostolorum, præsertim S. Joannis ad primum Nocturnum, & ex Homiliis ad tertium. Distingue rudibus hæc duo: velle malum furi, & velle bona sibi rapta a fure; secundum ordinariè licere: primum prohiberi a Christo. Qui verò spiritualiores, præferunt se velle punitionem furis, ut actum justitiæ Vindicativæ, mone primò, ne odium verè foveant sub specie virtutis: secundò, justitiæ charitatem præminere: tertio, omnes obligari, vel saltem incitari ad charitatem, ad justitiam verò vindicativam obligari solos superiores: quartò, tunc esse zelum justitiæ, quando magis ardescimus in peccata contra Deum: esse amorem proprium, si omnia sus deque vertimus, ubi quis minimum peccat in nos; connivemus autem, si noster amicus majora delinquat in Deum.

## C A P U T X V.

*De Prudentia, Virtute Cardinali, & Dono Consilii correspondente.*

1 **A**D operandum non requiritur tantum syllogismus concludens finem; sed alius requiritur, sive formalitèr, sive saltem virtualitèr distinctus, concludens media pro executione finis: v. g. ad eliciendum actum charitatis in proximum, non sufficit iste syllogismus: *Indigenti est subveniendum, sed Pe-*

*trus*

*frus hic, & nunc indiget, ergo hic, & nunc subveniendum est Petro.* Post hæc, debeo consulere media, quibus subveniam; si pecunia, cibo, veste; si mutuò, donatione &c. Post consilium, debeo, judicare, quod nam ex repræsentatis sit medium opportunius, & quantum sit dandum, illudque præcipere. Hæc, quæ, præsupposito per priorem syllogismum sine virtutis, agit intellectus noster circa media, ut actus in singulari prodeat omni ex parte virtuosus, pertinent ad Prudentiam, si sint circa Virtutes Cardinales humano modo operabiles: Et ad Consilii donū, si sint circa Theologales, vel circa Cardinales, ut operabiles ex motione S. Spiritus. Possum conficere datum syllogismum de subventionem pauperis, ex misericordiâ naturali, & ex mero Dei amore, si eliciam hoc secundo motivo, tunc per donum Consilii, consulto, seu inquirò media subveniendi; ex dono Consilii judico in subventionem eligendam esse assignationem mensurâ toto vitæ suæ tempore, quò non amplius indigeat: per donum Consilii præcipio hanc assignationem. Circa fidem elicui hunc syllogismū:

*Quæ Deus revelavit, & præcepit credi, sunt explicitè credenda pro aliquo tempore, sed hujusmodi sunt tria mysteria Trinitatis, Incarnationis, & Remunerationis, ergo sunt credenda pro aliquo tempore,* Primæ præmissæ terminos percipimus per donum Intellectus, &

cognoscimur per donum Scientiæ, ex cap. 3. num. 26. secunda particularis est dictamen procedens, ex donis, & ex virtute fidei; conclusio est iudicium spectans ad fidem. His positis inquirō media, scilicet, quod sit tempus opportunius ad eliciendum actum fidei circa prædicta, omnibusque pensatis, iudico tempus opportunum præcipuè esse bis in die, cum surgo manè, & vesperi vado cubitum; præcipioque mihi hos actus prædictis temporibus. Hæc omnia aguntur in nobis per donum Consilii. Libuit hæc explicare clariùs, & longiùs, quia nemo Modernorum ea tractat, & aliàs sic explicata plurimùm possunt prodesse, ut penitentes dirigas in actionibus virtutum. S.Th. q. 47. ad 57.

2 D. Tria spectant ad Prudentiam, consulere, seu inquirere media, iudicare, & præcipere, sunt nè hæc tria unus, & idem actus Prudentiæ?

M. Sunt actus diversi, & procedunt à diversis virtutibus. Consiliari spectat ad virtutem Eubuliæ. Iudicare potest spectare ad duas: In Philosophia, & Theologia notum est, quod ubi, ratione materiæ, invenitur specialis difficultas ad se exercendum in parvo, & in magno, necessaria est diversa virtus pro actu circa parvum, & pro actu circa magnum. Quia erogans virtuosè parvam pecuniam, potest habere difficultatem in eroganda magna, ideò libe-



liberalitas est distincta virtus à magnificentia, quæ iuclinat ad magnos sumptus, & erogationem ingentis pecuniæ. Pari passu Philotimia inclinans ad mediocres honores distinguitur à magnanimitate inclinante ad summos. In Jurisprudencia, Princeps concedens aliquid in universali, non concedit illo rescripto, quæ habent specialem difficultatem; propterea ex p. 1. c. 21. n. 5. Alex. VII. declaravit non concedi absolutionem hæresis in Jubileis, estò universalitèr concedantur omnes casus Bullæ Cennæ, quia, hæresis est speciali nota digna. Ita procedunt quotidie Principes. Hęc applicando casui nostro, aliquando iudicium circa media procedit ex principiis communibus, aliquando ex altioribus: v.g. Petrus apud me reposuit ensen, & repetit: ex principiis communibus iudico esse reddendum, quia depositum debet stare ad instantiam deponentis; At si video Petrum iratum, qui repetit gladium ad occidendum, non debeo iudicare ex principis communibus, quæ dictat ratio depositi, sed ex altioribus, quòd in tali circumstantia non sit reddendus gladius. Primum iudicium procedens ex communibus, habetur per virtutem Synesis: alterum procedens ex altioribus, per virtutem Gnome; Tandem post consilium, & iudicium habetur per virtutem Prudentiæ præceptum *Fac hoc*, vel simile, ab intellectu practico factum voluntati, quæ taliter mota elicit actum virtutis, v.g. Iustitiæ: qui actus

est elicitive à Justitia , directivè à Prudentia . Porro Eubulia , Synesis , & Gnome sunt virtutes minùs principales , quia inserviunt ad actum præcepti , qui est principalis ; & sic Prudentia dicitur virtus Cardinalis : aliæ , partes potentiales Prudentiæ. S.Th. q. 51.

3 D. Quid requiritur , ut actus Prudentiæ sit integrè , & omni ex parte perfectus ?

M. S. Thom. q.49. enumerat octo. 1. Memoriam , quæ applicat principia universalia casibus particularibus ; unde oportet scire casus particulares , qui discuntur experimento , & tempore . Quomodò hæc juvari possit explicat art.2. ad 2. docens juvari præcipuè ex studio cum affectu discendi . Hanc Confessori Rituale commendat , dùm inculcat studium Theologiæ , conjunctum scientiæ de casibus reservatis &c. De scientia principiorum universalium dictum p.1. cap. 38. Experimentum præcipit Rituale , dùm vult Confessorem facilem , & promptum audiendis confessionibus. Intellectum , & ut virtutem , & ut Donum , seu cognitionem universalium principiorum ; ex quibus facilè deducat decisionem casus particularis. Ex hujus defectu Moralistæ nonnulli docuere Theses , quas Ap. Sedes damnavit , & hærent complures , quia non habent in suo libello casum singularem , quando nec omnes possunt exscribi. Huic defectui supplendo præsens instructio dat regulas generales ; at mediùs videri poterunt in legibus ab Apostolica Sede

Sede firmatis per damnationes Theſcon, per declarationes &c. nec non ex continua lectione S. Thomæ. Ut habeat Confessor hanc secundam partem, composita est ordinatio tota Ritualis pro sacramento Pœnitentiæ. Tertiò sit docilis, facilis, & promptus, quæ ex se non habet, edoceri ab aliis doctis, & piis; at præfertim à proprio Episcopo, quem sibi Deus constituit Doctorem. Rituale commendat hoc 1.p.c.7.n.7. his verbis: *prudens consilium peritorum*. Cum hoc procedunt omnes Urbis Congregationes, præcipuè Sacra Pœnitentiaria, & Sancta Inquisitio, Rom. Pontifex, & Concilia Oecumenica, quamvis habeant adſistentiam Spiritus Sancti, nec invenias Judicem, qui habens judicare de uno obolo, priùs accuratè non examinet leges, & non audiat Advocatos utrinque: quanquam ipse sit doctissimus. At Confessor judicaturus de salute animæ, statim ex Tripode judicat, unicè innixus libello, quem vix legit primis oculis: quartò sit Solers, ex se inveniens facilè, ubi stat ratio peccati, & media medendis animæ morbis. Hoc Rituale meminit num. 19. dùm vult interroganda speciem, numerum, & circumstantias: quintò sit benè ratiocinativus, inquirens omnia, quæ, pro, & contrà se, dicit Pœnitens, ut inde concludat, an sit damnandus, vel excusandus à peccato. Rituale meminit num. 18. dùm vult interpellari pœnitentem, quando est opus aliquid meliùs intelligere: sextò sit pro-

videns, ne in futurum pœnitens relabatur. Rituale num. 7. Confessorem ait Arbitrum inter Deum, & homines, *ut honori divino, & animarum salutis consulat*: septimò sit circumspectus, attendens ad mala præsentia. Rituale num. 20. *ne scandalum patiatnr* Pœnitens, Octavò sit cautus ad mala futura. Rituale ibidem, *indeque peccare discant*.

4 D. Prudentia est nè una Virtus?

M. Sunt quinque species: Prima dicitur Monastica; per hanc homo dirigit se in suum finem: Secunda Oeconomica; per hanc pater familias dirigit domum in finem debitum familiæ. Tertia Politica: per hanc subditus dirigit se in finem debitum Reip. juxta ordinationem Principis: quarta Militaris: per hanc Dux dirigit exercitum in finem victoriæ. Quinta Regnativa; per hanc Princeps dirigit Rempublicam in finem communis tranquillitatis. Hæc subdividitur in alias infimas, juxta varios modos regendi; & quælibet ex illis præter primam, reperitur in uno perfectissimè, in alio magis, in alio minùs: v. g. perfectè reperitur Oeconomica in Patre familias; minùs perfectè in Matre: minus in Magistro domus &c. Idem dic de Militari, quæ reperitur perfectissimè in supremo Duce; minùs perfectè gradatim in reliquis Officialibus. Idem de Regnativa, suisque speciebus. Reperitur perfectè in supremo Principe: minùs perfectè in Baronibus, qui habent rationem dominii, sed, & in Judicibus,



cibus, Confiliariis, aliisque Ministris. Hujusmodi ministeriorum diversitas constituit diversitatem specificam Prudentiæ, adeò ut peccans debeat id explicare in confessione.

5 D. Extat nè præceptum eliciendi actus Prudentiæ?

M. Cui præcipitur finis, præcipitur etiam ponere media necessaria ad finem: Alia media sunt de se utilia, & alia necessaria. Extat præceptum ponendi secunda, non prima. Sic obligatus elicere actum jejunii, tenetur consulere, seù inquirere media necessaria, judicare de illis, & præcipere pro jejunando. Idem dic de reliquis virtutibus, quando obligamur exercere actus illarum, quia tunc per prudentiam Monasticam tenemur illis trium virtutum actibus providere media, sine quibus impossibile esset consequi vitam eternam. Quoad alias species, obligatur sub mortali subditus, ut se disponat ad recipiendas instructiones Superiorum, quæ sunt necessariae pro fine illius Superioris: v.g. filius, quæ pater media profert, sine quibus non posset, servari pax familiæ, quoad substantiam; & ita de reliquis. E contra Superiores tenentur providere media pro tranquillitate sibi commissa. Confessor media necessaria, ut pœnitens justificetur &c. Nota, quòd species Prudentiæ, præter Monasticam habent dirigere ad bonum commune, velut ad finem: non ad bonum singulorum de communitate.

6 D. Obligat nè Prudentia ex genere suo ad mortale ?

M. Ex p. i. c. 34. n. 6. prudentia non obligat ex genere suo ad mortale, sed si obligemur ad aliquem finem sub mortali, & media sint necessaria, tunc obligabit sub mortali.

7 D. Prudentia obligat ne per se, vel per accidens ?

M. Per accidens, nisi in casu, quo præviderem, vel tenerer prævidere media nonnulla esse necessaria pro tali fine, ad quod obligor sub mortali, & nollem ponere v. g. Princeps prævidens, quòd permittendo impune fures, turbabitur regnum, & nullum ponens medium ut impediat, quia non vult, peccat duplici peccato, altero contra justitiam Vindicativam, non castigando fures, altero contra Prudentiã regnativam, non ponendo tale medium pro tranquillitate regni. Utrumque debet explicare in confessione. Hoc secundum, utpotè contra bonum commune, de natura sua est gravissimum. Sed hæc sunt peccata Superiorum, ut talium, de quibus vix est, qui se accuset, quia Confessores, & Concionatores super illis non instruunt. Unus narratur Caroli V. Confessor, qui audita confessione, regefferit: *Dixisti peccata Caroli: dic peccata Principis.* Accusant se de impatientiis &c. sed vix de omissione Prudentiæ alioqui tam graviter obligantis pro bono communi.

8 D. Quod

8 D. Quod est donum Consilii correspondens Prudentiæ?

M. Tres actus Prudentiæ, Consilium, Judicium, & Præceptum ex n. 2. eliciuntur per virtutes distinctas; Ubi verò movemur ad operationem per donum Spiritus Sancti, idem habitus, utpotè perfectior, habet elicere tres illos actus. licèt specie diversos; quare donum Consilii inquit, judicat, & præcipit media. Hoc donum supplet prudentiam Monasticam in ponendis mediis pro consecutione ultimi finis: & ejus actus requiritur, ubi exercemur in Theologalibus, estò ad fidem, & spem informes, actus præcedens Consilii sit præambulum non attingens perfectam rationem domini, ut 1.p. c.33. n.3. Præcedit etiam actus virtutum Cardinalium infusarum, ad quos movemur à Spiritu Sancto. De præcepto eliciendi actum hujus Doni, differe ut de Prudentia. S.Th. q.52.

8 D. Qui fructus, & quæ Beatitudo correspondent dono Consilii?

M. S. Th. ponit benignitatem, & bonitatem, ut fructus correspondentes Consilio, & quintam beatitudinem. *Beati misericordes, quoniam ipsi misericordiam consequentur.*



## CAPUT XVI.

*De peccatis per defectum oppositis Virtuti Prudentiæ.*

**P**Eccata opposita dono Consilii non habent nomen speciale distinctum à peccatis oppositis Prudentiæ, sed sub iisdem nominibus peccata, veniunt humana, opposita Virtuti: & sunt inhumana, & bestialia opposita Dono. Quælibet virtus Moralis, & Donum correspondens habet duo genera peccatorum sibi oppositorum: alia per defectum, alia per excessum: illa deficiunt à virtute Prudentiæ: ista, excedunt. Agam hic de oppositis per defectum, & in sequenti de oppositis per excessum.

2 Prudentia cum suis virtutibus annexis primò per Eubuliam inquit media: secundò per Synesim, aut Gnome iudicat de mediis: tertio per se ipsam præcipit media voluntati, & potentiis executivis. Igitur

3 Primùm per defectum Prudentiæ oppositum, est Præcipitatio; quando quis ex passione agit sine actu Ebuliæ, præcipitans se, hoc est, non transiens per medium consilii.

4 Secundum Inconsideratio: cum homo, postquam per Eubuliam inquisivit media, procedit ad opus, absque iudicio debito de mediis per Synesim, aut Gnome, non considerando, quantum debet, quæ media sint magis opportuna pro fine. Vocatur Inconsideratio, sive  
desi-



deficiat in iudicando per Synesin, sive per Gnome.

5 Tertium est Inconstantia, quando post bonum consilium. & iudicium, deficitur in præcipiendo voluntati, ut debet, quod eligat tale medium.

6 Quartum est Negligentia; quando post bonum consilium, iudicium, & præceptum voluntati factum, deficit in exequendis mediis per alias potentias: Debemus enim tardè consiliari, sed citò exequi. Experientia docet; quod, differendo executionem, refrigescimus; at maximè id apparet in conversione peccatoris: nam multi proponunt confiteri, sed quò differunt magis, maiorem sentiunt difficultatē.

7 Quando, & quomodo unumquodque ex his sit peccatum, veniale, vel mortale, deduci ex p.1.c.34.n.6. ubi, quando, & quomodo prudentia obliget. S.Th. q.53.54.

## C A P U T X V I I.

*De peccatis per excessum oppositis Virtuti Prudentia.*

1 **P**eccata per defectum opposita generico nomine vocantur Imprudentia; & per excessum opposita, dicuntur Prudentia Carnis. Alii distinguunt prudentiam Diabolicam, Mundanam, & Carnis, vide S. Thomas q. 55. a.1. ad 3. Per prudentiam carnis intelligo,

go, cum homo ex amore alicujus finis dirigit media de se mala, in quo excedit. Si quis constituat sibi finem malum, & dirigat media mala in hunc finem, committet duplex peccatum; aliud de intentione finis; aliud de directione mediorum: si finis sit bonus; at media mala; tunc unicum est peccatum in applicatione medii; sed in confessione debet explicari quale medium sit applicatum; v.g. qui ad faciendam eleemosinam furatur, explicabit, si res sit sacra &c. Prudentia Diabolica dici possunt vitia per excessum opposita dono Consilii.

2 D. Genus prudentiæ Carnis in quot species distinguitur?

M. In sex: prima est *Astutia*. Secunda *Dolus*. Tertia *Fraus*. Quarta propriè dicta *Carnis prudentia*. Quinta *Solicitudo temporalium*. Sexta *Solicitudo futurorum*.

3 D. Quid est Astutia primum peccatum?

M. Hæc per excessum opponitur Eubulæ; est quando quis ad consequendum finem sive, bonum, sive malum, inquit media mala voluntariè. Peccabit specialiter, si advertens esse mala, velit adhuc inquirere; tunc explicabit hoc peccatum, & speciem mediorum malorum.

4 D. Quid est Dolus?

M. Est, cum quis post consilium, sive judicat, sive præcipit, sive exequitur ad finem, media mala consistentia in verbis: v. g. ad defensionem sui honoris, cum 44. Thesi Innoc. XI. judicat imponere falsum crimen, sive præcipit volun-

luntati, ut imponat, sive actu imponit. Si tantum voluntariè judicet, sed non præcipit, peccat contra Prudentiam: quòd si etiam exequatur, peccat contra Justitiam; & ita in confessione debet explicari distinctè; si explicet secundum, intelligitur primum, & si tertium, explicat, primum, & secundum intelligitur.

5 D. Quid est Fraus?

M. Fraus, & dolus differunt, quòd iste consistit in verbis: illa ordinariè in factis. In reliquis eodem modo de utrisque differe. Fraudulenter egit villicus Luc. 16. qui falsavit cautiones domni.

6 D. Quid est Prudentia carnis?

M. Propriè est, cum homo, post consilium, & judicium, præcipit media mala, ut consequatur finem. Villicus addidit hoc: ubi enim judicavit de fraudulentia, præcepit voluntati.

7 D. Quid est sollicitudo temporalium?

M. Quia ad prudentiam pertinet sollicitudo in exequendo media, quæ pro fine bono, inquisivimus per Eubuliam, judicavimus per Synesim, aut Gnome, & præcepimus per Prudentiam, Negligentia, opponitur per defectum huic sollicitudini, & per excessum, sollicitudo temporalium. In hoc potest peccari tripliciter: primò, si respiciamus media velut finem: secundò, si nimis sollicitemur in iis acquirendis: tertio, si acquisita nimis sollicitemur, ne deficient.

8 Quid est sollicitudo futurorum?

M. Pa-

M. Pariter opponitur sollicitudini debitæ. Ex a. 7. Si quis in vere sollicitus esset de vindemia, præparans dolia, conveniens cum vindemiatoribus &c. esset nimia sollicitudo futurorum, sed non, si de his cogitet in media æstate: aut præveniret, ut, ad finem honestum, minoris conducere operas artificum.

9 D. Adfunt nè Theses prohibitæ circa Prudentiam?

M. Indirectè omnes attingunt Prudentiam, quatenus prohibemur dare consilium, judicare, aut præcipere juxtà illas, quando præsertim expressè prohibemur eas deducere in praxim. Directè tertia Inn. XI.

10 D. Adfunt nè censuræ contra violentes Prudentiam?

M. Neque adfunt censuræ neque reservatur hoc peccatum, quia hæc cadunt super actu externo, & completo, non super mediis, quæ respicit interiùs Prudentia.

11 D. Quas pœnitentias imponet Confessor delinquenti contra Prudentiam?

M. Commendabit, ut, quantum potest, in operando fugiat ductum passionis: Verissimè dicitur. Jer. 12. *Desolatione desolata est omnis terra, quia nullus est, qui recogitet corde,* considerando finem, ob quem operatur, quia hæc est differentia inter bruta, & hominem: illa sequuntur ductum passionis; iste debet semper, ante operationem, præstituire sibi finem; & hoc præstituto, considerare media proportionata,



nata: finis omnium hominum est gloria Dei, & salus animæ propriæ: Ad hunc, velut ad centrum, dirigenda est omnis operatio, etiam ad bonum publicum, adeò ut Principes, Reges, ipse Romanus Pontifex debeant primariò respicere gloriam, quæ Deo resultat ex salvatione animæ propriæ, & ad hanc dirigere cætera. Ipsum etiam desiderium salvandi totum orbem procedere debet ex desiderio propriæ salutis, quod probè nota, ne, cum prædicas aliis, ipse reprobus efficiaris. Ob rebellionem carnis, dum sumus Viatores, non possumus ita nos dirigere ductu rationis, ut nunquam in operando præveniamur passione. Fuit hoc singulare privilegium B. Virginis. Donum hoc habebamus in primo parente; amisimus, cum in eo peccavimus: restituetur in patria: cæterum pro quanto possumus, enitendum est, ut hoc modo procedamus. Id suaviter, & efficaciter commendabit Confessor: nec enim alia est via acqui-  
rendi Prudentiam, & cum Peudentia cæteras virtutes; quæ omnes regulantur Prudentia.

## C A P U T XVIII.

*De Justitia in genere, secunda Virtuti  
Cardinali.*

1 **F**ides, & Prudentia, receptæ in intellectu, respiciunt verum. Illa verum, ut à  
Deo

Deo revelatum: ista verum, ut operabile in singulari ad finem consequendum. Virtutes in Appetitu receptæ respiciunt bonum: Spes bonum sub conditione Ardui: Charitas bonum, ut bonum: Justitia bonum, ut alteri debitum; hinc apparet cum omnibus virtutibus sibi annexis recipi in voluntate (ad differentiam Fortitudinis, & Temperantiæ, quæ respicientes bonum proprium, recipiuntur in appetitu sensitivo nam comparare unum cum alio pertinet ad intellectum, & appetere bonum, ut comparatum alteri, ad appetitum, qui sequitur intellectum.

2 Quod dicitur passivè debitum, activè dicitur jus: si aliquid mihi à Petro debetur, ego habeo jus ad illud. Et aliud est jus naturale, quod exigit natura, ut quæ continentur in Decalogo; aliud jus gentium, quod exigunt communiter populi, ut ab uno Principe non offendi Oratorem alterius: aliud jus divinum, quod exigit Deus, ut quod omnes baptizentur: aliud jus humanum civile, aut Ecclesiasticum, quod exigunt Princeps, & Ecclesia.

3 Hinc vocatum est jus, non solum, quod mihi debetur, sed etiam lex ipsa, per quam mihi debetur: quare dicimur obligati facere aliquid jure (hoc est, lege) naturali, divino, gentium, humano, &c.

4 Prædictæ Juris species sunt subalternæ, continentes sub se alias: Id debet notare Confessor obligatus exigere à pœnitente infirmam

peccati speciem ; nec enim sufficit, si me accussem violasse jus naturæ , nisi explicem, in quo violavi. Idem dic de jure humano &c.

5<sup>a</sup> Alia etiam differentia est : aliquid debetur, & de se reddi potest ad æqualitatem, ut qui debet centum Petro : hæc reddi possunt ( quidquid sit, an impossibilitetur per accidens ob inopiam ) secundò: aliquid debetur, at reddi non potest ad æqualitatem : ita debemus Deo, Patribus, Patriæ, Principi, Magistris, Confessori &c. esse , educationem &c. quæ reddere non possumus ; bona exteriora, quæ damus, & possumus dare, de se non compensant ad æqualitatem . Hæc duo sunt debita rigorosa , ideò ad illa obligamur sub mortali: tertio, debemus aliquid ex honestate , seu convenientia, ut benefactori debemus retribuere: quartò, debemus aliquid alteri, non ratione sui, sed ratione nostri : dives debet erogare pecunias , quia convenit sibi , ut eroget in bonum aliorum. Hæc ratio diversa debiti constituit diversa genera virtutum , de quibus in singulari differetur ; Et quia omnes hæ virtutes respiciunt illam , quæ reddit debitum rigorosum ad æqualitatem , ideò omnes vocantur nomine *Justitiæ* : sed ratio Virtutis invenitur principaliter in ista ; hæc propriissimè dicitur *Justitia*, estque Virtus Cardinalis .

6 De hac differendum ante reliquas minùs principales annexas ; & est quadruplex: prima Legalis, per quam Princeps dat subditis, quod

leges præcipiunt dirigendo illos ad bonum commune ( subditi verò reddunt, quod præcipit. ) Secunda est Justitia Distributiva, per quam Princeps dispensat honores, & bona Reipub. juxta merita Subditorum: Tertia est Vindicativa, per quam Princeps distribuit pœnas à lege statutas, juxta demerita. Quarta est Commutativa, per quam unus reddit ad æqualitatem, quod debet alteri: Primæ tres requirunt jurisdictionem. De singulis differetur. Interim de jure vide S.Th. à q. 57. ad 60.

## C A P U T    X I X.

### *De Justitia Legalis, & Vitiis oppositis.*

1 **Q**Uælibet Respublica constituit unum corpus, in quo subditi, velut membra, per justitiam legalem ordinantur ad salutem totius, non tamen per eodem actus: Alia, ut, Caput, imperant: alia, ut oculi, dirigunt: Hi sunt Consiliarii: Alia, ut manus, moventur, & movent. Hi sunt Judices subalterni, qui moventur per authoritatem sibi à Principe communicatam, & movent regulando alios. Inter hos locum habent Confessarii in Hierarchia Ecclesiastica, qui sunt Judices, & debent, secundum leges ab Ecclesia præscriptas, regulare pœnitentes: Alia, ut pedes, habent exequi, quæ præcipiuntur: v.g. Satellites &c. Alii neque jus habent dirigendi, neque



neque exequendi, ut cæteri subditi, ad quos spectat non facere, ut alii exequantur, sed ipsi debent exequi.

2 Juxta quod unus participat de jurisdictione, ita participat de *Justitia Legali* activè sumpta; & possunt authoritativè alios inducere ad bonum commune Reip. magis, vel minùs perfectè. Reliqui non possunt judicare, sed tenentur obedire, & actus, quo se movent ad obediendum, spectat ad justitiam legalem passivè sumptam, & diriguntur à Prudentia, quæ ex c. 14. n. 4. dicitur Politica. Obediuntq; inclinati per Virtutem Obedientiæ.

3 D. Quotuplex est *Justitia Legalis*?

M. Duplex: altera retinet nomen commune: Altera dicitur *Epicheja*. Ex c. 14. num. 2. in intellectu practico, virtutum altera judicat secundum causas ordinarias: altera per altiores: pariter in voluntate datur duplex virtus: altera, quæ ordinat Reip. membrum in bonum commune per leges ordinarias, secundum intellectum obviū: Hæc communi nomine dicitur *Justitia legalis*: altera ordinat, non secundum verba, sed secundum finem altiore legis. Extat lex obligans reddi statim deposita petenti: per *Justitiam* communem inclinatur Judex ad judicandum, ut sonant verba legis: sed per *Epichejam* Judex considerans nunc peti à me gladium depositum, ut hostem occidam, prohibet reddi, respiciens non verba, sed finem legis, qui est tollere injustitias, & quæ auge-

rentur, si staeim redderetur. S. Th. q. 120.

D. Quelibet duarum continetne sub se plures species?

M. Utique: alterius enim speciei peccato peccat Princeps violans utramque, habens in se plenitudinem jurisdictionis, Baro non habens ita plenam auctoritatem, Consiliarius, Judex, ipsi Executores, aliter Satelles, aliter Lictor. Et quia diversa est jurisdictio Ecclesiastica, & Sæcularis; ideò violans Ecclesiasticam; explicabit in confessione hoc: prætereà utrum sit supremus Hierarcha, utrum Episcopus, ntrum simplex Confessor. Nihil tamen refert, quòd jurisdictio sit ordinaria, vel delegata; In Oeconomica etiam, quæ participat aliquid legalis, explicabit, an sit pater, mater &c. Si Confessor in praxi dubitet, nùm diversa participatio jurisdictionis, constituat diversitatem specificam, inducat pœnitentem suavis, at efficacibus verbis, ut superabundet in explicando potius, quàm deficiat: ut abundant explicandis Medico morbis corporum.

5 D. Quos actus Justitia legalis, & Epicheja, exercent circa suum objectum?

M. Tàm istæ, quàm Vindicativa, Distributiva, & Commutativa habent actum in voluntate, quam inclinant ad reddendum cuilibet jus suum; sed terminant in intellectu per judiciũ, quod proptereà dicitur proprius actus Justitiæ in genere acceptæ, quo judicamus de aliis, ut competit cuilibet in particulari: nam

Le-

Legalis, Distributiva, & Vindicativa dant judicium authoritativum, seu sententiam circa gubernium Reip., pœnas, & præmia. Commutativa dat judicium privatum de hominibus, vel de aliis rebus, ut exigit jus. Quia igitur judicium spectat ad quamlibet justitiam, prius agam in communi, postea de illo, ut proprium est Justitiæ legalis.

6 D. Quid requiritur, ut Judicium sit licitum?

M. Nomē hoc ex primâ institutione impositum fuit, ut significaret rectam determinationem eorum, quæ in praxi erant agenda; ad quod requiruntur duo; primò virtus proferens judicium; & hæc est potentia intellectiva cum suo habitu: secundò dispositio judicantis, per quam reddatur idoneus ad judicandum; hæc, si judicat in materia Temperantiæ, erit ipsa Temperantia; si in materia justitiæ, ipsa Justitia; & sic de reliquis virtutibus: postea nomen judicii ampliatur ad significandum, quidquid determinamus etiam in speculativis, ut cum dico: *Petrus est homo*: S. Th., q. 60. art. 1. ad 1. Nunc differimus de judicio practico, ut procedit à disposito per justitiam ad judicandum rectè de iis, quæ pertinent ad jus alterius; & semper suppose, in unaquaque virtute dari actus perfectos, & imperfectos: perfecti sunt, qui procedunt ab habitu præexistente: imperfecti, qui sunt ipsius virtutis; at non procedunt ab ipsa præexistente in operante. Ergo

judicium commune cuilibet Iustitiæ, ut sit licitum, debet esse prudens. S.Th. q. 60. art. 2. nam si *deest certitudo rationis, puta, cum aliquis judicat de his, quæ sunt dubia, vel occulta, propter leves conjecturas: est judicium temerarium*. Hæc ex a.3. ad 1. est certitudo, non quidem sicut in demonstrativis, sed sicut convenit tali materiæ, puta, cum aliquid per idoneos testes probatur; vel per indicia sufficientia: hæc enim est certitudo moralis in operabilibus, quam respicit Prudentia, utpotè virtus intellectualis tendens in verum, non verum necessariò, sed ut in pluribus. Circa quam multi anguntur scrupulis, an omnia juventutis peccata confessi fuerint, vel voluntariè aliqua omiserint. Sacerdotes, an Episcopus illos ordinans habuerit intentionem, an tetigerint physicè instrumenta, dum ordinabantur. Moniales, aliàs timoratæ conscientiæ, an consenserint inhonestæ cogitationi, dubiis fidei &c. In his casibus, ad tollendos scrupulos, utere hac regula. Esset gravissimum peccatum judicii temerarii, si judicarem in ordinando Episcopum non habuisse intentionem: quare certum est moraliter, quod habuit.

7 D. Quomodo differunt judicium, & suspicio?

M. Iudicium est firma adhæsiō, seu determinatio intellectus, quòd res in se sit talis, qualem ego affirmo; suspicio inclinatur in unam partem, cum formidine oppositi: Iudicium, si  
fit



fit ex levibus indiciis, dicitur temerarium, & mortale peccatum ex suo genere, contra commutativam: quia fit injuria proximo; & per hoc admittit parvitatem materiæ: nam levis injuria est veniale. Iudicium potest esse falsum, & non temerarium: Video Petrum fugientem evaginato gladio, totum in se, & in gladio respersum sanguine, judico illum occidisse: potest esse falsum, sed non erit temerarium, quia procedit ex gravissimis indiciis. Ut fit peccatum, debet esse temerarium. Suspicio, utpotè actus imperfectus, de se non est mortale, nisi vestiatur talibus circumstantiis, ut gravis injuria sit vel suspicari malum, ut si suspicarer Regem ditissimum, & piissimum pro uno obolo vendere justitiam &c.

8 D. Ex n. 6. ad judicandum requiritur certitudo moralis, quid faciam, ubi deest hæc?

M. Sæpiissimè Confessarius incidet in hos casus, in quibus caveat nimium laxare, vel stringere conscientias. Majoris claritatis gratia, divido quæstionem in tria genera personarum; vel quæritur, quid in tali casu debeat homo judicare de proximo non subdito: secundo, quid Superior de subdito: tertio, quid homo de seipso. Quoad primum: Roman. 14. *Tu quis es, qui judicas alienum servum*: & Christus *Nolite judicare & nō judicabimini*. Confessor semper inculcet pœnitentibus; ut abstineant à judicando, quæ ad se non spectant,

etiam si certa sibi videantur, multò magis, ab his, quæ dubia sunt. Quoad Superiores, & Judices, cæteris paribus, in dubio semper inclinabunt ad favorem Rei ex illa regula, *Nemo præsumitur reus, nisi constet*. Tamen moneat Confessor, quòd hæc regula non concedit duo judicia, sed unicum. 3. Reg. 3. Salomon judicavit unicè in favorem mulieris, quæ volebat infantem dividi, sed non judicavit aliam ad pœnam, quia indicia erant sufficientia pro primo in favorem Ræ, non pro secundo ad damnationem Actricis; In tertio homo dubius de suis actionibus, non debet judicare se reū; Ita enim judicaret falsum; sed debet apponere remediū, ac si esset reus, ut de conscientia dubia p.1. c.39.n.9. Igitur Superior dubitat, nūm Petrus sit irregularis; nunquam damnabit; & Petrus paritèr dubius non judicabit se irregularem, sed geret se ut talem, petendo dispensationem. Maritus dubius de validitate matrimonii, non feret præjudicium comparti, negando debitum, sed quoad se ipsum, aget quasi esset invalidum; non petet debitum; ante dispensationem. Idem in similibus. Videbis complures aliter sentire, cum quibus nolim contendere. Hoc unum mihi certum est; quòd tutissimum est ita in praxi regulare conscientias. Vide S.Th. q.60. a.4. præsertim ad 3.

9 D. Hæc conveniunt iudicio, prout spectat ad omnem justitiam: ut spectat ad legalem, debetne habere alias conditiones?

M. Alias

M. Alias duas: prima, ut sit conforme omni justitiæ, tum legali, tum commutativæ &c. Considera pauca hæc verba; nam in illis multa comprehenduntur. Peccat Judex, sententians ex testimonio unius; nam per leges: *In ore duorum, vel trium testium stat omne verbum.* Peccat accipiens testimonium hominis rejecti per leges: damnans inauditum &c. quia judicium tale est difforme legibus. Peccat Princeps in communi necessitate taxans equè pauperem, ac divitem, contra distributivam &c. Peccat contra commutativam adjudicans bona subditi fisco absque causa &c. Secunda conditio est, ut sententia procedat cum auctoritate, seu jurisdictione: Sententia sine hac procedens dicitur nulla, & facit injuriam duobus, Principi, cujus jurisdictionem assumit, & illi, quem judicat.

10 D. Extat nè præceptum obligans ad judicium Justitiæ legalis?

M. Qui habent jurisdictionem, tenentur quando pars instat, & adsunt conditiones supra memoratæ, & peccatum omissionis oppositum ex genere suo est mortale, contra commutativam, quia pars habet jus. Nomine partis intelligitur etiam fiscus: At si, omnibus consideratis, injuria esset levis, ex parvitate materiæ, redderetur veniale. Sed fusiùs de hoc, ubi de justitia commutativa ex parte Iudicis.

11 D. Quæ sunt peccata contrariè opposita Justitiæ legali?

M. Non

M. Non habent nomen speciale. Habet ista virtus, utpotè moralis, vitia opposita per defectum, & excessum. Iudicium, cui desunt tres assignatæ conditiones, opponitur per defectum. Si semper velit procedere juxta apices juris, & sequi rigorem legis absque prudentia, tunc, quia *summum jus summa injuria*, erit oppositum justitiæ legali, tam communiter dictæ, quàm Epichejæ, per excessum.

12 D. Adsunt nè circa justitiam legalem Theses prohibitæ?

M. Iudicium justitiæ legalis, exigit, ut dictum est, tres conditiones; primariò respicit jurisdictionem: Igitur Al. VII. damnavit, 3. & 4. quæ concedebant personis ibi enumeratis jurisdictionem super hæresi: 12. quæ concedebat Mendicantibus super casibus Episcopo reservatis, & 16. quæ ad absolvendum, ut ibi, concedebat simplici Sacerdoti.

13 D. Ex his peccatis adsunt nè aliqui reservati cum censuris?

M. Tertius Canon Bullæ Cænæ est contra Piratas, qui turbant jurisdictionem Pontificiam: quintus in eos, qui sibi arrogant ad imponenda nova pædagia. Nonus in arrogantes ad faciendum, quæ ibi exprimuntur contra morantes in Curia. 13. in arrogantes ad impediendam executionem litterarum Apost. 14. contra arrogantes in Causis Ecclesiasticis. 15. contra arrogantes super libertate Ecclesiastica. 16. contra impediennes jurisdictionem Ecclesia-



clesiasticorum. 17. contra arrogantes super bonis Ecclesiasticis. 18. contra arrogantes ad imponendum onera Ecclesiasticis. 19. contra arrogantes ad judicandum de Clericis. 20. contra arrogantes in temporali dominio Ecclesiæ. Tandem excommunicantur, qui sibi usurpant jurisdictionem ad absolvendum in prædictis casibus.

14 D. Quas pœnitentias imponet Confessor violanti Justitiam legalem?

M. Hoc peccatum est gravissimum, & in usurpante sibi jurisdictionem maximè Ecclesiasticam, & in habente, sed deficiente in aliis conditionibus. Quoad hoc secundum, Superior habens jurisdictionem, & judicans contra justitiam magis peccat, quàm privatus furans, detrahens, vel occidens: Minus est pati hæc à privato, quàm à constituto per Deum, ut avertat hujusmodi ausa; & maximè, si ob pecuniam induceretur ad injustè judicandum; essent enim peiores, quàm Sicarii, & Assassini, qui locant suam operam, ut alios occidant. Quoad primū contine Principe intrà suos fines; ostendens quàm grave sit occupare jurisdictionem alterius, cui defendendæ pro uno terræ palmo, licent Principibus bella, ex quibus tamen tot mala occasionantur; unde apparet jurisdictionem esse majus bonum, omnibus bonis exterioribus; etiam vita privatorum. At majus peccatum est usurpare Ecclesiasticam. Hanc usurpans, est veluti filius, qui, ut regnet, de-

jicit

jicit è throno patrem , ac matrem . Ubi Confessor absolvet excommunicatos, ob hanc usurpatam, habebit ante oculos, pœnitentias, præsriptas in Bulla Cœnæ , vel aliis Const. Pontificiis .

## C A P U T    X X .

### *De Justitia Distributiva , & Peccatis eidem oppositis.*

**H**Æc exercet judicium circa Reip. bona , dividendo inter cives , ( tamen ad utilitatem Reip. ) servando æqualitatem , non Arithmeticam , sed Geometricam. Commutativa servat Arithmeticam , reddendo quod omninò debetur in re ipsa ; si debeo centum personis decem aureos , reddo singulis decem , sive sit Princeps Creditor , sive plebejus . Distributiva servat Geometricam , quia habet proportionem ad dignitatem personæ , adeò ut in eodem bello pugnantes , mereantur præmium in se majus , Duces , quàm gregarii milites , & merces menstrua trium scutorum proportionata militi , est impar Duci . Ex hoc dicitur servare æqualitatem Geometricam , quia dividit considerans dignitatem præmiandi , & proportionat præmium ad personam . S. Thomas q. 62.

2 D. Quæ sunt Geometricè dividenda ?

M. Sunt

M. Sunt gradus, honores, Magistratus, divitiæ ( non privatorum , sed quæ spectant ad Camera ) onera , vectigalia , tallæ &c. ex quibus ditescit Camera, seu publicum ærariū.

3 D. Quid significat esse dividenda in utilitatem Reip. ?

M. Ut Princeps justè distribuatur gradus militares, non debet considerare tantum subditi virtutem, si sit in se bonus civis, sed si sit bonus miles ; & si exercendo gradus militares , erit utilis Reip. Ideò sunt distribuenda non melioribus simpliciter , sed melioribus hic, & nunc; Considerandi sunt in singulari , gradus, honores &c. pro loco, & tempore, ac, estò in reliquis non sit civis ita virtuosus , si, omnibus consideratis, est utilior , debet præponi. In spiritualibus tamen habet locum *vitæ integritas*, ac *morum honestas*, ut §. 6. ait Clemens X. in Bulla *Superna magni*, quia debent pascere populum exemplo, verbo, & opere, ut esse meliorem sit idem ac esse aptiorem in his circumstantiis ad consulendum Ecclesiæ.

4 D. Quid debet in providendis considerare Superior , ut iustè distribuatur bona Reip. præsertim Ecclesiasticæ ?

M. Circumstantiæ utpotè infinitæ, non possunt paucis compræhendi. Innuo aliquas in particulari. Post talem vitæ integritatem, ut non sit scandalo populis providendus de beneficio , primò Superior habeat ante oculos Canones : qui per hos redditur indignus, non potest

test provideri: secundò consideret servitium, cui providendum est, non personā; Multi cognoscunt se obligatos alicui, & statim conferunt beneficium; hi provident personam, non beneficium. Justus dispensator (qualis est Superior, non Dominus, præsertim beneficiorum Ecclesiasticorum) considerat beneficium: si sit Canonicatus, vel alia Præbenda, quæ solum indiget adfistentia Chori, & recitatione Officii: ad ista quis esse poterit aptior, etiamsi habeat doctrinam minorem alio: tertio statum providendi: nobilis debet provideri juxta suum; quare illi non sufficit beneficium tenue, quod plebejo sufficeret: quarto vide, ubi situm sit beneficium: Ecclesia ruralis debet provideri de Theologo Morali, legente sæpius Rituale Romanum; ut practicè sciat conferre sacramenta: quinto debet Superior confidere de illo, cui confert beneficium. Ideo S.Th. q. 63. a.2. ad 1. ait licere Prælato præferre consanguineos, quando aliàs æquè digni sunt, & fieri potest sine scandalo. Confessor dirigens conscientiam dispensatoris, præsertim Ecclesiastici, proponat hæc omnia, faciatque distinguere hæc duo: nam peccat, si distribuatur, quia amicus est, vel consanguineus, sed si cum hoc, quod bonus est, & utilis Ecclesiæ, conjungitur esse amicum, vel consanguineum, in tali casu potest præferri, quia per illam circumstantiam redditur utilior.

5 D. Possunt nè distribui bona; præsertim Eccle-



Ecclesiastica, ob commendationem potentioris, & præcipuè Principis?

M. Dum Deus commendat, facit bonum, Homo non facit, sed præsupponit: admitti potest hominis commendatio, in quantum ista præsupponit meritum commendati; & supponendo meritum, debet aliqualitèr respici, ut testimonium, quod 1. Tim. 3. debet accipi *ab iis, qui foris sunt*: sed merè, quia commendatur, non potest provideri: quare Superior curabit, ut commendantes, etiam merita commendati, & requisita proponant.

6 D. Orationes Sanctorum profunt peccatori; & est licita invocatio, ex ordine reperito in naturalibus, quòd pauper indignus aliqua gratia, illam impetrat prece nobilioris; quare alias indignus, ob commendationem poterit provideri?

M. Deus in aliquibus se habet, ut Dominus; in aliis, ut justus Judex: ut Dominus dat gratiam: ut Judex, dat gloriam; Ut Dominus ad preces Sanctorum dat gratiam; ut dispensator gloriam juxta merita. Superior ergo imitetur Deum: In quibus est Dominus, faciat gratiam relaxando pœnam ( nisi præjudicet bono communi ) dando etiam occasiones subdito sibi intimo, ut possit mereri plura, sed nunquam det bona Reip. præsertim Ecclesiasticæ ) quorum est dispensator ) nisi merentibus, juxta excellentiam meriti, & in utilitatem Ecclesiæ. S.Th. q. 63. a.1. ad 3.

7 D. Sufficit nè eligere bonum, an eligendus est melior, ut nonnulli docent?

M. Si omisso meliori, provideatur bonus, peccat providens eligendo, quem hic, & nunc cognoscit non esse utiliore*m* Ecclesiæ. Dispensator habet sequi voluntatem Reip. quæ, ut omnis alius, quærit, quod sibi magis convenit: sed non peccat provisus acceptans, & se remittens iudicio Superioris: imò acquirit jus in beneficio, nec illo potest expoliari. Vide prop. 47. ab Innoc. XI. damnatam, quæ ostendit, etiam extra concursum, eligendos esse digniores.

8 D. Hæc nō attenditur in electionibus, etiam Regularium: nec enim examinatur quis ex duobus sit dignior, sed quis consanguineus, amicus, nationalis &c.

M. Si est eligendus dignus, ergo magis dignus erit magis eligendus: præsertim quia dicimus eligendum digniorem hic, & nunc, omnibus pensatis; Cæterum sicuti Ecclesia non damnat electiones, quæ ordinariè fiunt, ita neque debet damnare filius volens in omnibus imitari matrem, sed supponere legitimas, nisi contrarium manifestè constet; quando præcipuè malum non est eligere amicum, nationalem &c. sed eligere merè, quia amicus, vel nationalis est. Effet lacrymabile, quòd Rerum publicarum, præsertim sacrarum, provisores introducerent hoc grande scelus contra justitiam distributivam. Inde expectari posset ex-

termi-

terminium totale Reip. nām *Regnum à gente in gentem tsansfertur* Eccl. 10. *propter injustitias, & injurias, & contumelias, & diversos dolos*: quæ omnia interveniunt, ubi justitia pessumdatur; nec ullo possunt averti studio supremi Principis, nisi sint duæ virtutes in provitore, Christiana charitas, & justitia distributiva. S. Th. q. 61. a. 1. 2. & 2.

9 D. Extat nè præceptum obligans ad actus Justitiæ distributivæ?

M. Extat respectu Superiorum, qui habent dispensare bona Reip. Circa autem beneficia Ecclesiastica Sacri Canones determinarunt tempus; quo transacto provisio pertinet ad alium Superiorem. Et peccabit mortaliter, ubi ex dilatione, beneficium, Ecclesia, Respublica, vel etiam privati patiantur grave damnum.

10 D. Quod est peccatum oppositum per excessum Justitiæ distributivæ?

M. Non habet speciale nomen: illo peccant, qui maximæ perfectionis idæam sibi fingunt, & juxta illam volunt providere bona Ecclesiæ, conferre sacramenta &c. Bona hominum dividenda sunt hominibus, non Angelis. Ubi Superior, parvi habito justitiæ, aut honoris affectu, unicè incumbit idææ perfectionis efformatæ, decipitur sæpè: nām plures, ut obtineant beneficium, assumunt larvam sanctitatis. At obtento, ruunt in pessima. Id evincunt exempla. Ita peccaret Confessor, qui vellet absolu-

tionem impertiri solum, juxta theses 16. 17. & 18. damnatas ab Alex. VIII. vel communionem Eucharisticam, juxta 23.

11 D. Quod est peccatum per defectum oppositum?

M. Est acceptio personarum, quando Superior in distribuendis Reipublicæ bonis non considerat merita, nec utilitatem Reipublicæ, sed alias qualitates personarum non facientes pro illa distributione, honorum, graduum &c. Porro sufficienter est explicata hujus peccati ratio, in præcedentibus.

12 D. Peccata opposita Justitiæ distributivæ sunt nè mortalia ex genere suo?

M. Utique: ob rationem adductam p. 1. c. 34. n. 6. est enim hæc justitia medium necessarium ad conservandam charitatem: qui non vult dare bonum alteri debitum, non vult charitatem proximi.

13 D. Admittunt nè parvitatem materiæ?

M. Utique: dispensantur enim in utilitatem, seu bonum Reip. Quia hæc potest sentire parvum detrimentum, erunt venialia ex parvitate materiæ.

14 D. Tria illa peccata, omissionis, commissionis, per excessum, & per defectum, sunt nè species infima? si enim sint subalterna, ulterius explicanda erit injustitia in confessione?

M. Ulterius explicabit, an violarit, in distribuendo bona Ecclesiæ, Reip. sæcularis, familiæ &c. Item qualia sint bona, si honores,



gradus, &c. Semper habet præ oculis S. Th. 2. 2. q. 185. a. 7. *Si in modico deficiat, vel superabundet distributor, potest hoc fieri absque bonæ fidei detrimento, quia non potest homo in talibus punctualiter accipere, quod fieri oportet: si verò sit multus excessus, non potest hoc latere: unde videtur bonæ fidei repugnare, & ideo non est absque peccato mortali.*

15 D. Adfunt nè Theses prohibitæ circa hanc Justitiam?

M. Adest 47. Inn. XI. Curet Confessor, ut in terminis, in quibus jacet, servetur damnatio.

16 D. Adest nè censura, vel reservatio peccatorum hujusmodi?

M. Nulla in universali: Qui simoniacè distribuunt, supra violationem hujus Justitiæ, violant Religionem. Canones in variis occasionibus imponunt pœnas malè distribuentibus; hic non refero: primò, quia sequor Angelicum agentem Theologum, non Canonistam: secundò, quia hoc opus est pro Confessore ordinario, qui potest sufficienter exercere suum triplex munus, remittendo pœnitentes, ut super pœnis Canonicis interrogent doctiores: qui hæc scribunt.

17 D. Quas Pœnitentias imponam peccanti contra Justitiam distributivam?

M. Ecclesia consuevit determinare quasdam pœnitentias in particulari pœnitenti, qui incidit in casus reservados: hæc cum talia non sint, Confessor non habet pœnitentiam determi-

natam, quam omninò teneatur imponere, sed diriget se juxta Rituale, ut imponat contrarias peccatis. Peccans per excessum suadebitur, ut consideret, ante oculos habendas esse leges Reip. præsertim Ecclesiæ, quam Spiritus Sanct. dirigit: quare in promovendis exigere aliquid supra leges Ecclesiæ est exigere supra Spiritum S. Sed facilius, & frequentius peccatur per defectum, acceptione personarum, respiciendo ad carnem, & sanguinem. Ut Confessor tollat suaviter hæc peccata, pœnitentiis medicinalibus, ostendet, sacrilegia omnia, quæ provenient ex indigna provisione, tribui malo provisorio, v.g. si Confessor distribuatur pœnitenti malam doctrinam, vi cujus existimet licere, quod non licet, Confessor peccat, ita docens, & est causa omnium peccatorum, quæ populus committet sequens talem doctrinam. Idem dic de ordinante indignum ad Sacerdotium &c. Monendus erit Pœnitens, ut in omni provisione quærat utilitatem Reip. non propriam. Et quia facillimè possumus deflectere, Confessor hujusmodi Provisoribus consulet, ut in confessione se accusent, si quid ex inadvertentia, vel oscitantiâ deliquerint in distributione; quò gratia sacramentalis illis fortior in posterum adfit ad rectè distribuendum.

## C A P U T X X I.

*De Justitia Vindictiva, & peccatis eidem  
oppositis.*

1. **J**USTITIA Vindictiva differt à Distributiva, quòd ista distribuit bona Reip. merentibus: illa distribuit mala, seu pœnas à Republica statutas. In omnibus igitur est regulanda ut Distributiva.

2 Particulariter insinua primò pœnam, ut pœnam, nullatenùs expeti posse: sic enim esset odium formale: sed expetendam ut bonam. five utilem, vel delinquenti, vel saltem Reip. quæ pacatur, si exterminentur mali.

3 Secundo: solus habens jurisdictionem potest dirigere pœnam ad bonum delinquentis, vel Reip. & secundum quod habet de jurisdictione, poterit pœnam ordinare: In manu tantùm Principis est, addicere ad mortem ex gratia donare vitam; Cæteri possunt pœnas majores, vel minores juxta jurisdictionem concessam. Jus Oeconomicum concedit patri pœnam leviolem; ita etiam jus Domini in servum; sed vide leges particulares.

5 Tertiò: Vindictiva esse potest in privato, sed non, quòd ipse possit exercere per se illius actum externum, qui solius est Superioris. Privatus potest tantùm appetere, quòd reus puniatur, ob bonum publicum, seu proprium;

Sed nemo obligatur appetere, ut reus puniatur ad satisfaciendum sibi. Aliàs est res plena periculi, quia, dùm agitur de nostris offensis, coloramus nostros affectus sub larva boni privati, aut communis; & sæpè ex odio appetimus pœnam, quia mala est inimico: quare tutissimum est ex charitate, remittere omnem injuriam. Ipsi supremi Principes nunquam per se ipsos indicant de propriis injuriis, sed aliis delegant, quia periculum est, ne ex odio ferantur in pœnam. S. Th. q. 108.

## C A P U T    X X I I.

*De Justitia Commutativa, & ejus Actu,  
qui est Restitutio.*

1 **I**N duobus hæc differt ab enumeratis: primò, istarum actus externus exerceri potest tantùm ab habente authoritatem; Commutativæ actum externum quilibet potest exercere: secundò, illæ ponunt æqualitatem Geometricam, ista Arithmeticam; quare obligatus duobus quinque scuta, dabit singulis quinque, quamvis alter sit fortis, alter in extremo vitæ constitutus: quia tenetur ex commutativa; sed quia pœnitentiam Confessor tenetur dare ex legali, dabit per proportionem Geometricam, attenta conditione status &c.

2 Tertiò, Commutativa respicit jus, seu bonum, ut debitum. Jus autem, est duplex, aliud



aliud in re, aliud ad rem. Attende ad hanc distinctionem. Qui habet jus ad rem, nondum est possessor, sed tamen suo tempore fiet per legitimum Superiorem; & nunc pecco, si mediis illicitis tollo jus istud, & teneor ad restitutionem, si media opponantur justitiæ: At si mediis licitis tollo istud jus ad rem, non pecco: è contra jus in re non possum tollere, nisi mediante recurſu ad Superiorem.

3 D. Sine hoc recurſu, potest quis à possessore repetere suum jus ad rem per occultam compensationem?

M. Cautus sit Confessor, nè aperiatur viam mille injustitiis, approbando universaliter occultam compensationem. Permitti potest, in casu, quo creditum sit liquidum, multoties contestatum Debitori, & fundatè timeatur damnum in recurrendo ad Superiores: v.g. famulus viri nobilis mercedem pactam sæpius petiit, & loco mercedis recepit verbera, vel minas mortis; Multò majora timet, si recurrat nec habet, quomodo probet creditum, de quo testes nolunt deponere, metu mortis comminatæ à communi hero; Insuper si est moraliter certus, quòd crediti occultè surrepti culpa non refundetur in innocentes, nec recipiat bis idem debitum. Cum his conditionibus per-mitte compensationem occultam. Dixi *per-mitte*, si enim consulis &c. multi abutentur hac doctrina: ubi prædictas invenis, non obli-ges ad restitutionem, & interim ne porrigas

aufam peccandi, consule in genere, ut de alio hero sibi provideat, ut curet habere justitiam per manum Superioris &c.

4 D. Quid est Restitutio, actus Commutativæ?

M. Ejus naturam debet intelligere quilibet Confessor, quia principale peccatum regnans in mundo est violatio justitiæ, quod deleri non potest, nisi per restitutionem: *non enim dimittitur peccatum, nisi restituatur ablatum*. Sanctus Th. q. 62. a. 2. Tota Papæ autoritas non valet absolvere, nisi fiat restitutio, vel offensus liberè dimittat. Restitutio autem est iterata compensatio ejus, quod quis habet alterius. S. Th. a. 1.

5 D. Restitutio cadit sub præcepto affirmativo Justitiæ, quod non obligat ad semper?

M. Utique: sed importat etiam negativum non retinendi aliena; & quia non possumus perseverare in peccato voluntariè, ideò per negativum obligat statim, & ad semper. S. Th. art. 8.

6 D. Restitutio est iterata compensatio rei acceptæ: quare homicida v.g. impotens resuscitare, non tenetur?

M. *Quando oblatum non est restituibile per æquale, debet fieri recompensatio, qualis est possibilis: cum quis abstulit membrum, debet recompensare, vel in pecunia, vel in honore, considerata conditione utriusque personæ secundum arbitrium boni viri*. S. Th. a. 2. ad 1.  
nisi

nisi gratuitò remittatur, ut sit inter inimicos divites, dum pacificantur. Pauper, cui maritus occiditur, distinguit injuriam, & damnum sibi, & familiæ resultans. Quoad injuriam potest per Judicem exigere satisfactionem, sed remittit, dando pacem: quoad damnum, petit reintegrari.

7 D. Quomodo restituet æquale, qui viis injustis impedivit habentem jus ad hæreditatem.

M. Primò intellige peccati numerum, & speciem, interrogando, quæ fuerint viæ &c. an impediverit ex odio, invidia &c. deinde applica remedium. Petrus impedivit Paulo beneficiū sibi destinatum ab Episcopo, antequam conferatur, considera qualitatem beneficii, majorem, vel minorem Episcopi dispositionem erga Paulum &c. pensatisque omnibus oblige Petrum restituere quanti valet hic, & nunc spes beneficii. Comburens mense Martii segetes, tenetur minùs restituere, quàm comburens mense Julii; nam expensæ fsciendæ, & alia pericula, quæ possunt imminere, faciunt multò minoris valere spem futuræ segetis &c. S. Th. a. 2. ad 3.

8 D. Quot sunt capita, seu radices, ex quibus oritur obligatio restituendi?

M. Dux: *Res accepta, & Injusta Acceptio*: sub secunda venit damnificatio, etiamsi nihil mihi accipiam, ut cum incendio campum.

9 D. Quis tenetur, ratione rei acceptæ?

M. Quicumque habet rem alienam, sive bona,

na, sive mala fide: Possessor bonæ fidei dicitur, qui non peccavit, dùm accepit, ut qui credidit esse suam, vel emit ab eo, quem credebatur verum dominum &c. Si cognoscebat non esse verum dominum, vel dubitabat, erit possessor malæ fidei. At si dùm accepit, ex conscientia erronea, credebatur non esse suam, peccat quousque retinet cùm ista conscientia, sed ubi verè cognoscit esse suam, non tenetur restituere, quia est restituenda res verè aliena, non quæ credebatur aliena.

10 D. Tenetur nè æqualiter reddere possessor tam bonæ, quàm malæ fidei?

M. Possessor bonæ fidei, quando venit in malam, seu cognoscit rem esse alienam, tenetur restituere, si extat, in quo extat, & id tantum, in quo factus est ditior; si non extat, non tenetur ad pretium, sed tantum ad id, in quo factus est ditior: Possessor malæ tenetur restituere rem (hac non extante pretium) cum damnis causatis domino; & fructibus.

11 D. Tenetur nè ad omnes fructus?

M. Fructus sunt in triplici genere. Alii merè naturales, ut fœnum, quod spontè nascitur: Alii mixti, ut uva, quæ nascitur ex cultura vineæ. Alii industriales, ut lucrum, quod reportatur ex ludo: Primos tenetur integros restituere: secundos, deductis expensis: tertios nullatenus: Hoc in possessore bonæ fidei, quando sit factus ditior: si consumpsit bona fide, non tenetur.



12 D. Qui tenentur ex re accepta ?

M. Quotquot habent rem alienam, sive per contractum ( finito tempore ) sive alio modo, si dominus, ultra præfixum tempus. sit rationabiliter invitus, ut retineam. Sunt plures contractuum species. Harum, notitia est cap. 29. & 30. Nota differentiam mutui, à commodato, & omnium aliorum contractuum, in quibus, ut in mutuo, transfertur dominium, ab iis, in quibus, ut in commodato, non transfertur: ubi transfertur, si res pereat, etiam absque mea culpa, teneor restituere, quia res perit domino: ubi non transfertur dominium, ob dictam rationem, non teneor restituere. S. Th. q. 62. a. 6.

13 D. Explica secundam radicem provenientem ex acceptione injusta ?

M. Ratione hujus tenetur restituere quisquis cooperatur peccato in accipiendo aliena, sive bona, sive famam, sive vitam. *Qui cooperatur*: quare non qui malo exemplo dat occasionem: hic peccato scandali contra charitatem, non cooperatur contra justitiam. *In accipiendo*; quare consulens, mandans &c. furtum postea impeditum, non tenetur. S. Thom. art. 7. ad 2. *In accipiendo*: quare à fure donatus parte furti, post furtum, tenetur solum ad id, quod accipit.

14 D. Quot modis homo potest cooperari injustæ acceptioni ?

M. Modi comprehenduntur illis versibus.

*Fussio,*

*Fussio, Consilium, Consensus, Palpo,  
Recurfus*

*Participans, Mutus, Non obstans, Non  
manifestans.*

Istos novem modos considera in omni peccato: quocumque ex illis influam, constituit diversam speciem explicandam; imò ubi est annexa excommunicatio, præsertim in Bulla Cœnæ, notanda Canonis verba, utrùm ligent solum exequentem, vel etiam mandantem, aut consulentem &c. nec enim leges pœnales extendendæ sunt. Non exemplifico, quia cum hac reflexione, legens Canones Bullæ, videbis in uno comprehendi plures, in alio pauciores, qui tamen specialiter inducuntur in materia justitiæ, quia in ista specialiter obligantur restituere, qui peccant aliquo ex illis modis; De se patet, quid importent *Fussio*, ac *Consilium*: nomine *Consensus* venit, qui consentit actioni injustæ. *Palpo* significat illum, qui ita adulatur furem, ut ex adulatione moveatur ad furandum: vel ad non restituendum: *Recurfus* illum, qui receptat apud se fures ut tales, & eorum furta, vel si ambo influant ad non restituendum sic, quòd eorum receptatio influat in furrum. *Mutus*, qui non clamat videndo fures: *Non obstans*, qui non impedit fures: *Non manifestans*, qui non detegit fures. Hi tres ultimi tenentur, quando tenentur ex justitia, clamare, impedire, vel detegere, ut deputati ad hoc à Principe: Princeps, & Administrator habens  
offi-

officium. At si ego sine officio, potens impedire non impedio, quia pecco solum contra charitatem, non teneor restituere. S.Th. a.7. Exemplum de fure positum est, ut magis commune: cæterum illi novem modi sunt in omni actione, per quam læditur justitia commutativa, in fama, vita &c.

15 D. Alii sunt obligati restituere in solidum, alii pro parte. Quid important hæc?

M. Sunt obligati restituere pro parte, qui habuerunt partem rei furto ablatæ, sed non concurrerunt in ipsam actionem furti: Qui influunt in actionem, obligantur in solidum, ita ut singuli teneantur restituere totum, quod fuit furto ablatum, etiamsi nihil venerit in suas manus. Tamen hoc ordine: primò tenetur, qui possidet, estò ab initio bona fide possederit. Hoc non restituente, qui fuit causa principalior, reddet totum læso, nempè, jubens; deinde gradatim, qui magis influit. Ubi totum iste reddidit, acquirit actionem contra socios, v.g. decem abstulimus centum oves, quas æqualiter divisimus, ego, qui in furto minimam partem habui, teneor restituere omnes centum, sed acquiro jus in nonaginta, quas cæteri appropriarunt sibi, ordine prædicto; si damnificavimus incendiando, v. g. segetes, tenemur quidem omnes; At si restituat, qui nobis fuit Author totalis damni, v. gr. qui ita jussit, cui non potuit resisti, isto restituente, nos ad nihil renemur principali. S.Th. q.62. a.7. ad 2.

16 D. Aliquando per leges , qui furatur unam ovem, v.g. reddit quadruplum: quare tenemur ad plus , quàm accepimus?

M. Ex justitia commutativa fur determinatè tenetur reddere , quod abstulit, v. g. unam ovem; & ulteriùs satisfacere ob injuriam; ista tamen satisfactio non determinatur à natura , sed relicta est arbitrio Principum, qui per leges modò hanc . modò illam satisfactionem sanxerunt ; & potest Princeps determinasse , ut reddatur quadruplum . In hoc casu una debetur ex justitia commutativa: tres ex Vindicativa, & per consequens , ut repetantur istæ tres , requiritur sententia Judicis , qui solus habet exercere vindicativam. Igitur ubi furto abstuli unam ovem, teneor statim post furtum reddere unam , & durat peccatum toto tempore , quo non reddo . Tali lege de tribus existente , non pecco has retinens , nisi postquam Judex me damnavit: tunc ex commutativa incipio obligari . Pariter qui perdidit ovem, si illam inveniat inter meas, potest sibi accipere, sed non tres alias , nisi post mandatum Judicis. S. Thomas art. 3.

18 D. Ex n. 5. restitutio est in præcepto , obligatæ ad mortale ?

M. Utique, quia est medium, sine quo non potest conservari charitas. Vide p. 1. c. 34. n. 6.

18 D. Potestnè reddi veniale ex parvitate materiæ ?

Utique , vide p. 1. c. 36. n. 6.

19 D. Ad-



19 D. Adfunt ne circa restitutionem Theſes prohibita?

M. Vide 20. Alex. VII. pro Beneficiatis; & 33. nec non 38. & 39. Innoc. XI. pro reſtitutione in genere.

20 D. Extant nè cenſuræ contra omit- tentes reſtituere, vel reſervatio iſtius peccati?

M. Non invenio, quòd omiſſionem reſtitutionis generaliter reſervatit Papa. Plures Epiſcopi ſolent ſibi reſervare in certis caſibus. In Bulla Cænæ multoties ſit mentio de ſatiſfactione. Scito, quòd communiter nomine reſtitutionis intelligimus reddere quod ablatum eſt, ad quod ex n. 16. tenemur ante ſententiam Jndicis: nomine ſatiſfactionis reparationem injuriæ. Hanc exigit Bulla Cænæ, & alii Canones; ubi loquuntur de ſatiſfaciendo. Porro hæc ut plurimum non eſt lege ſtabilita; quare remittitur exigenda arbitrio prudentis injuriati, vel ſaltem Jndicis; Tamen Princeps violans libertatem Eccleſiaſticam, per aliquod ſtatutum, ex Bulla Cænæ, tenetur ſatiſfacere priùs revocando &c. nec non certiorando Papam de revocatione.

## C A P U T XXIII.

*De Peccatis contrariè oppoſitis Juſtitia  
Commutativæ in generali.*

1 **J**uſtitia eſt virtus moralis; ideò ſicut aliæ, conſiſtit in medio, habetque peccata  
con-

contrariè opposita per defectum, & per excessum. Deficit, qui minus dat, quàm debet: Excedit, qui plus exigit. Cæterùm idem omninò est peccatum, v. g. emens dat vendenti minus quàm debet: vendens exigit plus; In confessione non est necesse explicare, quòd ille fuerit emens, iste vendens &c. sed sufficit dicere, quòd in tali contractu intercesserit fraus compartis in quinque, decem &c.

2 Plurima huic Justitię peccata opponuntur, de quibus S. Th. à q. 64. ad 79. Ut clariùs ac faciliùs percipi posset, distinxit, quę fiunt per voluntariam commutationem, ab his, quę fiunt per commutationem involuntariam. Prima sunt, in quibus intercedit contractus ex utraque parte initus voluntariè; nec injustitia est in contractu, quia volenti, & consentienti non fit injuria, sed per talem contractum ego decipio proximum, v. g. voluntariè convenio cum emente, sed decipio, dando clàm acetum loco vini: quare emens est inuitus circa defectum. Injustitiæ, quę non fundantur, in legitimo contractu, dicuntur circa commutationes involuntarias, v. g. furtum, homicidium, &c. si quis in aliquo casu consentiat, vide, an de jure possit consentire: si consentio, ut quis accipiat rem meam, non est furtum, quia de jure possum consentire: si maritus consentiat adulterio uxoris, quia de jure non potest consentire, adulterium spectat ad commutationes involuntarias. Idem dic, si quis consentiat se occidi

cidi à privato; si Clericus consentiat, ut judicetur à Laico &c.

3. Sæpè in voluntariis commutationibus Confessor solum reflectit ad damnum personæ, non ad injuriam; nec ullum videns damnum, judicat pœnitentem immunem à peccato, cum aliàs gravissimè peccaverit: v. g. peto vinum merum, quod valet juliis sexdecim; & Caupo offert juliis duodecim aqua dilutum, (quod verè tanti venit) dicens esse merum. Non hic intercedit solum leve mendacium; sed interroget, an vinum emi potuerit ad sacrificium, an ad conservandum &c. in quibus casibus damnificatur emens; & an omninò voluerit vinum merum. In quo casu licèt non damnificaretur emens, tamen utpotè omninò invitus in vino diluto, patitur injuriam recompensandam arbitrio prudentis.

5. Peccata contingentia in voluntariis commutationibus possunt dividi tripliciter: primò læditur jus in corpus: hæc consistunt in factò: secundò jus in fama: hæc consistunt in verbo, & factis dehonorativis: tertio jus in bona: hæc consistunt in factò: sub primis comprehenditur adulterium violans jus in corpus conjugis. De illo tamen agitur cum de castitate, quia sine hujus notitia non potest perfectè cognosci. S. Th. q. 65. a. 4. ad 3.

5. In commutationibus voluntariis, quæ versantur circa fortunæ bona, committuntur eadè peccata, quæ in involuntariis, & alia duo,

fraus in emendo, & vendendo, nec non usura in mutuando; horum notitia est summè necessaria, quia vigent æquè, ac blasphemia, & iuramentum. Sciat Confessor, se ex officio, & iustitia legali obligatum ad innuendam restitutionem pœnitenti, si deficiat ex negligentia graviter culpabili, ex tunc per caput *Mutus* incipit ipse obligari ad restitutionem in solidum: quare sibi consulat de doctrina sufficienti, etiam ex parte hac, ne sibi præjudicet.

6 D. Si deobligavi à restitutione ex negligentia vel inadvertentia, quomodo medebor huic malo?

M. Si ex gravi negligentia deobligasti, confitere quàm primùm hoc peccatum; & quomodocunque deobligaveris, voca Pœnitentem, dicens tibi aliquid occurrere circa præcedentem confessionem: si acquiescit, imple munus tuum: si non acquiescit, ille peccat, & tu consuluisti conscientiæ tuæ, si fecisti, quantum poteras, ut te nudiret.

## C A P U T XXIV.

*De peccatis contrariè oppositis Iustitiæ Commutativæ circa vitam proximi.*

1 D. **Q**uot sunt peccata, in vitam proximi, specialiter aperienda in confessione?

M. Ex S. Th. q. 64. 65. sunt quatuor: Homi-



micidium; tollit vitam: Mutilatio: tollit membra: Verberatio: dolore afficit corpus: & Incarceratio: tollit libertatem. Ut sint peccata, debet violari jus ad illa.

2 D. Quando intelligitur homo habere, jus in corpus?

M. Homo ex vi justitiæ commutativæ habet jus ad conservandum corpus proprium, quando non utitur illo in commune damnum Reip. Si offendat justitiam legalem; hæc ad conservandum commune bonum debet procedere adversus Reum per Justitiam vindicativam.

3 D. Homicidium, & occisio hominis differuntne?

M. Occisio dicitur, siue sit justa, siue injusta: homicidium sumitur pro injusta occisione.

4 D. Licetne occidere hominem?

M. Animalia in mūdo, ut reliqua omnia, sūt ordinata à Deo media in conservationem hominis, cui Gen. 1. Deus eorum dominium dedit; & nisi cesserint in jus alterius, potest homo sine injustitia occidere animalia; imò cum merito, si necessaria sint ad sui conservationem, estò enim occisio sit malum particulare animalis, quia tamen est medium ad vitam hominis, quæ est majus bonum, potest eligi. S. Th. q. 64. a. 1. Homo unicè ordinatur in Deum, & in commune bonum Reip. in qua convivit, ut pars in suum totum: ordinare autem media in bonum commune solùm illius est, qui præest

communitati. Nullus igitur privatus potest assumere vitam hominis, ut medium ad sui conservationem, quia ad hanc Deus illam non instituit: Quia verò Deus instituit vitam hominis ad bonum commune, Præses Reip. poterit illam eligere occidendo, tamen in casu solum, quòd vita sit damnosa Reip. tunc verò dicetur damnosa, quando ille violat leges iustas, quæ mortem imponunt violatori.

5 D. Cum moderamine inculpatae tutelæ occidi potest hostis, qui me invadit ad occidendum?

M. Privatus nunquam potest velle occisionem alterius: Sed quilibet potest velle sui conservationem. Adde: Licet aliquod malum intendi non possit, poterit tamen permitti ab eo, qui non habet obligationem prohibendi. Ideò ex SS. Augustino, & Thoma 2. 2. q. 16. ar. 11. Principes possunt permittere (non intendere) meretrices, quia, non sunt obligati specialiter impedire hoc peccatum, quod non est contra iustitiam, & possunt permittere ob aliquod bonum Reip., scilicet, ne turbentur omnia libidinibus. Igitur privatus invasus ab hoste, nunquam intendet illius occisionem; tamen, ut se conservet, non obligatur, impedire alterius occisionem; cum propriæ vitæ periculo; quare poterit se defendere, & intendere suam defensionem; Si ex hac defensione sequatur mors nunquam intenta, erit omninò per accidens, nec imputabilis se defendenti. Hoc tantum

S. Th.

S. Tho. vult dicendo, licere occisionem hostis cum moderamine inculpatae tutelae, ita, quod adhibeat omnem moralem diligentiam, ut illum confesvet: si potest ferire in brachio, & ita se defendere, non feriat in pectore &c. Aliàs nec est moderamen inculpatae tutelae, nec excusatur à peccato; Unde in praxi difficillimum est, ita actus moderari, ut se defendens sit immunis ab omni peccato, & ab irregularitate annexa homicidio. Tutius igitur est hortari, ut actionem subiciat clavibus, & si velit fieri Clericus, petere dispensationem.

6 D. Cum moderamine dicto, licet se defendere: permittendo occisionem hostis, licebit nè mihi eodem modo defendere gemmam à fure, ita quod praevidens illius mortem, non intendam, sed permittam. Idem dic de virginitate, & honore?

M. Non est cum moderamine dicto defensio gemmae, ad quam sequitur occisio; nam adest alia via repetendi sine occisione, Justitia legalis. Virginitas si violatur invita, duplicatur ad coronam. Honoris etiam reparandi via est Justitia legalis. E contra vitae reparandae non est alia via, ut supponitur: nam mortuus non possum implorare Principem. S. Th. q. 64. ar. 5.

7 D. Hoc, si praevideo mortem aggredientis, quid, si me defendens occido non praevidens?

M. Ex S. Tho. ar. 8. tenenda est hæc regula generalis. Ubi facio aliquid, unde sequatur

mors non prævifa : si do operam rei licitæ , & adhibeo debitas diligentias, occisio non imputatur mihi : At si omitto debitas diligentias , vel do operam rei illicitæ , sum reus .

8 D. Possumnè occidere me ipsum ?

M. In nullo casu licet : nec Judex potest aliquem damnare , ut occidat se ipsum : estò cognoscerem me damnosissimum bono communi : Non possum mihi ordinare mortem : Id est solius Principis , qui præest bono communi , nec possum in me exequi mortem à Principe ordinatam, quia executio est actus Vindicativæ ; omnis autem Justitia est ad alterum , non ad se ipsum. S.Th. a. 5.

9 D. Explica secundum peccatum in vitā?

M. Est Mutilatio: Membra sunt pars corporis , & pars Reip. totus homo : Corporis partes possunt esse damnosæ physicè , si putrescant: Reip. damnosæ moraliter , si homo iis peccet contra leges . Ut sunt medium conservando corpori , subsunt dispositioni hominis , qui administrat totum ; & ita ne hoc inficiat membrum putre, poterit incidi: Ut damnosum Reip. subest administrationi solius Principis , estò enim præcisio membri tam mala non sit, ut mors , quia tamen affert damnum perpetuum , & irreparabile , illam ordinare spectat solum ad eum qui habet jus in vitam . S. Thomas q. 65. art. 1.

10 D. Explica tertium ?

M. Est verberatio, quæ est mala, ut afficiens dolore



dolore sensum : aliquando vulnerat corpus ( quod erit explicandum in confessione ) per consequens magis est peccaminosa. S.Th. a.2.

11 D. Explica quartum ?

M. Est Incarceratio, per quam tollitur libertas homini, ut benè agat. Hæc privatio est grande mælum ; ideò supra jus paternum, & dominativum. Pater, & Dominus, si ea abundantur in malum Filius, & Servus, possunt ad breve tempus detinere : Si ad longum tempus detinendi sint, debent & ipsi recurrere ad altiore potestatem. S.Th. ar. 3.

12 Aliquando hæc peccata transeunt in aliam speciem ?

M. Utique, ut p. 1. c. 34. n. 10., quando, præter justitiam, prohibentur ab alia virtute. Porro singula quatuor primò prohibet Dulia contra Superiores : secundò Pietas contra Consanguineos & Affines : tertiò Religio contra personas Deo cõsecratas juxta ordinationẽ Ecclesiæ. Et si alias virtutes continget violare, peccata hæc erunt in totidem speciebus. S. Th. ar. 4.

13 D. Peccata hæc contra vitam proximi sunt nè mortalia ex genere suo?

M. Sunt ex p. 1. c. 34. n. 6. nec enim potest servari charitas volens bonum proximo, si hæc mala inferantur.

14 D. Possunt nè reddi venialia ex parvitate materiæ ?

M. Primum, & secundum non potest, quia

formalitèr important grande malum: tertium potest, si verberatio inferat leve damnum: quartum etiam, quia detinere ad brevissimum tempus, erit veniale, si damnum leve inferat.

15 D. Adsunt nè Theses prohibitæ circa hæc peccata?

M. Alex. VII. 17. 18. & 19. nec non 30. 31. 32. 33. 34. & 35. Inn. XI.

16 D. Adsunt nè censuræ contra committentes, vel reservatio illorum?

M. Episcopi solent sibi reservare homicidium: vide Constitutiones supra hoc cujusunque Diœcesis. In Bulla Cœnæ reservantur hujusmodi peccata contra personas enumeratas §. 15. §. 8. 9. 10. 11. 12. 13. 16. & 19. In cap. *Si quis suadente* 17. quæst. 4. reservantur commissa contra Clericos, & juxta ampliacionem, quæ videatur p. 1. c. 20. B. Pius V. eadem pœna innodavit committentes illa in Ministros Sancti Officii. Tandem Gregor. XIV. excommunicavit procurantes abortum animatum, & reservavit. Episcopis: si fœtus non sit animatus, est homicidium teductivè, quia tollitur vita ei, qui illam habet in potentia: si sit animatus, est formale homicidium, & utrumque est grave peccatum, impedire vitam (etiam per pocula sterilitatis) & tollere vitam; sed hoc multò graviùs respectu abortus, cui tollit vitam temporalem, & infert mortem æternam. Fœtus masculus animatur post 40. dies;

dies; fœmineus post 80. In dubio an sit animatus, vide c. 18. n. 8. In Urbe potest quilibet absolvere ab excommunicatione incurſa propter animatum, quia ex p. 1. c. 10. n. 7. ſolùm prohibentur Confeſſores absolvere reſervatos Papę.

17 D. Quas pœnitentias Confeſſor imponet peccanti aliquo ex dictis peccatis?

M. Si deberet ſequi leges civiles, graviffimè hi eſſent puniendi, ſed, & ſequendo Canones antiquos. At ſi ob ſtatum, conditiones, & qualitates pœnitentium, prudenter ſint moderandi, homicidis, & mutilatoribus impone, ut nunquam accedant ad ordines, quia ſunt irregulares: ſecundò, qui ob talia delicta ſunt excommunicati, vide pœnitentias præſcriptas in Bulla Cænæ &c. illasque impone: tertio, ut horrorem incutias pœnitenti circa hoc peccatum, lege Catech. Rom. p. 3. c. 6. n. 15. & 16. inde hauri motiva, ut oſendas gravitatem ſimilium peccatorum.

## C A P U T XXV.

*De peccatis contrariè oppoſitis Juſtitia Commutativa, per quæ factò inferitur  
damnum rebus proximi.*

1 D. Q Uot ſunt hujusmodi peccata?

M. **Q** Furtum, & Rapina. Furtum eſt  
*occulta acceptio rei alienæ invito domino: dicitur occulta, quia fur, curat,*  
ut

ut dominus nesciat, à quo lædatur: dicitur *acceptio*: quo nomine intelligitur etiam detentio: dicitur *rei alienæ*: ideò non est fur, qui accipit gemmas casu inventas in littore maris; thesauros subtùs terram (circa quos erunt servandæ leges locorum) & quæcunque nullius dominio subsunt, vel non subesse creditur, quoad usque non constet contrarium. Porro quantum temporis requiratur ad præscribendum, cum S. Thom. relinque Juristis: dicitur *invito domino*: volenti enim, & consentienti non fit injuria; nec sufficit, quod quis fingat sibi dominum consentientem, sed quòd in conspectu Dei verosimiliter non præsumatur invitatus.

2 D. Qui venit nomine furis?

M. Ex Catech. 3. p. c. 8. n. 9. fur est primò, præter accipientem, qui emit rem furto sublatam: secundò, qui retinet rem alienam inventam, si non reddat domino, vel hoc ignorato, non distribuat pauperibus: tertio, qui fraudem adhibet in emendo, & vendendo: quarto, qui vendit merces corruptas: quinto, qui utitur mensuris fallacibus: sexto, qui exigit mercedem supra debitum: septimò, servus, qui non custodit rem domini, ut debet: octavò, qui se fingit mendicum, ut captet eleemosinas, conjungens furtum mendaciis: nonò, qui accipientes mercedem, desunt suo muneri.

3 D. Sunt nè aliæ species distinguendæ?

M. Ex S. Th. 2. 6. ad 2. & Catech. n. 5. distin-



stinguuntur specie, si res furto ablata sit hominis privati, vel Reip. si auferatur homo; si homo sit servus, vel liber; si res sit sacra: Singularum nomina vide apud illos.

4 D. Si auferatur res sacra, est sacrilegium, quot modis hoc committi potest?

M. Primò, si auferatur res sacra de loco sacro; est duplex peccatum, quia duplex injuria, loco, & domino: secundò, si auferatur res sacra de loco non sacro: tertio, si auferatur res non sacra de loco sacro: debet autem res sacra esse deputata usui sacro: quare non committo sacrilegium, si in Ecclesia aufero vas argenteum, quod secum tulerat argentarius auditurus missam: at si commodavit Ecclesiæ, vel deposuit apud Ecclesiam, est sacrilegium.

5 D. Multi prætexunt excusationes, nè obligentur ad restitutionem, quid tunc fiet?

M. Confessor sit fortis, & constans pro veritate, & justitia, erga pauperes, & nobiles: Equidem in confessione standum est dicto pœnitentis, & pro se, & contra se, sed ubi Confessor videt hunc cespitare, ponat casum in ejus persona: etenim ex lege naturæ faciendum est proximo, quod nobis fieri volumus. Igitur petat, si res fuisset sibi furto sublata, & qui furripuisset, prætexeret easdem ratiunculas, an boni consuleret, eum à restitutione deobligari. An conscientia illum omninò quietet in motivo deobligante; consulatque, ut sequatur dictamen conscientiæ rectæ semper inclinantis ad tutiora.

6 D. Licet nè furari in extrema necessitate?

M. Propriè furtum est acceptio rei alienæ: in extrema necessitate omnia sunt communia; & si in tali statu consumat, non tenetur restituere. S. Th. q. 66. a. 7. Ne litiges de nomine. In extrema necessitate debet quisquam sibi subvenire.

7 D. Erit nè furtum, si accipio rem meam depositam apud Petrum sine licentia?

M. Quidquid sit, an debeat dici furtum, certè pecco, surripicns occultè rem meam, & facio injuriam Petro. S. Th. a. 3. ad 3.

8 D. Rapina quid addit supra furtum?

M. Est duplex injuria: altera in bona, & altera in personam, cui per violentiam rapiuntur. Ex hoc secundo capite, non licet rapere in extrema necessitate, quia homini violentia solum potest inferri per justitiam legalem. S. Th. q. 66. a. 3.

9 D. Quot sunt Rapinarum genera?

M. Omnis acceptio rei alienæ, si fiat cum violentia, est rapina; & explicandæ species, ut in furto. Catech. plures enumerat Raptores; primò non solventes mercedē operariis (quod ex c. 4. n. 12. est peccatum in Spiritum Sanctū) secundò dantes ad usuram: tertio Judices muneribus, vel pretio sententiantes: quartò, qui fraudant creditores: quintò inficiantes debita: sextò, qui suo tempore non solvunt merces creditò acceptas: septimò, qui mutuantes pauperibus,

ribus, cum reddere non possunt, acerbius exigunt pignora: octavò, qui victualia occultat in necessitate, ut carius vendat. Principes eò graviores rapinam committunt, in his casibus, quò magis tenentur avertere.

10 D. Hæc duo peccata sunt nè mortalia ex genere suo?

M. Utique ut p. 1. c. 34. n. 6. quia cum illis non potest stare charitas?

11 D. Admittunt nè parvitatem materiæ?

M. Utique, etiam sacrilegium, & rapina, si damnum illatum, vel violentia sit levis.

13 D. Adsunt nè Theses prohibitæ circa hæc duo?

M. Vide 36. & 37. Inn. XI. Alex. VII. in 8. 9. & 10. declaravit tales actiones esse contra justitiam: quare certum est esse furtiva. Aliæ sunt definitæ ut injustæ: ideò spectant ad genus furti traditum à Catechis. sed quia involvunt commutationes voluntarias; adducuntur cap. 28.

13 D. Subjacent nè ulli excommunicationi, vel reservationi?

M. Videatur tertius Canon Bullæ Cænæ contra Maris Pontificii Piratas &c. quartus contra furripientes naufragantium bona: 10. contra deprædantes Romipetas &c. 12. contra spoliantes eos, qui recurrunt ad Sedem Ap. &c. Notentur etiam 13. 17. & 18. Extat excommunicatio in auferentes &c. de Ecclesiis lapides, & ornamenta: In diripientes bona &c. Christiano-

stianorum commorantium inter Turcas. In detinentes &c. scripturas Cameræ Ap. In diripientes bona S. Inquisitionis. Ubi casus advenit, lege c. 20. p. 1.

14 D. Quas pœnitentias imponet Confessor pro hisce peccatis?

M. Zacchæus, si quem defraudavit, reddit quadruplum: Confessor nunc sudabit, ut reddatur simplum, quod verè fuit ablatum: faciliè inducimur, ut quæramus aliena, mutuò, sive aliter: reddere vix cogitamus, quando ita abundant bona, ut ferè debeamus illa projicere. Promittimus; at nunquam adimplemus. Ergo totus in hoc sit Confessor: Magnati ostendat damna ex dilatione provenientia familiæ opificum. Habentem, unde vivat commodè, obligari ad expensas Hospitalium unice institutorum pro verè pauperibus, si ad illa infirmi accedant, vel mittant filios illegitimos, etiamsi Hospitalia non exigant. Qui aliena invenit, teneri ad debitam diligentiam pro inveniando domino; & non reperto, esse distribuenda pauperibus; si sit ipse pauper, solum ex consilio Confessoris posse sibi applicare. Qui peccant his duobus peccatis, teneri propriis expensis remittere bona domino longè distanti. Mercedes esse statim solvendas, nec fatigandos operarios, qui aliquando plus ipsa mercede consumunt in calceis, ut accedant domum Debitoris. Dedecere, si consuetam pro loco, tempore &c. mercedem extenuet



nuent pauperi; memoriæ pœnitentium infigat: multò meliùs esse, quòd aliquid de suo dives infundat in beneficium pauperis, quàm quòd paupet refundat diviti; de mammona iniquitatis præparanda nobis tabernacula, non supplicia æterna. Vide Catech.

## C A P U T XXVI.

*De peccatis verborum in judicio contrariè oppositis Justitiæ Commutativæ.*

1 **E**X peccatis, quæ factò inferunt damnum proximo, S. Th. procedit, ad quæ inferunt verbo. Horum alia committuntur in judicio; alia extra; & hæc possunt committi tam in judicio, quàm extra; ut calumniæ. De his capite sequenti. Peccata in judicio sunt in duplici specie: opponuntur enim Justitiæ Legali, & Commutativæ: ideò id explicandum erit in confessione. Hic agimus de peccato commissionis in quinque generibus personarum, scilicèt, Judice, Accusatore, Reo, Teste, Advocato, seu cæteris assumentibus partes defendendi Reum; de quibus S. Th. à q. 67. ad 72. Et constabit, quando hi peccent, ubi apparuerit, quid requiratur, ut rectè suum munus exerceant.

2 D. Judex quid faciet, ut justè judicet?

M. Primò debet habere jurisdictionē Theologi non est quærere, quando, & qualiter acqui-

quiratur: sunt hæc fori externi; secundò, sicut sententia est publica, ita scientia debet esse publica, scilicet, per vias publica autoritate firmatas accusationis, inquisitionis, &c. Confessor hæc non tenetur scire, sed Judex, cui propterea commendet, ut semper agat juxta leges. Fiscalis habet jus inquirendi nomine fisci, quando saltem præcessit rumor publicus. Tertiò, etiam in sententiando sequetur leges, adhibendo Clementiam, ubi habet locum; ita quod non sententiet ad pœnam, nisi à lege statutam; &, si potest esse locus Clementiæ, non infliget omnem pœnam legis; quartò, data sententia, nequit pœnam diminuere, sed hoc spectat ad Principem. S.Th. q. 67. Diu agitatum est, an conveniat, eum, Reis ad mortem dare juramentum de veritate dicenda, quam ferè omnes fatentur sola vi tormentorum: Tu dic tale juramentum esse introductum lege, vel consuetudine, quam solus habet tollere supremus Princeps, & Judex sequi debet, quia non est injusta.

3 D. Quid faciet Accusator, ut justè accuset?

M. Delictum venit in notitiam publicam: primò clamorosa Insinuatione ( tunc fiscus ex officio indagat veritatem ) secundò denuncia-  
tione, qua habita fiscus etiam procedit. S.Th. q. 68. a. 2. ad 3. tertiò accusatione: hinc pars instat pro punitione: & debet probare delictum; non ita denunciator S.Th. ibidem ( Hinc me-

ritò

ritò Alex. VII. damnavit quintam Thesim: vide illam ) His præsuppositis, Fiscalis, Denunciator, & Accusator non intendunt pœnam, ut afflictivam Rei, sed ut per Reum castigatum conservetur bonum publicum, & Accusator potest intendere, ut sibi privato satisfiat de injuria, sed melius facit, si omninò remittat. Aliter deferentes committunt peccatum odii: secundò, Accusator deferat in scriptis, aliter violat justitiam legalem: tertio, fugiant omnes tres tergiversationem, quæ consistit in non prosequendo delationem, ubi est prosequenda: quartò, fugiant prævaricationem, quæ consistit in deferendo per fraudes. Aliter lædunt Rempub. & Reum: quintò, fugiant calumniam, quæ consistit in deferendo falsum malitiosè. Aliter etiam peccant contra Remp. & calumniatum. S: Thom. q. 68. ar. 3. ad 1. & 67. ar. 4. ad 3.

4 D. Quid volunt dicentes Accusatorem obligari ad pœnam Talionis?

M. Quòd deficiens uno ex tribus ultimis requisitis damnandus est pœna, quam subiret Reus, si probaretur delictum illi objectum. Justissima lex: Qui timore pœnarum apertè nequibant perdere hostem, conabantur impunè perdere per justitiam legalem, imponendo grande crimen, cujus vel solùm nomen horrebant Principes, ipsi justissimi, & metientes alios ex se. Viridem legis hujus observantiam

in genere Confessor urgebit . At nostris temporibus calumniatores sibi prospiciunt libellis anonymis , & quò calumnia fiat credibilior , oculis Principum pientiorum subjiciunt nonnulla vera , sed leviora , pluribus falsis, iisque gravissimis. Moneat Superiores , in vim libelli anonymi posse solùm oculatiùs inquiri veritatem: & nunquam procedi contra denunciatum. Ubi cognitum fuerit libellum scaturire calumniis , curandum, ut denunciator detegatur, & castigetur ut calumniator.

5 D. Quid faciet Reus, ut justè procedat?

M. Judex in triplici casu habet jus inquirendi veritatem à Reo etiam contra se : primò, ubi est infamatus de delicto : secundò, ubi apparuerint expressa indicia delicti : tertio , ubi præcessit semiplena probatio per depositionem unius testis omni exceptione majoris . In his casibus peccat Reus tacendo veritatem ; si insuper utatur dolis, & fraudibus, addet peccatum commissionis . Tertio peccat appellans contra ordinem legum , quæ prohibent appellari post decem dies, & post trinam sententiam: quartò peccat positivè resistens executioni sententiæ justæ . Potest fugere à carcere , sed non effringere carcerem , quia , præter damnum effractionis , positivè resistit , ideò neque pecunia potest corrumpere . Carcerarium , ut relinquant fores apertos ; & hic vendit injustitiam. Si non cognoscat esse justam, debet magis

cre-



credere Superiori procedenti juxta leges, quā sibi ducto passione. Si manifestè cognoscat injustam, posirivè poterit resistere, *nisi fortè* ex S. Th. a. 4. *propter scandalum vitandum, cum gravis tarbatio timeretur*. Pro tranquillitate publica etiam innocens debet exponere vitam, & famam; non omnia vertere sus deque, cū detrimento Reipublicæ etiam regularis. S. Th. q. 69.

6 D. Quid faciet Testis, ut justè testificetur?

M. Primò peccat, tacendo veritatem, quam tenetur dicere: quando delictum est directè contra bonum publicum, aut leges, ut Edictū S. Officii, obligant dicere. In his casibus tenetur, estò sciat delictum sub sigillo naturali (non sacramentali) Extrà hos casus non tenetur revelare, quæ habet sub sigillo naturali. Quæ scit extra sigillum naturale, præter dictos casus, tenetur revelare, quando solū Judex requirit: si non requirit, distingue: vel agitur de Reo liberando, & tunc tenetur se offerre: vel de Reo damnando, & tunc non tenetur. Quomodocunque compareat, peccat mentiendo, præsertim intercedente juramento: primò, quia tacet veritatem: secundò, quia mentitur contra Justitiam legalem, & commutativam, in Reum, si mentiatur in damnum illius; & contra religionem ob juramentum. S. Th. q. 70.

7 D. Quot testes requiruntur ad damnandum Reum?

M. Deut. 19. *In ore duorum, vel trium testimonium stabit omne verbum.* Aliquæ propterea leges humanæ tres exigunt testes, aliæ duos, omni exceptione majores, ubi tales non sint, leges voluerunt suppleri per majorem numerum: Disputatur, an in conscientia obligent leges, quæ plures tribus exigunt testes omni exceptione majores. Confessor sciat lege Canonica sustineri testamentum ad pias causas cum duobus, & Parocho. Super reliqua consulat doctiores, præsertim Episcopum, qui sciet optimè, quando leges obligent in conscientia. S. Th. q. 70. ar. 2. qui ad 3. dat regulam omninò videndam pro corrigendis excessibus virorum illustrium.

8 D. Quid faciet Advocatus, ut justè patrocinetur?

M. S. Th. q. 71. conjungit Advocatum, & Medicum, quia in hoc sunt paris conditionis. Primò peccant contra charitatem, si in extrema necessitate deserant pauperem, vel pretium laboris exigant: secundò contra Justitiam, si accepto subveniendi officio, decipiant, vel damnificent. Tertiò peccat Advocatus contra justitiam patrocians causam Clientis manifestè injustam. Erit injusta, si apertè sit contra leges, aut sciens de facto, v. g. me solvisse, urget, ut iterùm solvam. Defendens in his casibus obligatur ad litis expensas, quibus ne succumbat, tenetur inducere Clientem ad cedendum; hoc recusante, dimittet litem, non tamen  
parti

parti prodet Clientem, nec revelabit secreta. Pro labore in utendo scientia potest Advocatus exigere pretium. Testes possunt exigere solam sustentationem à parte inducente. Stipendium Judici Resp. debet assignare. Vide ar.4. illud Augustini. *Ab his extorta per immoderatam improbitatem repeti solent: data per tolerabilem consuetudinem non solent;* consideratis loco, tempore, negotiis &c.

9 D. Sunt nè mortalia ex genere suo hæc peccata?

M. Utique; siue sint contra charitatem, siue contra Justitiam, ut p.1. c.34. n. 6.

10 D. Possunt nè reddi venialia ex parvitate materiæ?

M. Alia sunt contra justitiam commutativam, alia contra legalem: prima reddi possunt venialia si sit leve damnum: In secundis si plenè advertat, non excusatur parvitas materiæ: nam usurpatio, quantuncunque minima jurisdictionis alienæ habet in se rationem gravissimæ injuriæ contra Principem. Jurisdictio enim est velut pupilla oculi.

11 D. Circa hæc peccata sunt nè Theses prohibitæ?

M. Quinta Alex. VII. tangit testem in materia hæresis: & 6. in materia Sollicitationis. Judicem tangit 26. ejusdem, & secunda Innocentii XI.

12 D. Adsunt nè censuræ contra peccantes hisce peccatis?

M. In 2. §. Bullæ Cænæ excommunicatus Reus appellans, ut ibi, & in 13. prætendentes appellare ab executione litterarum Ap. In 12. offendentes hujusmodi personas &c. Lege Bullam.

13 D. Quas Pœnitentias imponet Confessor pro hisce peccatis ?

M. Omnino imponenda est restitutio, revocandum testimonium, accusatio &c. etiam cum periculo proprio; & curandum, ut executioni demandetur ante absolutionem, ubi potest fieri; aliàs multa promittent, nihil implebunt: plura, quæ debet inculcaræ pœnitenti, legat in Catech. 3. p. c.6. & 9.

## C A P U T XXVII.

*De peccatis contrariè oppositis Justitiæ  
Commutatiæ, & quæ verbo com-  
mittuntur extra Judicium.*

1 **H**Æc dicuntur committi extra judicium, quia non inveniuntur solùm in actu judiciali. S.Th. à q.72. ad 77. Sunt quinque, *Contumelia, Detractio, Susurratio, Derisio & Maledictio.*

2 D. Quid est Contumelia ?

M. Est, cum exprimo aliquid in dehonorationem, vel contemptum proximi; principaliter verbis; & factis minus principaliter: est triplex: prima, si exprimo culpam, ex cujus  
noti-



notitia dehonouratur, ut si Petrum dico furem: hæc est propriè Contumelia : secunda dicitur Convicium, si exprobro pœnam dehonourativam, ut quòd fuerit in triremibus : Tertia dicitur Improperium, si exprobro, quòd indiguit & ego subveni per eleemosynam; Quandoque una ponitur pro alia. S. Th. q. 72.

3 D. Tenemurnè patienter sustinere contumelias ?

M. Patientia sustinet, quæ contra nos fiunt, & quæ dicuntur. Ex p. 1. c. 34. n. 6. virtus illa sub mortali obligat, sine quâ non potest haberi charitas. Hæc haberi potest sine actuali sustinentia injuriarum; imò charitas obligat aliquando repellere; quando sustinentia impediret Dei servitium, vel inde injurians arriperet ansam magis lædendi. Igitur non semper obligamur ad actum sustinentiæ, sed solùm, ut simus dispositi sustinere, quando, aliter læderetur charitas Dei, vel proximi. S. Th. a. 3.

4 D. Quomodo differunt Contumelia, & Detraçtio ?

M. Ut Rapina, & Furtum : Contumelia est in aperto, Detraçtio, in occulto respectu ejus, cui detrahitur. Hinc illa tollit honorem, ista denigrat famam. S. Th. q. 73. a. 1. Fama distinguitur ab honore, ut effectus à causa. Fama bona, seu gloria est clara cum laude notitia. S. Th. q. 103. ar. 1. ad 3. nam honor est signum, quo verbis, vel factis aliquem æstimamus; & ex hoc acquirit famam, seu deducitur in cla-

ram notitiam videntium hujusmodi signa ; per Contumeliam parvi pendemus : per Detractionem tollimus hanc claram notitiam in mentibus aliorum .

5 D. Quotupliciter quis peccat peccato detractionis ?

M. Primò , qui falsum crimen imponit : 2. qui verum aggravat circumstantiis falsis : 3. qui verum crimen occultum publicat ( si sit publicum, peccat contra charitatem ) 4. qui opus bonum dicit mala intentione factum . Hi directè detrahunt : 5. indirectè qui dicit non fuisse factum opus bonum, quod fuit factum : 6. qui malitiosè reticet opus bonum, quando tenetur ex officio revelare : 7. qui diminuit opus, quando ex officio tenetur dicere, quale fuit. S. Th. q. 73. a. 1. ad 3. & 8. qui eudiens detrahentem, sibi complacet in detractione : 9. qui audiens, potensque reprimere, ac debens ex officio, non reprimat : si non tenetur ex officio, peccat contra charitatem. S. Th. a. 4.

6 D. Quomodo differunt Detractio, & Susurratio ?

M. Quia plurimùm conveniunt, unum quandoque ponitur pro alio: sed verè differunt, Detractor dicit malum, ut tollat famam : Susurro, ut tollat amicos. Ideò ille dicit lædencia famam : iste lædencia amicitiam . Susurro gravius peccat Contumelioso, & Detractore, quia isti tollunt honorem, & famam, quæ sunt media ad amicitiam : ille tollit finem. S. Th. q. 74.

7 D. Per

7 D. Per quid à Derisione differunt hæc tria ?

M. Contumelia tollit honorem : Detractio famam : Sufurratio amicitiam : Et fiunt seriò. Derisio fit ludo, & inducit timorem dehonorationis . Si verbis inferatur hic timor , dicitur Derisio : si factis, ut naso rugato &c. Subsanatio . Ut proximus habet jus , ne dehonoretur, ita, nè inferatur sibi timor dehonorationis. S. Th. q. 75.

8 D. Quid est Maledictio , quantum peccatum in verbis ?

M. Vide varias acceptiones apud S. Thom. q. 76. a. 1. Hic est idem ac verbis precari , scilicet optare malum. Actus internus est odium; Circa illum regula pœnitentem juxta regulas charitatis. Maledicere irrationalia non est mortale, nisi considerentur ut aliquid proximi : nam peccat mortaliter , qui ex animo vult perire bestias inimici . Quando verbis exprimitur imprecatio, fit injuria. Si verbis maledicis conjungatur animus optans malum , est mortale , estò ex ira optetur , & in illo solùm instanti : nam omne peccatum committitur unò instanti: dummodò scæminæ advertant, ut cap. 4. n. 10. S. Th. q. 76. Pœnitens debebit explicare malum, quod optat, si est malum famæ , vitæ &c. quibus optat : si sunt filii : nam hoc est contra pietatem. & quot : nam juxta numerum personarum multiplicantur numero peccata , ex p. 1. c. 34. n. 9.

9 D. Hæc quinque peccata sunt nè mortalia ex genere suo ?

M. Utique : nam lædunt justitiam, sine qua nequit servari charitas. Vide p. 1. c. 34. n. 6.

10 D. Sunt nè venialia ex parvitate materiæ ?

M. Quia per ista possumus inferre malum leve : admittunt parvitatem materiæ , ut p. 1. cap. 36. n. 5.

11 D. Adsunt nè Theses prohibitæ circa hæc ?

M. Circa Detractionem extat 43. Inn. XI. & 44. universalior contra imponentes falsum crimen, quomodocunque imponatur.

D. Adsunt nè Censuræ, vel reservatio ?

M. In Bulla Cœnæ §. 13. excommunicantur comminantes, & perterrefacientes personas ibi nominatas ; quod videtur spectare ad maledictionem, tamen cum addito, ut importat proprietas verborum *Comminari*, & *Perterrefacere*. Lege scribes in Bullam. P. 1. c. 20. excommunicantur, qui conficiunt libellos famosos in Prædicatores, & Minores.

12 D. Quas pœnitentias imponet Confessor pro hisce peccatis ?

M. Prima, & necessaria est restitutio famæ &c. difficilior, quàm in furto, ubi occultè possum restituere. At in hisce debeo recompensare idem, qui læsi, & coram quibus læsi: Maxime id fugiunt nobiles, ubi alter ex suo dicto amisit dignitatem &c. sed imponenda est hæc

pœ-



pœnitentia ; & cura , ut præcedat absolutio-  
nem. Si falsum imposui , etiam mediante jura-  
mento , debeo retractare : Si dixi verum , sed  
occultum , non mentiar , sed restituam , dicen-  
do me locutum ex passione , vel ita , laudando ,  
quòd meæ laudes abstergant pristinam infam-  
iam. S. Th. q. 62. a. 2. ad 2. Catech. p. 3. c. 8.

## CAPUT XXVIII.

*De peccatis contrariè oppositis Iustitiæ Com-  
mutatiæ , quæ committuntur in  
commutationibus voluntariis .*

1 **H**Æc S. Th. reducit ad duo , nempe , ad  
fraudem , & usuram ; de quibus agit  
q. 77. & 78. agens q. 79. de partibus integrali-  
bus iustitiæ , quæ sunt duæ , scilicet , *declinare  
à malo proximi , & facere bonum debitum pro-  
ximo*. De his nihil restat dicendum : sufficienter  
enim ex dictis , & dicendis de fraude , & usura ,  
constabunt omnia peccata commissionis , quæ  
violant primam partem integram , *declinare  
à malo* , & peccata omissionis , quæ violant se-  
cundam , *facere bonum debitum proximo*. Qui  
habet ulteriorem difficultatem , legat S. Do-  
ctorem q. 79.

2 Primum contingens in commutationibus  
voluntariis , dicitur fraudulentia , seu fraus .  
Cap. 16. n. 5. fraus est inter peccata per exces-  
sum opposita Prudentiæ . Illa consistit in actu  
vitio-

vitioso intellectus practici ordinante media fraudulenta in finem : Fraus, de qua hìc , sunt media injusta in vim illius actus posita pro commutandis rebus : Qui ut cras mihi redderet aurum, hodie pręparat aurichalcum : hodie committi contra Prudentiam, quia pręparat medium , ut decipia : cum decipit in commutatione , peccat actu interno contra justitiam, intendens facere actionem injustam: cras peccabit actu externo , faciens actionem injustam .

3 D. Quotupliciter potest committi fraus in commutatione ?

M. Primò: si vendo rem carius, quam valet hìc, & nunc, habito respectu ad locum, tempus, multiplicitatem, &c. 2. si suppono unam mercem pro alia, quàm nullatenus vult emptor, 3. si detur merces corrupta pro integra .

4 D. Crescitne pretium rei, quia emens illa indiget ?

M. Pretium panni v. gr. potest crescere , si mihi damnosum sit vendere in æstate , quando pluries vendidissem servans in hyeme ; sed non possum vendere carius , eo præcisè , quia emptori est utilis in æstate : in primo casu vendo meum damnum ; in secundo utilitas est alterius, non possum vendere, quod non est meum. S. Th. q. 77. a. 1.

5 D. Leges approbant omnem contractum , in quo emptor non sit læsus supra dimidium ?

M. Per-

M. Permittunt hujusmodi contractum, nec rescindunt ad vitanda incommoda majora; sed lex divina prohibet omnem injustitiam. S. Th. ad 1.

6 D. Si ita est, Mercator semper poterit dubitare, nùm exceſſerit pretium consistens in indivisibili?

M. Pretium aliud est legale, statutum à lege, ut pretium panis &c. Hoc consistit in indivisibili, & pecco, si minimum quid accipio supra quod lex decrevit de merce cum talibus conditionibus: Aliud est pretium morale, quod habet latitudinem: Et est triplex, infimum, medium. supremum: dummodò non excedam hoc possum vendere mercem. S. Th. ibidem.

7 D. Possum nè carius vendere mercem, quia emptor vult differre solutionem per annum?

M. Rei pretium non potest augeri, eò quia ementi provenit utilitas, sed solum, si proveniat damnum vendenti: tunc juxta damnum, quod hic, & nunc sentit, poterit augere. Quare si ex dilatione venditor non sentit damnum, nequit excedere supremum; si sentit, poterit augere juxta proportionem damni, quod hic, & nunc sentit. S. Th. q. 78. a. 2. ad 7.

8 D. Quale debet esse damnum?

M. Sunt *damnum emergens*, & *lucrum cessans*. Primum est, quando ex dilatione pretii, ad solvendum mea debita, obligarer accipere ad cambium pecuniam similem cum onere solvendi

vendi v.g. quatuor pro centenario . Per talem dilationem mihi damnum emergit horum quatuor : Hoc damnum , quia non teneor pati , possum compensare ab Emptore . Alterum est quando , si mihi solveretur pecunia statim , implicarem ad cambium , cum lucro quatuor pro centenario , & quia differtur solutio , cessat mihi lucrum . Hoc ut exigam , non sufficit posse probabiliter lucrari . S. Th. q. 78. a. 2. ad 1. sed requiritur , ut sit paratum cambium , ex quo nascitur jus lucrandi , ut non habeam aliam pecuniam , quam hîc , & nunc dare possim : & ut à differente solutionem , diminuam aliquid pro periculo , cambiando : quare lucrum cessans involvit aliquod damnum ; & semper erit contestandum utrumque . Vides hujusmodi negotia , ut sine peccato exerceantur , exigere hominem prudentem , & non nimis avidum . Aliàs prætexet motiva Confessori , quibus omninò implicabitur : primò circa pretium supremum : dicet illud esse , quod extorquent pauci contra omnem justitiam ; secundò : quoad lucrum cessans , vel damnum emergens : exponet se perdere quatuor , & posse consequenter exigere illa : addet nullum inde periculum in exigendis hisce quatuor , cùm verè sit ingens , & ratione hujus , justè possit exigere solum duo . Adde , quòd Confessor inexpertus negotiorum , & periculorum , hic debet stare relationi pœnitentis ; quare nisi sit prudens , & timoratae conscientia , detipiet Confesso-



fessorem, sed magis animam suam. Igitur, & inculcetur populis, maximè in prædicationibus, ut negotium omne dirigant non juxta effrænatum desiderium possidendi.

9 D. Quid est supponere unam mercem pro alia?

M. Soppono unum pro alio, dando v. gr. aurichalcum loco auri, in minori quantitate, pondere &c. S. Th. ar. 2. qui ad 2. addit mensuras, & pondera esse stabilienda per Principem: quare utens mensura, vel statera dolosa, committet duo peccata: alterum contra justitiam commutativam dando minùs, alterum contra legalem, utendo mensura, vel statera, quam Princeps non probat. Tunc insistet, ut pœnitens explicet numerum utriusque.

10 D. Si non posset supponi res non integra pro integra, nunquam posset mercator vendere mercem, quæ patitur?

M. Opus hic est doctrina, & prudentia, nè decipiatur ex una parte emptor; & ex alia venditor non cogatur sustinere plurima damna. Utramque hauries, ex S. Th. q. 77. art. 3. ubi docet vitium rei manifestum ex se patere. Occulti, considerandas omnes circumstantias; Nam ex c. 23. n. 3. considerandum, an emptor velit vinum ad conservandum. In isto casu decipio supponens lymphatum, estò vendam pretio hujus, nec enim do juxta ejus utilitatem, & voluntatem; debeoque hoc vitium manifestare: si vult hodie bibere vinum, nec illi officit, quòd

quòd sit dilutum; & aliàs vendo pretio diluti, tunc non est necesse dicere vitium, quia emptor fortè vellet plus minuere de pretio, quàm sit minuendum. Hæc indigent, ut pœnitens habeat fixum memoriæ illud Christi: *Prout vultis, ut faciant vobis homines, & vos facite illis similiter.*

10 D. Qui hodie scit, monetam cras ex lege Principis futuram minoris valoris, tenetur nè id revelare: qui scit cras fore, ut adventet copia mercis, teneturne illam hodie minoris vendere?

M. Potest expendere, & vendere pretio hodie currenti, quia hodie neutra est vilior, sed erit cras. S. Th. a. 3. ad 4.

11 D. Licet nè negotiando carius vendere, quàm emere?

M. Non est mortale ex natura sua, nisi sub gravi prohibeatur à lege particularibus personis. Vendere, quod aliàs nascitur in proprio, nullum est peccatum. Emere, quæ minoris hodie valent eo fine, ut vendantur cras, quando pluries valebunt, est veniale, si id intendatur ut finis proximus: nullum erit peccatum, si eligatur ut medium, v. gr. ad sustentandam familiam, vel conservandam in civitate abundantiam &c.

12 D. Quid est Usura peccatum ex n. 1. contingens in commutationibus voluntariis?

M. Est lucrum quodcunque proveniens immediate ex mutuo, seu ratione mutui. Sub

contractu mutui cadunt, quæ consumuntur ipso usu. Domus, equus, & similia non cadunt sub ratione mutui, quia non dantur, ut consumantur, sed ut iis homo utatur, deinde reddat domino; ideo in his non transfertur dominium, sed usus equi transfertur in me, dominium remanet apud Petrum. E contra vinum, triticum, pecunia &c. dicuntur mutuari, quia dantur, ut ipso usu consumantur, nec qui accipit, tenetur reddere idem numero, sed specie (nisi commodarentur ad ostentationem; in quo casu utpotè reddenda eadem numero pecunia esset commodata, & liceret aliquid accipere pro usu. S.Th.a.2. ad 6.) propterea transfertur dominium: Igitur, si præter capitale reddendum suo tempore, exigo aliud lucrum, committo usuram: quodcumque sit lucrum, seu commodum, v. gr. non obligo illum quotidie venire ad meam officinam, sed quoties indigebit, & promitto me tunc daturum merces pretio infimo; si constituo hanc obligationem, committo usuram, quia præter capitale, obligo ad hoc; si obligo mutuatarium ad me laudandum &c. S.Th.a.2. Si obligo ad remutuandum, quando indigebo. Ibidem ad 4. Si obligo illum ex iustitia ad recompensandum, quod mihi ratione, mutui debetur tantum ex benevolentia. Ad 2. Huc respicit 42. Thes. Innoc. XI. Si accipiens pignus obligo, ut mihi concedat usum pignoris. Ad 6.

13 D. Potestne ex mutuo repeti lucrum cessans, & damnum emergens.

M. Posui non frustrà particulam *ratione mutui*; nam si exigo ad reparandum damnum non exigo ratione mutui, sed lucri cessantis aut damni emergentis. S.Th. ibidem ad 1.

14 D. Possum nè mutuare cum spe, ut recompenfer ex benevolentia, nihil illi dicens?

M. Ubi concurrunt duo fines, aliàs de se honesti, considera, si primariò intendatur principalior: si primariò intendam minùs principalem, pecco. Secùs si intendam primariò principalem, etiam si secundariò intendam minùs principalem: v.g. pecco, si petens beneficium Ecclesiasticum, intendo principalitèr mei sustentationem: at si principalitèr intendo servitium Dei, non pecco, si secundariò intendo meam sustentationem. In proposito principalitèr intendere benevolam recompensationem est usura mentalis contra illud: *Mutuum date, nihil inde sperantes*: Minus principaliter intendere, nullum est peccatum.

15 D. Sicut est peccatum exigere usuras, ita est nè peccatum solvere?

M. Solvere de se non est peccatum, quia injustitiam committis exigens, non solvens. Dixi de se: nam peccare possum, si cooperor peccato exigentis; ut cognoscatur, quando cooperor, S.Th. a.4. dat hanc regulam. Petrus, & Paulus debent simul facere actionem, quæ prohibita est Petro, non Paulo: Hic peccat, si absque urgenti



genti necessitate, concurrat simul cum illo ad talem actionem, & cooperatur peccato Petri. Si habeat necessitatem urgentem, Paulus tunc utitur malo Petri in bonum suum. Rex Idololatra, & Christianus debent jurare pacem: quia est necessitas, Christianus non peccat, sed utitur in bonum juramento malo Idololatæ per deos inanes. Vide p. 1. c. 12. n. 9. Applica hæc si absque necessitate, ut habeam pecuniam ad ludendum promitto usuras, pecco cooperans peccato usurarii. Non pecco, si promitto ex necessitate ad mihi subveniendum. Quia tamen ille nullum habet jus, non teneor stare promisso, nisi juraverim. Quia juramentum est servandum, nisi sit de re illicita, nec est peccatumolvere usuras. Teneorolvere, ex vi Religionis, etiam in casu, quo sine necessitate acceperim; quia tunc peccavi cooperando alterius peccato, sed non pecco exequens, quod juravi. Canones tamen volunt, quod iste jurans, primò depositet usuram juratam, ob reverentiam juramenti; deinde possit petere dispensationem juramenti; & tunc repetere pecuniam depositam. S. Th. 2. 3. querit, an usurarius teneatur restituere fructus acquisitos. Vide c. 21. n. 11.

16 D. Est nè usura, si conveniam dare pretio supremo mercem emptori, qui deinde convenit mihi revendere statim pretio infimo pecunia enumerata; vel obligare mutuatarium ad aliquid ultra sortem, quia me obligo non

repetere mutuum per annum; vel quia do nunc pecuniam numeratam, quæ hodie pluris æstimatur quam cras enumeranda ?

M. Primus est contractus Mohatra prohibitus ab Inn. XI. prop. 40. secundus ab Al. VII. prop. 42. tertius ab Inn. XI. propos. 41.

17 D. Peccata recensita in hoc capite sunt nè mortalia ex genere suo ?

M. Utique ob rationem adductam p. i. c. 34. n. 6. quia sine iustitia, nequit servari charitas.

18 D. Possunt nè reddi venialia ex parvitate materiæ ?

M. Vide p. i. c. 36. n. 5. Malitia eorum consistit in damno proximi: quare venialia erunt, si leve sit damnum.

19 D. Adsunt nè Theses prohibitæ circa hæc duo genera peccatorum ?

M. Octava, 9. & 10. Alex. VII. tangunt commutationes voluntarias in petente, & applicante valorem sacrificii. 43. inter legantem, & legatarium. 40. 41. & 42. Inn. XI. materiam usuræ. Circa quã, si contractus sit intricatior, ultra Theologos, consule Negotiatores pios.

20 D. Adsunt nè censuræ, contra exercentes huiusmodi peccata ?

M. Usurarius manifestus 1. est excommunicandus: 2. Sacerdos non potest recipere lilius oblationē pro missa, quando sit ex usuris: 3. est inhabilis ad condendum testamentum, nisi restituat: 4. privandus est Ecclesiastica sepultura: 5. sunt ipso facto excommunicati Clerici locan-

locantes illis domos ad nsuram. Si accedat ad Confessionale, non statim absolves, quia est consuetudinarius, & publicus peccator: variis monitis incita, quò tollat scandalum pœnitentiis, quas præscribunt Canones. Require consilium, Episcopi præsertim, ad quem recurrere, quia ejus est declarare pœnitentiam publicam; & potest commutare in secretam.

21. D. Quas pœnitentias imponam pro his peccatis?

M. Cum manifesto usurario procede, ut n. 20. principalis erit restitutio, & ut abjiciat mensuras, & pondera falsa, si quando illis utatur: Monita, ut fugiat hæc peccata, accipe à Catech. p. 3. c. 8. præsertim à n. 11.

## C A P U T XXIX.

### De Cambiis.

1. **C**ommutatio voluntaria includit multos alios contractus, quorum danda est aliqualis notitia: & 1. de contractu Cambiorum, quæ hodie sunt frequentissima, & subiecta pluribus peccatis, cum tamen Theologi pauca differant de illis, quia difficile est habere plenam eorum notitiam, nisi considerentur juxta praxim, qua carent Ecclesiastici: Ut igitur Confessor saltem sciat dubitare.

2. D. Quid venit nomine Cambii?

M. Cambiare idem est ac permutare; Ideò

venditio, & emptio cembiant, sed strictè loquendo, nomine Cambii hodie venit permutatio unius pecuniæ in aliam, vel pecuniæ residentis Romæ v. g. in aliam, qua indigeo Neapoli.

3 D. Quotuplex est Cambium?

M. Licitum est duplex: minutum & reale: 1. est cum do pecuniam argenteam hic in urbe ut recipiam à Campfore auream: Reale est duplex: 1. fit, cum do Romæ centum scuta, v. g. ut Campfor det æquivalentem Neapoli: Alterum quando Romæ accipio litteras ad Nundinas, ut tibi solvantur mihi centum scuta.

4 D. Potestne pecunia vendi?

M. Necessarium est scire id, ut videatur, num Cambia salventur ob dictam venditionē. Igitur Moneta 1. consideratur in suo materiali: Hoc modo quotidie Aurifices emunt monetam, argenteam, & auream, fractam, & integram, ut ex ea liquefacta forment vasa &c. 2. consideratur in suo formali; ut est pretium rei; Hoc modo nequit principaliter vendi, quia pretium nequit esse appretiatum, nec mensura mensurata: secundariò tamen emitur, & venditur quotidie, considerata sub circumstantiis, sub quibus appretiantur cœtera venalia; unde monetarum crescit, & decrescit valor, ut grani, vini &c. Hæc vilescunt, si abundant, si ultronee offerantur, si exposita sint periculo &c. Ob has circumstantias, in Urbe loca Montium, quæ ab intrinseco sunt centum scutorum, extrinsecè



secè valent 119. E contra Venetiis neque valent 90.

5 D. Cambium minutum est ne licitum?

M. Ita fit: Habeo aureum 30. Juliorum: volo cambiare in monetam ãream, vel argenteam: Campsor reddit mihi totidem Julios: E contra dans ãream, ut habeam aureum, solvo Julios 31. Licet iste contractus: 1. in ratione venditionis, si vendatur, vel ematur aureum, quod hic, & nunc est pretiosius, quia utiliùs, commodiùs &c. Certè itinerans non posset ferre tantum æs, uti nec fortè argentum. 2. declarati fuere liciti Montes Pietatis accipientes in mutuo aliquid supra sortem, quia faciens charitatem mutuandi non tenetur suis expensis custodire pignora,olvere ministros, conducere domum &c. qui ergo ad utilitatem Reip. cambiant hoc modo, possunt exigere aliquid à cambiante, cui Campsor locat suas operas, conducit officinam &c. 3. ratione lucri cessantis, quia tenens pecuniam pro hac utilitate, illam implicaret ad fructum. Ita dissero considerans naturam Cambii, (Principes, qui vetant, moventur aliis rationibus). Cave tamen ab injustitia, quæ posset esse 1. si venderes pecuniam ultra pretiũ, quod Platea stabilivit: 2. si locares operas tuas supra quam exigit arbitrium boni viri: 3. si exigas supra lucrum, quod tibi cessat consideratis periculo, expensis &c.

6 D. Licet ne secundi cambii primus modus?

M. Potest fieri licite per modum venditionis, si vendo pecuniam, quam habeo Romæ pro pecunia, quem Petrus habet Januæ; potestque fieri cum lucro meo, non Petri; nam iste reddit mihi pecuniam loco distantem, Romæ valentem minoris, quam presens, saltem ob expensas mihi faciendas, ut reducam: nec dicas me habiturum facile modum reducendi: hoc enim est meæ industriæ, non naturæ Cambii, quæ nunc examinatur, præcisa etiam injustitia, quæ consurgeret, si pecuniam Januæ repositam venderem minoris, quam, omnibus pensatis exigit arbitrium boni viri. Adverte tamen, quod venditio est permutatio, quæ est entis ad ens: quare si vel ego Romæ, vel Petrus Januæ non habet pecuniam, nihil vendimus, sed illa palliamus mutuum.

7 D. Mense Martii sæpè venditur granum maturandum in Julio?

M. Hoc fieri potest dupliciter: 1. si vendam in Martio herbam virentem, quanti, arbitrio boni viri, tunc æstimatur, consummaturque contractus, ita quod transeat statim in dominium vendentis, pecunia & ementis herba; unde illi perit pecunia, & huic herba, si casu pereant. Ex qua regula generali, velut à posteriori, cognosces, quando sit vera venditio: nam erit palliata, si res non perit ementi.

8 Altera venditio fit hoc modo: Mense Martii emo granum, quod percipietur in Julio. Petrus convenit se tunc mihi daturum illud

gra-

granum, pretio, quod nunc paciscimur; ita tamen, quod probabiliter valebit tanti. Ego autem do illi nunc decem scuta, vel viginti &c. Hic, quoad granum, est contractus inchoatus venditionis, consummandus in Julio, cum mihi dabitur granum: nec enim in Martio fit permutatio grani, & pecuniæ quia tunc non extat utrumque. Ulterius, si campus nihil fructificet, est in damnum Petri obligati reddere mihi pecuniam, quæ ideò data verè fuit per contractum mutui palliatum nomine venditionis.

9 D. Sabini Mercatores contrahunt cum Rusticis hoc modo: mense Julii ab istis emunt vinum reducendum mense Octobris: Dant singulis centum scuta v.g. obligantque pretio per ipsos Mercatores in Urbe taxando reddere tot cados vini, quos si non reddant, Mercator, eorum expensis, & interesse, reliquos accipiet ab aliis; Pro expensis autem vehendi ad Ripam Urbis, diminuunt testimonem, ubi pretium in Octobri est taxatum, licetne contractus iste?

M. Huic contractui adjiciebant plures alias conditiones, vi quarum decisio detorsit ingenia Theologorum, qui abiire in varias opiniones. Alii sustinebant totum contractum: Alii volebant pretium esse taxandum à Superiore, qui non esset pars; Alii excessivum esse Testonem pro expensis &c. Mercatores autem acerrimè sustinebant contractum: In reliquis dabant manus, ut arbitrio prudentum, omnia possent regulari. Sed, post diligentem negotii

dis-

discussione Eminentiss. Abbas damnavit contractum, ut usurarium; & jure; nam in Julio nulla est permutatio (quare nec venditio) nec enim 1. potest permutari vinum, quod non est. 2. si perit vinum, perit damno Rusticorum, quousque absit ab Urbe. Igitur hi sunt adhuc domini.

10 Hæc præmittere oportuit pro debita notitia Cambiorum, addo differentiam inter mutuum, & cambium. In illo mutuans primò dat, deinde accipit: primò ipse est Creditor, & mutuatarius debitor, quoad usque solvat. In isto Campsor prius accipit Romæ, postea dat Genuæ; prius Campsor fit debitor, quousque cambium acceptetur Januæ à Corresponsali.

11 Hinc in casu n. 3. quo dedi Romæ Sempronio Campsori scuta centum, ut totidem mihi solvat Januæ, possum emisse pecunia Romæ presente pecuniam distantem, quæ minoris hic & nunc valet: quare, ut servetur æqualitas in permutando, non ego deberem exbursare hic Romæ centum duo, ut centum habeam Januæ, sed è contra pro centum Romæ exbursaris Campsor deberet Januæ solvere centum duo: & ita lucrarer ego, non Campsor.

12 Hic tamen potest lucrari per alium contractum locationis, dum mihi locat suas operas maximè diebus nostris, quando ferè omnis Princeps vetat è suo statu extrahi monetas: unde indigeo cooperatore ad transferendam



rendam Januæ, pecuniam ibi necessariam, absque legum contraventione, modo simili, quo transmittuntur epistolæ; ideo ars Campsoria est utilis, & necessaria Reip.

12 D. Licet nè Cambium ad nundinas?

M. Ex dictis patet responsio magis confirmanda per praxim; Post nundinas v.g. Paschales Negotiator Januensis scribit Veneto se vellet implicare scuta mille v. gr. in emendis tot Marchis aureis: Hæc est moneta imaginaria modò pluris valens, modò minoris: etenim si multi volunt vendere, pauci emere, vilior est marcha, ut omnis alia merces abundans: 2. Hodie Petrus emens à Paulo hanc marcā solvit pretium, & pretium, seu valor illius mihi reddetur ad proximas nundinas post trimestre: ideo Paulus accipiens statim post Pascha, potest vendere Petro marcham minoris, quia per illud trimestre implicat pecuniam, & lucratur. E contra propè nundinas venditur pluris, ob lucrum cessans vendenti, qui non potest implicare pecuniam in aliis negotiis coactus in nundina solvere pretium marchæ. 3. Campsor Romanus habens correspondere Januensibus, à quibus fuit deputatus ad exigendum fructus Montium, locat suas operas, & pro istis lucratur, *provisionem*, ut vocant, unius dimidii pro quolibet centenariorum.

13 D. Campsor potestne sibi retinere lucrum superer excrefcens monetæ?

M. Hoc lucrum vulgò dicitur Cambium:

Ex

Ex prima institutione v.g. sex libræ Januenses æquivaiebant scuto Romano, & quoad valorem intrinsecum æquivalent; nihilominus ab extrinseco diminutus est valor scuti Romani, quia major copia est mittendi Januam scuta è Roma, quam mittendi sex libras Romam è Janua; ideò supponamus ob hanc abundantiam, scutum Romanum æstimari Januæ quinque libras, & quindécim solidos. Qui Romæ ita solvit, Genuæ recipiet unum scutum: qui verò Januæ dat Campsori sex libras integras, Romæ debet recipere ultra scutum, æquivalens quinque solidorum; & Campsores publici sanctè hoc observant; alias peccarent mortaliter, quia pro locatione suarum operarum, habent provisionem, ut n. 12. Alii non provisi possunt pro istis recipere pretium moderatum arbitrio boni viri. Aliquando Cambium crescit ex defectu valoris intrinseci: Altum hodie est Cambium ducati Neap. ex hoc defectu: Scutum Romanum conflatum suppono ex una uncia argenti, quæ valet decem Juliis: ducatus verò conflatur ex minori argento; & ideò Campsor soluturus Romæ vult Neapoli tantum argentum, quod pertinet ad unam unciam, hoc est, tredecim Carolenos: Ultra hoc est valor extrinsecus ex defectu, vel abundantia mittendi Romam valorem Carolenorum; Ideò in his est duplex valor extrinsecus, alter ex lege Principis, qui auxit pretiū monetæ: alter ex arbitrio prudentū, cōsideratis circūstātiis abūdantiæ &c.

14 D. Quid venit, dum dicis *arbitrio boni viri*?

M. Ex l. *Continuus* §. *Cum ita* ff. de verb. obl. venit Iudex loci; Sequitur Gl.c. *Statutum* de resc. in 6. quare pro conscientie foro venit Confessor, qui est Iudex: Quia verò Cambiū tangit forum externum in plateis insignioribus, Princeps deputat Campsores primarios, qui qualibet hebdomada ex diversarum partium epistolis, considerant abundantiam, defectum, aliasque circumstantias monetarum, & stabiliunt valorem extrinsecum, an v.g. libræ sex Januenses debeant vendi Romæ unum scutum, an aliquid minus, an aliquid amplius &c.

15 Cœterum ars omnis, & scientia usurpat quædam vocabula sibi soli nota, quorum notitia accipi debet à Professoribus. Exemplo fit illud Logicæ Dythicon:

*Afferis A, negat E: sunt universaliter ambæ:*

*Afferit I; negat O: sunt particulariter ambæ.*

ideò dictum est: *Fælices Artes, si de iis soli judicarent Artifices*. Equidem *Spiritualis* judicat omnia per inquisitionem rationis, (non per connaturalitatem) sed ut judicet, prius à Professoribus debet accipere vim terminorum; & quia hujusmodi terminos usurpat etiã Campsoria, prius interrogabis Campsores, ut possis in Confessionali dare iudicium rectum de licito, vel illicito usu Cambiorum.

16 D. Quid circa hæc statuit B. Pius V. M. Damnat 1. cambia sicca taliter facta. Petrus dat centum scuta Paulo promittenti cambiare pro Venetiis : At verè non dat literas cambii, vel si dat, redeunt inanes, quia sic pactum fuit, & post mensem Petrus repetit scuta : In hoc est usura Realis, si convenerunt : mentalis, si fuit intentio tantum ; vel Petrus dat pecuniam nomine cambii, quod verè non est, sed Paulus reddit hic vel alibi : 2. in cambiis realibus Campsor accipiens pecunias dat literas pro Venetiis, vi quarum deberet solvere post trimestre, sed postea concordant partes restitutionem differre ad aliud trimestre solvendo idem lucrum : Usura consistit in eo, quod post dictum tempus cessat primus contractus : quare in 2. non datur ad Cambium in trimestri finitum, nec renovatur in Nundina, in qua propterea incipit mutuum. 3. Præcipit Cambia fieri primis Nundinis vel terminis, ut nunc generaliter servatur in publico, ita quod impotens tunc satisfacere declaratur decoctus.

17 D. Licetne Cambium, quod faciunt mulieres, & alii non mercatores non mittentes ad Nundinas, seu ad primos terminos, sed contrahentes per triennium v.g.?

M. Ita plurimi contrahunt, quia ex cambio tali recipiunt lucrum majus, quam ex censu, vel quia non habent rem immobilem fructiferam, quæ possit fundare censum ; Hi faciunt verum Cambium, utpotè profitentes negotiari per



per se, vel alium, & per alium mittunt litteras ad nundinas: accipiens verò obligat se ad damnum & interesse, super quibus vide publica instrumenta, quæ si defint, forum ex termine nihil actionis cedit ad fructus, quos in sortem computat, si fuerint percepti. Et celebris Negotiator olim dedit hoc modo triginta aureorum millia Notariiq; inadvertentia, ne dicam, malitia, fuit omissa particula, quod recipiens assumeret in se onus mittendi litteras; cujus defectu judicatum fuit danti nihil provenisse fructuum.

18 Quia verò hæc materia practicata à Sæcularibus debet esse nota Confessori, ne hic erret, addo quasdam doctrinas Sac. Rom. Rot. super illa. 1. Ex dec. coram Calatain 23. Mart. 1672. Soli Clerici in Sacris, vel Beneficiati prohibentur exercere Cambia: 2. Si exerçant illicitè negotiantur, sed contractus est validus: quare Sacerdos accipiens ad Cambium obligat sua bona in favorem dantis, esto peccet mittendo litteras, quia cambium est negotium seculare prohibitum Clericis cap. 2. *Ne Cler. vel Mon.* Quare ut judices, num peccaverit mortaliter, considera quid requiratur, ut Clericus dicatur contravenire canoni. 3. Dans ad Cambium huic Clerico tenetur ad interesse, & alia, quæ justè conventa sunt. 4. Clericus ita cambians, ultra peccatum punitur, quia acquisita spectant ad Cam. Ap. 5. Si dans pecuniam declarat se solutum negoti. & in acti-

accipientem refundit onus mittendi literas : si hic non mittit, tenetur danti ad damnum emergens, & lucrum cessans. 6. ex dec. coram eodem 17. Mart. 1673. Petrus & Paulus faciunt cambium per annum, quo elapso Petrus reddat capitale, quod solum reddit post sexennium Petrus tunc tenetur cum capitali reddere fructus conventos per totum sexennium, quia censetur continuasse contractum. 7. si accipiens pecuniam ad implicandum, nominat bancum determinati Campforis, hoc moriente cessat cambium, & lucrum : si verò concordent posse alium substitui, tunc durat : Idem dic, si Campfor fiat decoctus. 8. ex dec. 24. Febr. 1676. Dans ad cambium, & à principio credens pecuniam non esse ita implicandam, committit usuram, si exigat lucrum. 9. è contra, si à principio id credidit, sed postea fuit deceptus, potest exigere : ( nam culpa Debitoris non nocet Creditori ) saltem ob lucrum cessans, & damnum emergens. 10. Ubi accipiens obligavit se ad implicandum, ultra dans non debet seingere : 11. sine gravi fundamento non debet suspicari pecuniam teneri otiosam. 12. Dans potest exigere lucrum, estò sciat pecuniam distrahi ad alia : nec enim supponendus est mentiri, & potest implicare aliam pecuniam.

19 D. Licet re cambium hoc : Campfori centum aureos dat Petrus sibi solvendo Janue post mensem, juxta valorem, qui tunc erit, ut plurimum major valore presenti, sed potest etiam esse minor ?

M. Hoc

M. Hoc verè non est cambium , quia caret conditionibus positis n.16. Potest esse mutuū , quia Petrus primò dat : deinde accipit , cum incertitudine , sed probabiliter sperans lucrū : Potest etiam esse venditio , si Campsor vendat suos aureos Januenses. Si sit mutuum, contractus est usurarius : si venditio, est licitus : Utrumque definitur in c. *Naviganti* de us. Nemo dat mutuò , ut perdat: ergo se exponens periculo, sperat probabiliter lucrum, contra illud: *Mutuum date, nihil inde sperantes*. Ut autem scias, hic, & nunc, an sit mutuum , vel venditio, recale dicta n.6.& 7. nam erit mutuum , si pereunte pecunia Ianuensi, Rom. Campsor adhuc obligatur : si verò mihi, ex casu fortuito perit illa pecunia, erit venditio; & tunc utpotè mea, fructificat mihi : Ex hac regula distinguas facilè mutuum à venditione, ubi dans pecuniam, ea pereunte, adhuc obligatur in persona est mutuum : Ubi sola res remanet obligata , & non persona, erit venditio , quæ benè consummatur, quando res empti transit in dominium emptoris ; Et si non transeat, potest quidem inchoari venditio, sed si inde non consummatur , realiter est mutuum : Totum id magis patebit ex n.seq.

20 D. Licetne contractus iste : in Martio vendo granum Iulii, & anticipatè solvo : vel è contra do granum in Martio , & expecto pretium in Iulio ?

M. Has solutiones anticipatas , S. Th. vocat  
Pars II. N cat

cat mutuum, quia prius do, deinde accipio: Tu juxta præcedenter dicta distingue: Nam erit mutuum: Si persona remanet obligata: erit venditio, si persona remanet deobligata, grano pereunte.

21 D. Licet ne contractus iste: Petro eunti ad Nundinas mutuo centum, assumens in me pericula capitalis, ideoque obligans illum ad aliquid supra sortem.

M. Ex c. *Naviganti* contractus iste censetur usurarius ut n. 19. Canon optimè dicit censerì usurarium quia sic judicari debet in foro externo: non dicit esse usurarium, quia ut ibidem posset esse venditio; sed tunc debet habere conditiones verè venditiones adductas.

22 D. Petrus dat mutuo centum eunti ad Nundinas obligato restituere, possetque exigere fidejussorem, cui expensis euntis, cederet aliquod lucrum; cum isti duo contractus fieri possint inter duas personas, cur non possint conjungi in una mutuantis, cui cedat lucrum fidejussionis?

M. Ita sustinent aliqui sed contrarium patet ex dictis: quia ex mutuo persona obligatur ad reddendum, & res transit in plenum dominium Mutuatarii.

23 D. Licetne contractus iste: do mille Petro, qui ut assecuret capitale, mihi cedit in pignus villam?

M. In mutuo possum accipere quodcumque pignus, dummodo fructus non cedant mihi,



mihi , sed domino : & si accipio, computari debet fructus in sortem : alias exigere aliquid suprà sortem : Sunt tamen casus , in quo fructus debentur mutuantibus : 1. Clericus dat in pignus villam Feudalem Abbati : Hic accipit fructus : at non potest exigere pro eo tempore Homagium ex Feudo sibi debitum : 2. Socer dat Genero in pignus dotis promissę villam , Gener licitè sibi retinet fructus villę.

24 D. Licetne contractus iste : Clericus Hispanus. ut Beneficii adepti in Curia Bullas expediat accipit pecuniam pro expensis necessariis . & dat in pignus Bullas expediendas in partibus, ut exigat ; conveniuntque ut Clericus solvat Campsori decem, duodecim, & amplius pro quolibet centenariò?

M. Aliqui celebres Canonistę dicunt contractum usurarium : Ex Summistis Angelus de Clavasio ait: *tales Campsores indubitanter sunt usurarii*: Sylvester, *si reduceretur ad justum contractum emptionis, posset licitè fieri , sed ita de facto non fit* . Ut ego possem judicare, deberem videre aliquem hujusmodi contractum , quem adhuc non vidi : Interim suppono semper contrahi modis licitis quia sumus in facie Papę prohibentis usuras, maxime , quia Theologi & Canonistę Urbis à ducento annis damnant istum contractum . Tu accipe hanc regulam generalem applicabilem cuicumque contractui : Si dans accipit aliquid ultra sortem ob distantiam temporis est manifesta usu-

ra: Si accipiat ratione aliarum circumstantiarum, & arbitrio boni viri nimis accipit, est manifesta injustitia.

## C A P U T X X X.

### *De Censu, Societate, aliisque contractibus.*

I D. Quid est Census?

M. **Q**uid est Census? Est contractus venditionis, vicus, mediante pecunia, cedo in favorem ementis, jus, quod habeo, percipiendi fructus, ex re immobili designata certis finibus. Ita ex Decret. Pii V. constituyente conditiones necessarias pro censibus; & 1. emens debet solvere justum pretium pecunia numerata, dum conficitur contractus. 2. Vendens non potest obligari ad solvendum anticipatè fructus. 3. neque ad casus fortuitos, nisi contrarium ferat natura contractus. 4. res subjecta censui potest alienari à domino, sine alia obligatione: Ubi tamen sit vendenda, Censuarius est admonendus, & cæteris paribus præferendus: 5. Vendens, morosus in solvendo fructus, nequit obligari ad aliud, pro lucro cessante, damno emergente, aut in pœnam; nec augeri potest fructus ab initio constitutus. 6. emens nequit obligari ad solvenda onera rei censuata: 7. Hæc si pereat in totum, vel in partem, emens juxta ratam perdit

dit de fructu; 8. vendens potest extinguere censum, reddendo pretium acceptum: 9. nulla præscriptio extinguit censum: Tricenaria tamen extinguit fructum: quare venditor, vel hæres, qui per annos quadraginta, bona fide, non solvit, juvatur præscriptione quoad fructus priorum undecim annorum: 10. vendens, qui vult extinguere postea censum, denunciabit disdictam ante bimestre: Hoc elapso, Emptor potest illum, intra annum, cogere, ad restitutionem pretii. Ita Pius.

2 D. Quid est contractus Societatis?

M. In eo conveniunt duo, ut alter ad negotium ponat pecuniam, alter industriam: & in fine dividant lucrum juxta conventionem. De hoc contractu, in sua Decret. Sixtus V. statuit 1. ne dans capitale paciscatur de hujus indemnitate, quoad casus fortuitos, v.g. Pastor accipiens gregem per annum, nequit obligari ad reddendum, post dictum tempus, gregem integrum, etiam in epidimia &c. 2. nequit obligari ad solvendum singulis annis ratam certam, sed, capitali reddito, lucrum inde confurgens dividetur juxta pactum.

3 D. Licet ne contractus, quem vocant trium contractuum?

M. Fit hoc modo: In primo contractu Petrus dat gregem Paulo, juxta conditionem prædictam, nihil determinans de lucro: quia hoc est incertum: posset convenire cum Caio, ut se obligaret solvere aliquid certum, v.g. ex

tali grege, spero centum, & quinquaginta determinatè promittit Cajus, me, ob dictam obligationem remittēte illi cœtera sperata. 3. possum contrahere cum Titio, ut mihi fidejubeat super integro capitali, & cedere eidem viginti ex quinquaginta pactis cum Cajo: Tres isti contractus cum diversis sunt liciti, etiam tertius pro casu fortuito, frequens apud urbes maritimas, ubi onerantes mercibus navim, quærunt, qui affecurent, & cui propterea cedunt aliquid pro quolibet eentenario. Plures ergo volunt tres omnes licere simul cum una persona, eodem tempore. Imò ita passim multi contrahunt.

4 D. Casus fortuitus est ne detrahendus in omni contractu: v.g. centum scutis locavi agrum Colono: magnus turbo dissipavit totam messem, quare nec potuit colligere acinum grani, teneturne Colonus ad pretium?

M. Video quamplures æquitate naturali ac pietate motos remisisse debitum, vel totum, vel magna ex parte in similibus casibus: an vero teneantur in conscientia, hæc est difficultas maxima dependens ex lege præsertim Civili: Canonica enim paucissima stabilivit super contractibus, quos voluit regulari per jus Cæsareum & Municipale; ex quo Juriste Celebriores conveniunt, quod factò calculo plurium annorum v. g. decem, si Colonus in quolibet perpeffus est casus fortuitus. Iudex potest cogere dominum agri, ut remittat pretium



tium locationis : at si semel fuit casus ; In reliquis verò competenter Colonus fuit lucratus, tunc abundantia compensat sterilitatem ; Sed utrum ita procedatur in judiciis, ex aliis legibus particularibus mihi non constat : unum scio quod nobilissimus vir conduxerat magnā provinciam à Regia Camera , & seminaverat ad septem millia Rubbiorum tritici messe omninò dissipata nihil collegerat sine eulpa, & omnino à casu: nihilominus Regia Camera vendedit omnia sua bona , & Fratris Clerici adhuc indivisa . Similiter in devastatione Januensi ex Bombis, Canonicus quidam obligatus ad annuam pensionem viginti scutorum vix pro illo & aliquibus annis subsequenter recepit tria scuta è Canonicatu, cui assiduè inserviit , & prætendens extinctionem pensionis saltem pro illis annis , Judicialiter fuit obligatus continuare solutionem : Unde id procedat, definire non spectat ad Theologum, sed ad Judices, qui subtiliter considerent syngrapham obligationis .

5 D. Licetne contractus iste : Petrus debet mihi decem sine cautione, ideo non possum convenire illum in foro externo , nunc peto alia decem , & do cum pacto , quod se subscribas debitorem viginti ?

M. Hoc est mutuum: quare non licet tale pactum, si exigatur in vim mutui: Petrus enim fit deterioris conditionis, & obligatur ad comparandū in foro externo, ad quod antea nō erat.

6 D. Licetne iste : Petrus vendit villam Paulo se obliganti solvere pretium post semestre, & relinquenti in pignus dictam villam: illo completo Paulus non solvit, & Petrus appropriat sibi fructus ?

M. Doctores dicunt licere, ita ut fructus non computetur in sortem, ob lucrum cessans, quia Petrus si habuisset pretium, implicasset : Quare si noluisset lucrari, non posset retinere fructus.

7 D. Licetne iste : Mutuo centum tibi cum pacto, ut restituas infra triduum, & si non reddas, ex illo die incipies mihi solvere quatuor pro quolibet centenario ?

M. In statu Ecclesiastico est manifesta usura: Etsi cessat mihi lucrum, aut damnum emergit, debeo judicialiter convenire te, ac servare conditiones Pauli de Castro ut primo ex culpa restitutio differatur: 2. ut particulariter coram Judice ostendatur implicatio prompta Capitalis, nec possim illam amplecti, nisi reddatur : Tunc Judex obligabit te ad solvendum mihi lucrum cessans, vel damnum emergens : extra Ecclesiæ statum sæpissimè ita contrahunt, & Judices etiam Clerici approbant contractum ut audio. Nam Ecclesiasticos ita contrahentes obligant ad solvendum: Unde id procedat, alii viderint nec enim quærens rationem potui habere aliam, nisi quod ipsi sequuntur decretalem Nicolai Quinti, quam numquam potui videre.

8 Ex c.28. n. 6. in contractu venditionis, licet exigere pretium summum; qua regula discernam, quod sit tale, nec excedens?

M. Ex jure Cæsareo pretium summum potest excedere medium, in quinque, vel sex pro quolibet centenario: quare si medium sit decem Julii, excedit supremum, qui vendit undecim: proportionaliter enim ad centum scuta, pretium cresceret ad centum decem, supra regulam à iure stabilitam.

9 D. Jus tam civile, quam canonicum actionem omnem in contractibus denegat læso, nisi sit supra dimidium læsio: quare pretiū supremum potest ita crescere?

M. Nullam certè actionem jura concedunt: quare Judex non audit venditorem, qui dicit rem valoris viginti, a se simpliciter fuisse venditam scutis decem: sed audit, si dicat vendidisse scutis novem: & hoc usque ad annos 30. quibus elapsis, neque auditur, si rem valoris viginti dedisset uno scuto: Emptor tamen in conscientia tenetur ex justitia naturali resarcire damnum, & supplere usque ad viginti: nam justitia servat æqualitatem Arithmeticam Jura verò stabilierunt terminum, ne crescerent lites.

10 D. Licet ne contractus, quo duo, vel tres conveniunt emere granum omne, venturum in plateam, ut deinde vendant pretio benè viso?

M. Contractus iste dicitur Monopolium  
estque

estque peccatum gravissimum, omni lege humana prohibitū, in quoad summam egestatem reducuntur cives mediocres, ut duo, vel tres ditentur. Cui malo maximè prospectum est hic in Urbe; nam Mercatores prohibentur emere in publico mercimonio, quam legem ut eluderent Mercatores fructuum, summo manè accurrebantur ad portas civitatis, & sub spe citò redeundi ad propria, alliciebant rusticos, ut totam summam sibi venderent, ponentes ipsi pretium, ad suum beneplacitum: quare prohibiti etiam sunt Mereatores ita emere, & Rustici vendere.

11 D. Licet ne contractus ludorum?

M. Nomina ludi olim veniebat actio causa delectationis assumpta in animi relaxationem, juxta virtutem Eutrapelię, de qua c. 56. a n. 24. Hinc ludicra dicuntur, quę ita delectant: Hodie tamen sub hoc nomina venit omnis sponsio facta cum delectatione, vel sine, qua victus, juxta pactum, solvit aliquid vincenti; Cum delectatione in ludo scacchorum, alearum &c. Sine delectatione, dum affirmo civitatem obsessam fuisse deditam; & si verum est fuisse deditam, alter pactus fuit solvere aureum; si falsum, ego illi solvo. In hoc ludo nulla est animi delectatio, sed mera cupiditas lucrandi; sine qua vix extat hodie, qui ludat.

12 Tu distinguo inter ludos, in quibus locum habet cum fortuna ingenium, & ludos, in quibus victoria venit ex mera fortuna: Pri-

mos



mas nulla lex universaliter prohibuit: Secundi designentur omnes nomine alearū, licet hodie inter illos aliqui exerceātur cū ingenio, ut qui dicitur *Ombre &c.* Alii ex mera fortuna, ut qui vocatur *Bassetta &c.* Hi graviter prohibentur Auth. *Alearum* C. de rel. & sumpt. fun. enumeranturque mala inde prodeuntia, blasphemix in Deum &c. irritatur omnis sponsio pacta in illis, adeò ut vincens cogi possit restituere victo, hæredibus, vel fisco lucrum, nec deobligari possit etiam à præscriptione annorum 50. Soli approbantur ludi ex ingenio; & in istis contrahens permittitur exponere periculo, solidum unum, idest, aureum, *etiam si multum dives sit, ne gravem casum sustineat, quem vinci contigerit.*

13 Loquendo jam in conscientia, ex S. Th. 2.2. q.31. a.7. ad 2. *jure divino* est 1. peccatum mortale, lucrari ab his, qui non possunt alienare, ut minores. 2. trahere alium ad ludum ex cupiditate lucri, blanditiis, aliisque viis mortaliter illicitis. 3. cum fraude lucrari (vide quam latè pateat fraus.) In his tribus casibus ludere est peccatum, & vincens obligatur restituere. 4. quia jus civile, quoad materiam contractuum, obligat in conscientia, taliter, quod peccet mortaliter contrahens contra illius prohibitionem, ideò quia ex num. 12. Authentica vetat prædictos ludos, iis vacans peccat mortaliter, & quia irritat contractum, vincens tenetur ex justitia restituere. *Modificatur tamen*

hæc doctrina dupliciter: 1. quoad illos, qui non subjacent juri Cæsareo: hi enim, si ex municipali statuto ulteriùs non vetentur ludere, absque peccato ludent, & suum facient, quod vincant, nisi deficient, ut in tribus primis casibus. 2. etiam subditi Cæsareo juri poterunt ludere, & vincere absque peccato, si, consuetudine contraria sufficienter derogatum fuerit tale jus.

24 D. Quia S. D. non decidit, an verè fuerit irritatum, unde id arguam?

M. Theologus universaliter loquens non debet ista decidere: Ius enim pro toto dominio stabilitum potest vigere in uno loco, & esse abrogatum in alio: Confessarii munus est decidere, an hic, & nunc pœnitens peccaverit, consideratis circumstantiis loci, temporis &c. maximè, ubi agitur de jure Cæsareo stabilito, tunc, cum Cæsar erat dominus orbis: nunc verò magna pars dominiorum, non recognoscit Cæsarem, & si regunrur jure Cæsareo, id procedit ex consuetudine, mutaruntque in illo, quod cognoverunt parum prodesse suis populis. Adhuc tamen a posteriori discernes, num prævaleat jus Cæsareum in hac ludi materia; etenim si Iudex quæsitus concedit actionem vincenti contra perdentem, & obligat hunc ad solutionem, est clarum consuetudine abrogatum fuisse jus; nec enim Iudex foveret injustitiam. Sed pauci recurrunt, præsertim Nobiles; promptè solvunt, quidquid in  
ludo

ludo perdunt, etiam Minores, & inhabiles alienare. Ad hoc clam Genitoribus, ineunt contractus cambii, mutui &c. Felix Respublica, si tam citò solverentur Mercenarii. Quod dico de ludis, valet de sponfionibus, & fortitionibus, ad quarum solutionem Iudex ordinariè obligat.

15 D. Est ne aliud caput, præter dicta n. 13. ex quo ludus reddatur illicitus?

M. Ludus non potest appeti ut finis, & propter se, sed quæritur, ut medium ad relaxandum animum: Illicitus ergo 5. erit venialiter, ubi non dirigatur ad hūc finem, vel sit nimius. 6. erit venialiter illicitus, si fiat ex cupiditate lucri. Vide S. Th. 2. 2. q. 77. a. 4. ubi damnat omne desiderium lucri, nisi ordinetur ad sustentationem familiæ, aut bonum Reip. Ex utroque capite illicitus est sponfionum, & fortitionum ludus: nulla enim inde habetur animi relaxatio, sed sola cupiditas lucri.

16 D. Quid dicendum de fortitionibus, quas vulgò vocant *Lotto*, præsertim Ianuæ?

M. Dictum duplex caput ostendit Lottum esse de se venialiter malum. Universaliter loquendo, multoties Librarii, Aurifices &c. etiam authoritate Principis, indicunt Lottum ex gemmis, libris &c. quæ, ob temporum calamitates difficilè venderent. Hoc non est vera sponfio, & fortitio: Hæ requirunt utramque partem exponi periculo, cum tamen illi nihil possint perdere; sed si servant æqualitatem in  
pre-

pretiis, contractus iste justus est; nec expositus peccatis recensitis in Auth. ut n. 13. quibus, & majoribus exponuntur Lotta publica, ut Ianuense; unde imminet devastatio familiarum, præcipuè plebejarum, spe lucri, se ipsas eviscerantium; Adde nocumentum multò gravius toti Reip. dum aliqui tenent Lottum super extractione facienda Ianuæ; si verò succumbant, vel fugiunt, vel negante actionem vincentibus Principe, non possunt conveniri. Hoc est manifestum scelus contra justitiam, cujus custos est Princeps, ut propterea non debeat permitti; quia tales sunt fures, imò Raptores. Accedit periculum mille superstitionum, & vanitatum maximè in somnis; ideo severissimè hujusmodi Lotta prohibuerunt Summi Pontifices, irritato etiam omni contractu, quo è sua ditione aboleretur ludus origo tantorum scelerum.

17 Omnibus tamen præivit Resp. Ianuensis piissima & Prudentissima, contra quam nonnulli rerum politicarum inexperti blaterant, quasi foveat ludum injustissimum, sed immeritò; Nam aliud est ludum esse periculosum, ut ostendi, aliud est esse injustum; Ut vero declarem sine injustitia procedere (secundum tamen leges, quibus ipsa negotium dirigit) adverte sub Pio V. cum Assistentia Legati, ad sedandas civium turbas fuisse statutum Patritios omnes dignos ponere in uma, & inde per sortes eligere qui ad proximum biennium regerent totam domi-



dominii molem : ex tunc cœperunt nonnulli spondere super horum , vel illorum sortitione : Resp. considerans omne periculum supra insinuatum severissimè prohibuit hujusmodi Sponsiones , irritato quocumque contractu , pœnisque gravissimis studuit reprimere lusores, quin imò quæsit auxilium brachii Ecclesiastici inflicta in illos excommunicationis sententia reservata S. Inquisitioni : Sed omnia in cassum : quo enim magis coercere studebat, eò magis ardebant spe lucri .

18 Resp. videns , propter inobedientiam hominum , nihil jam prodesse pœnas temporales , aut spirituales judicavit , melius esse de malis bona facere , quam mala nulla permittere : igitur primo , quoad superstitiones excitavit vigilantiam Inquisitorum , ut illas eradicarent, si aliqua immisceretur, etiam pœnis publicis contra reos promulgatis : Et revera signum est ibi non frequentari , quandoquidem nullum punitionis exemplum meminimus à S. Tribunali, in vim istius ludi?

19 Videns 2. maximum communitati damnum provenire a numero accipientium ad ludum , qui postea si perderent , non solvebant Camera : se obligavit solvere omnem Syngrapham legitimè subscriptam à Deputatis, & ut semper sit solvendo denunciare eisdem Deputatis quantam summam velint periculo exponere , hujusque summe pignus exigit ante extractionem , vetans eisdem, ne quid promittant supra sum-

summam expositam, cujus rei ut habeat distinctum calculum exigit, quotidie libros dati, & accepti.

20 Ne tertio possit accipiens gravare ludentem in pretio, ipsa considerat prius quot Ambo, & quot Terna conficiat numerus Nobilium expositorum, pretiumque ita æquat, ut qui sponderet super tota schedula, idem omnino reportaret, quod exposuit, si excipias expensas verè magnas pro Ministris ad rectam illius dispositionem deputatis. Quæ expensæ, quia in utilitatem ludentiam factæ, ab iisdem solvendæ sunt.

21 In malo igitur, quod quanto magis prohibetur, tanto magis crescit, Resp. quantum potuit, curavit tolli omnem injustitiam, & irreligiositatem; quibus spoliatus ludus, non est amplius grave peccatum, quoad communitatem (quidquid sit, an persona particularis eo abutatur.) At semper retinet duas malitias veniales attachas num. 15. quas Princeps permittit, ne mala majora sequantur.

22 D. Ad plenam contractuum, seu commutationum voluntariarum notitiam, dic, quando perdatur dominium rei per usucapionem, & præscriptionem?

M. Differunt solum per hoc, quod usucapio habet locum in re mobili: præscriptio in immobili; quoad alia idem omninò important: Ut quisque diligenter sua foveat, jura puniunt negligentes amissione rerum. Utraque dicitur:

*Acqui-*

*Acquisitio dominii per possessionem continuatam tempore à lege statuto*, debet autem possessio continuari bona fide; nam mala nunquā præscribit; & à jure Canonico fuit correctum civile id concedens; debetque incipere à die possessionis, & durare toto tempore à lege statuto.

23 D. Affer alia, quæ requiruntur ad usucapionem?

M. Debet 1. res aliena fuisse possessa per triennium: quare non sufficiunt menses 35. Aliquæ leges municipales concedunt tempus brevius. Ego vidi nonnullas, quæ solum habent locum in foro externo, quatenus innuunt præsumi debitum solutum, vel rem donatam, quæ hoc modo loquuntur, non deobligant in conscientia, sed jus Cæsareum statuens triennium possessionis, habet locum in conscientia; nam absolutè transfert dominium rei usurpatae. S. Th. quol. 12. art. 25. Possideri 2. debet justo titulo: Hinc accipiens à minore, vel Religioso bona fide, non usucapit, quia non fundat justum titulum donatio ejus, qui nequit alienare, quia justus titulus est, quando possum justè contrahere.

24 D. Possuntne omnia usucapi?

M. Non: Esto pacificè possideas per triennium, nequis tua facere 1. res sacras: 2. quæ sunt furto ablata: 3. rem vi possessam: 4. decimas: 5. viam publicum: 6. Aquæductus. Jurisdictio tamen civilis, & Ecclesiastica facilius

usucapitur, ob commune bonum, esto desit bona fides. Vide 1. p. c. 41. Beneficia Ecclesiastica pariter acquiruntur per pacificam triennii possessionem, esto desit bona fides, dummodò non sint acquisita simoniacè.

25 D. Nec usucapione nec præscriptio locum habent in conscientia; nam introducta fuere in pœnam negligentis servare sua bona. Porro, ut quis in conscientia teneatur subire pœnam, prærequiritur sententia Judicis?

M. Gratianus 16. q. 3. n. 8. dicit alias præscriptiones fuisse introductas in favorem possidentis, alias in odium, & pœnam negligentis. Has facit mala fides: Alias verò bona fides: Ubi hæc extat, post debitum tempus, statim transfertur dominium; Quoad malam fidem, habes n. 22. non amplius præscribere; imò post Gratianum, Bonifacius VIII. inseruit in 6, ut regulam Juris.

26 D. Quod tempus requiritur ad legitimè præscribendum?

M. Contra Ecclesiam Roman. requiritur possessio centum annorum: contra alias Ecclesias, annorum 40. contra privatos, annorum 10. 20. vel 30. secundum quod in diversis materiis diversimodè jura statuerunt. Cæterum Confessoris est callere Scripturam, Patres, & Canones facientes ad tegimen conscientiae, non stabilitos pro foro contentioso, non Codices, aut Digesta; Ubi ergo Pœnitens accedat intricatus hisce casibus, apertè indica,



ca, duo hæc distingui debere: Alterum, an legitima præscriptio in conscientia deobliget possessorem à restitutione: Fatere hoc iudicium esse tuum; Alterum, quando habeatur legitima præscriptio: secundum hoc spectare ad Juristas: Non licere Theologo mittere falcem in messem alienam. Propterea, discussio per illos articulo, num legitima sit præscriptio, redeat ad te, quò sciat, qualiter procedendum sit in conscientia; si verò urgeat necessitas imperiendi absolutionem, proponat Pœnitens consulere Juristas, iisque consultis redire, pro foro conscientiae ad Confessorem, & absolvatur.

## C A P U T XXXI.

*De Religione, ejusque Actibus internis.*

**I**USTITIA, de qua huc usque, reddit unicuique jus suum ad æqualitatem, sive Arithmeticam, ut Commutativa, sive Geometricam. Aliæ virtutes rigorosè obligant ad reddendū, sed quia non potest reddi æquale, vocantur à S.Th. partes potentiales Justitiæ. Sunt quinque; prima, Religio, quæ reddit Deo; secunda, Pœnitentia, quæ reddit Deo, ut fuit illi ablatum; tertia Pietas, quæ reddit sanguine junctis; quarta, Dulia, quæ reddit honorem Superioribus; quinta, Obedientia, quæ exequitur eorundem præcepta. Religio habet plures actus

internos, & externos. Ago nunc de primis, de quibus S. Th. à q. 80. ad 84.

2 D. Quid est Religio?

M. Est virtus tribuens Deo cultum, & honorem, qui non sit prohibitus ab Ecclesia Catholica: quare supponit actum Doni Timoris, quo reveremur Deum; Inde Religio imperat actus cujuscunque alterius Virtutis: v. gr. in Paschate, ut me subjiciam Deo, voluntas elicit actum, quo se exhibet promptam ad confessionem, & communionem: deinde homo confiretur, & communicat: Utrumque spectat imperativè ad Religionem; Uno verbo, quoties aliquid operor ex voluntate obediendi, Deo; operor per virtutem Religionis; quare si credo, spero, amo Deum, ut me subjiciam eidem perfectè, actus Fidei, Spei, & Charitatis erunt elicitive à suis virtutibus; imperativè à Religione. Jejuno, quia Deus præcipit jejunium. Hic actus elicitive pertinet ad abstinentiam; imperativè ad Religionem; & sic vides elici frequentissimè actus doni Timoris, & Religionis. S. Th. q. 81.

3 D. Religio estne virtus Theologica?

M. Objectum formale, ac proximum Theologicæ est aliquid divinum. Fidei est revelatio divina &c. Religio dat cultum Deo, sed Deus est is, cui offertur; Ratio formalis est imbibita in eo, quod offertur, nempe, in cultu, in actu Abstinentiæ, Charitatis, &c. qui actus cū sint creati, Religio præcipiens illos nequit esse virtus Theologica.

4 D. Ex

4 D. Ex n.2. eliciens actum fidei, ut sub-  
jiciat se Deo, elicit ex imperio Doni Timoris,  
& Religionis. Porro ex S. Th. dona, & Virtu-  
tes connectuntur Charitati. Igitur peccator  
non poterit elicere illum actum?

M. Actus Donorum, & Virtutum alii sunt  
perfecti, & alii imperfecti; primi solum proce-  
dunt ab Habitu Virtutis praëxistentis; ut no-  
tatum est cap.8. n. 6. Peccator elicit actum fi-  
dei ex actu imperfecto Religionis. Actus enim  
perfectus habet dare cultum in omni casu, quo  
Deus præcipit: quare cum Deus velit à pec-  
catore actum perfectæ contritionis dicentis  
*voluntariam susceptionem gratiæ, & donorum,*  
quoad usque non habeat hunc, non habet  
actum perfectum Religionis.

5 D. Qui sunt actus interni Religionis?

M. Primus est devotio, seu voluntas prom-  
ptè tradendi se ad ea, quæ tangunt Dei cul-  
tum. S. Th. q.82.

6 D. Extat nè præceptum affirmativum  
eliciendi hunc actum.

M. Utique: Et obligamur aliquando ad  
imperfectum, aliquando ad perfectum: ali-  
quando per accidens: Obligatur per accidens  
peccator obligatus hic, & nunc restituere, nam  
restitutio debet saltem habitualiter procedere  
(ut omninò sit perfecta juxta S. Th. 1.2.q.100.  
a.10.) ex voluntate obediendi Deo. Obligatur  
peccator Sacerdos, dum recitat divinum  
officium: nam voluntariè distractus, non satis-

facit, quod idem est, ac si recitet sine voluntate honorandi Deum. Obligatur per accidens ad perfectum Religionis, dum obligatur elicere actum perfectæ charitatis. Obligatur per se ad perfectum, quando tenetur elicere actum contritionis: propositum enim, quod in illo involvitur, observandi præcepta, est voluntas promptè tradendi se ad ea, quæ tangunt Dei cultum; Si verò extendam me ad cultum, qui tantum consulitur, erit actus superogatorius. Vide S.Th.q.82.ubi assignat causas,& effectus devotionis.

7 D. Habetnè alios actus internos?

M. Secundus, est Oratio. S.Th. q. 83.

8 D. Quid est Oratio?

M. Strictè loquēdo, est actus intellectus moti per desiderium voluntatis, quo petimus aliquid à Deo; Communiter nomine orationis intelligunt, quando elevamus mentem in Deum etiam vocaliter illum laudando; de qua laude. S. Th. q. 91.

9 D. Quomodò Oratio est actus Religionis?

M. Si aliquid petimus ab alio, recognoscimus ipsum ut Superiorem: quare oratio, ut petitio decentium à Deo, est cultus internus: laus vocalis est externus Religionis.

10 D. Tenemurnè orare?

M. Oratio importat actum voluntatis, quo desideramus, & alium intellectus, quo petimus desiderata: nec enim homo petit, nisi quæ desiderat.



derat. Sub præcepto charitatis cadit desiderare: sub præcepto Religionis petere, *Petite, & accipietis*. S. Th. q. 83. a. 3. ad 2. Ergo debemus desiderare salutem, & media ad illam: extat præceptum petendi, quando aliquid nobis deest necessarium ad salutem, nec aliter possumus habere, nisi orando. Ex p. 1. cap. 35. n. 5. tenemur ad orationem Dominicam, aliquoties in vita, tempore indeterminato, ex jure divino, quia ex Aug. *Qui creavit te, sine te, non justificabit te, sine te*, volente, consentiente, aut petente, quando est opus: peccaretque mortaliter, qui nunquam peteret vitam æternam, sacramenta, contritionem, &c. quæ sunt media. Sed hoc præceptum Christianus adimplet, nisi sit omninò immemor suæ salutis; saltem assistendo missæ, ubi unit se cum Ecclesia petente nostram salutem. Adimplet recitando Orationem Dominicam, invocando Sanctos, præcipuè B. V. petendo etiam temporalia; Vix enim erit, qui petat hæc absque ordine ad salutem, ut ad finem appetitativè (licet non intensivè) magis volitum.

II D. Extatnè præceptum Ecclesiasticum orandi?

M. Præcepto rigoroso, Christianus tenetur solùm orare in die festo per assistentiam Missæ, ubi consentit petitionibus, nomine Ecclesiæ Deo factis, & laudibus, quæ redduntur Deo. Constituti in sacris ordinibus, Beneficiati, & Religiosi complures tenentur, ad Officium di-

vinum: Pensionarii ad Officium B. Virg. Non recitantes, peccato omissionis mortaliter peccant contra Religionem; Beneficiati, ac Pensionarii, quando non restituant, peccant peccato commissionis contra justitiam. Circa Officium, vide *Instr. Cl.*

12 D. Oratio debet nè mentalis esse, an vocalis?

M. Oratio erit primò qualis est præcepta: secundò: in persona Ecclesiæ per Ministros facta convenientèr est vocalis, ut populus possit illius habere notitiam; & ita canitur alta voce Officium divinum, ac Missa, in iis partibus, in quibus Sacerdos orat nomine populi. In allis ad libitum: quia orationis est elevare mentem ad Deum, videat orans, an vocibus impediatur hæc elevatio: tunc debebit esse mentalis: si è contra mens absque signis exterioribus non possit elevari, utendum erit voce: tunc in Dei obsequium exercemus potentias interiores, & exteriores; quia tamen vox sæpè distrahit, Patres consulunt maximè mentalem; S.Th. q. 83. a. 12. Omnium optima est oratio Dominica. Vide *Instr. Cl.* & Catech. part. 4. S. Carolum p. 1. c. 11. n. 49.

13 D. Oratio debet nè esse attentata?

M. In *Instr. Cler.* Attentio distincta est ab Intentione, quia hæc est actus voluntatis, illa Intellectus applicantis, ut mens remaneat elevata in Deum: Hæc sufficit, quamvis Idiotia ignoret sensum verborum. S.Th. a. 13.

14 D. Pro

14 D. Pro quibus debemus orare ?

D. Pro iis, quos debemus diligere. Obligamur specialissimè ad diligendum nos in ordine ad vitam æternam. Igitur debemus petere nobis vitam æternam, & media perveniendi. Peccabit graviter, nisi oret Petrus in tentatione positus, qui nescit, sine oratione, non posse resistere tentationi: tamen quia oratio tunc obligat per accidens, ratione fugiendi consensum, non erit peccatum speciale omissio. Circa proximum, specialiter debemus pro illis orare, quos debemus diligere specialiter ad vitam æternam. Quia verò charitas non obligat specialiter amare proximum, & specialia dilectionis signa tenemur solum exhibere in articulo necessitatis, ideò generaliter tenemur, nullum excludere à precibus communibus. Nec dari potest articulus necessitatis, quo sub mortali obliget petere vitam æternam proximo, quia articulus iste est, quando sibi non potest subvenire, & quilibet potest, faciendo actus Fidei, Spei, Charitatis &c. Sed neque pro temporalibus teneor orare pro altero sub mortali: Potest reperiri proximus in extrema necessitate: ita ut peccem, non exercens eleemosinam corporalem; sed si nec ille, nec ego habeam, non teneor sub mortali ex vi charitatis, orare Deum, ut subveniat, quia potest ipse orare pro se, S. Th. a. 7. & 8.

15 D. Possumnè à Deo petere temporalia ?

M. Tem-

M. Temporalia indeterminatè possum petere, quæ Deus videt profutura ad vitam æternam. Sed si homo cognosceret experientia, vel aliter, aliqua sibi prodesse, posset determinatè petere : v. g. cognosco egestatem esse mihi ex fragilitate naturæ causam peccatorum, è contra ubi habeo sufficientiam, me Deo servire alacriùs, frequentius, & intensius, possum determinatè petere illam &c. dummodò sim dispositus, ut illa nollem, si fortè non cederent in gloriam Dei, & salutem animæ. S. Thomas 2.5. & 6.

16 D. Estnè oratio efficax ad impetrandũ.

M. Juxta illud : *Si quid petieritis Patrem in nomine meo, dabit vobis*, sive peccator sit, sive justus, homo semper exauditur, quando petit, *pro se, piè, perseverantèr, & necessaria ad salutem* (quod procedit ex promissione Christi) tamen tempore, quod novit Deus. Pro aliis est utilissima, sed non est promissio exaudiendi; quare curer quidem orationes, præcipuè Regularium, & Monialium, sed principalitèr proprias cum illis conditionibus. S.Th. a. 16.

17 D. Adsuntnè Theses prohibitæ circa prædictos actus Religionis?

M. Circa recitationem officii adsunt 21.34. & 35. Alex.VII. & 54. Inn.XI. & 68. Michaelis de Molinos respiciunt, orationem, quam vocabat, *Quietis*.

18 D. Quas pœnitentias imponam negligenti dictos actus?

M.Ri-



M. Rituale præcipit *desidiosus* imponi *studia devotionis*. Omittenti divinum officium, ait S. Th. quodl. 3. a. 29. non semper congruit imponere, ut iteratò recitet, sed *aliquid ad laudem Dei pertinens*. Qui pluries omisit, non absolvatur, nisi saltem præmittat Matutinum illius diei, quod, juxta Rubricas, recitandum est ante Missam, ad minùs sub veniali, si non sit causa.

## CAPUT XXXII.

*De Actibus Religionis externis, per quos exhibemus nostra Deo.*

**R** Eligio impendit cultum Deo, & secundum diversa, quæ impendimus in cultum Dei, sunt diversi specie actus Religionis. Primò, impendit voluntatem, in qua residet; & sic est devotio: secundò, intellectum; & sic est oratio. Per hos actus impendimus omne internum. Remanent exteriora impendenda; si subjiciamus corpus, est primus actus externus, *Adoratio*. Si bona exteriora, vide, an quod impenditur, totum cedat in obsequium Dei, & recognitionem supremi dominii: tunc est sacrificium: vel ita ut cedant in sustentationem Ministrorum; tunc distingue; vel offeruntur primitiæ fructuum, & est oblatio primitiarum: vel offertur decima; & est oblatio decimarum. Si quis offert pauperi in honorem Dei,

Dei, illa oblatio est actus elicitus charitatis imperatus à Religione : Hæc solum elicit oblationes, quæ fiunt pro rebus Deo dicatis; ut sunt Clerici, templa, vasa sacra &c. Ultimus actus est observantia Festorum.

2 D. Quid est Adoratio?

M. Est humiliatio totius corporis, sive membrorum, per quam, ratione excellentiæ in adorato recognitæ, nos illi subicimus. Adhibemus Deo, Sanctis, & Principibus: non tamen eodem specie actu. Si adhibemus erga Deum, quia objectum. Cui est excellentia divina, actus est Religionis, seu Patriæ: si erga Sanctos, quia objectum est excellentia sacra; est actus Dulix sacre, ut sunt excellentes in sanctitate: si erga Principes, quia objectum est excellentia politica, est actus Dulix civilis, quæ potest ordinari ad Deum, ut Deus præcipit colere Principes. Hæc adoratio debetur personis; ratione virtutis, vel excellentiæ: quare una est adoratio Trinitatis, quia una est excellentia personarum. Igitur inclinare, vel discooperire caput imagini Crucifixi &c. jungere manus, genuflectere, &c. sunt *Adoratio*. S.Th. q.83.

3 D. Obligatne Religio ad hunc actum?

M. Ex p. 1. c. 34. n. 6. virtutes distinctæ à charitate sub mortali tunc obligant, quando sunt medium necessarium ad charitatem. Hæc haberi potest absque ista externa humilitione. Igitur ex natura sua non obligat ad mortale;

tale; sed solum si oriretur grave scandalum. Ecclesia in Officio, Missa, &c. obligat ad hanc adorationem: & sub gravi, quando Rubricæ graviter obligant. Etiam ipsa consuetudo, ut genuflectamus ad delationem Eucharistiæ, dum audimus sacrum &c. sed nunquam sub gravi de se, præciso scandalo.

#### 4 D. Quid est Sacrificium?

M. Interius homo debet se offerre Deo, ut omnium primo principio, & ultimo fini, quod est esse supremum dominum. Antiquitus hæc oblatio significabatur exterius per maculationem victimæ, quæ, habita à Deo rerum omnium Datore, consumeretur propter Deum, ut finem ultimum. Quod offertur Superiori, debet offerri per Ministros in locis, vel tempore ab ipso deputatis. Ministri sunt Sacerdotes deputari auctoritate divina, seu sacra, per illos, qui ad hoc habent jus à Deo, & in templis consecratis eadem auctoritate, diebus pariter præscriptis; & per victimas eadem auctoritate præscriptas; in nova lege Christus, Deus, & homo unicam præscripsit, suum corpus, & sanguinem; Vide *Instr. Cl.*

#### 5 D. Tenemur nè omnes ad Sacrificium?

M. Tenemur concurrere per modum, quo concurrunt singuli ad actum totius Reip. ut alii, scilicet, imperent, alii exequantur, alii cooperentur, alii sustentent exequentes, alii consentiant tacendo, seu non reprobando; Ita in Rep. omnes concurrunt ad promulgationem  
le-

legum, ad sententiam Judicis &c. Ita singuli tenentur ex jure naturæ, seu divino; Ex præcepto Ecclesiæ non sufficit consentire, non reprobando, sed consentire assistendo sacro in die festo.

6 D. Obligamurnè ad Missam sub mortali?

M. Utique: nam est præceptum Ecclesiæ, Vide p. 1. c. 38. n. 9.

6 D. Satisfacio ne audiens uno tempore quatuor partes à quatuor Sacerdotibus?

M. Id reprobavit Innoc. XI. prop. 53.

8 D. Præceptum hoc admittit nè parvitem materiæ?

M. Vide p. 1. c. 36. n. 5. & hic c. 14. n. 3. si omitto, quia nolo dare hunc honorem Deo, non excusat: si quia v.g. nolo pati leve incommodum, excusat.

9 D. Sacerdos obligatur ne celebrare?

M. Ex 3. p. q. 82. a. 10. Sacerdos, non suspensus per Ecclesiam, nec ægrotus, tenetur uti gratia, & potestate sibi à Deo concessa offerendo sacrificium *in præcipuis festis, & maxime diebus, in quibus fideles communicare consueverunt*. Qui habet speciales obligationes ex titulo &c. consulat prædicta onera.

10 D. Quid tenetur observare offerendo sacrificium Corporis, & Sanguinis Domini?

M. Rubricas Missalis, quas 1. Pius V. præcepit in virtute S. Obed. observari, quòd præceptum cadit suprà omnes, non suprà singulas; quare Sacerdos pro majori parte negligens, com-



committet duplex peccatum, omissionis alterū contra Religionem, alterum contra obedientiam: 2. in singularum omissione, datur parvitas materiæ: 3. non potest hic determinari, quæ Rubricæ in singulari obligent sub gravi: pendet ex communi acceptione, ex majori, vel minori ordine ad sacrificium: Tamen in re tantī momenti exactissimè singulas observet, maximè, quæ communiter æstimantur graviores; si delinquat, in praxi se accuset, saltem sub dubio, cum vero proposito desistendi; & optimè faciunt, qui se accusant de inobservantia etiā leviorum: 4. Christus quidem præcepit omnibus communicare in articulo mortis, tamen etiam præcepit, quòd in Eucharistia sumenda, vel conficienda, penderemus ab Ecclesiæ ordinationibus; quare Sacerdos relinquet moribundum sine Viatico potius, quàm communicare sub specie vini, aut potius quam conficere sine paramentis sacris, sine lumine &c. Præter Rubricas, legatur S. Tn. q. 83. & 84. ex quo in *Instr. Cl.* explicata sunt mysteria sacrorum Rituum, quos observat Ecclesia celebrando.

II D. Quid est Oblatio?

M. Actus, per quem offerimus Deo bona nostra, vel in totum, vel pro parte, ad sustentationem Ministrorum Ecclesiæ, ut per illos, etiam sustententur pauperes, conserventur, templa, vasa sacra &c. quare si dono pauperi. est actus externus charitatis; si Ecclesiæ, ut ipsa sustentet pauperes, donatio est actus exter-

ternus Religionis cum ordine ad actum Charitatis. Jure naturali tenetur omnes ad aliquas oblationes indeterminatè, ad sustentandos proprios animarum Pastores; & hi habent jus exigendi: nam 1. Cor. 9. *Si nos vobis spiritualia seminamus, magnum est, si carnalia vestra metamus? . . . . Qui in sacrario operantur, quæ de sacrario sunt, edunt, & 1. Tim. 5. Dignus est operarius mercede sua: quod est præceptum naturæ: nam à populo sustentantur, qui laborant pro ipso, Milites, Judices, &c. Jus percipiendi est proprium officii Pastoralis; at cedunt in sustentationem personæ; Ideò Parochus peccat, si sua negligentia perdatur hoc jus. Si conservans illæsum jus, velit remittere populis, quod sibi debent, non peccat: imò erit scandalo, si sit nimis exactus in exigendis, præsertim à pauperibus, quos pessimum esset opprimere, connivendo ditioribus. Tenetur Christianus ad oblationes indeterminatè in sustentationem Ministrorum; quare servanda est consuetudo cujusque Ecclesiæ habentis curam animarum. Aliis populi providerunt ab antiquo per assignationem reddituum, Aliis per congruam portionem in exequiis defunctorum. Aliis per primitias, vel decimas, quas solvere tenentur, ubi est consuetudo, ex præcepto Ecclesiæ; & contra Religionem peccat non solvens, ut sunt de jure: si nihil cogitans circa jus, non solvat, ut sibi retineat, peccat contra justitiam, quia Parochus habet jus ad rem.*

S. Th. q. 86. 87.

12 D. In quo consistit quartus actus?

M. In observantia festorum. Circa quam noto sequentia ex S.Th. q.122. a.4. ad 3. & 4. vacare debemus ab opere servili, nempe, à peccato, quod est opus servile, juxta illud Jo. 8. *Qui facit peccatum, servus, est peccati*, & ab omni opere servili, quod exercetur laboriosè per corpus, ac dicitur servile, quia est propriū servi. Principaliter à peccato, & acriter increpandi, qui utuntur die festo, ut gravius, ac multiplicius peccent; Hæc circumstantia non mutat speciem, sed aliquo modo aggravat: nam in honorem Dei prohibentur exteriora signa, quæ conveniunt servis hominum; quia actus externus Religionis prohibet signa externa: 2. non prohibentur hæc opera corporalia in honorem Dei: quare possunt exerceri, pro adornando templo &c. (si tamen adsit aliquis necessitas) 3. Religio non prohibet opera corporalia, necessaria pro conservatione individui exercentis suos actus: quare non prohibentur illa *quibus salus corporis conservatur*: 4. nec prohibet corporalia, quæ ordinantur ad salutem proximi, ut præparare cibos &c. 5. nec, quod *ordinatur ad vitandum imminens damnum rei exterioris*: 6. opera prohibita facilius dispensari possunt in lege Christiana, quam in Hebraica: In hac erant figuræ Christi venturi, & fiebant in protestationē veritatis, *quam non licet in modico præterire*. Applicà hæc casibus particularibus. At ubi

publica esset necessitas in aliquo loco, v.g. pro vindemiis, pro diruenda domo, quæ minatur publicè ruinam &c. esto evidens appareat necessitas, facultas obtineatur, & ad vitandum scandalum, & ad majorem obedientiam erga Ecclesiam.

13 D. Obligamurnè sub mortali ad quartum hunc actum?

M. Utique; & contrariam opinionem reprobat Innoc. XI. prop. 52.

14 D. Admittit nè parvitatem materiæ?

M. Quia parvus labor non præjudicat, quin deferamus Deo cultum debitum, ex parvitate materiæ homo laborans excusatur à mortali. Quantum temporis possit laborare, multi querunt; ego ex S. Congreg. Conc. p. 1. c. 36. n. 9. dico, quòd non est tutum definire in universalis; sed in casibus singularibus attende omnes circumstantias, nihil ex te decidens, ubi res non est clara, absolvens ad omnem cautelam à lapsibus præteritis, & consulens, ut Deum in posterum diligentissimè honorent.

15 D. Circa hos quatuor actus, adsunt nè Theses prohibitæ?

M. Circa primùm Adorationis multa discas ex Thesibus Molinos. Circa secundum sacrificii, quoad audientes extat 53. Inn. XI. Quoad Sacerdotes, vel offerentes eleemosinam, præter 8. 9. & 10. Alex. VII. vide decreta Urb. VIII. cum additionibus sub Inn. XII. Circa quartum extat 52. Inn. XI.



16 D. Adfuntne censuræ in omittentes?

M. Non invenio contra peccantes merè peccato omissionis ; nisi insuper alicui incumbat ex officio ; contra hos vide pœnas Urbani.

17 D. Quas Pœnitentias imponam pro his peccatis omissionis.

M. Salutarem , & convenientem , habitatione gravitatis, scandali, & frequentiae peccati. Si Sacerdos circa Missam , aliqua omiserit , ex quibus incurrerit pœnam in decreto *de celebr. Missar.* charitasivè monebis , quas incurrerit eo ipso, & quas incurrere possit post sententiam Judicis. Quia ex Rituali n.22. debes adhibere correptiones , utere Catech. p.2. c.7. præsertim à n.22. & p.3.c.4.

## C A P U T XXXIII.

### De Voto.

1 **H**onoramus Deum illi offerendo voluntatem per devotionem, intellectum per orationem , corpus per adorationem, bona per sacrificium, & oblationem, & promittendo aliquid horum; hinc S. Th. q.88. agit de voto, quo promittimus Deo . Sicut actus prædicti sunt diversi specie, ita specie diversa sunt vota, eorumdem : nam specificatur promissio ab objecto actus, quem promittit : quare in confessione debet explicari , si violavit votum Casti-

tatis, Paupertatis, &c. nec sufficit explicare virtutem, cujus actum promisit; quia una virtus habet plures actus specie diversos, v. gr. Religio habet actus internos, & externos. Igitur explica, quem ex illis promiseris: si recitare genuflexus Rosarium, si audire duo sacra, si offerre Ecclesiæ bona &c.

2 D. Quid est votum?

M. Est promissio facta Deo de meliori bono: dicitur *promissio*: quare importat tres actus, consilium, seu deliberationem (quæ est actus intellectus ex S. Th. 1.2. q. 14.) propositum voluntatis, seu electionem (vide 1.2. q. 13.) & (in quo substantialitèr consistit votum) promissionem, quæ est actus intellectus practici, necessariò dependens à duobus primis: quare ubi non sunt hi duo, neque erit votum; Et ita in praxi judicaturus, an aliqua promissio sit verè votum, vide, an præcesserint illi duo actus; & quidem juxta leges, quando de illis istæ disponderent, ut in solemnibus Religionis, in quibus de necessitate requiritur deliberatio unius anni per gestationem habitus in Novitiatu &c. S. Th. q. 88. a. 1. Dicitur *facta Deo*: nam promissio facta homini non est votum: sed potest esse materia voti, v. g. promitto Ecclesiæ acceptanti calicem aureum, deinde voveo etiam Deo, quòd dabo; Tunc non observans promissum, committo duplex peccatum: alterum contra justitiam, quia non reddo Ecclesiæ id, ad quod acquisivit jus: alterum contra Religionem,

gionem , quia violo votum . Promissiones factę Sanctis dicuntur vota , & pertinent ad Religionem , ut oratio , quia in Sanctis colimus Deum . S.Th. ar. 5. præfertim ad 3. cum commentario Cajetani . Dicitur *de meliori bono* : quare nihil malum , nihil indifferens est materia voti . Nihil etiam virtuosum , si in tali materia datur melius : v. g. non obligat votum , quo voveo nubere , quia castitas est melior matrimonio . At si voverem non transire per talem viam , ad fugiendam occasionem proximam , vel nubere , quia exterior extra matrimonium me incidere in peccata carnis , in his circumstantiis est bonum melius nubere , quàm ejus contrarium , non nubere ; & obligat votũ . S.Th. a.2. ad 2. Dicitur etiam *de meliori bono* , quia debet esse superogationis , modo explicando : Nõ propriè vovent , nec promittunt , sed proponunt , qui dicunt in baptismo , aut pœnitentia se promittere vitam Christianam , quia id est omninò necessarium , tamen , qui vovent castitatem v. g. non solùm obligantur ex vi voti ad abstinentiam matrimonii , sed etiam ad fugiendum omne peccatum contra castitatem , & sacrilegi sunt illam violantes , quia licèt necessarium sit Christiano fugere hæc peccata , tamen voluntarium est facere castitatem materiam Religionis ; & hæc voluntarietas sufficit ad rationem voti , ex S.Th. a.2.

3 D. Obligornè sub mortali implere vota?

M. Si obligamur exequi , quod promissimus

homini, multò magis promissa Deo, Eccles. 5. *Quodcunque voveris, redde: multoque melius est non vovere, quàm post votum promissa non reddere*; saltèm tenetur facere, quantùm est ex parte sua, ut adimpleat, si executio non stat in sua manu: v. gr. vovi Religionem aliquam intrare, teneor facere meas diligentias morales, ut recipiar, si non in hac, in alia; si vovi tantùm hanc: factis diligentis moralibus in ista, non teneor ad aliam. Vovi virginitatē, quam deinde amisi per sacrilegium; in posterũ si non possum totaliter esse Virgo, tencor impedire, quantùm possum, quæ sunt contra virginitatem de se. S.Th. a.3.

4 D. Datur nè parvitas materiæ in violatione voti?

M. In omni promissione consideratur duplex veritas; alia de præsentī, quæ debet inesse, quando promittitur; hæc est, ut animus, promittentis correspondeat verbis pro tunc: altera de futuro, ut exequatur suo tempore, pro quanto potest, quod promisit. Circa primam credo non dari posse parvitatē materiæ in voto, ut dicam de juramento c.35. Circa secundam dari potest: quare venialiter peccabit, qui semel vovit recitare salutationem Angelicam cum animo promittendi, quam postea non recitavit. Catech. p.3.c.3.n.23.

5 D. Quotuplex est votum?

M. Aliud simplex, aliud solemne: Simplex fit soli Deo: Solemne ab Ecclesia, nomine Christi,



sti, acceptatur . Nunc redditur solemne tantum per professionem in Religione approbata à Papa , qui dat hoc ipso licentiam Superioribus acceptandi vota, & per susceptionem sacri Ordinis , quem liberè suscipiendo , obligamur solemnitèr ad castitatem, estò invincibilitèr ignoretur castitatem esse annexam , estò nollem positivè vovere; in quibus casibus violans castitatem, committeret duo peccata, alterum contra Castitatem, alterum contra Religionem : Ecclesia suo præcepto castitatem fecit materiam Religionis, S.Th. a.7.

6 D, Explicandum nè est , an votum violatum sit simplex , vel solemne ?

M. Utique : nam violatio simplicis affert injuriam soli Deo : At violatio solemnis affert injuriam , Deo , & Ecclesiæ, cui fit promissio , & à qua acceptatur . Qui verò Religiosus , & Sacerdos violat castitatem , peccat gravius , quia ex duplici titulo debet setvare , sed quia non est triplex injuria , neque est triplex peccatum .

9 D. Quis potest vovere ?

M. Nullus potest alteri promittere , quod suum non est ; nisi intellecta conditione, quòd dominus consentiat : hinc 1. puer ante usum rationis nihil potest vovere, quia non est dominus suorum actuum : 2. neque servus operationes personales, quæ sunt domini, quia tamen servitus processit jure gentium, & naturaliter quilibet est dominus suorum actuum ,

hinc poterit vovere illa , super quæ non se extendit dominatio, ut habere patientiam in adversis &c. imò etiam personales , pro quanto obtinuit licentiam à domino ; in quo casu hic cedens juri suo , rationabiliter non potest repetere . Religiosus est totus Dei sub directione Superioris , adeò ut ex vi professionis non sit dominus facere , quod vult , sed quod vult Superior nomine Dei ( juxta professionem regulæ . ) Hinc in iis , in quibus illum occupare potest Superior nomine Dei , & ratione Regulæ , non potest vovere firmiter , ita ut absolute obligetur, nisi pro quanto Superior illum relinquet dominum:quare poterit vovere transitum ad arctiorem . In reliquis , poterit vovere , pro quanto Superior in aliis non occupabit , sed semper est conditio , ut non præjucetur juri Superioris . Ante annos pubertatis homo habens usum rationis , est dominus suorum actuum , sed dirigendus per parentes , tutores &c. Cum ergo non habeat perfectum dominium , non poterit perfecte vovere , nisi sub conditione , quòd non præjudicetur juri paterno &c. Post annos pubertatis est perfecte dominus suscipiendi statum , Religionis , vel matrimonii ; ideò quoad Religionem potest firmiter se obligare ( matrimonium , quia non est majus bonum , non est materia voti ) voto simplici ( solemne requirit alias conditiones ) Quoad dispensationem domesticam , si sit sub cura parentum , poterit vovere sub conditione.

Uxor,

Uxor, si vovet castitatem, obligatur ad id, in quo est perfectè domina, ut non petat debitum, sed non præjudicet juri Conjugis: quare debet reddere, dum exigitur: in gubesnatione domestica, quia omninò pendet à viro, non poterit plenè obligari. 8.Th. a.8. & 9.

8 D. Potestnè tolli obligatio voti;

M. Triplicitèr potest tolli: 1. per irritationem: 2. per commutationem: 3. per dispensationem. In quibus homo non est perfectè liber, sed sub dominio alterius, cadit irritatio facienda per dominum. Ista fiunt sub conditione, *nisi veniatur dominus*; qui ideò potest irritare, ut Dominus respectu servi, Pater respectu filii: Prælati respectu Religiosi, Maritus respectu Uxoris. jus irritandi fundatur in dominio pleno & perfectò, sive dominium sit temporale, ut patris, Mariti, & Domini, sive spirituale, ut Prælati respectu Religiosi, dummodò sit Prælati habens verè dominium, & non solam dispensationem: S.Th.a.12. ad 2. Si dominus irritat siue causa, peccat, sed subditus remanet absque ulla obligatione. Princeps temporalis, & alii Superiores Ecclesiastici, in Rep. sacra, sive civili, non sunt domini, sed dispensatores, juxta claram Theologorum doctrinā, à S.Th. traditam, ubi suprā, quidquid Juristæ sentiant; unde ipsi videant, quomodo irritare non possint vota, si sint domini, vel quomodo sint domini, si non possunt irritare. Quia tamen votum est quædam veluti lex particularis, quā  
sibi

homo imponit, & lex hominis, uno tempore utilis, alio reddi potest inutilis, & quia in omni promissione alteri facta, utilitas, vel inutilitas præcipuè dijudicanda est ab eo, cui promittitur, & in voto à Deo: idcirco Deus suis Vicariis visibiliter dirigentibus Ecclesiam reliquit potestatem, ut suo nomine id dijudicarent: ita tamen quòd per hoc non tolleretur ordo naturæ dictans in manifestis non recurrendum esse ad superiorem: quare quilibet ex se potest cōmutare vota particularia in vota Religionis, quia hæc ex Evangelio sunt evidenter meliora. Duplicem potestatem Christus reliquit suis Vicariis, alteram commutandi, alteram dispensandi, Commutatio fit substituendo unum opus alteri, v. gr. itineri Lauretano ex causa substituitur iter ad aliam imaginem Virginis, & omittens hoc secundum frangit votum. Dispensatio eximit hominem ab obligatione servandi, & invalida est, si fiat sine causa: sufficit tamen, ut sit in utilitatem Ecclesiæ, vel privati. Plenissima potestas commutandi, & dispensandi (circa votum Religionis, vide S. Th. art. 11.) residet in Papa. In reliquis, ut disponunt Canones: Confessor non habet jurisdictionem in vota, (quæ non sunt peccata) nisi specialiter concedatur. Ordinariè conceditur solum potestas commutandi, non dispensandi quædam particularia; Nemo transgrediatur suæ jurisdictionis terminos; si sit habendus recursus ad S. Penit. vide p. 1. c. 18. n. 11. S. Th. a. 10. 11. & 12.



9 D. Pœnitens dubitat, nùm sit causa sufficiens dispensandi, vel commutandi?

M. Recurrat ad Superiorem, narrando sincerè veritatem, stetque illius judicio: Deus enim reliquit auctoritatem Superioribus, ut in dubio, eorum interveniente judicio, subditus sit verè dispensatus. Vide cap. 31. num. 14. S. Th. a. 12. ad 2.

10 D. Vovi jejunare in vigilia S. Francisci, & omisi, teneor nè alia die supplere?

M. Vide p. 1. c. 24. n. 5. nàm est regula generalis, quòd si sit onus diei. ut recitatio officii, non teneor. Id dignoscitur, quia principaliter fit votum in honorem Sancti. Ideò infirmus tali die, non est sollicitus reponere, sicuti nec divinum officium. quando convaluit; E contra si principaliter Confessor imponit jejuniũ, & secundariò ad honorem Sancti, quando convaluit, jejunare tenetur.

11 D. Est nè incitandus ad vota fidelis?

M. Ita faciunt zelantiores, qui etiam uxoratos non adeò perfectos incitant ad vovendã castitatem, ubi obtinuerint unum, vel alterum filium. Sed ut zelus prudens sit, adverte: 1. S. Th. firmat melius esse facere aliquid ex voto, quàm sine, & q. 189. a. 9. quòd merentur inducentes alios ad Religionem, & art. 10. quòd laudabile est religionem ingredi absque consilio multorum. Hoc autem dicitur per se loquendo; nostris temporibus, quando juvenes inducuntur ad religionem ex motivo temporali

rali potius quam spirituali, v.g. ut filius major dilesceat ex renunciatione minorum: quando plurimi ob malam educationem incitantur ad venerem &c. valdè cautus debes esse. Si homo appareat affectus renunciare honori, gloriæ, ac sanguini, potest induci. At si solum renunciet honori sæculi, sed appetat honorem &c. in religione, tunc religio, & reliqua vota sunt grave jugum, quod nunquam impones.

12 D. Adsuntne Theses prohibitæ circa vota?

M. Vide 3. 4. & 65. Molinos.

13 D. Adsuntne pænæ contra violantes vota?

M. Si statutæ sint nonnullæ in aliqua Religione, vide Ordinis Constitutiones.

14 D. Quas pœnitentias imponam violanti vota?

M. Diligenter inquire: 1. utrum peccaverit omittendū, quia, scilicet, non jejunavit tali die, qua vovit, & juxta dicta n. 10. si principaliter intendit jejunium, ostende obligari ad reponendum alia die: 2. vide, an peccaverit in differendo: tenemur enim non differre adimplementum, quia Deut. 23. *Cum votum voveris Domino Deo tuo, non tardabis reddere, quia requireret illud Dominus tuus: & si moratus fueris, reputabitur tibi in peccatum.* Quando pœnitens dicendus sit mortaliter peccasse per dilationem, vide S. Th. a. 3. ad 3. cum Commentario Cajetani: si promisit indeterminatè

natè absque præfixione temporis , considera circumstantias : si commodè potuit, si res promissa sit ex iis , quarum executionem prudentes , & pii solent differre, vel urgere; ita quòd ex sua parte urgeat executionem: his consideratis, est axioma: *Qui citò dat, bis dat*, ostende, quantum in necessitatibus urgeamus Deū, ut nobis citò consulat : nota, quale sit votum, si publicum, si privatum &c. nam *propter plurimum scandalum , & exemplum tantò durior penitentia transgressoribus debetur ex c. Quod votum* de vot. & vot. red. in 6.

## CAPUT XXXIV.

*De Actibus Religionis . quibus assumuntur res divinæ .*

I **R** Eligio etiam assumit divina eo cultu , ac reverentia, quæ debetur. Id agnoscens S. Th. ut , integram daret notitiam ejus actuum, post examinatos internos, & externos, quibus homo defert , vel promittit obsequium Deo , examinat actus , quibus assumuntur divina. Hi sunt externi; vel enim assumuntur sacramenta , vel ore assumitur nomen Dei . Hic non agit de assumente res sacras ; sed remittit ad tertiam partem, in qua disponebat tractare sacramenta , & qualiter sint assumenda , & de illis cæpit agere à q. 60. sed morte præventus reliquit opus imperfectum , tamen ex eodem  
super

super libros Sent. fuit additum supplementũ . Non est necesse hic exspatiari per omnia : sed magis necessaria Confessori .

2 Hic tantũ agetur de actibus, quibus assumuntur res divinæ , seũ sacramenta , & de peccato omissionis in prætermittendo; de peccatis commissionis contrariè oppositis agetur deinde . Ut possis instruere multitudinem, qua religione sumenda sint sacramenta , & ut non peccetur mortaliter, sufficiunt dicta in *Inst. Cl.* cap. 10. & præsertim à cap. 36. necessaria pro ritè suscipiendo, & administrando Sacerdotali. Circa dignè recipiendum Pœnitentiæ sacramentum habes plura p. 1. Adhuc tamen proderit addere aliqua de singulis ?

3 D. Quomodo suscipi , & conferri debet baptismus ?

M. Alii 1. volunt suscipere : 2. alii peccant omittendo : 3. alii peccant peccato commissionis in suscipiendo : 4. alii debent administrare : 5. alii peccant in administrando. Ut ex charitate primos diligenter instruas, lege Rituale , & Catech. par. 2. Qui vult Theologicè omnia scire, adjungat S. Th. 3.p. à q.60. ad 70. Circa tertios : si adultus peccet in suscipiendo baptismum : debet illud subicere clavibus . Minister, ad rectè administrandum utatur Rituali. An peccaverit, omittens baptizare, quando tenebatur ex officio , vel charitate : facile conjicies ex regulis generalibus traditis de charitate , & justitia ; charitas enim sub mortali



tali obligat in extrema necessitate; & aliquando in gravi: Justitia, quando subditus petit à Superiore, nec extat justum differendi motivum. De peccatis autem commissionis dicitur suo loco.

4 D. Quid requiritur, ut possim suscipere sacramentum Confirmationis?

M. Nulla sub mortali extat obligatio suscipiendi hoc sacramentum. Necessaria, ut dignè suscipiatur, vide *Instr. Cl. c. 10. Catech. p. 2. c. 3. Theologicè tractat S. Th. 3. p. q. 72.*

5 D. Quid requiritur, ut possim suscipere sacramentum Eucharistiæ?

M. Divino jure obligamur ad communicandum, & Ecclesia determinavit tempus Paschatis ad implendum hoc præceptum. Qui tunc, vel in articulo mortis communicat in peccato mortali, committit duo peccata: alterum omissionis, quia non satisfacit præcepto per verum actum Religionis: alterum commissionis, quia communicavit sacrilegè. Pœnitentem ergo, interroga, an id contigerit in Paschate, ut scias speciem, & numerum peccati. Ex Trid. sess. 13. c. 7. illud est speciale in Eucharistia, quod conscius peccati mortalis, nequit communicare, nisi antea confiteatur; etiamsi sit Sacerdos, etiamsi sibi perfectissimè videatur contritus. Poterit cum hac contritione Sacerdos celebrare, si necessitas urgeat, & copia desit Confessoris; in quo casu quam primùm, sub mortali tenetur confiteri, ad minùs infra duos, vel

vel tres dies. Reliqua sacramenta non præxi-  
gunt sub mortali confessionem; ideò, ne Con-  
fessor damnet peccati pœnitentem, ubi non  
peccat; cæterùm ante omnia sacramenta com-  
mendabitur semper confessio, cùm difficillima  
sit contritio perfecta. Nostreis temporibus, quia  
communio est frequentissima, mone, quòd ad  
percipiendum proprium Eucharistiæ fructum,  
non sufficit communicare sine mortali. Duplex  
est effectus, gratia sanctificans; communis om-  
ni sacramento, & actualis refectio spiritus, ut  
in *Instr. Cl.* c. 10. n. 16. Si quis communicaret  
purus à culpa mortali, sed sine actuali devo-  
tione, non perciperet hunc secundum: Quo ne  
careat Pœnitens, lege decretum S. Cong. Conc.  
circa communionem quotidianã, & cura juxta  
illud procedere: Plurimùm proderit semper  
habere doctrinam Catech. p. 2. c. 4. S. Thomas  
3. par. q. 80.

6 D. Quid pro sacramento Pœnitentiæ?

M. Totum opus eò tendit, ut suscipiatur, &  
administretur dignè hoc sacramentum.

7 D. Quid pro sacramento Extremæ Un-  
ctionis?

M. Neque obligamur sub mortali suscipe-  
re hoc. Vide Rituale. Omnem circa illud  
doctrinam Catholicam tradit Catech. p. 2. c. 6.  
S. Th. suppl. q. 29. ad 34.

8 D. Quid pro sacramento Ordinis?

M. Vide *Instruct. Cleri.*

9 D. Quid pro sacramento Matrimonii?

M. Nul-

M. Nullus particularis obligatur contrahere ; si contrahit , tenetur facere sacramentum , & quia fundatur in contractu civili, vide ubi de Castitate. Rituale, Catech. p. 2. c.8. & S. Th. suppl. q.41. ad 69.

D. Exonfatnè à mortali parvitas materiæ in conficiendis, seù recipiendis sacramentis ?

M. Aliquid requiritur ad validè, aliud ad licitè conficiendum , vel recipiendum. In primò parvitas materiæ non excusat : sacramentum enim consistit in indivisibili ( formalitèr loquendo ) quare si aliquid minimum prætermittitur de requisitis ad valorem , totum est irritum . Ut licitè recipiatur, vel conferatur, debet esse in gratia , qui confert , vel recipit sacramenta vivorum : qui recipit sacramenta mortuorum, debet sufficienter esse dispositus : & uterque si voluntariè deficiat in minima dispositione à Christo præscripta , graviter peccat .

II D. Estne actus Religionis sumere sacramentalia ?

M, Utique : & sunt quinque: primò, *Aqua benedicta* : secundò, *Panis benedictus* : tertio , *benedictio Episcopalis* : quartò, *oratio facta in Ecclesia consecrata* : quintò, *Unctiones adhibita ex instituto Ecclesiæ in quibusdam sacramentis* . Hæ non sunt sacramenta , quia nec sanctificant ex opere operato , nec instituta sunt à Christo, sed ab Ecclesia: tollunt maculā culpæ venialis , ubi sumantur ex reverentia in

Ecclesiam, cum aliqua displicentia peccatorum. Nemo sub mortali obligatur suscipere.

12 D. Adsunt nè Theses prohibitæ circa summptionem sacramentorum?

M. Sacramenta in genere directè tangunt, 1. & 29. Inn. XI. Pœnitentiam, & Eucharistiam 56. Præceptum annuæ confessionis 13. Alex. VII. Præceptum communionis 55. Innoc. XI. Communionis præparationem, & gratiarum actionem 32. Molinos. Præceptum Trid. Sacerdoti sacrificanti 38. & 39. Alex. VII.

13 D. Adsunt nè censuræ contra omittentes sumere sacramenta?

M. Sub mortali Christianus obligatur solum ad tria. Omittenti baptismum Ecclesia nullam potest imponere pœnam, quia nondum est subditus. Omittenti confessionem, & communionem pœnas, vide p. 1. c. 8. n. 1.

14 D. Quas pœnitentias Confessor imponet omittenti suscipere hæc sacramenta?

M. Ex Rituali p. 1. cap. 7. n. 23. est utilissimum consulere frequentiorem usum. In Catech. p. 2. c. 4. & 5. habes motiva, quibus excites ad frequentiorem usum utriusque.





C A P U T   X X X V .

*De Actibus externis Religionis , quibus  
assumitur nomen divinum.*

1 **E** Nunciatis actibus , quibus Religio assumit res divinas , regredior ad S.Th. examinantem actus externos, quibus Religio assumit nomen divinum ; Sunt tres: nam 1. assumit ad confirmandum propria verba per Juramentum: 2. ut inducat alios. per Adiurationem: 3. ad invocandum , seu laudandum per Orationem vocalem . Dictum est de hac c. 30. Restat agere de aliis.

2 D. Quid est Juramentum ?

M. Est invocatio divini nominis ad confirmandum aliquid : Homo, qui ratione non potest probare sua dicta , vel facta , ut probet , necesse habet inducere testimonium ejus , qui neque potest decipere , neque decipi , quando creditur simplici suæ assertioni : Juramentum, utpotè invocatio divini nominis, est actus Religionis usurpatus ab ipso Deo : Psalm. 109. *Juravit Dominus, & non pœnitebit eum:* Probationes adstucimus , quia auditor non percipit ex ipsis terminis Thesisim ; hinc prima principia non probantur , nec quod ex se apparet evidenter : quare probatio inducitur , ut audienti constet , quod sine istis sufficienter non constat; Ideò juramus, volentes exprimere no-

strum dictum esse credendum, quia Deus testis est veritatis ipsius. Igitur necessitas jurandi provenit, ut medeamur defectui audientis, qui alias non crederet: quare juramentum est medicina instituta medendo incredulitatis morbo; & ita tunc solum est eligendum, quando instat hæc necessitas; etiam si sit actus Religionis; nam cujuslibet virtutis actus exercendus est juxta suam institutionem. S. Thom. q. 89. a. 1. 2. 4. & 5.

3 D. Qui sunt comites, juramenti?

M. Ut omni ex parte sit licitum, debet habere tres conditiones, veritatem, justitiam, & judicium: Veritas in eo stat, quod res, de qua juratur, sit talis in mente, qualis affirmatur per verba: v.g. juro Petrum esse in platea: Debeo in mente tenere, ut affirmo: si verè non sit, sed ego ita firmiter credo, juramentum erit falsum materialiter, sed verum formaliter: è contra si verè sit in platea, sed non credo, tunc est verum materialiter, falsum formaliter, & peccatum. Juro me daturum Petro pecuniam, debeo interiùs habere, quod verba significant, nempè, intentionem dandi, cum juro. Si dæsit hæc, quamvis postea dem, caret veritate juramentum. Justitia stat in eo, quod res, quæ promittitur, non sit illicita; & ita pertinet ad juramentum promissorum. Judicium in eo, quod juretur cum prudentia; & si deficiat hæc sola, juramentum ex suo genere non est mortale; sed si deficiat  
prima,

prima, vel secunda, erit ex suo genere mortale. S. Th. a. 3.

4 D. Excusatnè à mortali, parvitas materiæ?

M. In assertorio, quamvis jurem, quòd fornicata currit, si taliter non est in mea mente, non excusat parvitas materiæ, imò videtur major irreverentia, vocare Deum ex joco in testem mendacii levis. Vide 24. & 25. Thesim Innoc. XI. In aliis consideratur duplex veritas, alia de præsentì: alia de futuro; Prima consistit in intentione faciendi, quòd juratur; quia in hoc æquivalet assertorio, non excusat parvitas materiæ: Secunda in executione, ut exequamur suo tempore, quod promissimus: quare si jurans promitto nucem, non habens intentionem dandi, pecco mortaliter: si habens intntionem, non dem, pecco venialiter ex parvitate materiæ. In justitia parvitas materiæ excusat v. gr. juro me dicturum leve mendacium, si non habeo intentionem dicendi, pecco mortaliter, deficiente prima veritate: si habeo, ex parvitate materiæ, pecco venialiter contra justitiam juramenti.

5 D. Potestnè adhiberi mentalis restrictio v.g. interrogor coràm pluribus, an Petrus sit fur: ego vidi furantem, sed ne illum traducam, juro: *Nescio Petrum esse furem*, in mente retinens additum *ad dicendum vobis*?

M. Innoc. XI. propos. 26. damnavit omnem restrictionem mentalem iu juramento; nam res

debet esse in mente, qualiter per verba significatur ei, quem loquimur: Verba prædicta simpliciter prolata significant me absolutè nescire, quòd Petrus sit fur: quare mentior, si restringo in mente significatum.

6 D. *Juro me daturum Petro denarios: ille intelligit argenteos: ego cartaceos?*

M. S. Th. art. 7. ad 4. ex sacris Canonibus distinguit: si juravi simpliciter, & sine dolo, tunc obligor ruxta meam intentionem: si dolosè juravi, obligor juxta intentionem Petri: v.g. simpliciter differendo de aleis, Petrus petiit à me denarios, ego credens sermonem esse de cartaceis, juravi daturum; estò ille prætendat vocem *denarii* accipiendam in proprio sensu, quia ego simpliciter processi; & ille per dolum, teneor tantùm ad denarios per metaphoram taliter dictos. At si loquendo de veris denariis, juro intendens dare cartaceos, teneor juxta intentionem Petri, quia ille procedit simpliciter, ego per dolum.

7 D. Licetnè jurare per creaturas?

M. Fides innititur Deo revelanti, & juramentũ Deo attestanti. Fides assumit credendũ aliquod creatum, in quo reluceat, ut ratio formalis, divine revelatio: & ita juramentum assumit aliquod creatum, sub ratione formali, quia in illo manifestatur veritas divina. Sic juramus per Evangelium, per caput nostrum, per filios, per conscientiam nostram; per Evangelium, ut continens veritates divinas: per  
con-



conscientiam, ut nobis dicat veritates à Deo habitas: per caput, vel per filios, ut in illis volumus exerceri veritatem divini iudicii: juramenta per creaturas, prohibentur, nisi referantur in Deum. S. Th. art. 6. Sed dùm dico per animam, per conscientiam, per fidem meam &c. non intelliguntur communiter, ut sunt aliquid Dei, ideò tunc non est juramentum; si non intelligatur fides Theologica, sed fides, vel conscientia hominis &c.

8 D. Quotuplex est Juramentum?

M. Quadruplex: Assertorium, quando juratur aliquid præteritum, vel præsens: v. gr. *Per Deum Petrus currit*: Promissorium v. gr. *Furo me tibi daturum pecuniam*: Comminatorium v. g. *Per Deum te occidam, nisi feceris hoc*. Execratorium, v. g. *Deus me occidat, si hoc est falsum*. S. Th. a. 1. in c. & ad 3.

D. Promissorium obligatne?

M. Ex n. 4. quodcunque juramentum debet habere primam veritatem; & ita in promissorio debet esse intentio faciendi, quod promittitur, si jurem me occisurum, nec habeam animum occidendi, pecco mortaliter contra primam veritatem: si habeo intentionem, tunc non deest veritas, sed justitia, quia fuit de re illicita, & aliud peccatum odii, quia volo malum proximo, & matres per sæpè comminantes juramento comminatorio mortem filiis, ulterius peccant contra virtutem pietatis, & in qualibet specie tot numero peccata, quot sunt

filii . Præter primam veritatem , in quolibet promissorio requiritur , ut ego exequar, quod promisi ( hæc est secunda veritas ) quia juramentum est servandum , nisi sit vinculum iniquitatis, vel nisi vergat in deteriore exitum: Explico has particulas: dicitur *vinculum iniquitatis*, quando est peccatum , quod juratur fieri: & tunc peccatur, tam promittendo, quam exequendo ; & debet esse peccatum respectu ejus , qui jurat, non respectu ejus, cui juratur. Ideo ex c. 29. n. 15. jurans solvere usuras tenetur, quia peccatum est accipere , non solvere . Jurans grassatori, mittere centum aureos, cum erit in patria , tenetur, quia mittere non est peccatum, licet grassator accipiens peccet. Si tamen juraret, quod rediens non revelabit, non tenetur, quia est contra justitiam legalẽ. S. Th. a. 7. ad 3. Dicitur etiam vinculum iniquitatis, quando est impeditivum majoris boni , v. gr. *juro me non intraturũ Religionem*. Sed pecco tunc tantum jurando , non observando , licet melius faciam non servando. Excipe juramenta non intrandi Religionem , quæ fiunt Romæ in quibusdam Collegiis ab alumni ordinandis in titulum Missionis: De his utpotè factis ad conservandos Missionarios, differe, ut c. 32. n. 2. de voto matrimonii &c.

10 D. Possumnè jurare sine animo jurandi, promittendi, vel exequendi promissa?

M. Quoad 1. est Innoc. XI. Thesis 25. Secundam , & tertiam intentionem affert secum  
ratio

ratio promissi: nam ad verificanda in communi acceptione verba hæc: *Per Deum cras tibi dabo centum*, requiruntur tria prædicta: quare jurans absque aliqua illarum, mentitur: habet enim in mente aliud, quàm hic, & nunc verba significant.

11 D. Canones videntur asserere, quòd aliquando non sit obligatio servandi: v. g. Petrus juravit se nupturum Mariæ: si hæc deindè adulteretur, non obligatur nubere?

M. S.Th. a.7. ad 2. affert rationem, quia de novo emergit aliquid impræmeditatum: Ex c.32.n.2. promissio, & votum supponit deliberationum voluntatis, quæ non fertur in incognitum: In tali casu Petrus non prævidit adulterium, per consequens non se obligavit ad nubendum cum adultera. Considera Canones in particulari; videbis tunc solùm deobligare, quando supervenit aliquid impræmeditatum; si à principio, potuisset sciri, vel nullatenùs fuisset juratum, vel non cum illis tantùm conditionibus. Aliàs juramentum obligat.

12 D. Obligamurnè aliquando jurare, adeò ut peccemus omittendo juramentum?

M. Ex natura rei non obligamur, quia ex n. 2. juramentum est medicina; seù medium; quare per se non obligat, sed solùm, quando sine juramento non posset servari charitas. Obligant leges, præceptũ Superioris, vel si agitur de salvando Reo, ut c.25. n.6.

13 D. Potestnè quis relaxare juramenta?

M. Pro-

M. Promissorium, de quo solùm potest queri, si aliàs est de re non illicita, obligat; sed si est in favorem tertii, potest relaxari ab eo, in cujus favorem fuit juratum. Si solùm juravi opus pium, in honorem Dei, licèt fiat in manus tertii, quia verè non est in favorem tertii, non poterit ille dispensare, sed dispensatur, ut votum c.3. nu. 8. cum hac solùm differentia, quòd irritatio voti spectat ad solam potestatem Patris, & Domini; Irritatio juramenti etiam ad Principes, ut tangit gubernium Reip. Episcopi possunt dispensare aliqua vota, non juramenta, nisi in dubio, quòd servare hìc, & nunc sit proficuum, vel nocivum. Jurisdictio amplissima est solius Rom. Pontificis. Lege c.32.n.8.

14 D. Explica Adjurationem.

M. Potest homo seipsum efficaciter ordinare ad aliquid agendum; & si ita se ordinet invocando nomen divinum, est juramentum promissorium: Alios potest ordinare, sed non efficaciter, nisi sint subditi, & subditos ordinat efficaciter, per imperium: Non subditos deprecando, ita tamen, quòd non sint obligati facere id, ad quod ordinamus illos. Igitur cum assumimus nomen divinum, ut efficacius aliquid imperemus subditis, vel deprecemur à non subditis, est *Adjuratio*. Per hoc differt à Juramento: In reliquis convenit.

15 D. Est duplex modus adjurandi, utroque possumne uti in quemlibet?

M. Quisque adjurandus est juxta modum  
sibi



sibi convenientem: Pecco, si adjuro non subditum, compellendo: si adjuro dæmones deprecando; & vel compelleos eosdem, ut obtineam, vel addiscam aliquid: hoc enim est habere societatem cum illis: Solùm adjurari possunt per exorcismos &c. ut à nobis repellantur. Irrationalia non possunt adjurari. spectata secundum se, quia moventur, non se movent ad finem. Ut mota à Deo, adjurantur, deprecando Deum, à Sanctis, qui faciunt miracula: si ut mota à dæmone, adjurantur ut dæmones. S.Th. q. 90.

16 D. Adsunt nè Theses prohibitæ circa hos actus, quibus assumitur nomen divinum?

M. Circa juramentum extant 24.25. & 26. Innoc. XI.

## C A P U T XXXVI.

*De peccatis per excessum contrariè oppositis  
Religioni.*

1 **R** Eligio virtus moralis: habet peccata contrariè opposita, per excessum, & defectum. S.Th. à q. 91. ad 97. examinat opposita per excessum, cujus vestigia gradiens noto non excedi in vero cultu Dei, sed in eo, quòd cultus verus Dei tribuatur creature, aut tribuatur Deo cultus, ab Ecclesia prohibitus: ut si Sacerdos vellet genuflectere in missa centies contra Rubricam &c.

2 D. Genus hoc quomodo vocatur?

M. No-

M. Nomine generico vocatur superstitio. Hæc dividitur in duas species subalternas: prima dat cultum vero Deo, sed modo indebito, seu prohibito ab Ecclesia, lege, vel consuetudine. Hujus species infimas non enumerat. S.Th. quia possunt esse infinitæ, solum q.93. a.2. ponit hanc regulam generalem ex Aug. Censetur superstitiosus omnis cultus exhibitus Deo exteriori, qui non pertinet ad Dei gloriam, vel quo mens hominis non fertur in Deum, vel quo non frænantur moderatè passiones, vel quem Ecclesia prohibuit lege, aut consuetudine. Hinc vides, quòd species infimæ sunt infinitæ: Quare in praxi, accusantem genus hoc, interroga, in quo consistat superstitio: Pœnitens explicet modum, actum, & cultum in particulari. Satiùs est, ut abundet, quàm deficiat in dicendo peccatum: nec agis contra Rituale prohibens par.1. cap.7. n.20. detinere quenquam *curiosis, aut inutilibus quæstionibus*: quia nec curiosè, nec inutiliter quæris, quod confert ad mēdendam conscientiam, excepta materia luxuriæ, in qua (ex Catechis. p.3. c.7. n.1.) explicanda, Parocho, & Confessori desideranda potiùs est sermonis moderatio, quàm copia. Vide in *Instr. Cl.* c.9. n.30. Secunda species subalterna superstitionis dat creaturis cultum, qui debetur Deo. Ad primam pertinent externi actus Hæbraismi, ut c.4. n.2. Ad secundam externi actus Paganismi; ibidem. Hæc secunda dicitur Idololatria, cujus S.Th.

q.94. ar.1. plures assignat species . Quas vide apud illum. Qui crederet divinitatem in creaturis , vel creaturam dignam honore divino , esset peccatum infidelitatis ; Peccaret contra Religionem, qui non credens id, exerceret tamen aliquem actum Religionis in cultū creaturæ, & esset idololatria; in qua tot erunt peccata specie diversa , quot Latriæ actus specie diversos enumeravi , ut si creaturæ sacrificet , offerat, promittat per votum, si juret in nomine illius principaliter &c. S.Th. q. 94.

3 D. Quomodo se habet divinatio ad Idololatriam ?

M. Sicut oratio est actus Religionis , ita divinatio Idololatriæ. Nota ex q.85.a.14. quòd potest esse oratio, etiamsi non invocemus Deū formaliter , sed tantum virtualiter. Et ita dæmones invocantur formaliter, quando expressè petuntur in auxilium, seū consuluntur: Invocantur virtualiter , quando ad aliquid habendum, seū sciendum, utimur facto, vel dicto inefficaci tam ex natura sua, quàm ex institutione divina ad illud habendum, vel sciendum: v.g. quis utitur ampullis aqua plenis ad refrigerandum ; hoc non est divinatio , aqua enim haet refrigerare. Utitur ad baptismū, vel vino in Missa, nec est divinatio , quia instituta sunt ad hoc à Christo. At si utar ampullis aqua plenis ad cognoscendum furem, est invocatio dæmonis, non semper expressa , sed ut plurimum tacita ; Virtutem ostendendi furem non habet

ex sui natura, neque ex institutione divina (quod sciremus per Ecclesiam) necesse est inesse ex pacto dæmonum: Si utens profiteatur se nihil velle cum dæmone, est protestatio contra factum: sicut qui protestatur nolle se occidere Petrum, & interim propinat venenum. Ita est protestatio contra factum, si ego sciens, vel potens scire, quod naturalis virtus aquæ, neque divina, extenditur ad ostendendum furem, volo uti, & verbis protestor me non venire cum dæmone.

4 D. Explica magis hanc regulam?

M. Ut excludatur pactum tacitum cum dæmone, est necessariū unum ex duobus, aut quod ex natura res habeat vim, aut ex institutione divina, vel Ecclesiæ: Ex hujus institutione vim habent sacramentalia, ex divina sacramenta habent efficaciam determinatam, ac certam ad effectus sibi proprios, ut in *Instr. Cl.* Orationes sunt utilissimæ, & omnia Religionis opera, v.g. accendere candelas in altari &c. sed duo maximè cavenda sunt: 1. nè existimet omninò efficaces ad hunc determinatum effectum: ut qui utuntur Ps. 119. ad mansuefaciendos canes, vel qui recitantes 90. credunt se omninò liberandos ab hostibus: Ex c. 30. n. 16. Christus promisit nos infallibiliter exaudiendos, si petamus necessaria ad salutem: Utrum autem hic effectus, quem petimus, sit nobis ita necessarius, ignotum est. Ecclesia à Spiritu Sancto directā instituit exorcismos ad compescendos dæmones.



nes : tamen cum hoc nunquam credidit , nec vult credi , quòd illis adhibitis compeſcentur dæmones : Ex occulto Dei iudicio , cùm totis exorcismis adhuc poteſt vexari miſer: Ubi ergo determinatus hic effectus per ſe ſequitur ex tali oratione , ad quem Eccleſia illam non determinavit , ſed imò prohibet per ſuos Miniſtros, effectus ille procedit ex pacto ſaltem tacito dæmonis. Adverte inſuper, quòd Chriſtus promittens exaudire preces etiam peccatoris, pro neceſſariis ad ſalutem , non determinavit numerum precum, ſed ſibi reſervavit, ut alium exaudiret citius, alium tardiùs . Hinc ſunt redarguenda , ut ſuperſtitioſa, ubi tot numero orationes exiguntur , tot numero candelæ ad Miſſam, ſi offerantur ex credulitate , quòd per illas nec plures , nec pauciores obtinebimus rem peritam , quæ præſertim eſt aliquid temporale, vel ſi etiam confidamus in orationibus, ut ſunt ſcriptæ, & appenſæ ad collum &c. Non eſt malum appendere ad collum , ſed malum eſt appendere cum tali credulitate; quæ poteſt eſſe vana , & tantummodò veniale peccatum . In tali caſu Confefſor debet acriter objurgare mulierculas frequentes in talibus. At ſi objurgatæ non deſiſtant, jam videntur velle pactum tacitum dæmonis .

5 D. Loquamur iam de rebus, ut habent vim naturalem?

M. Hæc efficacia, ineſt rei ad aliquem effectum, non modo ex principiis intrinſecis natu-

ræ propriæ, sed etiam ex motione naturæ universalis, aut corporum cœlestium: natura enim particularis aliquando tendit ad unum effectū, & universalis tendit ad contrarium. Aquæ natura particularis tendit deorsum; sed instinctu naturæ universalis habet tendere sursum ad impediendum vacuum; Magnes ex vi cœlestium corporum habet verti ad polum: Aliquæ aves garritu portendunt pluviam, vel serenitatem ex influxu cœlorum. Notat tamen S. Th. quòd cœli imprimunt in hæc animalia, quod facit ad conservationem illorum, ut est pluvia, serenitas &c. In reliquis non imprimunt: quare illa, poterunt argui ex animalibus; at non quæ faciunt ad vitam hominis, vel actiones liberas; quare si quid circa istas significant, erit ex pacto dæmonis. Ex constellationibus aliquæ herbæ accipiunt majorem vim; hinc fortè non erit superstitiosum illas colligere in nocte S. Jo: dummodò desit omnis alia superstitio, & virtus tribuatur non Sancto, sed stellis, quæ tunc ita influant, quod docti examinent: Non ita de ovo Ascensionis; nam hæc est festum Mobile, non semper cadens sub iisdem stellis, quare istis stellis tribui nequit vis. Nota, quod tendit ad unum, natura particularis, & universalis cœlestium: quare si ex hac terra per hanc radicem ex hac constellatione, non semper nascitur herba ejusdem virtutis, illa virtus non est tribuenda naturæ, sed voluntati; & cum nullo fundamento tribui possit divinæ,

vinæ, tribuenda erit voluntati dæmonis. Etiam voluntati tribuenda est vis omnis imaginum artificiarum, ut quòd tali moneta, signetur erysipellis, & non alia: Vis verborum, præsertim Hebraicorum &c. Nec figuræ artificiales, nec verba ex natura sua habent hanc vim, sed neque ex impressione corporum cœlestium. Quæ omnia videbis deducta ex Angelico hîc, si attentè legeris. Habens hanc doctrinam ante oculos saltem in confuso, ubi casus, contigant, in nonnullis non ita gravibus, & circa quæ multum potest errare simplicitas, muliercularum, i. acriter objurgabit, cogetque desistere. Ubi clarè apparet superstitio, meminerit Edictum S. Inquisit. Ubi vis est in verbis, & figuris artificiatas, damnabit statim, etiam si verba sint plena pietatis: Ubi agitur de herbis; & lapidibus, cautior erit, & consulet doctiores, prohibendo interim, ne quid exerceat ante cõsiliũ. Ubi fundatus timor est superstitionis, recurret ad Inquisitores.

6 D. Quæ sunt species divinationis?

M. Cum expressa invocatione dæmonum, sunt sequentes: prima *præstigium*, quando apparet aliquis oculis alterius, ut quam hîc in Urbe vocant communiter *Amphoram*, secunda *Nicromantia*, quando apparent mortui: Tertia, quando petitur à dæmone, ut in somnis appareat, hæc vocatur *divinatio somniorum*: quarta, quando volumus audire dæmones per homines arreptitios; *Divinatio per*

*Pythones*: Quinta, quando curamus à dæmonibus cognoscere aliquid per figuras alicujus corporis grossi, ut terra, lapis, lignum &c. *Geomantia*; Sexta, quando hæc volumus scire per aquam, *Hydromantia*. Septima per aerem: *Aeromantia*. Octava per ignem *Pyromantia*. Nona per viscera animalium sacrificatorum *Aruspicium*. Fortè non deerunt aliæ: has enumerat S. Th. q. 95. a. 3. Hæc peccata tribui non possunt vanitati, & simplicitati; quare in Dicecesi, ubi reservantur Episcopo, statim dimitte pœnitentem ad Superiorem. In Urbe non sunt reservata, nisi cum actu externo jungatur error mentis contra fidem; At ex c. 5. n. 5. ostendet, quàm rigorosè puniantur apud S. Tribunal, etiam in eo, qui de illis fuerit sacramentalitèr absolutus, ubi denuntietur; quare ante absolutionem induc, ut quantocyus compareat spontaneus, & in praxi vide, num verè pœnitens dici possit, qui redditus suspectus de fide, reniteretur comparare spontaneus, & compensare tanta scelera humiliatione tam salubri animæ, & corpori.

6 D. Quot sunt species divinationis cum pacto tacito?

M. Aliud genus est, quo consideramus motum aliarum rerum; aliud, quando nos ipsi aliquid facimus. S. Th. q. 95. a. 3.

8 D. Quid est primum genus?

M. Est divinatio per astra: distingue, quando fit divinatio, peccatum; & quando Astrologia,



logia, virtus intellectualis. Ex astris licitè cognoscimus effectus necessarios in ipso cœlo v.g. Eclipses. Item pluvias in aere, tempestates in mari, siccitatem in terra, & reliquos effectus, qui vel pendent à solo cœlo, vel à cœlo, & aliis concausis particularibus necessariis, v.g. quoad ubertatem terræ poterit præcognosci dominari hoc anno talem constellationem, quæ plurimum confert ubertati: cæterum, quia seminare pendet à voluntate hominis, non potest absolutè dici, quòd talis terra fructificabit, sed solum in universali, quòd terra fructificabit; & hoc non necessario, sed quatenus, ut plurimum, homines habent colere terram. Hoc idem in universali, & eodem modo potest præcognosci de bellis &c. quatenus constellationes hujus anni habent inclinare ad bellum, vel ita moderari complexionem nascituri, ut inclinet ad aliquid particulare &c. Est etiam expressus textus S.Th. lib.2. de gen. & corrupt. lict.10. quòd sciens punctum, nativitatis alicujus, potest scire punctum mortis, quantum importat circulatio cœlorum, quatenus homo tunc natus ex vi syderum, habet complexionem robustam, ut possit pertingere ad decem vel centum annos, ita tamen ut possit antea mori ex casu fortuito, qui non subjacet stellis, v.g. ex tegula fortuito cadente super caput transeuntis, vel ex propria voluntate, si se interimat: vel ex nutrimento, quod assumit: nam potest cibus alterare suam complexionem ita, quòd

vix possit pertingere ad octo, vel è contra roborare ita, quod pertingat ad centum. En verba, S. Doct. *Qui sciret virtutes signorum, & stellarum in eis positarum. dum nascitur res aliqua, cognosceret, quantum est de influentia cœlesti, & posset pronosticari de tota vita rei generatæ, licet hoc necessitatem non poneret, quia potest impediri per accidens.* Et 1.p.q.115 a.4.ad 3. ita intelligit illud Ptolomæi, *Sapiens dominabitur astris*: Sciens anno proximo dominaturas stellas, quæ causabunt maximum calorem, adeò ut sua complexio calidior non sit restitura, prævenit, accipiens medicinalia refrigerativa, quibus temperat calorem propriæ complexionis, adeò, ut conjunctus calori ex cœlis causato, non habeat destrui proprium individuum. Ex p.1. c.33. n.5. cœli sunt causæ universales, non producentes effectum ex se solis, sed attemperantes suum influxum ad exigentiam causæ particularis, ideò sub eodem cœli motu columba generat columbam, & Leo Leonem, juxta dispositionem causæ particularis, cui conjungitur influxus cœlorum; & hinc apparet nulla ferè sublunaria posse infalibiliter cognosci ex astris: nam fere omnia applicantur per liberam hominis voluntatem; & sic solùm possumus præcognoscere ex astris, quòd si applicantur tales causæ, v.g. si seminetur terra, erit ubertas: at certò nequit præcognosci ubertas, quia certò nequit præcognosci, quòd homo seminabit. Neque certò  
pos-

possunt præcognosci passiones hominum, estò in illas, utpotè sensitivas influant cæli. Conjecturari tamen aliqualitèr possunt in multitudine assueta sequi, non regulare passiones; & quia multitudo permittit voluntatem trahi à concupiscentiis, ideò etiam in universali, sed multò longiùs, possunt conjecturari actus intellectus, & voluntatis, cum hoc tamen, quòd semper excipiat libertas, & multò magis gratia Dei. Si aliquando videantur Astrologi prædixisse fortuitos eventus, quòd quis occidatur, vel actus intellectus, & voluntatis, quòd ille fiet Religiosus, vel nubit, notat ex S. Aug. S. Th. id fieri instinctu dæmonis<sup>9</sup>, ut homo inducatur ad credendam hanc vim in stellis; & sanè facillimum est dæmoni se immiscere in his; etenim ex illuminatione Angeli boni, cognoscit certò multa futura, etiam supernaturalia, & conjecturaliter ex sua capacitate considerante dispositionem hominis, quæ suo tempore instillat Mathematicis. Observa hæc omnia, interrogans in praxi pœnitentem, ut videre possit, num excesserit. Inveniens excessisse fac, ut num. 5.

9 D. Quæ divinatio est in considerando tum rerum?

M. Est somniorum: Ex his 1. possumus conjecturare præterita: sæpè enim somniamus, quæ antea cogitavimus: 2. Medici conjiciunt morbos futuros: quia in somno humores, qui abundant, sunt causa ut repræsententur spe-

cies sibi similes imaginationi; inde conjiciunt, si sint mali humores in corpore. 3. natura in somno magis quieta, est etiam magis apta recipere influxum naturæ universalis (ad directionem tantum in suis operibus, ut n. 5. dictum est de animalibus) maximè, si passiones sint moderatæ, ideò dicit Aristoteles castos esse magis aptos ad præcognoscenda futura in somniis. Cajetanus, fatetur somniasse multa, quæ sibi deinde acciderunt: tamen se nunquam credidisse; & optimè: nec enim scire possumus, an futurorum species excitentur à natura, Angelo, dæmone, an fuerint fortuitæ species, quibus habitis dæmon curet illa futura poni, ut ita nos decipiat &c. Certum est, quòd dæmon ingerit se, quantum potest. Optimùm igitur erit neque credere, neque discredere somniis; quæ portendunt nobis aliquid futurum (non aliis, nisi per ordinem ad nos) sed præcavere prudenter. Præcavet prudenter, qui somnians in exeundo domum die sequenti fregisse crus, nec habens necessitatem exeundi, abstinet. Imprudenter, si omitteret audire sacrum præceptum, nolens exire in vim somnii, & non modò peccaret omittendo sacrum, sed etiam sibi persuadendo, quòd caderet exiens. Pessimè faciunt mulierculæ Januenses, quæ sub cervicali operosè apponunt nomina Nobilium, ut ex somniis præcognosceant, qui forte sint extrahendi. Objurga vanitatem, & credulitatem, eò magis, quò magis eludunt se ipsas de  
auxi-



auxilio animarum purgantium . S. Thomas  
q. 95. a. 6.

10 D. Quæ est tertia divinatio in consi-  
derando motus rerum ?

M. Omen, five augurium, quò observantur  
motus rerum , v. g. garritus avium , vel aliud  
factum hominis , ad inde prænunciandum ali-  
quid nobis : Facta hominum , utpotè à libera  
voluntate pendentia malè accipiuntur in omē  
faustum, vel infaustum facti disparati. De mo-  
tibus animalium n. 5. dictum est posse prænun-  
ciare tantum ex instinctu superiori , quæ pos-  
sunt prodesse, vel obesse ipsis v. g. pluviam, &c.  
S. Th. a. 7.

11 D. Estnè alia species divinationis ?

M. Est quarta , per quam aliquid facimus ,  
ut præcognoscamus futura , diciturque divi-  
natio sortium. Est triplex: prima vocatur fors  
divisoria , qua utimur ad aliqua dividenda ,  
ut honores , bona &c. Secunda consultoria .  
Utimur illa, ut videamus , quid sit agendum ,  
v. g. ex urna elicimus , utrum anno sequenti  
debeamus seminare , vel non : Huc spectabat  
judicium ferri candentis, quod consulebant, ut  
judicarent, quis esset reus; & duellum, quo vin-  
cens judicabatur habere pro se justitiam: Ter-  
tia divinatoria, per quam volumus præcogno-  
scere , quid sit futurum . Ex huc usque dictis  
patet , quid sentiendum sit de secunda , & ter-  
tia : Ut liceat prima , debet habere quatuor  
conditiones: 1. fiat cum necessitate: 2. cum re-

verentia Dei: 3. in urnam non mittatur aliquid sacrum ab iis, qui in una apponunt proprium nomen extrahendum, & aliud signum in alia: 4. non utamur sorte in Ecclesiasticis. Has conditiones habet fors publica Januensium: est cū necessitate; ex pluribus enim eliguntur digniores; at quia hi adhuc sunt multi, nec ita facile est dijudicare quis sit dignior, per sortem extrahuntur ad gubernium, etiam de Sedis Ap. consensu, sine ullo signo sacro in urna, cum reverentia Dei, adhibitis super urnam Ecclesiæ benedictionibus. S. Th. a. 8.

12 Jam S. Th. procedit ad tertium genus: Religio habet colere Deum, ut ei reverentiam exhibeat: 2. ut instruatur, veluti speculativè: 3. ut instruatur, veluti practicè in his, quæ debet agere. Superstitio è contra 1. per Idololatriam exhibet reverentiam creaturæ: 2. per divinationes quærit instrui veluti speculativè: 3. veluti practicè per vanā observantiam, quando, v. g. observat, nūm sternutet, dum surgit è lecto, & si sternutat, iterum redit in lectum, timens eo diè infortunium. S. Th. q. 96. enumerat quatuor species: prima est ars Magica: secunda scientia, per quam verbis, aut figuris artificiatibus curamus sanare infirmos: tertia, per quam observamus quædam vana, ut dirigamur, qualiter dictum est de sternutatione: quarta: quando. v. gr. ut nos defendamus ab hostibus, appendimus ad collum verba sacra, v. gr. Evangelium. Quid judicare debeas de  
pœ-

pœnitente, qui utitur illis, in confuso collige ex huc usque dictis.

13 Omnia hæc sunt nè mortalia ex genere suo?

M. Utique: cum his enim nequit servari charitas volens principaliter bonum Dei. nec amo, si quod soli debetur, do alteri. Vide p.1. c. 34. n.6.

14 D. Ratione parvitatæ materiæ possunt nè excusari à mortali?

M. Quædam, excusari possunt, si fiant ex simplicitate; nullatenus ex parvitate materiæ: nam gravissimè offendo illum, qui habens aliquid sibi proprium; data opera facio actionem, qua protestor illud, estò minimum, etiam esse in alio. Vide p.1. c. 36. n.5.

15 D. Cum circa hæc nullæ adsint Theses prohibitæ à modernis Pontificibus, ad est nè censura, vel ulla reservatio?

M. Neque adsunt censuræ, neque reservatio universalis, licèt in Diœcesi particulari soleant Episcopi reservare omnem, vel plures superstitionis species: Lege Tabulam Reservatorum: In Urbe nulla superstitio est reservata, si desit error intellectus; At estò illam in foro sacramentali, quilibet possit absolvere, gravissimè punitur in foro judiciali ab Inquisitoribus; Imò quilibet conscius obligatur deferre reos ad S.Tribunal. Vide c.6. a n.4.

16 D. Quas pœnitentias imponam?

M. Ut proportionatam pro qualitate peccati

cati imponas , inquire , nùm fuerit ex iis , in quibus multi decipiuntur ex simplicitate , vel quæ committuntur ex vanitate , an dæmon fuerit invocatus tacitè , vel expressè : in hoc secundo casu est summa malitia , & exigenda sunt diuturna , & summa doloris indicia . Ubi agnoveris delictum spectare ad S. Tribunal , induc pœnitentem ad spontaneè comparendū , ut c.5.n.5. Et id cura suaviter , estò nullus adfit conscius , qui possit deferre delictum : Hæc enim humiliatio , & confessio maximè frænabit à reincidentia .

## C A P U T    X X X V I I .

*De peccatis externis per defectum contrariè oppositis Religioni .*

I **D**Evotioni , & Orationi actibus internis Religionis , ex S.Th. q.97. ar.3. ad 2. contrariè per defectum opponitur Tentatio Dei: Circa oblationes decimarum , primitiarū , &c. distingue: si loquamur de jure percipiendi decimas , tollere hoc , præter injustitiam , est sacrilegium , quia usurpatur aliquod sacrum , & spirituale. S.Th. q. 87. ar.3. Si loquimur de impediementibus , ne solvantur decimæ , hoc est mera injustitia : nec enim violatur aliquid sacrum : at si tollantur decimæ jam oblatae , præter injustitiam , est sacrilegium , quia jam sunt aliquid sacrum. S. Th. q.99. a.7. Aliud peccatum



tum potest esse circa res sacras; Sic ergo novē actibus Religionis contrariè per defectum opponuntur tria genera peccatorum, Tentatio Dei, Sacrilegium, & Simonia. Dixi tria genera: quia sacrilegium est genus amplum, de his tribus agit S.Th. q.97. ad 101.

2 Quid est Tentatio Dei?

M. Tentare est experimentum sumere de aliquo; dicimur tentare equum, si experimentum sumimus de illius velocitate. Sumitur experimentum, dictis, vel factis: vel formaliter, vel interpretativè. Tentamus dictis, cum petimus, ut aliquid faciat merè ad videndum, an possit, vel velit facere. Tentamus factis, cum opere aliquo inducimus ad idem ex eodem motivo: hoc est etiam tentare formaliter. Tentamus interpretativè, quando, etiam si non habemus hunc finem, tamen agimus, vel dicimus aliquid ad nihil aliud utile. Id apparet in dato equi exemplo: quem scimus currere velociter ob aliquam utilitatem, non dicimus tentare, aut probare equum; si currat sine utilitate, concludimus, quòd probat equum, an sciat, vel possit currere velociter. Sic ergo faceret opus tentativum Dei, qui vellet sanari miraculosè, non adhibitis remediis naturalibus: nam utile non est ad Deum recurrere causam universalem, ut ex se ipso faciat miraculosè, quod fieri potest naturaliter. Est tunc defectus orationis: etenim ex c. 30. n. 16. potissima conditio ad bonam orationem est, ut sit neces-

necessarium ad salutem, quod petitur. Apparet defectus religiositatis, & irreverentia: nam illa actio in tali circumstantia, utpotè Dei tentativa, est minùs religiosa. Sancti miracula petebant ex instinctu speciali, ob utilitatem Ecclesiæ. S.Th. q.97. a.1. & 2.

3 D. Estnè ex suo genere peccatum mortale?

M. Utique: nam nequit servari charitas cum irreverentia in Deum. Vide p.1. c.34. n.6.

4 D. Ratione parvitatis materiæ potestnè excusari à mortali?

M. Tentatio formalis nequit admittere parvitatem materiæ: imò major est irreverentia tentare Deum, si possit formicam occidere, quàm si possit solem sistere: Interpretativæ deformitas consistit in actione dante fundamentum ad ita interpretandum: quare si det fundamentum sufficiens, etiam in parva materia, erit mortale; si magis, vel minùs; erit peccatum, graviùs, vel leviùs, ut tribuit fundamentum.

5 D. Tentatio Dei opponitur, Devotioni, & Orationi; quare erunt tentationes specie diversæ?

M. Ex S. Thom. species peccati non desumitur ex recessu à termino, sed ab accessu ad terminum: si desumeretur à recessu, omnia mortalia essent ejusdem speciei: nam omnia recedunt à Deo. Tentatio sive recedat ab oratione, sive à Devotione, non diversificatur specie,

cie , sed quia habet irreverentiam in Deum; & ita erit explicanda actio irreverentialis, ut dat actui speciem moralem: si v. gr. tentavi Deum circa potestatem , vel circa voluntatem &c. si circa dona gratuita, vel naturalia, si circa spiritualia, vel temporalia &c.

6 D. Quid est sacrilegium , contrariè oppositum per defectum Religioni ?

M. Est violatio, seu abusus rei sacræ, in eo, in quo est sacra , seu perrinens ad religionem . Sacerdos ut habens votum castitatis , est aliquid sacrum : si furatur, abutitur se ipso , non tamen in eo , in quo est sacer , ideò non committit sacrilegium in furando, sed in violando castitatem. Religiosus committit sacrilegium in furando, quia per votum paupertatis, etiam in hoc est sacratus Deo. Est genus, non species infima peccati: nam 1. sicut sunt diversa specie votum , & juramentum, ita sacrilegia illis opposita; 2. in assumptione rerum divinarum diversa sunt specie sacramenta ; ideò diversa sacrilegia singulis opposita : 3. in singulis sacramentis habent inter se differentiam essentialem singulæ partes, conditiones , & dispositiones , nempe, materia, & forma , quæ sunt partes essentielles, etiam partes integrales ubi istæ concurrunt , Conditiones , v. gr. sunt intentio ex parte conferentis, & recipientis, quando hic sit adultus: Dispositiones sunt , quòd sit baptizatus recipiens , quòd uterque sit in gratia &c. Etiam essentialiter differunt conferens, & recipiens ;

piens ; quare diversum specie est sacrilegium , quo confertur sacramentum in peccato mortali , ab eo , quo recipitur : 4. si violantur personæ sacræ, vide , in qua specie sint sacræ: nam aliud est sacrilegium occidentis sacerdotem , aliud violantis castitatem, & in hoc etiã aliud est sacrilegium agentis , aliud patientis in se violationem : Aliud est sacrilegium violantis votum simplex , aliud violantis solemne &c. Circa res sacras, divino cultui deputatas, aliud est sacrilegium, quo quis abutitur Calicẽ, aliud quo abutitur veste sacerdotali, aliud, quo abutitur templis &c. Circa oblationes, aliud est , quo quis violat sacrificium, vel in toto, vel in parte ( distinctum à sacrilegio sacerdotis indignè communicantis ) à sacrilegio violantis alias oblationes . Aliud est sacrilegium usurpantis jura, aliud tollentis bona. Vide, quàm sit amplum sacrilegii genus ; interroga semper speciem infimam. S.Th. q.99. a.3.

7 D. Estnè mortale ex suo genere?

M. Utique; si enim nequit servari charitas, cum infertur injuria homini , multò minùs , cum infertur injuria Deo , rebusque divinis , quarum injuria redundat in Deum , cujus ratione dicuntur sacræ. Vide p.1. c.34. n.6.

8 D. Potestnè excusari à mortali ex parvitate materiæ?

M. Per S.Th. ad 2.ad 3. *Sacrilegium interdum invenitur separatum ab aliis peccatis ... putà, si judex capiat aliquem de loco sacro, quẽ*



*in aliis locis licitè capere posset.* Idem dic, cùm in juramento, vel voto deficit prima veritas; cùm sacramenta violantur, vel non apponendo partes, vel afferendo ad illa dispositiones contrarias, estò ab Ecclesia tantùm sint præceptæ, ut si quis celebraret, vel communicaret non jejunos. In istis nulla excusat materiæ parvitas: Jurisdictio, licèt se extendat ad plura, tamen in se, utpotè aliquid spirituale, est indivisibilis: quare vel violatur in toto, vel in nihilo. Sacramentum in ratione compositi est indivisum: quare vel totum ponitur, vel nihil. Dispositiones necessariæ sunt ad sacramenti effectum, qui totaliter tollitur, ubi minima deest ex requisitis. Estò enim Sacerdos ex industria biberit guttam aquæ per modum potus, totaliter impeditur gratia, effectus sacramenti, & ita materiæ parvitas non excusat. Aliquando sacrilegium est circumstantia mutans speciem: tunc est duplex peccatum, & induit rationem primi, super quo fundatur; ideò, si primum excusatur ex parvitate materiæ, excusatur, & sacrilegium, v. g. in castitate non excusat materiæ parvitas laicum liberum; & ita neque excusat Religiosum, qui graviter peccat etiam contra Religionem. In contrectando rem alienam, materiæ parvitas excusat: quare peccato sacrilegii venialiter peccabit furans obolum in loco sacro, vel Religiosus contra votum paupertatis, disponens de obolo.

9 D. Perjurium non videtur sacrilegium; quia S.Th. agit de illo distinctè q. 98.

M. Id fecit, quia erant circa illud considerata specialia. Circa illud c. 34. à n.2. addo tantum sequentia; S.Th. q.98. a.2.ad 1. vocat perjurium æquè juramentum, cui deficit veritas, ac cui deficit iustitia: quare perjurium erit genus, & sic interroga speciem. Sed sige quæstiones de voce.Scito utrumque esse sacrilegium, & ubi quis contra iustitiam, cum animo faciendi, juravit illicitum, scito esse duplex peccatum: alterum contra iustitiam juramenti; alterum contra virtutem, cui opponitur opus illicitum intentum: 2. jurans se facturum voluntatem alterius, intelligitur cum debita conditione, *si sit licitum, & honestam, & portabile, sive moderatum*: S.Th. a.2. ad 3. quare non obligat, nisi expressè intendat se obligare ad immoderatum, ut si quis intenderet se obligare ad nubendum fœminæ, quamvis esset adultera; ordinariè tamen quisque jurat, secundum quod leges intelligunt: 3. si pater juret aliquid, filius non tenetur ex vi juramenti, adeò ut sit perjurus ( licèt obligetur ex fidelitate quando promisit ) quia juramentum est actio personalis, non transfundens obligationem ex vi sua ad hæredes, aut successores. 4. jurans servare aliqua statuta, intelligitur se obligare ad præsentia ex vi juramenti, quare si violet promulgata post juramentum, non est perjurus. 5. jurans falsum ex lapsu linguæ, non  
ad-

advertens ad significatum, non videtur habere intentionem jurandi; & ideo à crimine perjurii excusatur. S.Th. art. 3. ad 2. dummodò non sit ex habitu; nam tunc, nisi retractet habitum, voluntariè perseverat in periculo proximo pejerandi: 6. qui ratione officii exigit ab aliis juramentum, non cooperatur peccato Jurantis falsum, aut verum per falsos deos; qui verò exigit sine necessitate, cooperatur: 7. jurans falsum, non in damnum alterius, est corrigendus juxtà ordinem Evangelicum. S. Th. ibidem ad 3.

10 D. Quid est Simonia, tertium peccatū per defectum contrariè oppositum Religioni?

M. Est *studiosa*, seu deliberata *voluntas vendendi, vel emendi spiritualia, vel spiritualibus annexa*: Hæc sunt invendibilia: nam comparari nequeunt temporalia spiritualibus, Gratis danda sunt, quæ gratis accepta sunt ab eo præsertim, qui non est dominus, sed dispensator, & debet distribuere juxta merita. Casuistæ multa disputant super hac materia, ego contentus ero innuere, quæ docet S.Th. & addere, quæ postea jure positivo declarata sunt.

11 D. Simonia est emptio, vel venditio: quare non est simonia permutare beneficia?

M. Nomine emptionis &c. *venit omnis contractus, non gratuitus*; quare nèc transactio, nèc permutatio fieri potest à partibus absque periculo simoniæ: sed Prælati ex officio, & cū causa potest facere. S.Th. q. 100. a. 1. ad 5.

12 D. Potestne accipi pecunia pro collatione sacramenti?

M. Jure divino, cui nulla consuetudo potest derogare, prohibemur accipere pecuniam, vel aliquid pecunia æstimabile. Qui ex officio conferunt, possunt accipere aliquid, non in pretium, sed in sui sustentationem juxta ordinationem, vel consuetudinem approbatam Ecclesiæ. S. Tho. art. 2. Super hoc est constitutio Ian. XI. quam perpendes.

13 D. Absque pecunia Sacerdos non vult baptizare?

M. Judica, ac si deficeret minister baptismi. At si velit vendere aquam, materia remota potest emi. S. Th. a. 2. ad 1.

14 D. Aliquando absolvens ab excommunicatione exigit pecuniam?

M. Exigit ut pœnam S. Th. ad 3. & ex Trid. pœnas pecuniarias Episcopus debet applicare locis piis.

15 D. Possumne solvere pecuniam, ut removeam, qui me volunt impedire à consecutione Episcopatus?

M. Ante collationem non possum, quia per merita, non pecuniã, per debeo mihi præparare viam ad beneficia. Postquam per collationem habeo jus, si injuste impediatur, possum redimere vexationem. S. Th. ad 5.

16 D. Accipitur pecunia pro matrimonio?

M. Accipitur dos, ut est contractus civilis, at nihil accipi potest pro eo, ut est sacramentum. S. Th. ad 6.

17 D. Po-



17 D. Potestne pecunia exigi pro actu spirituali, prædicandi &c.

M. Aliqui spirituales actus de natura sua procedunt à gratia : alii non : v. gr. prædicare procedit à gratia sacramenti, nam est ministerium ordinis. Prophetare à gratia gratis data. Non ita doctrina Philosophica. Qui pendent à gratia gratis data, nulli competere possunt ex officio; nam Spiritus S. *dividit singulis, prout vult* 1. Cor. 10. Exercens hos neque potest exigere pecuniam, ut pretium actus, neque in sui sustentationem, neque in pretium laboris. Primum, & tertium apparent ex illo Matth. 10. *Gratis accepistis, gratis date*: secundum: quia sustentatio debetur solum militanti ex officio; qui solus non militat suis stipendiis. Actus procedens ex gratia sacramenti potest ex officio committi, & cui sic committitur, poterit exigere solum in sui sustentationem, juxta consuetudinem approbatam, dummodo antequam exigat, dederit gratis hujusmodi actus, & exigat non per se, sed per Superiores. Accipere in eleemosinam potest, dummodo absit omnis suspicio venditionis: Actus non procedentes à gratia, si sunt spirituales, nequeunt vendi, sed quis potest locare, aut vendere operam, vel laborem suum in usu illius; Nemo potest vendere scientiam, sed laborem corporalem, quem sentit in usu scientiæ. Hæc in universali. S. Th. q. 100. a. 3. quæ majorem claritatem accipient ex particularibus.

18 D. Si populus nolit dare stipendium consuetum Parocho, poteritne desistere ab usu sui officii, v.g. non baptizando &c.

D. Potest renunciare officium, sed si retinet, non potest desistere ab usu. S. Th. ibidem.

19 D. Offeritur eleemosina pauperi, ut oret pro nobis?

M. Offeritur, non ut pretium, sed ut per nostram gratuitam beneficentiam, provocetur ad rependendam orationem gratis, & ex charitate. S. Th. ad 2. Idem ait de quotidianis distributionibus pro adstantibus Choro, funeri: &c.

20 D. Qui docet, vel prædicat, potestne accipere pretium laboris?

M. Actiones erga populum, quæ requirunt missiones, non possunt subiacere pretio, neque quoad laborem: Ad hoc Christus misit: Hæc proveniunt ex gratia sacramenti, ut n. 17. Pro labore conferendi sacramenta, visitandi subditos, prædicandi, catechizandi in Ecclesia, consecrandi altaria, templa, Virgines &c. nequit accipi pretium: si magis in particulari scire cupis, pro quibus actionibus nequeat accipi, vide *Instr. Cler.* & in singulis ordinibus lege, quæ Episcopus ex Pontificali dicit ordinando esse sui muneris, primarii, vel secundarii; pro labore talium nihil exigi, vel accipi potest in pretium, vel locari operas illas; eo enim ipso, quod officia sunt ordinis, verum est illud Rom. 19. *Quomodo prædicabunt, nisi mittuntur.* Et verificatur id, siue fiant ex officio, siue dele-

delegatione, ut si Clericus Minorum prædicaret de licentia legitimi Superioris: nam verè uterque mittitur à Christo, dùm mittitur à Superiore, primordialiter habente facultatem legandi actiones Ordinis; in *Instr. Cler. cap. 21. n. 3.* leges Ostiarium *percutere cymbalum, & campanam, aperire Ecclesiam, & sacrarium, librum aperire ei, qui prædicat.* Quia hæ actiones corporales fiunt etiam à nō ordinatis, ideò ut putè corporales, non ut propriæ Ordinis, possunt locari. Ibidem n. 6. Lectoris est *lectiones cantare.* Ex dicta ratione ad id conducuntur Musici. Ex n. 8. Exorcistæ est *aquam in ministerio fundere,* hoc est, in Missa lavandis Sacerdotum manibus. Ex n. 10. Acolythi est, *ceroferarium ferre, luminaria Ecclesiæ accendere, vinum, & aquam ad Eucharistiam ministrare:* Ob dictam rationem hæc locari possunt, si non fiant ex officio. Cetera munia vendi nequeunt, quia requiritur missio, seù specialis deputatio: Docere authoritative importat missionem; quia est proprium Episcopi, & Diaconi: quare nequit accipi pretium pro labore docendi, dispensandi, delegandi, &c. Ad summum in visitando possunt accipere debitam sustentationem: Docere non ex officio, non exigit missionem, quia Theologus laicus doeet hoc modo: quare poterit locare operas suas, & exigere pretium. Si ex officio deputetur ad docendum Ecclesiæ Clericos, & pauperes, ad hoc accipiendo Præbendam Theologalem, tunc non potest recipere,

neque pro labore, neque ut det vacationes, neque ut faciat lectiones. S.Th. 2.3. ad 3.

21 D. Potestnè aliquid accipi pro ingressu Monasterii ?

M. Simoniacæ sunt clanculariæ pactiones, & acceptiones, ut talis acceptetur in Ordine. Superioratu &c. Quæ autem palam exiguntur, ratione dotis, victus &c. stante præsertim consuetudine, examinentur per suos Judices in foro fori. S.Th. ad 4.

22 D. Possuntnè vendi, quæ sunt annexa spiritualibus ?

M. Distingue : nam alia sunt annexa spiritualibus ; quia dependent ; ideò sunt posteriora ; v.g. beneficium ; nam prius est esse Clericū, quàm beneficiatum . Alia sunt annexa , quis ordinantur ad spiritualia ; In his temporale prius est spirituali , ut vasa sacra : prius enim fiunt vasa , deinde consecrantur : Prius est villa, deinde Juspatronatus ad præsentandum Parochum. Prima, nullatenus vendi possunt. Ad summum qui præsentat , vel nominat ad beneficium, juxta privilegia, antequam præsentet , vel nominet , de fructibus, ex pia causa potest assignare pensionem tertio, sine causa non potest ; multò minùs potest retinere sibi pensionē, aut partem fructuum. Quoad secunda, Jus patronatus non potest vendi , sed vendita villa , transfertur & illud, quia fundatum super eadē. Vasa consecrata , si frangantur , non ampliùs sunt sacra, & vendi possunt. Sepulturæ, altaria &c.



&c. venduntur quoad materiale antèrius ad spirituale, si nō augeatur pretium ex eo, quòd sint sacra, neque vendatur jus, sed ut jus patronatus, venditis materialibus altarium, sepulturæ &c. jus transfertur cum illis.

23 D. Licetnè commutare spiritualia?

M. Canones, ut simoniacam prohibent commutationem beneficiorum absque licentia Superioris, & causa; quare Religiosi, vel alii, non possunt pacisci, ut in electione sibi invicem, vel alteri dent votum. Licet permutare Reliquias, Agnos, ut hodie multi faciunt, offerentes pro uno benedicto ab Inn. XI. plures ab alio.

24 D. Committitnè simoniam Prælatas conferens beneficium propter servitiū sibi præstitum, propter preces porrectas ad ipsius favorem, vel quia laudatus fuit?

M. Utique: nam hæc omnia possunt estimari pecunia; Viri nobiliores menstruè solvūt pro obsequiis etiam Cubiculi Præfectos: Multi promittunt pingues reeompensationes Mediatori, ut sibi impetret Magistratum; Alii pecunia conducunt, qui se laudent, & gloriosa facta conscribant: 1. Prælatas potest conferre beneficium inservienti sibi, ut est Episcopus, seu, in utilitatem Ecclesiæ, vel auxilium Ministrorum; nam per hoc obsequium redditur dignus; & si gratis inserviat, est dignior, quia in obsequium Ecclesiæ impendit personam, & pecuniam, quam sibi potuisset comparare per obsequia: 2. serviens consanguineis Prælati

( dum Ecclesiæ Ministri non sint ) per hoc obsequium non redditur dignus; 3. neq; servieus Prælato in patrimonialibus. At si reperiatur fidelis, potest confidere, quod sit futurus Ecclesiæ fidelior, per consequens utilior, ac dignior, si conferatur beneficium ejusdem generis: 4. nequit conferri beneficium, ut exinde provisos consulat consanguineis providentis: 5. est simoniacum factum porrigentis preces pro indigno, quia *videtur principaliter intendere contractum venditionis consistentem in do, ut des*. Do enim preces, ut des beneficium: 6. committit simoniam mentalem, qui aliàs dignus, v.g. inserviens Episcopo gratis, intendit principaliter beneficium; Vide c. 19. n. 3. & seqq.

25 D. Quotuplex est Simonia?

M. Alia mentalis: alia realis: Mentalis est, quando quis in mente sua nihil alteri aperiens, intendit dare temporalia, ut obtineat spiritualia, vel è contra. Est grave peccatum, sed non subjacet pœnis Canonicis, ut de hæresi purè mentali c. 7. n. 4. Realis alia est aperta, & alia palliata. Aperta est, cum dicitur: *Promitto tibi centum, si mihi conferas, vel impetres tale beneficium*. Palliata est, quando utor aliis verbis; at in rei veritate volo dare, ut des: v.g. cum dicitur: *Ex gratitudine tibi conferam centum, si mihi conferas, vel impetres beneficium*: Gratitudo exprimitur elusoriè; cæterum in rei veritate, volo conferentem movere, ut mihi ob lucrum, conferat beneficium: & ita est  
verè

verè contractus: *Dabo, si dabis*. Ubi autem iste intercedit, est simonia.

26 D. Est etiam simonia confidentialis, & conventionalis?

M. Utraque est realis; Differunt, quòd in ista juxta ethymologiam nominis, contrahunt, seu conveniunt partes, ut secuta provisione provifus habeat beneficium, & providens concordnta. Confidentialis est, si providens confidit etiam in sola sua intentione, quòd provifus faciet, quæ intendit, adeò ut illis opere completis adsit simonia realis, & subjeãta pœnis omnibus, quibus illam subjecere Pius IV. & V. Per quas simonia confidentialis est: 1. si quis acceptat beneficium, cum pacto, ut quandocunque, aut quomodocunque debeat illud dimittere, redeat ad resignantem, aut cedentem: 2. est, estò non intercedat pactum, sed tantum dimittens intendat id: 3. si intercedat pactum, vel intentio ut suprà, relinquendi resignanti, vel alteri fructus beneficii, in toto, vel in parte: 4. si adsit pactum, vel intentio relinquendi pensionem resignanti, vel alteri: 5. si providens de beneficio, adjiciat in conferendo (five etiam in solum præsentando) conditionem tacitam, vel expressam, quòd, *contra juris communis dispositionem*, provifus relinquet fructus, in toto, vel in parte, ad arbitriũ Collatoris, vel alterius, in utilitatem providentis, vel alterius, vel etiam si solam pensionẽ, quòd significetur scripto, vel verbo tantum: 6.

si

si exempto à solutione jurium Cameralium, vel Cancellariæ Apost., resignetur hodie beneficium, quod ipse post duos, vel tres menses iterum resignat, reservans sibi cum auctoritate legitimi Superioris, fructus, vel pensionem, quos, vel quam deinde confert in utilitatem primi resignantis: 7. si beneficiatus criminofus factus, vel irregularis, ante, vel post crimen, aut irregularitatem, dimittat beneficium, & ubi absolutus fuit à crimine, aut irregularitate, redeat ad illud. Has conventiones Pius declaravit, simoniacas; addiditque conjecturas, & indicia, quæ possunt inservire Judicibus ad probandum crimen. Ubi compareat pœnitens hoc gravi crimine innodatus, sæpius relege Constit. ubi res non est clara, consilium require doctiorum.

26 D. Simonia estnè ex suo genere peccatum mortale?

M. Utique: nam simoniacus nequit servare charitatem ordinatam: quia est maxima inordinatio, vendere divina, omninò invendibilia. Vide p. 1. c. 34. n. 6. Sed, & est in genere sacrilegii: nam abutitur rebus divinis.

27 D. Admittitnè parvitatem materiæ?

M. Nullatenus: nam maxima est irreverentia vendere divina; & major, quò minori pretio venduntur, p. 1. c. 36. n. 5.

28 D. Adfuntnè Censuræ in Simoniacos?

M. Per Extrav. Pauli II. *Cum detestabile*, Simoniaci, manifesti, sive occulti, principales, vel



vel mediatores, ligantur excommunicatione reservata Papæ, si committatur: 1. in susceptione Ordinum: 2. in Beneficiis: 3. pro ingressu Religionis. Ab hac intra Italiam, & extra Urbem, neque Regulares possunt absolvere vi suorum privilegiorum. Vide p.1.c.10.n.6. Si sit commissa in suscipiendis Ordinibus, vel beneficiis, 2. simoniacè ordinati sunt ipso facto suspensi, & si exerceant, erunt irregulares: 3. consequentes beneficium simoniacè, nullum jus acquirunt ad ipsum, vei ad fructus: Est omnino intrusus, & fructus percipit tanquam fur: obligatus in conscientia restituere; nec ulla præscriptione juvatur ad acquirendum validè fructus, vel beneficium. Imò ex Regulis Cancellariæ, quocunque alio modo nulliter obtineantur beneficia, jus acquirit ad illa, quicunque per triennium pacificè possidet. At si acquirantur simoniacè, possessio pacifica trium sæculorum, neque sufficit ad fundandum jus: Hæc omnia repræsentata, non solum se accusanti de tali delicto, sed etiam iis, qui desiderant promoveri: nam sæpè desiderio obtinendi, & parùm alias attenti ad Sacros Canones, deludunt seipsos. Major Pœnitentiarius cum omnibus suis facultatibus non habet jus ad convalidandum beneficii titulum ei, qui scienter per Simoniam acceptat, & quando ad illum recurrunt ordinati in vim beneficii, simoniacè obtenti, repræsentantes, quòd si dimittent ob simoniam occultè commissam, nullatenus poterunt

terunt sustentari, rescribit, quòd ad se sustentandum, fiant Religiosi. Nulliter acquiritur beneficium, & fructus, estò provisos fuerit innocentissimus, quando ex parte conferentis intercessit simonia, & neque in hoc casu valet pacifica possessio triennalis, aut longior; quia factum est simoniacum, licet provisos acceptando non peccaverit. Tanti semper Ecclesia detestatur hanc pestem. Ulterius qui accepit pecuniã, debet distribuere pauperibus, & provisos, qui promisit, debet etiam restituere perceptos.

29 D. Adfuntne Censuræ, contra alia peccata contrariè per defectum opposita Religionì, enumerata in hoc capite?

M. Aliquibus sacrilegiis imponitur excommunicatio in Bulla Cœnæ. §. 14. excommunicantur, qui sacrilegium committunt sibi assumendo iudicium in causas spirituales &c. §. 15. qui committunt violando libertatem Ecclesiasticam. ut ibi: §. 11. violando personas Cardinalium &c. §. 16. impediendo jurisdictionem Iudicum Ecclesiasticorum, ut ibi: §. 17. usurpando, vel sequestrando bona Ecclesiæ, ut ibi: §. 18. imponendo Clericis onera ibi prohibita: §. 19. iudicando criminaliter personas Ecclesiasticas contra tenorem Canonis: Vide alios. Extra Bullam Cœnæ excommunicantur violantes jurisdictionem Ecclesiasticam contra Constit. Gregorii XIV. offendentes Ecclesiasticos juxta c. *Si quis suadente* 17. q. 4. Violantes clausuram Monialium ad malum finem; Clerici par-

participantes in divinis cum excommunicatis à Papa: qui sacrilegè absolvunt sine licentia excommunicatos in Bulla Cœnæ. Alia vide p.1. c. 20.

30 D. Adfuntne Theses prohibitæ circa peccata hoc capite enumerata?

M. Circa sacrilegium perjurii habes c.34. n. 16. Circa Simoniam adfunt 45. 46. & 47. Inn.XI.

31 D. Quas pœnitentias imponam pro hisce?

M. Indica excommunicationis, suspensionis, aut privationis beneficii pœnam, peccatis, quibus est annexa. Ut pœnitentem ab omni simonia divertas, sufficiunt dicta n.28. Ut à perjuriis, lege Catech. p.3. c. 3. à n. 7. Quia verò nostris temporibus plebs bibit juramenta, sicut aquam, totus sit ut ostendas non excusari à mortali juramenta falsa ratione parvitatæ materiæ, promissoria, comminatoria, & execratoria esse falsa, si desit intentio, etiamsi emittantur solùm ad terrcrem; si adsit intentio occidendi &c. etiam pro uno instanti, apud Deū esse verum homicidii peccatum &c. dupliciterque peccari juxta c.34. n.9. Cavendum omninò esse à juramentis, etiam veris, absque necessitate; nam fit inde consuetudo, per quam nos exponimus periculo jurandi falsa; Et ita peccamus peccato sacrilegii. Generaliter, quia hæc peccata procedunt ex irreverentia in Deum, & divina, juxta Rituale p.1. ca.7. n.22. *dabis*

286 *Instruct. ad Conf. Cap. XXXVII.*  
*contrarias peccatis pœnitentias*, quæ maximam excitare possint reverentiam erga Deum, & divina.

## C A P U T    X X X . V I I I .

*De Virtute Pietatis, & Vitiis eidem  
oppositis.*

1 **P**ost Religionem, ordine Theologico explicanda esset virtus Pœnitentiæ tendentis ad destructionem peccati, ut est offensa Dei; De illa sufficienter dictum est p. 1. à c. 12. cum virtus Pœnitentiæ sit materia sacramenti: Restat innuere vitia opposita; per defectum Impœnitentiæ, de qua c. 4. p. 12. Per excessum Pœnitentiæ Indiscreta. Circa hoc, nihil restat particulare; quare dicam de pietate.

2 Connumeratur virtutibus Justitiæ annexis, quæ reddunt debitum, sed non æquale: nam respicit principia nostri esse, quibus ut æquale redderetur, reddi deberet ipsum esse simpliciter, nam benè esse, divitem esse, &c. neque per quantitatem Geometricam, sunt proportionalia ipsi esse simpliciter, quod à parentibus accipit filius. De hac S. Thom. q. 101. præmittens, quòd non aget in particulari de vitiis oppositis, quia hæc sufficienter innotescant ex consideratione ipsius.

3 D. Quid est Pietas?

M. Nomen Pietatis aliquando usurpatur  
pro



pro dono Spiritus S. quo nos ut filii adoptivi colimus Deum. S.Th. a.1. ad 1. De hoc dono c.42. secundò: pro quocunque actu Misericordiæ. S.Th. ad 2. Tertiò: strictè pro virtute, per quam *Sanguine junctis, patriæque benevolis exhibemus officium, & cultum.* S.Th. a.1. & 2. Nomine officii venit honor, & nomine cultus sustentatio. Hinc ad pietatem spectant actus speciei diversi, quia specie differunt honor, & sustentatio, & quia honor ipse, & sustentatio exhibentur per plures actus speciei diversos propterea curabit explicari à pœnitente: nec enim sufficienter se accusat dicens: *Dehonoravi parentes*: nam est alia specie dehonoriatio irrogata parentibus per violationem quinti præcepti Decalogi, alia per violationem sexti; quæ sunt peccata commissionis opposita pietati. Dic idem de peccatis omissionis: ex Catech. par.3. cap.5. n.10. honoramus parentes orando pro illis, & eorum voluntatem sequendo, ubi nihil obstat: Si ergo detur casus, quòd ad utrumque obligemur sub mortali, & omitamus, necessarium est explicare, quem ex his omiserit Pœnitens. Id apparet multò magis in secundo genere actuum, qui consistunt in sustentatione: nam hæc importat præcipuè septem opera misericordiæ corporalis. quare si ex c.12. n.3. hæc specie differunt, etiam specie different omissiones; & ita peccator explicabit, quod ex illis opus in specie omiserit erga parentes.

4 D. Quæ objecta respicit Pietas ?

M. Vide *Instr. Cler. c. 9. n. 20.* Hæc respiciens principium essendi, comprehendit objecta, quæ communicant in ratione hujus principii, nempe, parentes, patriam, consanguineos, affines usque ad quartum gradum. Sicut charitas fertur etiam in conjunctos amici, quia sunt aliquid ipsius Amici, ita Pietas fertur etiam in amicos conjuncti: quare aliquo modo respicit fœderatos suæ patriæ &c. Quia principium essendi est terminus relativus, ideò respicit utrumque terminum; quare filius pietate respicit patrem, & civis patriam; E contra Pater, & Patria respiciunt filium, & civem.

5 D. Ex n. 3. Pietas habet duos actus, revereri, & sustentare, quis horum est principalior ?

M. Respectu civis, & filii, principalior est revereri: secundarius sustentare: Ideò tunc obligor ad hunc ex pietate, quando aliàs obligor ex charitate: omittens subvenire violo utramque virtutem. Idem dic' de cive respectu Patriæ in suo ordine: Pater è contra principaliter tenetur sustentare filium & illi providere ad omnem vitam: secundariò honorare, signis tamen proportionatis, non eisdem, quibus filius honorat patrem.

6 D. Estnè eadem specie Pietas in filio respectu Patris; & in patre respectu filii, in cive respectu patriæ; in consanguineo respectu consanguinei &c. ?

M. Id

M. Id non decidit S. Th. Sed actus patris in filium distincti sunt ab actibus filii in patrē: actio enim & passio sunt in diverso prædicamento, & genere supremo; quare explicabis, an fuerit pater, seu agens, an filius, seu patiens, an subditus, vel Princeps, an consanguineus in linea ascendentium, cujus est agere. vel descendendum &c.

7 D. Pietas obligat ne sub mortali?

M. Nusquam possumus facere actus contrarios: Revereri autem tenemur in casu, quod habeamus parentes; & quod omissio illis graviter præjudicaret: Pariter tenemur in casu necessitatis, quando ex charitate debemus eadem extrahere.

8 D. Multæ virtutes, obligantes in casu tantū, lege positiva obligāt ad aliquos ex suis actibus; Ex cap. 2. a n. 4. Ecclesia obligat ad actum externum fidei Ecclesiasticos: ex c. 8. n. 6. ad actum externum Spei: lege positiva obligemur ad aliquos actus pietatis, ita ut omissio sit mortalis.

M. Patres, & filii reciprocè tenentur in morte ad legitimam erga Ascendentes, juxta dispositionem legis: *nec potest*, inquit S. Thom. suppl. q. 57. a. 1. ad 1. *pater sine culpa filium private*. Sed hoc non est propriè peccatum omissionis: quia non peccat, si non condatur testamentum, sed solum, si condens disponat contrarium: quare est peccatum commissionis: simplici omissionis peccato peccaret, qui sciens

patriam prodi, omitteret revelare; vel si quæ hujusmodi.

9 D. Quomodo vocatur vitium contrariè per excessum oppositum Pietati?

M. Vocari potest *Amor nimius consanguineorum*. In hoc explicando non immoror, quia placere consanguineis de se non est peccatum, & placere nimium non est peccatum contra pietatem, nisi fiant, quæ alias prohibentur: quare si quis, ut placeat patri, omittat sacrum in die festo, sufficit, si se accuset de omissione, nec renetur accusare, quòd omiserit, ut placeret patri, per se loquendo.

10 D. Quod est vitium per defectum contrariè oppositum Pietati.

M. Impietas strictè dicta, per quam committimus aliquam irreverentiam in parentes &c. unde omnis injuria, cum irreverentia, si fiat in parentes, erit duplex peccatum; & poterit contingere, quòd injuria sit levis; at quoniam irreverentia illi conjuncta, est gravis, etiam erit mortale, v.g. si quis in patrem (estò clam, & ab ipso inauditus) dicat: *Sis maledictus* absque animo. Ex c. 26. n. 8. maledictiones absque animo sunt injuriæ leves: at mortales in filio propter gravem irreverentiam.

11 D. Estnè peccatum impietatis, detrahere patri, ita quòd filius detrahens peccet contra justitiam, & contra pietatem, teneaturque id explicare.

M. Impietatis malitia consistit in irreverentia



tia erga personam, quæ est principium effendi. Qui detrahit ex S. Thom. 2.2. q.73. a.1. *videtur magis revereri, quàm parvi pondere; unde non directè infert nocumentum bonori, sed famæ*. Ita non peccat contra pietatem furans à patre, sed benè peccans per rapinam. Igitur observa, nùm injuria, sit dehonòrativa; si talis non est, non læditur pietas; si dehonòrativa est, violatur.

12 D. Pater non tenetur revereri filium: nec peccat peccato impietatis?

M. Pater primariò, & omnibus modis non tenetur revereri filium: Ex pietate prohibetur facere injurias, quæ, dehonòrant filium, supra quam extendatur jus paternum.

13 D. Peccata contra Castitatem non dehonòrant; nec erunt contra Pietatem, si committantur cum consanguineis?

M. Ex q.144. verecundia est timor inhonòrationis; & cum de peccatis contra castitatem maximè verecundetur homo, hæc sunt dehonòrativa: & jure naturali omnis actus luxuriosus dehonòrat, si fiat inter ascendentes, & descendentes directè; In cæteris gradibus ex præcepto Ecclesiæ, ut suo loco dicetur.

14 D. Estnè unum specie peccatum impietatis?

M. Ex n.6. Pietas habet actus specie diversos: quare, & impietas; in qua item explicandum est objectum, an fuerit impius in patriam, patrem, matrem, fratres, sorores, consanguineos,

neos, affines &c. pietas honorat principium effendi, & quia hi diverso modo respiciunt principium effendi, diversam specie deformitatem inducunt.

15 D. Impietas estnè peccatum mortale ex suo genere?

M. Utique: nec enim possumus servare charitatem, nisi reddamus sanguine junctis, & patriæ quod debemus. Vide p. 1. c. 34. n. 6.

16 D. Excusatur nè à mortali ex parvitate materiæ?

M. Ex n. 11. deformitas impietatis non defumitur ab injuria ut tali, sed à dehonoratione; Hinc ex n. 10. maledictio aliàs de se levis, prolata in patrem, dicta est peccatum mortale, quia dehonorat patrem. Honor potest esse magnus, & parvus: tolli potest graviter, & leviter; & excusabitur à mortali, si honor lædatur leviter. At si, ut in castitate, actio minima, sit gravius dehonorativa, tunc est mortale incæstus. Vide p. 1. c. 34. n. 6.

17 D. Adsuntnè Censuræ, contra committentes hujusmodi peccata?

M. Quia leges civiles, & Deus in Decalogo gravissimè punit hæc peccata, & aliàs sunt in horrore hominum; unde rarò committuntur, ideò non invenio censuras universales. Leges casus reservatos Diœcesis, in quibus ordinariè reservatur incæstus, & parricidium, eo ipso, quod reservatur omne homicidium?

18 D. Adsuntnè Theses prohibitæ?

M. Ex-

M. Extant 14. & 15. Inn. XI. tangentes impietatem filii erga patrem.

19 D. Quas pœnitentias imponam peccanti contra pietatem ?

M. Rari frequentant peccata gravia in patriam, utpotè à Principibus punita gravissimè. Rarò parentes in filios, nisi quòd sæpissimè suo malo exemplo inducunt ad peccandum: Videmus pueros ignaros principalium fidei mysteriorum, qui tamen frequentant juramenta, blasphemias, maledictiones; Id, quia nunquam audiunt parentes loqui de rebus fidei; at semper jurantes, maledicentes, blasphemantes. Hos parentes increpa acriter. Totus etiam sis, ut filios componas ad debitam reverentiã. Optimum erit adolescentioribus consulere, ut confessi domum accedentes, deosculentur manus parentum, ipsisque veniam petant; primum etiam consulet facere, quoties ituri scholam, domo discedunt, vel redeunt, aut si cubitum eant in nocte; nec alia omittet, ut sanctè observent quartum Decalogi preceptum, super quo lege Catech. p. 3. c. 5.

## C A P U T XXXIX.

*De Observantia, Obedientia, & Vitiis oppositis.*

• Sicut homo tenetur honorare patrem, à quo habet esse, ita honorare illos, à  
T 3 quo

quo habet operari. Habet operari ab iis, qui dirigunt homines, ut Magistri, Principes, Directores, Confessores, ut exercent officium Doctoris; & ita tenetur, quòd non potest redde-  
re æquale: scientia enim non potest recom-  
pensari proportionatè per temporalia; unde ex  
c. 36. n. 20. nequit vendi; & hinc non tenemur  
Directoribus ex Justitia, sed ex virtute Pietati  
inferiore, quæ dicitur *Observantia*, Hæc duos  
actus, qui ex cap. 37. n. 3. competunt Pietati,  
exercet erga Directores.

2. In schola S. Th. quæritur, an contineat  
sub se plures species. *Observantia*, per quam  
honoramus Sanctos in cælo regnantes, & vo-  
cari potest *Observantia Sacra*, distinguitur a  
*Politica*, per quam honoramus viros excel-  
lentes in potestate, doctrina &c. An hæc sub-  
dividatur, ita ut alia sit, qua colimus, v.g. Con-  
fessores, alia, qua colimus Magistros, &c. non  
est congruum hæc disputare.

3 Per *Observantiam* colimus eos, qui nos  
dirigunt in operando. Hi sunt in duplici clas-  
se, alii in actu primo, alii in actu secundo. Di-  
rectores in actu primo sunt habentes aliquam  
excellentiàm doctrinæ, dignitatis &c. possunt-  
que nos dirigere, sed actu non dirigunt, quia  
non præsunt: In actu secundo sunt qui præ-  
sunt, & quorum directionem tenemur sequi.  
Primis debemus *observantiam*, secundis ob-  
servantiam, & obedientiam: ideò S. Th. exa-  
minat has virtutes post Pietatem, ut annexas  
Justitiæ.



4 D. Si tenemur reveri excellentiores, qui occidit virum doctum, v.g. committit duo peccata; contra justitiam, & contra observantiam?

M. Hi sunt excellentiores in aliquo genere, non simpliciter: quare duplex erit. peccatum, si habeantur irreverenter sub ratione, in qua excellunt, quòd ordinariè non contingit: si occido Petrum, quia est inimicus, non ostendo, quia sit me doctior: sed si occido, ut tollam à mundo ejus doctrinam, qua multi proficiunt, debeo tunc explicare. Qui docto contumeliam ingerit, tanquam sit indoctus, si contumelia sit gravis, tenetur explicare rationem contumeliæ secum importantis dehonorationem, & quod falsò ignorantiam objecerit, ex his remanet explicata ratio irreverentiæ contra virtutem hanc, de qua S.Th.q.102.

5 D. Quæ sunt vitia contrariè per excessum, & defectum opposita Observantiæ?

M. Sunt innominata, & S. Thom. in titulo quæstionis ait, quòd de illis *erit manifestum* intellecta Virtute, partibusque illius.

6 D. Quæ sunt partes Observantiæ?

M. S. Thomas nomine partium intelligit species infimas, de quibus n.2. Nihil ibi dictum est de observantia sacra, quæ dicitur Dulia, & subdividitur in duas species, prima retinet nomen commune Dulia: secunda dicitur Hyperdulia.

7 D. Per quid distinguuntur hæ duæ?

M. Dulia exhibet honorem Sanctis. Hyper-

dulia B. Virgini, per relationem Maternitatis terminatam ad personam Dei, cujus vocatur Mater. S.Th. q. 103.

8 D. Hæc virtus obligatne aliquando ad suos actus?

M. Ex par. 1. c. 34. n. 6. solum illæ virtutes obligant, sine quorum actibus nequit servari charitas, ex c. 37. n. 7. Pietas, ut defert honorem parentibus per se obligat solum in casu &c. non simpliciter. Loquendo de observantia sacra in Trident. sess. 25. decreto de *Invocatione* &c. declaratur esse simpliciter bonum, atque utile (non necessarium) invocare Sanctos, confugere ad illos, ob beneficia à Deo impetranda per Christum. Relege decretum agens etiam de reliquiis, & imaginibus. Et inter Catholicos, non habebis quid speciale commendandum erga Sanctos, quorum cultui sunt addicti. Ubi etiam vigent hæretici, lege Controversistas, ut possis docere, quid teneamur erga Sanctos.

9 D. Obligamur ne erga Sanctos ex præcepto Ecclesiæ?

M. Utique: ac 1. ad sanctificandos dies natalitios aliquorum, quibus debetur Dulia, & dies aliquot per annum, in honorem B. Virginis, cui debetur Hyperdulia: 2. ad plures actus tam Dulix, quam Hyperdulix Ecclesiasticos per recitationem Officii. Quotidiè pluries invocatur B. Virgo in Officio per Salutationem Angelicam. Ad *Pretiosa* invocatur, & ipsa, & Sancti omnes. Officium primæ Novembris, &  
per

per octavam est de omnibus Sanctis, etiam Angelis. Tamen iste Sanctorum cultus præcipitur materialiter, non formaliter; ut refertur in Deum: quare substantia actus est Sancti cultus, at sub ratione Religionis; & in ordine ad Deum: quare omittens sacrū in festo S. Jo., vel officium &c. sufficit, si se accuset omisisse sacrum, vel officium, etiamsi taceat, an fuerit officium Feriæ, vel Sancti &c. nec offendunt Duliā, sed Religionem. Vitia autem de se opposita Duliæ, aut Hyperduliæ sunt innominata, ut n. 5.

10 D. Quid est Obedientia debita dirigentibus nos in operando?

M. Ex num. 3. alii sunt nostri Directores in actu primo; alii in actu secundo. Hi dirigunt per suum imperium, vel præceptum; & si sumus subditi, tenemur obedire, sequendo illorum directionem præceptivam. P. i. c. 38. n. 7. data est distinctio inter legem, & præceptum, ac utriusque diversa obligatio, habenda ante oculos, ut scias, quando pœnitens mortaliter peccet in transgrediendo Superioris ordinationem. S. Th. q. 104.

11 D. Cum mortaliter peccando, semper transgrediamur præceptum, semper violamus hanc virtutem?

M. Violo obedientiam, quando negligo præceptum ut tale. Si non jejuno ob gulam, violo Abſtinentiam: si comedo, quia nolo me subicere præcepto, tunc pecco contra Abſtinentiam,

nentiam, & Obedientiam. Vide p. 1. c. 34. n. 12.

12 D. Obligatnè sub mortali Obedientia?

M. Utique : nec enim servat charitatem erga superiorem; Dominium in homines est majus bonum, quàm dominium in res exteriores. Porro dominium importat, ut re subiecta, possim uti pro libito voluntatis regulatæ per prudentiam : quare qui non obedit superiori, tollit hoc bonum.

13 D. Quid, ubi duo Superiores præcipiunt contraria ?

M. Vide p. 1. c. 14. n. 3. & S. Th. a. 4. 5. & 6.

14 D. Obligatnè virtus Obedientiæ pro aliquo tempore indeterminatè ?

M. Ponit actum externum præceptum : quare ex c. 2. n. 2. obligat solum, si extat præceptum.

15 D. Superior debetne multiplicare præcepta, ut in obediendo subditi meritum majus acquirant ?

M. S. Th. q. 105. a. 1. ad 3. *Prelati*, inquit, *debent abstinere à multitudine præceptorum* : & 1. 2. q. 107. a. 4. in lege nova ex S. Augustino dicit *esse moderationem attendendam. nè onerosa reddatur. Dicit enim Augustinus de quibusdam : Ipsam religionem nostram, quam in manifestissimis, & paucissimis celebrationum sacramentis, Dei voluit misericordia esse liberam, servilibus premunt oneribus, adeò ut tolerabilior sit conditio Judæorum, qui legalibus sacramentis, non humanis præsumptionibus subjiciuntur.* In illa ep. 119. c. 19. præmiserat



miserat Augustinus . Doleo , quia multa , quæ in divinis libris saluberrimè apposita sunt , minùs curantur , & tam multis præsumptionibus sic plena sunt omnia , ut gravius corripiatur , qui per octavas suam terram nudo pede tetigerit , quàm qui mentem vinoleutia sepelierit . Sanè pluries castigatur severiùs transgressio levissimæ regulæ , quàm manifestum mortale . Vide , nè introducatur in lege Christiana mos Pharisaicus .

16 D. Quæ sunt vitia contraria Obedientiæ ?

M. Oppositum per excessum , est innominatum : Oppositum per defectum vocatur Inobedientia : de hac S. Thomas q. 105. Aliquando accipitur privativè , ut si quis præcipiatur facere eleemosinam , & non faciat : Aliquando contrariè , ut in dato casu , si cognoscens præceptum , habeat actum contrarium , quo contemnat . In utroque de se est peccatum mortale , sed in primo peccatum omissionis : In secundo commissionis .

17 D. Excusatur nè à mortali ex parvitate materiæ ?

M. Præceptum , est actus animæ non habens materiam , & indivisibilis : quare vel contemnitur in toto , vel in nihilo . Hinc non potest excusari ex parvitate materiæ inobedientia , sive sit ommissio , sive commissio : quare quidquid minimum præcipiat Superior , si habeat veram rationem præcepti , est exequendum .

dum. Quod, præcipitur, aliquando habet materiam; & tunc si pars minima prætermittatur, ex parvitate materiæ excusabitur à mortali; v. g. si cui præcipitur recitare Rosarinum, omittat semel Salutationem Angelicam.

18 D. Adfuntne Theses prohibitæ circa Observantiam, & Obedientiam.

M. Innoc. XI. prohibuit 65. 66. 67. & 68. Molinos circa Obedientiam.

19 D. Adfuntne censuræ, contra peccantes peccatis, quæ opponuntur duabus hisce virtutibus?

M. In primò §. Bullæ Cænæ excommunicantur, qui *se à Romani Pontificis pro tempore existentis obedientia pertinaciter subtrahunt, vel recedunt*. In reliquis, ubi præcepta imponuntur, vide, nùm transgredientibus adjiciatur pœna.

20 D. Quas Pœnitentias imponam violanti duas hasce virtutes?

M. Excommunicati, ut n. 10. non absolventur, nisi satisfecerint juxta Bullam. Ubi sine incurfu censuræ quis peccavit, vide c. 37. n. 19. Ut accendat Pœnitentium ad amorem obedientiæ, Catech. p. 3. c. 5. à n. 7. totus est, ut cum aliis actibus erga Superiores, inculcet obedientiam.

## C A P U T XL.

*De Virtutibus Retribuentibus, & Vitiis  
contrariè oppositis.*

1 **V**irtus habet rectificare hominem respectu principiorum, quæ dant esse, vel operari simpliciter, ut Religio erga Deum, Pietas erga parentes, Observantia, & Obedientia erga Superiores, & respectu principiorum, quæ dant esse secundum quid, qualis erga beneficiatum est benefactor, qui dat esse particulare, v. g. esse divitem, honoratum &c. Duo esse possumus habere ab alio, bonum, & malum: Recipit bonum, qui beneficiatur: recipit malum, qui injuriam sustinet. Utrique debemus reddere proportionatè ad esse, quod accipimus. Ideò virtutes retribuentes utrique sunt partes potentiales justitiæ: differenter tamen à virtutibus, jam enumeratis. Illæ respiciunt principia nostri esse, vel operari simpliciter, ideò in casu, juxta dicta, nos obligant simpliciter, seu sub mortali. Istæ respiciunt principia nostri esse secundum quid; ideò obligant secundum quid, non sub mortali, sed ex quadam decentia; convenit enim, ut recompensemus beneficianti nos.

2 Idcirco parùm sistemus in earum examine; Sed nihilominus aliquid est dicendum, quia ex Rituali part. 1. c. 7. n. 6. in Confessore  
*requi-*

*requiritur bonitas*. Hæc conflatur exercitio virtutum omnium; & exerceri possunt dependenter à iudicio *per quandam connaturalitatem*. At plurimum confert iudicium *per rationis inquisitionem*. Insuper adsunt complures, qui petunt dirigi super exercitio virtutum, etiam non obligantium ad mortale, convenitque illos in confuso saltem instruere, & scire, unde harum ampliorem notitiam possint accipere.

3 Virtutum retribuentium, alia vocatur gratitudo recompensans benefactorem; alia vindicatio recompensans malefactorem. De prima, vitioque opposito S. Th. q. 106. & 107. De secunda q. 108.

4 D. Quid est Gratitude, five gratia?

M. Est virtus inclinans beneficium ad recompensandum suo loco, & tempore Benefactores pro beneficio. S. Th. q. 106. a. 1.

5 D. Qui sunt actus gratitudinis?

M. Quinque: Primus, est *æstimatio beneficii accepti*, principaliter ex affectu beneficantis: Secundus, *binigna acceptatio* per quã honoratur benefactor: Tertius, *Gratiarũ actio*: Quartus, *grata commemoratio*, intra nos, & cum aliis, ubi se offert occasio: Quintus, *Recompensatio* re, obsequiis, vel precibus ad Deum. Primi quatuor ex S. Th. art. 3. debent incipere statim: ultimus in re debet attendere circumstantias, nè videatur redditio ex iustitia. Hic ultimus debet semper ex a. 5. tendere,



re, ut pro posse reddat benefactori aliquid majus, quàm acceperit, servatis tamen circumstantiis personæ, loci, &c.

6 D. Quæ sunt vitia contra Gratitude-  
nem?

M. Vitium per excessum est innominatum. Vitium per defectum vocatur *Ingratitudo*, de qua q. 107. Habet sex actus: Primus, est *non retribuere beneficium*: Secundus, *dissimulare non agendo gratias*: Tertius, *oblivisci*, & *nolle agnoscere*: Quartus, *Retribuere mala pro bonis*: Quintus, *vituperare beneficium*: Sextus, *beneficium reputare pro maleficia*. Quia gratitudo de se non obligat ad mortale, ideò neque hi actus oppositi de se sunt peccata mortalia, sed sæpè procedunt ex animo aliàs mortaliter peccaminoso, & disponunt ad plura mortalia: quare Reos acriter objurga.

7 Quid est Vindicatio?

M. Pars potentialis Justitiæ, distincta à Justitia Vindicativa, quæ est pars subjectiva, & de qua c. 20. Hæc enim est in habente jurisdictionem: Illa potest etiam esse in privato (dummodò, ut c. 20. n. 3. non se extendat ad inferendum malum injurianti: nam hic actus externus est proprius justitiæ Vindicativæ) & in eo consistit, quòd ex honestate reperta in satisfaciendo injuriam, quis amet hanc satisfactionem, seù recompensationem proportionatam. Sed paucissimi, & fortè nulli reperiuntur, qui ex hoc honesto motivo ament reparationem.

rationem injuriæ. Non odiunt injuriam; sed personam injuriantem, quod est contra charitatem; ideò vix potest exerceri hæc virtus. Adde quòd est imperfectior charitate, nec obligat ad suum actum. E contra Charitas urget nos ad suum quemque actum perfectiorem. Ideò totus esto, ut pœnitens relinquat hunc actum internum Vindicationis ei, cuius est exercere externum, nempè, Deo, qui dixit Rom. 12. *Mihi vindicta: ego retribuam.*

8 D. Quæ sunt vitia contra Vindicationem?

M. Ex S. Th. art. 2. ad 3. vitium per defectum vocatur *remissio*; dum quis minùs quàm debet, amat recompensationem injuriarum. Vitium per excessum vocatur *Crudelitas*; dum quis amat injurias recompensari plus, quàm debet. Crudelitas etiam vocatur vitium oppositum per excessum Clementiæ: sed illud, amat pœnas externas, ut tales: Istud pœnam, ut satisfactivam, sed excedit volendo pro satisfactione plus, quàm debeatur.

## C A P U T XLI.

*De Veracitate, ac Vitiis eidem contrariè oppositis.*

1 P Ost quinque virtutes annexas Justitiæ, sed ab ea deficientes, quia non reddunt equale, explicata est Gratitude reddens equale,

le, sed non rigorosè debitum, debet i. succedere Veracitas, pariter, ut Gratitude, reddens æquale, non debitum rigorosè: De hac & vitiis oppositis S.Th. q. 109. ad 114.

2 D. In quo consistit Veracitas?

M. Verax, est talis in mente, qualem per voces, & signa externa (in his locum habent principaliorem voces, institutæ solùm ad significandum) se exhibet esse: Non teneris te exhibere, qualem te esse Petrus scire desiderat, v. g. petit à te, utrum comederis non es mendax, si taceas neque si respondeas aliud disparatum, v. g. *hac nocte dormivi*. Soli Superiori legitimè interroganti teneris respondere; Nec dico, quòd Perro interroganti, an comederis poma, sis mendax, si tantùm respondeas, *Comidi*, nihil addendo de pomis: Nec dico, quòd sis mendax, dum Petro coràm multitudine petenti, an habeas domi enses, ex circumstantiis cognoscis illum interrogare de ensibus aleatoriiis, respondes re non habere enses, estò tota multitudo accipiat illud nomen in propria significatione: Nec dico, quòd nequeas ænigmaticè, metaphoricè, aut mysteriosè loqui, dum tamen ex antecedentibus, vel consequentibus appareat per signa externa hæc tua intentio interna, sed dico, quòd teneris esse talis in mente, qualem te esse illi, cui loqueris, ostendunt voces, & reliqua signa externa, quæ adhibes, adeò ut signis externis correspondeat mens interna.

3 D. Licetnè ex causa urgentissima uti æquivocatione, aut restrictione mentali?

M. Nonnulli docebant, quòd liceret restrictio mentalis, & ex causa justa in loquendo uti amphibologiis: Addebatur causam justam esse, *quoties id necessarium foret, aut utile ad salutem corporis, honorem, res familiares tuendas, vel ad quemlibet alium virtutis, ita ut veritatis occultatio censeretur tunc expediens, & studiosa*, sed Innoc. XI. damnans 26. Thesim, declarat, quòd utens mentali restrictione in juramento *mentitur*; & 27. quòd causæ illæ non sufficiunt ad rectum usum amphibologiæ. Extra hos casus cuique licitum est docere, quod magis congruum judicaverit rationi. Qua motus credo in nullo casu licitam esse restrictionem mentalem, aut æquivocationem. Quoad primum sic arguo. Ex Innoc. XI. ut suprà, *mentitur*, qui utitur mentali restrictione in juramento, nec fit mendacium per juramentum, sed præsupponitur. & divinum nomen invocatum confirmat illud, ut c. 34. n. 2. Porro mendacium est ita intrinsecè malum, ut nulla possit honestari causa, etià urgentissima. Quoad secundum: Omnes ultrò concedunt, amphibologiam, seu æquivocationem absque causa esse illicitam; & ex Inn. esse illicitam in casibus 27. prop. prohibitis: Inde sic arguo: Tales æquivocationes illicitæ, & peccaminosæ, sunt certè contra aliquam virtutem, nec potest assignari alia virtus, cui opponantur,  
nisi



nisi Veracitas. Peccatum oppositum per defectum Veracitati, est mendacium intrinsecè malum; ita, quòd neque potest honestari ex causa salvandi totum mundum. Hinc mihi videtur illicita omnis æquivocatio.

4 D. Innumera exempla, pro æquivocatione, aut restrictione mentali opinio contraria congerit ex S. Scriptura, vel ex Sanctis?

M. Scripturam si nequis explicare, recurre ad mysterium (cujus *multiplicatio non facit æquivocationem* ex S.Th. 1.p. q.1.a.10. ad 1.) juxta regulam Augustini, & Patrum, quod quæ in Scriptura videntur rationi non congruere, sint mysticè intelligenda. Addit S.Th. q.110. a.3. ad 3. *In Sacra Scriptura, ut Augustinus dicit, inducuntur aliquorum gesta, quasi exempla perfectæ virtutis, de quibus non est æstimandum eos fuisse mentitos; Si qua tamen in eorum dictis appareant, quæ mendacia videantur, intelligendum est ea figuraliter, & propheticè dicta esse. . . Quidam verò commendantur in Scriptura, non propter perfectam virtutem, sed propter quandam virtutis indolem, quia apparebat in eis aliquis iudabilis effectus, ex quo movebantur ad quædam indebitè facienda; & hoc modo Judith laudatur, non quia mentita est Holoferni, sed propter affectum, quem habuit ad salutem populi. Tamen antequam damnes, considera benè omnia in particulari: Athanasius satellitibus se quærentibus respondit Athanasium non longè abesse,*

verissimum erat in sensu litterali, & illæ voces externæ significabant ex se, quod erat in mente, licet satellites malè intelligentes decepti fuerint, sed non per æquivocationem, aut restrictionem mentalem Athanasii.

5 D. Quot sunt actus proprii Veracitatis?

M. Primus est amare veritatem in suis dictis, vel factis, quæ sunt signa, ut n. 6. secundus nihil significare contra id, quod habetur in mente. Hoc est præceptum negativum obligans semper, & ad semper (cujus violatio tamen de se non est peccatum mortale, quia hæc virtus ex n. 1. non obligat debito rigoroso) tertius patefacere judicium suæ mentis, ubi aliàs tenemur: quartus quoad futurum, & in executione, ut exequamur, quod promissimus, si concurrant debitæ conditiones. Neque obligamur sub mortali ad hunc actum per se loquendo, nisi ex vi alterius virtutis, ut quando promissio est utrinque acceptata; vel læderetur justitia distributiva, substituendo minùs dignos: nam tunc transit in materiam Iustitiæ.

6 D. Quæ sunt vitia contraria Veracitati?

M. Vitium per excessum est innominatum. Vitium per defectum, est in duplici genere, sicut in duplici genere sunt signa: Utimur, & dictis, & factis; cum hac differentia, quòd voces ex sui natura sunt inventæ ad significandum: facta non ex sui natura, sed ex relatione particulari hominis inducuntur ad significandum.

7 D. Quo-

7 D. Quomodo vocatur vitium, quatenus utimur verbis ?

M. Mendacium; & 1. dividitur in jocosum, officiosum, seu utile, & perniciosum. Jocosum est, quando joci gratia mentimur : Officiosum, quando mentimur pro salute alicujus : Perniciosum, quando mentimur in damnum. Hoc ultimum, quia damnosum, opponitur aliis virtutibus; quare ex suo genere est mortale, nisi excuset parvitas materiæ : 2. alia divisione mendacium generaliter sumptum dividitur in Ironiam, & Jactantiam: Ironia ( non quæ est Rhetorum figura ) est, quando quis dicit minus, quam debet, ut si Minister obligatus dicere Pontifici qualitates omnes promovendi, dicat unicam; Jactantia est, quando quis dicit plus, quam debet. Utraque potest esse jocosa, officiosa, & perniciosa.

8 D. Quomodo vocatur vitium, quando utimur factis, tanquam signis ?

M. Simulatio. Si aeri expono vestes itineri proprias, ne tinea corrodat, non simulo, quamvis alii decipiantur credentes me itineraturum : non simulo, quia habeo finem honestum: At simulo, si exponam, ut id alii credant. Ergo, facta non sunt simulatoria, nisi ordinentur ut signa decipiendi. Voces, etiam si non ordinentur ad decipiendum, imò etiam si ordinentur in bonum, & utilitatem, ( ut mendacia officiosa ) sunt verè mendacia. Quia facta de se non sunt signa; sed dicta sunt unicè signa, nec ad aliud

sunt instituta, nisi ad significandum; quare ubi utor illis ad aliud, jam deordino à sua institutione; & sic pecco; nam peccare nihil est aliud, quàm deordinare.

9 D. Quot sunt species simulationis?

M. Alia nomine communi dicitur simulatio; alia Hypocrisis. Hęc simulat se habere sanctitatem, quam non habet. Si quis communicet in peccato mortali, etiam eò, quia contemnit sacramenta, vel quia discredit Christum esse sub speciebus panis, gravissimè peccat, & in secundo casu, est hæreticus: at non Hypocrita; Erit, si communicet volens, quòd ex communionem, tanquam ex signo, videntes arguant ipsum esse justum, quando non est.

10 D. Hypocrisis estnè peccatū mortale?

M. Ex S. Th. q. 111. a. 3. eadē ratio est de mendacio, simulatione, ac hypocrisi: nam hæc tria opponuntur veracitati, quæ non obligat de se sub mortali: Sed notat per hypocrisim importari duo, defectum sanctitatis, & simulationem. Qui quoad primū, ita deficiat à sanctitate, seu iustitia, quòd non curet se iustificare, quando tenetur, peccat mortaliter. Hoc modo accipitur nomen Hypocrite in S. Scriptura; sed in rigore scholastico Hypocrisis formaliter cōpletur in secundo: quare ex suo genere non est mortale; sed iudicabitur ex adjuncto, ut si sanctitatem simulet ad falsam doctrinam seminandam, vel ut obtineat beneficium, & modò fit indignus.



11 D. Adfunt ne Theses prohibitæ circa veracitatem, & peccata opposita?

M. Extat 27. Inn. XI. & hanc virtutem tangunt 24. 15. 26. & 28.

12 D. Quas pœnitentias imponam violanti hunc virtutem?

M. Veracitas inferuit pro materia plurium aliarum virtutum, v.g. Justitiæ, si Testis, vel Reus interrogetur: Religionis, si dicta confirmentur Juramento. Cautus igitur esto, ubi pœnitens dicit se mentitum. Ex hoc veluti genere interroga species, præsertim à mulierculis, quæ mendacio addunt juramentum. Motiva, ut pœnitens inducatur ad odium perjurii, vide c. 16. n. 31. Unde induci possit ad odium mendacii, in judicio, sive extra, hauri ex Catech. p. 3. c. 9.

## C A P U T XLII.

*De reliquis duabus Virtutibus annexis Justitiæ, scilicet, Affabilitate, ac Liberalitate, Vitiisque oppositis.*

1 **V**irtus non solum ordinat hominem, ut non decipiat proximum (quod fit per veracitatem) sed etiam; ut ei convivat, qualiter decet, cum sit animal sociale. Porro ex Arist. 8. Ethic. c. 5. *Nullus per diem potest morari cum tristi, aut non delectabili*: Virtus ad id inclinans propriè vocatur *Affabilitas*, de-

qua cum vitiis oppositis S. Th. q. 114. 115. & 116. Annectitur Justitiæ, quatenus respicit proximum, sed deficit à vera ratione justitiæ, quia Affabilitas non dicit debitum rigorosū: quare nec ex genere suo obligat ad mortale.

2 D. Quos actus habet Affabilitas.

M. Non est assignare actus determinatos, in genere dici potest, quod homo non debet esse nimis asper, neque nimis jueundus in conversando. Debet considerare personas, tempora, loca, statum &c. Aliter debet se gerere cum amicis; aliter cum extraneos prima vice alloquitur. Circa statum: aliter oportet conversari Religiosum, aliter Sæcularem, aliter Histrionem, aut Mimum. Circa tempus, aliter se gerere in honestis recreationibus, aliter in Choro, aliter in villis. Contristabit, quando erit opus, proximum ad bonum illius, exemplo Apostoli 2. Cor. 7. *Si contristavi vos, non me penitet*, præsertim Confessor Monialium meminerit illud Eccl. 7. *Filiæ tibi sunt, serva corpus earum, & non astendas hilarem faciem tuam ad illas*: quod maximè servabit in Confessionali: dæmon enim ab his incipit, ut ducat ad pejora. Idcirco cavebit ab omni verbo, & actu minùs decente sanctitatem tanti sacramenti, memor, quod de quolibet verbo minùs honesto potest, & debet denunciari tanquam Sollicitator.

3 D. Quæ sunt peccata contra Affabilitatē?

M. Oppositum per excessum est, quando  
quis

quis plus quam decet (habita ratione loci, temporis &c.) vult in conversatione delectationem afferre proximo; Et si fiat ob utilitatem, quam sibi inde sperat, dicitur *Adulatio*; si ob delectationem, quam experitur in placendo, dicitur *Blavditia*, seu *Blandimentum*. Oppositum per defectum vocatur *Litigium*; quo verbis non veremur contristare, plus quam decet, proximum. Si hoc in verbis oriatur ex defectu charitatis unientis animos, est *Contentio*, de qua c. 14. n. 9. si ex eo solum, quod non curo contristare proximum, opponitur Affabilitati.

4 D. Quid sunt Liberalitas, & vitia opposita, de quibus S. Th. q. 117. 118. & 119.

M. S. Aug. l. 2. de lib. arb. c. 19. ait pertinere ad virtutem benè uti his, quibus possumus malè uti; Hinc distinguuntur diversæ virtutes, quia diversis rebus malè, vel benè possumus uti. 1. Virtus Fidei, quia possumus benè, vel malè credere. Credit malè, qui credit aliquid ut renelatum à Deo, quod non est, vel è contra: 2. Spes quia possumus benè, vel malè sperare, præsumendo plus quam deceat de Misericordia, & Omnipotentia Dei &c. Eodem modo differe de reliquis. Cumque pecunia, & bonis externis benè, vel malè possimus uti, ideò Philosophi, ac Theologi Morales agnoscunt Liberalitatem, ut Virtutem, qua inclinamur ad benè utendum pecunia (quo nomine veniunt omnia bona, quæ pecuniâ possunt estimari) Ex duplici capite annectitur *Iustitiæ*: 1. quia est ad  
alte-

alterum: 2. quia est circa res exteriores, ut Justitia; & deficit ab ea etiam ex duplici capite: quia Liberalis non respicit debitum alteri, sed quod est conveniens sibi: nec enim donat juxta necessitatem beneficiati, sed juxta propriam commoditatem; 2. quia non attendit debitum rigorosum, sed convenientiam.

5 D. Qui sunt actus proprii Liberalitatis?

M. Ex S. Th. q. 117. art. 3. ad 3. primus est moderari passiones internas circa pecuniam, ut, neque nimis, neque minus appetatur, quaeratur, retineatur, aut profundatur: secundus, inter externos principalis, ut effundatur in usum proximi, tertius, ut expendatur in usum habentis ipsas; hic debet praecedere alium tempore, sed ille, utpotè perfectior, respectu virtutis est principalior, maximè, quia supponit unumquemque sibi providisse, ut decet: nec enim esset verus actus virtutis, si quis, quando debet, oblivisceretur sui, ut provideret aliis: quartus est, mediis licitis, & convenientibus cujusque statui, providere, & conservare pecunias ad effectum expendendi, & erogandi. Art. 4. ad 3. ponit duos versus explicantes naturam Liberalis.

*Si quis in hoc mūdo vult multis gratus haberi*

*Det, capiat, quaerat, plurima, pauca, nihil.*  
quare debet curare fructus suarum possessionum, sed nihil ab aliis petere.

6 D. Quod est vitium contrariè oppositum per excessum Liberalitati?

M. Pro-



M. *Prodigalitas* habens magis dare, quàm deceat, attentis circumstantiis. In hoc excedit, & deficit in retinendo, seu conservando: nec enim conservat, quando debet. S. Th. q. 119. Hæc de Prodigalitate sufficiunt: In facti cōtingentia sæpe conjungitur peccatis mortalibus, & præsertim contra Castitatem. Vide ergo, ad quem finem prodegerit sua, ut habeas perfectè statum Pœnitentis.

7 D. Quomodò vocatur peccatum per defectum oppositum Liberalitati?

M. Avaritia, quæ deficit in dando, & excedit in retinendo. S. Th. q. 118. Neque hoc ex genere suo est mortale, ut p. 1. c. 34. n. 6. si non sit conjuncta violationi virtutis obligantis ad mortale, quod ordinariè contingit, ideò exquirere, nùm, nimis excedendo in amore, ac retentione pecuniæ, violaverit justitiam, negando, aut differendo mercedem operariis; charitatem, retinendo sua in necessitate proximi. Præterea ex Avaritia, ut Vitio Capitali, habent ordinariè oriri plura vitia. Quæ prudenter illa.

8 D. Quæ sunt filiæ Avaritiæ?

M. Prima est *Proditio*, ut ex avaritia Christum Judas prodidit; & importat plusquam unum specie peccatum: Injustè enim proditur patria, amicus &c. unde simul involvit injustitiam, & fraudem contra personam: Secunda *Fraus*. Ex c. 16. nu. 5. Fraus consistit in factis; & est genus comprehendens fraudem, de qua  
ibi,

ibi, & fraudulentiam in emptione, & venditione, da qua c.27. n.2. Tertia *Fallacia*, seu *Dolus* consistens in verbis, de quo cap.16. n.5. & c.40. n.7. Quarta *Violentia*, de qua c.24. n.8. Quinta *Perjurium*, de quo c.36. n.9. Sexta *Inquietudo* includens duo genera peccatorum, Sollicitudinem temporalium, & Sollicitudinem futurorum, de quibus c.16. n.7. & 8. Septima *Obduratio contra Misericordiam*, seu *Obstinatio*; Continetur sub quarta ex blasphemiiis in Spiritum Sanctum adductis c.4. n.12. Nam ibi dicitur Obstinatio in omni genere peccati, & hic specificatur Obstinatio contra Misericordiam, peccatum dono Sapientiæ oppositum, & omninò inhumanum, estò enim humanum sit aliquando non misereri, bestiale tamen est obfirmare animum contra Misericordiam.

9 D. Quas pœnitentias imponã se accusanti de peccatis contra prædictas virtutes. Affabilitatis, & Liberalitatis?

M. Motiva ad primam collige ab excellentia charitatis fraternæ, ut Catech. pa.4.ca.9. à n.14. ad 18. Vitia opposita liberalitati redargue ex necessitate faciendi eleemosinam, ut ibidem p.3. c.8. à n.16. Contra prodigalitatem considera n.19.

## C A P U T XLIII.

*De Dono Pietatis correspondente Justitiæ.*

1 **T**Riplici adhuc questione S.Th.integrat tractatum de Justitia, Virtutibusque annexis. In 120. agit de Epicheja, de qua c. 18. n. 3. quia est pars subjectiva Justitiæ legalis; quare simul cum hac fuit tractata. In 122. de præceptis Decalogi, quæ continent materiam Justitiæ, cæterum, quæ nos obligent virtutes sub præcepto, & ad quos actus, & quos prohibeant, dictum est suis locis. Unicè restat dicere circa donum Pietatis, de quo q. 121.

2 **D.** Quid est Pietas donum?

**M.** Habet respicere Deum, ut Patrem nostrum, qui nos lavacro regenerationis adoptat in filios, ut simus hæredes Dei, & cohæredes Christi. Nulla virtus Moralis habet colere Deum ut patrem: Religio colit ut Creatorem, & Dominum: Pater fit nobis per charitatem, quæ diffunditur in cordibus nostris per Spiritum Sanctum; Et ita habemus posse Deum colere ut patrem ex dono Spiritus Sancti, quod vocatur Pietas. Ut ex virtute Pietatis tendimus in omnes conjunctos patri danti nobis esse filii, sic ex dono Pietatis respicimus omnes conjunctos Deo in ratione filii adoptivi, quos consideramus ut fratres, præcipuè Sanctos ita Deo conjunctos, ut jam actu, & inamissibiliter

ter possideant plenitudinem hæreditatis.

2 D. Qui fructus, & Beatitudines correspondent huic dono?

M. Ex fructibus directè correspondent quintus, & sextus, nempe, *bonitas* accepta pro benevolentia, & *benignitas* pro beneficentia. Indirectè octavus, nempe, *Mansuetudo*. Circa beatitudines ponderanda est Angelici reverentia singularis erga suum Magistrum Augustinum. Ordine scientifico deberet correspondere quarta, & quinta; *Beati qui esuriunt, & sitiunt justitiam* &c. *Beati misericordes* &c. sed ut sequatur Augustinum, ponit eidem correspondere secundam, nempe, *Beati mites* &c. Hi sunt perfecti actus doni Pietatis.

4 D. Affer peccata opposita?

M. S. Th. meminit q. 159. a. 2. ad 1. solum unius peccati dono Pietatis oppositi, quod est *Crudelitas*. Ex p. 1. c. 34. n. 8. peccata bestialia, & inhumana opponantur donis. Pietas. Correspondet Justitiæ, Virtutibusque annexis: quare peccata his opposita, si veluti sint brutalia, erunt contra donum. Tale erit fortè peccatum, quo quis occidit mercenarium, qui petit à se mercedem sui laboris, ut hodie vivat, cum debitor commodissimè possit solvere. Contra Religionem, si quis verè credens Christum contineri sub speciebus Eucharisticis, ut illum injuriaret, canibus Eucharistiam manducandam projiceret, &c. Superfedeo alia explicare. Nam peccata brutalia erant innominata toti

Phi-



Philosophiæ Morali Gentilium: & erubescome Theologum supponere inter fideles peccata, quæ nec Æthnici poterant cogitare. Ut ut sit, ideò sunt rarissimè contingunt; supra sphæram hujus operis.

## CAPUT XLIV.

*De Fortitudine, ut est Virtus, & Donum, Vitiisque oppositis, Tertia Virtute Cardinali, & Dono Spiritus Sancti, Vitiisque oppositis.*

**P**ost virtutes Theologales, necnon Cardinales, Prudentiam in intellectu, & Justitiam in voluntate, progredior ad Fortitudinem & Temperantiam moderativas passionū, quia omnia ferè peccata experimur oriri ex harū inordinatione, quibus appetitus sensitivus excitatur, & trahit voluntatē ad suum objectū taliter, ut, passione extincta, sæpè stupeamus, & gemamus nos adeò fuisse debiles; & tunc diffundimur in mille proposita potius in posterum moriendi, quàm peccandi, sed reviviscente passioe relabimur; Id, quia virtute non didicimus moderari passiones. At quomodo Magister Moderationis erit Confessor, qui pænitus ignorat, quomodo moderandæ veniant, carens judicio *per quandam connaturalitatem*, quia in se non moderatur; & judicio *per rationis inquisitionem*, utpotè qui non attingit scien-

320 *Instruct. ad Conf. Cap. XLIV.*  
scientiam Fortitudinis, & Temperantiæ.

2 D. Istæ virtutes ambæ nè indiscriminatim moderantur quaslibet passiones?

M. De Temperantia dicetur suo loco: Fortitudo moderatur quinque passiones Irascibilis, nempe, Spem, Desperationem, Timorem, Audaciam, & Irum, de quibus p.1. c.32. n.4.

3 D. Quid est Fortitudo?

M. Nomine fortitudinis 1. accipiunt quandoque Patres firmitatem animi in quolibet opere virtuoso. In hoc sensu non est specialis virtus, sed generalis conditio virtutis. Nam quælibet ex sui natura habet firmiter operari: quòd homo deficiat aliquando, non ex defectu virtutis procedit, sed ex hominis mutabilitate. S.Th.2.2.q.61.a.4.&hic q.123.a.2.;secundò importat firmitatem animi ad sustinenda,&repellenda quædam pericula graviora. Hoc modo est tertia Virtus Cardinalis, habens sub se alias virtutes distinctas, & annexas, ut de Iustitia fuit offensum; & distinguuntur juxta diversa in gravitate pericula sustinenda, & repellenda. In hoc sensu de hac agit S.Thom. à q.123. ad 141. simul explicans fortitudinem; prout est donum Spiritus Sancti. 3. accipitur pro virtute nobilissima inter moderativas motuum Irascibilis;& hæc est una specie tantum; de illaque S.Th. q.123. & 124.

4 D. Quomodò dignoscitur excellentia virtutis hujusce?

M. Præ omnibus maximè timere debemus  
peri-

pericula mortis : quare nobilissima est virtus , quæ habens ita moderari passiones circa hæc pericula , ut ob bonum virtutis aggrediamur magna, vel sustineamus , etiã cum periculo vitæ, facit ne nimis timeamus mortē: & moderatur audaciam, nè aggrediamur plus, quàm dicet ratio . Porro se morti exponere ob bonum virtutis , utpotè difficile , est etiam valdè nobile , sed adhuc dari potest aliquid excellentius : qui se morti exponit, ut charitativè subveniat peste infectis ; quia hoc est valdè difficile , etiam est valdè bonum ; sed, quod maxime refugiunt homines, est, si cōgantur pati , & præcipuè mortem, eo , quia sequuntur virtutem. Qui suis peccatis promeretur mortem , virtuosè illam acceptat, & virtuosus Parochus, qui videns imminere sibi mortem, si suum exerceat officium erga infectum peste, contemnit , ne desit suo muneri , sed virtuosissimum est , si se exponat morti eò , quia hostes nolunt illum exercere suum officium , quod agnoscunt , esse virtuosum . Hic igitur actus , utpotè nobilissimus, est proprius fortitudinis, quæ primum locum obtinet inter virtutes moderativas Irascibilis .

5 D. Quæ est materia Fortitudinis?

M. Remota, sunt pericula mortis imminetia ob bonum virtutis ab eo , qui apertè dimicat contra virtutem , quia sequimur virtutem. Quare fortitudo exercetur in bello : quo nomine venit omnis impugnatio etiam privata ,

ob sequendam virtutem ; & si sit fortitudo Christiana , versatur circa pericula mortis imminetia ob bonum virtutis Christianæ, annexæ fidei , quatenus omnis Christiana virtus est quædam protestatio fidei . Materia proxima sunt quinque passiones Irascibilis . Sed principaliter moderatur Timorem, & Audaciam, quæ magis proximè concurrunt ad actus principales Fortitudinis .

6 D. Qui sunt hi actus principales ?

M. Sunt duo : aggredi pericula mortis ob bonum virtutis ; & eadem sibi imminetia sustinere usque ad mortem . Hic est principalissimus : Ecclesia recognoscit, qui hunc eliciunt , uti veros, & proprios Martyres, etiamsi miraculosè non sequatur mors, dummodò talia sint pericula, ut hic, & nunc, nata sint inferre mortem. Dicuntur aliquando Martyres , qui subvenientes peste infectis ex charitate , mortui sunt, ut in Martyrologio 28. Februarii. Colitur quasi Martyr S. Lucas , *qui crucis mortificationem jugiter in suo corpore, pro divini nominis honore portavit.* S. Martini anima dicitur *martyrii palmam non amisisse , & si eam gladius persecutoris non abstulerit.* Hi, habuerunt actum internum fortitudinis excellentissimum, sed non externum sustinendi mortem . Cujus gravitate , aliquando voluntas tetrocedit , ut habentes propositum non peccandi , ex tentatione retrocedunt. Nec item colitur ut martyr S. Chrysostomus : Utique obiit ob vexationes



nes sibi inflictas; At quia Imperator illum vexabat, credens reum, ex malis suggestionibus inimicorum, non impugnabat illum formaliter, quia sequeretur bonum virtutis, sed ex ignorantia facti, credebatur se iuste impugnare.

7 D. Ad quam virtutem spectabat horum sustinentia?

M. Ad Patientiam, de qua c.46.

8 D. Ad quam virtutem spectabat sustinentia Christianorum, exiliatorum, quia erant Christiani?

M. Ad fortitudinem: Et si tales erant ærumnæ, ut inde sequeretur mors illarum vi, erat actus perfectissimus fortitudinis. Si non tales, erit magis, vel minus perfectus, juxta majorem, vel minorem gravitatem periculorum, quæ patimur ob bonum virtutis.

9 D. Quid dicam de Militibus in bello?

N. Contra Tyrannum invadentem, quia odio habet bonum Reipubl. exercent primum actum Fortitudinis Politicæ, qui est aggredi. Contre Turcam invadentem, ut deleat nomen Christi, erit actus fortitudinis Christianæ, sed non perfectissimus, neque martirium, esto moriantur, quia armarum, & cum animo aggrediendi, se morti exponere, non est ita perfectum, ut inermem obviare.

10 D. Ut sit perfectus, requiritur ne, quod fortis delectetur in actu sustinendi?

M. Complures Christiani, alias pii, se in tribulationibus, existimant non esse fortes, aut

patientes, quia non cognoscunt se gaudere in illis; nonnulli, ab infirmo doloribus acutissimis vexato exigunt, ut gaudeat, vocantque impatientem, si motus aliquos doloris excitet. Ex q. 123. a. 8. non est necesse, quòd fortis, & patiens in tribulatione gaudeat: sufficit, quòd voluntariè non tristetur. Equidem voluntas dùm habet imperare, vel exercere actum virtuosum, habet etiam de illo gaudere, sed non, quando vehementiùs dolet corpus; quia dolor corporalis impedit voluntatem, ne exeat in actum gaudii: Si Sanctus aliquis visus est gaudere inter cruciatus, fuit ex Dei gratia speciali.

II D. Quæ integrant actum fortitudinis?

M. Quatuor: Magnanimitas, Magnificencia, Patientia, & Perseverantia. S. Th. q. 128. a. 1. Duæ primæ integrant actum aggrediendi: secundæ actum sustinendi. Aliquando assumuntur tanquã virtutes annexæ; sed in hoc sensu: loquar de illis c. 45. Magnanimitas est animus promptus ad subeunda quælibet, etiam magna pericula mortis: Magnificencia est susceptio voluntaria grandium periculorum mortis, quando illa debemus aggredi ob bonum virtutis, ita quòd ex eorum vehementia, in opere non desistat à magnanimitate, quam præferbat sine hoste. Quia dum sustinentur, illorum vi posset animus deflectere à magnanimitate, & magnificencia, quibus suscepit: 3. nè deficiat, necessaria est patientia. Et quia sæpè longitudo

gitudō tormentorum dejicit animum, quem dejicere non potuit gravitas, ad integrandum Fortitudinis actū 4. requiritur Perseverantia.

12 D. Obligat ne Fortitudo ad actum?

M. Obligat ad actum internum, seu ad promptam voluntatem, qua simus parati etiā subire pericula mortis, ubi unum ex duobus immineret, vel Deum offendere, vel mori. Vide p.1. c.13. n.2. nec enim tentandus est pœnitens; sufficit ista voluntas implicite, major appretiative erga Deum, licet intensivè sit major erga vitam. Ad actum externum obligamur in casu: Ex p.1. c.34. n.6. virtutes tunc obligant sub mortali, quando sine illis nequit salvari charitas; ergo si charitas esset perdenda, vel vita, obligaremur, sustinere mortem ab hostibus illatam ob bonum virtutis. Ideò dari potest casus, quòd Martyrium sit in præcepto.

13 D. Obligat ne tunc per se, vel per accidens?

M. Ex p.1. c.38. n.16. obligati per accidens ad aliquem actum, ubi omittimus, non tenemur explicare; & illa obligant per accidens, quæ obligant ratione alterius; Et obligamur ad actum fortitudinis ratione charitatis, aut alterius virtutis, quæ sit protestatio fidei Christianæ operantis per dilectionem, qua fides Christiana est: quare Christianus, qui timens occidi à Mahumetanis abnegavit fidem, non tenetur explicare, quòd omiserit fortitudinis actum, sed Apostasiam, & reliqua peccata.

14 D. Quando sub mortali obligaremur excusaretne parvitas materiæ?

M. Quòd Christianus teneatur ex præcepto ad actum fortitudinis, vix potest contingere inter Catholicos. Ex n.8. fortitudinis actus est non solum subire mortem ob bonum virtutis, sed etiam subire alia tormenta, & pericula minora, ita quod imperfectius sit subire minus periculū. Igitur fingamus in odium fidei, hostem tibi comminari a missionem duorum obolorum. Formaliter impetit bonum Fidei, vel alterius virtutis, quod est indivisibile, ideò vel totum perditur, vel nihil; & quò minus malum intentat, eò gravius peccas, non subeundo propter virtutem.

15 D. Quæ sunt peccata contra Fortitudinem?

M. Ex num. 6. duo sunt actus fortitudinis, *Aggredi*, & *sustinere*. Utrique sunt peccata contrariè opposita per excessum, & defectum. In actu sustinendi debemus principaliter moderari timorem, ita quòd nec excedamus, nec deficiamus in timendo mortem: Est enim timenda, sed moderatè, ita quòd vitam non exponamus, nisi quando est exponenda. Igitur peccatum per excessum oppositum huic actui est *Timor mundanus*. De quo c.9.n.2. S.Thom. q.125. Peccatum per excessum, vocatur *Impaviditas*, ratione cujus homo magis, quàm debet, exponit vitam propriam & bona temporalia. S.Th. q.126.



16 D. Quæ sunt peccata contra actum Aggrediendi?

M. Peccatum per defectum S.Th. relinquit innominatum: Cajetanus nominat *Vecordiã*, qua homo, ut debet, & potest, sive per se, sive per alios, deficit in audendo ad aggrediendum: Peccatum per excessum, retinet sibi nomen *Audaciæ*. 8.Th. q.127.

17 D. Peccata, his duobus actibus opposita; sunt nè mortalia ex genere suo?

M. Ex p.1. c.34. n.6. non sunt, nisi in casu, quo fortitudo sub mortali obligat: Prohibentur per accidens, ut n.2.

18 D. Quid est Fortitudo donum Spiritus Sancti?

M. Ex n.11. virtuti Fortitudinis, ut pars integralis, est assignata Magnanimitas, seu prompta voluntas aggrediendi, & sustinendi pericula mortis (quæ sunt maxima, & omnium terribilia) ob bonum virtutis. At ista de se non habet excitare ad hanc partem integram, neque ad tres dependentes, nam principale incitamentum, quo ferimur in tormenta, est spes per illa perveniendi ad felicitatem. Infirmus eligit medicinas, ferrum, & ignem, spe sanationis, qua si destituatur, recusat omnia. Virtus igitur non potest excitare ad magnanimitatem, & reliquas partes in subeundis periculis usque ad mortem, quia mors tollit omne bonum. Sed in homine iusto Virtutes Theologicæ ostendentes illi deberi vitam æternam, in

qua gaudebit perfectè de victoria, etiamsi moriatur in præsentì, imperant hanc animositatem, seu fiduciam subeundi mortis pericula, cum tribus aliis partibus integralibus; & ut inclinetur homo ad hos quatuor actus, movet Deus hominem per donum Fortitudinis.

19 D. Qui fructus, & quæ Beatitudo correspondet huic dono?

M. Quarta: *Beati qui esuriunt, & sitiunt justitiam*. Est enim valdè arduum habere insatiabile desiderium justitiæ, seu sanctitatis. Ex fructibus correspondent Patientia, & Longanimitas.

19 D. Obligaturne Christianus aliquando ad actum doni Fortitudinis?

M. Si obligatur ad actum Virtutis, debet 1. animari, 2. subire pericula mortis; 3. in illis se habere patienter: 4. longanimitè: omnia hæc ex dono; nam debet moveri ob finem charitatis perfectæ, saltem obtinendæ.

20 D. Quæ sunt peccata contra hoc donum?

M. Utpotè bestialia, & inhumana, sunt innominata. Finge quidquid inhumanè timet homo, nè sæculi voluptatibus privetur; alias certus de vita æterna, quàm operatur momentaneum, ac leve tribulationis nostræ pondus.

21 Cum nullæ sint Theses prohibitiæ circa Fortitudinem, nec censura, scito, quòd pauci peccant peccato Audaciæ, aut Intimiditatis; & qui peccant, sæpissimè suo ipsi damno corriguntur. Frequentiùs peccatur peccato Timoris

ris mundani: quæ istis ad pœnitentiam motiva debeas inculcare, habes c. 10. n. 5.

## CAPUT XLV.

*De Magnanimitate, & Magnificencia  
Virtutibus Fortitudini annexis,  
Vitiisque oppositis.*

1 **Q**uia præter pericula mortis, dantur alii casus ardui, in quibus oportet moderari passiones Irascibilis, præcipuè Timorem, & Audaciam, dandæ sunt Virtutes Moderativæ; Aggredi possumus opera, quæ promittant honores magnos, vel quæ, ut compleantur, exigant sumptus magnos. In his aggrediendis moderandæ sunt spes, Audacia, & Timor, nè audeamus suprâ vires, & nè nimis dejiciamur. Ad hoc sunt duæ virtutes, Magnanimitas circa honores magnos, & Magnificencia circa sumptus magnos. Philosophi plures virtutes annectunt Fortitudini: S. Th. reducit ad quatuor: Duæ primariò reprimunt Audaciam, *Magnanimitas*, & *Magnificencia*; duæ primariò Timorem, *Patientia*, & *Perseverantia*. *Constantia*, & *Longanimitas*, nominantur frequenter: Disputamus de metu cadente in constantem virum: Longanimitas, connumeratur inter fructus Spiritus Sancti. Sed potes comprehendere sub illis quatuor; S. Th. de Constantia q. 137. a. 3. de Longanimitate

mitate q. 136. art. 5. de fiducia, & securitate q. 129. a. 6. & 7.

2 D. Quomodo Magnanimitas tendit in magnos honores: si hos quærere est peccatum?

M. Quærere falsos est peccatum: quærere veros, virtuofum, dummodo quærantur, moderatè, ac fecundariò: quid magis honorabile, quàm esse filium adoptivum, & hæredem Dei, ac cohæredem Christi? De hac excellentia in fociis, testimonium, seù honorem (honor est signum attestativum excellentiæ) reddunt in patria singuli Sancti, per amorem, per glorificationem &c. Imò, & hic in via testimonium reddit sæpè Deus per miracula. Falsus honor est, qui non fundatur in virtute. Verum omnes possumus, & debemus quærere, fecundariò tamen, non primariò: Debemus primariò quærere charitatem in via, visionem in patria, ad quæ sequitur honor ille cœlestium civium &c. Et ita primariò tendentes in causam, fecundariò tendimus in effectum, & tendentes in maximam charitatem, tendimus in maximum honorem.

3 D. Licetne tendere in mediocres?

M. Dummodo sint veri, & fecundario quæsiti, licet; Porro ad mediocres tendimus per virtutem à Magnanimitate distinctam, & innominatam, quæ dici potest Philotimia. S. Th. q. 129. art. 2. Quare autem sint distinctæ virtutes, vide c. 14. n. 2.

4. D. Virtus Christiana in id tendit, ut quis-



quisque despiciat se ipsum per humilitatem .

M. Virtutes omnes invicem sunt connexæ veluti sorores; Magnanimitas Christiana erigit spem , ut per moderatam audaciam tendat ad magnos honores, qui sunt possibiles magnanimo non cōsiderato secundū vires proprias, sed secundum vires sibi à Deo collatas per gratiā; quod enim possumus per amicum , simpliciter possumus ( præcipuè per Deum amicum , qui nunquam deserit hominem, nisi prius deseratur ab homine) Humilitas autem reprimat spem, nè præsumat homo tendere ad magna per proprias vires . Ideò quisque debet esse humilis , considerando se ex se nihil posse: debet indignum se reputare veri honoris , quia illum meretur ex gratiā Dei . At si cognoscat in se aliquid ex Deo, cum summā humilitate, potest exigere sibi honores convenientes ratione talis doni: v.g. Episcopus potest exigere honores Episcopatus à Deo sibi concessio debitos .

5. D. Quæ sunt proprietates Magnanimi ?

M. Plures affert S. Th. totā q. 128. præsertim a. 3. ad 4. Vide illum .

6. D. Obligatnè Magnanimitas sub mortali ?

M. Aliquando, ut c. 44. n. 12. ad martyrium: sed ad magnum, ut magnum hic, & nunc, ( quod respicit Magnanimitas ) non possumus obligari, quia non dicitur hic, & nunc magnum, nisi quod est supererogationis , non necessitatis .

7. D. Quæ

7. D. Quæ sunt vitia contrariè per excessum opposita Magnanimitati?

M. Ex n.2. Magnanimitas duo respicit: primariò opera magna: secundariò honores magnos consequentes ad opera; ex quibus tertiò respectu aliorum sequitur gloria, seù clara notitiâ illius, qui exercuit opera magna; Possumus excedere in omnibus his tribus.

8. D. Quod est peccatū excedens in primo?

M. *Præsumptio*, per quam homo suprà vires suas, vel à Deo suppeditatas, erigit animum, ut audeat ad magna. Distinguitur à præsumptione oppositâ Spei Theologicæ, ut c.10. n.4. nam hæc præsumit ad obtinendum Deum: illa ad obtinendum, quæ sunt magna extrâ Deum. Hæc de se non est peccatum mortale. Vide p. 1. c. 34. n. 6. S. Th. q. 132.

9. D. Quod est peccatum excedens in secundo?

M. *Ambitio*, quæ est appetitus inordinatus honoris: Ex n.3. honor mediocris est objectum Philotimiæ: magnus Magnanimitatis: Quia hæ sunt virtutes distinctæ, etiam Ambitio primæ opposita erit distincta specie ab Ambitione oppositâ secundæ: Ex p.1.c.34.n.7. vtraque est subdividenda in quatuor species. 1. est appetitus falsi honoris: 2. si appetamus verū, quē non meremur: 3. si quem meremur, appetamus, ut debitum absoiutè nobis, non ex gratiâ Dei, 4. si quiescamus in ipso, tanquam in fine. S. Thomas q. 131.

10. D. Qui nam est verus, qui falsus honor?

M. P. I. c. 31. n. 5. stabilitum est delectationem sequi naturam actus: ita erit verus honor, qui sequitur ad actum bonum: ille falsus qui sequitur ad actum malum. Eritque peccatum quærere honorem, qui sequitur ad actum peccaminosum.

11. D. Hi modi appetendi honorem, suntne ex genere suo peccatum mortale?

M. Ex p. I. c. 34. n. 6. non erunt mortalia ex genere suo, sed solum, quando ex aliis capitibus appetitus honoris habet destruere charitatem.

12. Ultimus modus videtur semper peccatum mortale: nam ex p. I. c. 37. n. 9. quiescere in creaturâ, tanquam in fine ultimo, est peccatum mortale?

M. Peccamus, quiescendo in honore, tanquam in fine proximo. Creaturarum nulla potest amari ut finis ultimus. At quædam, ut finis proximus: quædam unicè, ut medium, & est peccatum quiescere in illis, tanquam in fine proximo: Quæ ex sui naturâ dicunt rationem boni honesti possunt amari, ut finis proximus: quæ sunt indifferentia, ut amentur honestè, vel inhonestè, unicè possunt amari, ut media ad bonum honestum. Divitiæ, honor &c. indifferentè amari possunt, honestè; vel inhonestè; propterea debent unicè amari ut media. Proximus, virtutes &c. amantur honestè; ideo  
pos.

possunt amari ut finis proximus ; qui vel quò, ut singulis convenit .

13. D. Quod est peccatū excedens in tertio?

M. Inanis gloria . Hæc potest appeti, ut ex n. 2. honor , & iisdem modis , quibus ex n. 9. peccamus in appetendo honorem , peccamus in appetendo gloriam , S. Thomas q. 132.

14. D. S. Greg. enumerat inanem gloriam inter vitia capitalia ; quare erunt octo ?

M. Reverentèr sunt suscipienda Sanctorum dicta , & piè sunt exponendi , ubi videntur scripsisse contra communem sensum ; Innocent. XI. prohibet censurari Theses adhuc disputatas inter Catholicos Modernos , estò in illis non nemo fortè sit laxior ; quantò minùs debes notare Sanctos Patres , qui , velis , nolis , à Deo positi sunt Magistri totius Christianæ Moralis , saltèm quoad principia , licet non individuent casus particulares peccatorum , qui sunt infiniti , & refrigescite in dies charitate , ab eorū temporibus ad nostra creverunt , & numero , & gravitate , ut c. 2. n. 4. ubi audisti graviora quædam peccata etiam ipsis Philosophis innominata , & tamen hodie committuntur non infrequentèr , Igitur SS. PP. dicta , & principia venerabilius debent suscipi , quàm doctrina Philosophorum , ubi agitur de virtute Morali , & Christianà . Ita procedit S. Th. q. 132. a 4. Ait aliquos ponere superbiam , ut primum vitium capitale : Juxtà hos quatuor vitia capitalia sunt mortalia ex suo genere . S. Greg. posuit super-



superbiam, ut universalem radicem omnis peccati, etiam capitalium, & inanem gloriam, ut primū capitale vitium. In quā acceptione tria tantū ex capitalibus erunt mortalia de naturā suā: nām inanis gloria, utpotè opposita Magnanimitati, non est talis. Et juxtā p. 1. c. 34. n. 6. ex S. Th. 1. 2. q. 84. a. 4. quæ ponitur capitale vitium includit ambitionem.

15. Credebam Theologiam Moralem esse desumendam ex Modernis, nullo habito respectu ad Patres. Video recurrendum ad illos pro principiis, & studendum Modernis, quatenus ex regulā universali Patrum decidunt casus particulares. Ita procedens erit ille pater familias, qui Mart. 13. *profert de thesauro suo nova, & vetera*. Assignā jam filias *Inanis gloriæ*.

M. *Septem*. Prima est *Inobedientia*, de quā c. 38. n. 16. Secunda *Fastidia*, de quā c. 40. n. 7. & S. Th. q. 112. præsertim a. 1. ad 2. Tertia: *Hypocrisis*, de quā c. 40. n. 10. Quarta: *Contentio*, de quā c. 14. n. 9. Quinta: *Pertinacia*, de quā c. 47. n. 6. Sexta *Discordia*, de quā c. 14. n. 8. Septima: *Præsumptio novitatum*. De Præsumptione dictum est n. 8. Filia Inanis gloriæ est ista specialis *Præsumptio novitatum*; quare non genus, sed species conflata, ex actu, & materiā, circā quam versatur, oritur ab Inani gloriā.

16. Ex S. Th., qui Patrum omnium in suā Summā est compendium, explica peccata contrariè per defectum opposita?

M. Unicum nominat per defectum contrariè

riè oppositum Magnanimitati (eodem nomine vocatur oppositum Philotimiæ) & est *Pusillanimitas*. Peccat hoc peccato, qui habens vires (præsertim à Deo sibi collatas) ad aggrediendum opus magnum, & magno, ac vero dignum honore, deiicit spem suam, nè audeat aggredi, quando debet, pensatis omnibus circumstantiis: Humilitas facit non aggredi, considerando vires nostras; at si Superior præcipiat, in utilitatem proximi, acceptare Prælaturam; si tunc nos deiicimus ad non sperandum Dei auxilium, & recusamus, id procedit ex vitio Pusillanimitatis; quod tamen ex suo genere nõ est mortale, ut oppositum Magnanimitati.

17. D. Quid est Magnificencia,

M. Habet tendere in magnos sumptus, erigendo spem, ut audeat opera, in quibus exequendis necessariae sunt magnæ pecuniæ. Sicut ex c. 14. n. 2. Synesis distinguitur à Gnome, & ex n. 3. Philotimia à Magnanimitate, ita Liberalitas, de quâ c. 14. à n. 4. à Magnificentiâ: Hec sicut Magnanimitas habet actum internum, quo quis, v.g. vult erigere magnum templum; & hic actus potest etiam esse in paupere, in quo tamen nequit esse actus externus, qui est consumere magnas pecunias in erectionem magni operis. Si habes dirigere pœnitentem prædivitem, ad opera magna, lege S. Th. q. 134.

18. D. Quæ sunt vitia contra Magnificentiâ?

M. Peccatum per defectum dicitur Parvificencia; quando quis vel aggreditur magnum opus,

opus ; at in eo non volunt consumere magnas opes, quales sunt proportionatæ magnitudini operis , vel desistit ab aggrediendo , ne faciat magnas expensas. Peccatum per excessum à S. Th. vocatur *Consumptio*. Consistit in eo, quòd homo consumat magnas pecunias excedentes omninò dignitatem operis . Nullum horum ex suo genere est mortale peccatum .

19. D. Quas Penitencias imponam violentibus duas prædictas virtutes ?

M. Rarissimi possunt exercere actus externos Magnanimitatis, & Magnificentiae, sed frequentissimi peccant tribus peccatis contrà Magnanimitatem, Præsumptione, Ambitione, ac Vanaglorià. Præsumptio regnat principalitèr inter Ecclesiasticos adspirantes ad beneficia cum curà animarum . Tamen , affecuti declamant contrà aspirantes: Credo, nō, quòd optent perpetuari in Prælaturà, sed quia experiuntur gravitatem oneris; & charitativè student alios eximere : sed, & pauci se accusant de hac præsumptione . Ambitione, ac Vana gloria : Lege caput sextum Matthæi , ubi sermo Christi totus est contrà hæc peccata , Memento verbum illud : *Amen dico vobis , quia receperunt mercedem suam .*



## C A P U T XLVI.

*De reliquis duabus Virtutibus, Fortitudini annexis, nempe, Patientiâ, & Perseverantiâ, Vitiisque oppositis.*

1. **P**Ræcedentes duæ Virtutes versantur circa actum aggrediendi, & erigunt Spem, ut audeat bona difficilia. Iste versantur circa actum sustinendi, & elevat Timorē, ne succumbat Irascibilis in malis difficilè superabilibus. Licet circa hæc mala diversæ possint versari virtutes, omnes tamē sub his comprehendimus ex ratione traditâ c. præced. n. 1.

2. D. Quid est *Patientia*?

M. Ex S. Th. q. 136. *Est rerum arduarum, ac difficilium constans, atque diuturna perpassio*; Verus illius habitus debet oriri ex habitu charitatis, & gratiæ sanctificantis, ad differentiam aliarum virtutum moralium, quarum habitus potest esse in peccatore ( licet non sub ratione perfectæ virtutis ) Hujus differentiæ ratio est subtilior. Legatur S. Th. a. 3. simul cum Cajetani commentariis. Vides non esse verè patientem, qui ad recuperandam sanitatem, sustinet ferrum, sustinet ignem.

3. D. Obligatnè aliquando sub mortali vera Patientia?

M. Debemus omnes sub mortali esse dispositi ad sustinenda mala, quæ bonis imminere possunt.



possunt, ut conservemus charitatem, & non peccemus mortalitèr. Ut tamen constat ex p. 1. c. 13. n. 2. & hìc c. 2. n. 12. non est necesse, imò periculosum tentare hominem de singulis malis. Circà externum actum, tunc obligamur sub mortali ad sustinenda patientèr mala, quando sine isto actu non posset servari charitas, juxtà p. 1. c. 34. n. 6. ideò ex p. 1. c. 38. n. 16. obligamur per accidens.

4. D. Quæ sunt vitia opposita?

M. Peccatum per defectum est innominatū. Quod est per excessum dicitur Impatientia, nec ultrà de his agit S. Th. Unū scito. Patientia est virtus maximè necessaria omnibus, & singulis, Principibus, subditis, pauperi, diuiti, religioso, sæculari &c. Illius excellentiam docet S. Cyprianus, in lectionibus quartæ Dominicæ post Pascha.

5. D. Quid est Perseverantia?

M. Sumitur duplicitèr: 1. pro actu finali; quem homo ponit, v. g. agendo de fine universali hominis, perseverat, qui ultimum suæ vitæ actum liberum ponit in gratià Dei, ita quod salvetur. Agendo de fine particulari, perseverat, v. g. peregrinus, qui, causà voti, susceptà peregrinatione Hierosolimitanâ, ponit actum ultimum, qui est visitare loca sancta; & generalitèr homo perseverat in aliquo, quoties habens intentionem de fine, ad quem sunt necessaria plura media, ponit finem ipsum: si non ponat, estò ponat medium proximum, non di-

citur perseverare. In hoc sensu perseverantia non est virtus, sed circa finem universalem est donum speciale Dei, quod de condigno mereri potest nemo quantumcumque perfectus. Gratia santificans, estò intensissima, ex sui naturà, nunquam exigit, ut ponatur hic ultimus actus; quare, supposità etiam gratià sanctificante procedit ex ulteriori beneplacito Dei, quòd ponatur hic ultimus actus: 2. accipitur pro habitu, quo Irascibilis inclinatur ad sustinendas difficultates, quæ incidunt in diuturnitate benè operandi. Hujus virtutis actus est propositum necessarium in Sacramento Pœnitentiæ non amplius peccandi, & quo vult conservare gratiam Dei, non obstante qualibet gravissima tentatione, reprimitque Timorem non resistendi, à quo deicitur. Actus internus est propositū sustinendi hanc difficultatem: Externus, ipsa perpeffio, de quorum obligatione dic., ut n. 3. de Patientià. S. Th. q. 137.

6. D. Quæ sunt peccata contrariè opposita Perseverantiæ?

M. A S. Thom. q. 138. a. 1. peccatum oppositum per defectum vocatur *Mollities*, non quæ est opposita Castitati, sed per quam homo nolens vivere diù absque delectatione cedit difficultatibus, quas incurrit in exercitio bonorum operum: Oppositum per excessum vocatur *Pertinacia* Hæc in eo consistit, quòd homo ita suo sensui adhæreat, ut nolit cedere, quibus debet. Nullum ex his de naturà suà est mor-

mortale, sed vide, an cum illis adhuc servetur charitas, vel non: Peccabit mortalitèr ille pertinax, v.g. qui sub mortali obligatus alteri cedere, non cedit. Obligatur homo subjicere suum intellectum definitioni Ecclesiæ; si ergo contrarium teneat, ubi scit extare definitionē est completiva hæresis. Tenetur Christianus subjicere suam voluntatem Papæ obediendo; si ab obedientia se subtrahat, nolens obedire, est pertinacia completiva Schismatis. Ordinariè pertinacia est cum omni peccato formali Inobedientiæ. Ideo pœnitens explicare debet materiam, circā quam est pertinax. Omnis excommunicatio, major præcipuè, punit Contumaciam, seu Pertinaciam. Peccatum hoc de sui naturā est aptum sus deque vertere omnē Remp. Ideo remove illud, præcipuè à Monialibus, à Religiosis, & ab Adolescentioribus, estò delinquant in minimo: nam nisi coerceantur, adolescunt in gravissimas quasque perturbationes, etiam Schismatis, Rebellionis, & Hæresis.

## C A P U T XLVII.

*De Temperantiā in genere, ejusque partibus integralibus.*

1. **U**Ltima Virtutum Cardinalium est Temperantia, residens in appetitu concupiscibili, & quoad se, & quoad plures virtu-

tes sibi annexas. Hujus maximè notitia est necessario: nam plurima peccata consistunt in violatione hujus. De hac in genere, illiusque partibus integralibus, & vitiis oppositis S. Th. q. 141. ad 146.

2. D. Quid est Temperantia?

M. Nomen hoc dupliciter accipitur: pro moderatione, seu temperie, quam ponit homo circa actus sui appetitus. Hoc modo est conditio generalis cujuslibet actus virtuosus: Ut enim sit virtuosus actus, debemus ita refrænare appetitum, quòd neque nimis, neque parùm feratur in suum objectum: 2. pro virtute speciali, refrænante appetitum concupiscibilem circa delectationes, gustus, & tactus S. Th. qu. 141. a. 1. 2. 3. & 4. Si quæ aliorum sensuum delectationes indigeant refrænari, de consequenti, non principaliter illas Temperantia moderatur, ut quòd non nimis appetantur odorosa &c. S. Th. a. 4. ad 4. Delectationes spirituales, utpotè bonæ secundùm se, sunt frænandæ, per accidens, quatenus homo v.g. debet relinquere delectationem, quã percipit in studendo, ut applicet se delectationi, quæ percipitur in orando.

3. D. Quam regulam tenebo in refrænando concupiscentias, & desideria delectationũ?

M. Eadem mensura nequit assignari omnibus: nam, v. g. cibo, & potu, alius indiget majori, alius minori nutrimento. Circà delectationes tactus, solutus à matrimonio debet abstinere ab omni delectatione contrà Castitatem.



tatem . Ex conjugatis , alius propter complexionem,vel propter instantiam conjugis, indiget frequenter exquirere, alius raro. Igitur eâ regula est servanda , ut appetantur quantum hîc, & nunc ratio dicitur , considerata complexione, conditione, statu &c. Memento ex p. 1. c. 31. n. 5. quod delectatio sequitur naturam actus:quare ubi nullus actus est ponendus,neque delectatio est expetenda: ubi actus moderatus,delectatio moderata:ubi actus perfectus, perfecta delectatio est expetenda . Omne desiderium delectationis debet frænare solutus à matrimonio.*Propter solos filios gigendos*,ut ait Aug. debet homo nubere, sed plurimum confert ad perfectionem generandi delectatio vehemens (intrâ limites humanæ ) Communiter dicitur,quod à patribus doctis,& studiosis nascuntur filii stolidi, quia patres absorpti à delectatione spirituali,minùs incumbunt sensuali;Etiam qui nascuntur illegitimi ex thoro furtivo , nascuntur ordinariè imperfecti : nam timor , nè detegantur in fragranti, reprimit vehementiam delectationis à naturâ constitutæ, ad perfectionem generandi .

4. D. Obligatnè sub mortali virtus Temperantiæ ad suos actus ?

M. Temperantia est genus sub se continens quatuor species , de quibus postea, ideò satisfaciam , cum agetur de singulis .

5. D. Quæ sunt peccata contrariè opposita Temperantiæ ?

M. Peccatum excedens in frænando vocatur infesibilitas Et qui, ait S.Th. q.142.a.1. *in tantũ delectationẽ refugeret, quòd prætermitteret, quæ sunt ad conservationem naturæ, peccaret quasi ordini naturali repugnans, & hoc pertinet ad vitium Insensibilitatis*, v.g. si ex aversione ad delectationẽ, homo refugeret comedere necessarium &c. hoc rarum est vitium. Quoad concupiscentias matrimoniales, invenietur quidem conjux negans comparti debitum, non ex aversione ad delectationem, sed ut plurimum ex nimio amore delectationis, unde fertur in alienas, & fastidit suam. Genus peccati excedens in appetendo delectationem vocatur *Intemperantia*. Peccatum, in quod facillimè labimur, à quo difficillimè resurgimus, præsertim quo usque fervet sanguis in venis. Ad illud medendum requiritur magna charitas in Confessore, ubi procedit ex infirmitate: magnus zelus honoris divini, & salutis animæ; ubi procedit ex malitiâ, consuetudine, aut occasione proximâ.

6. D. Quæ sunt partes integrales Temperantiæ?

M. Ut actus Temperantiæ prodeat integrè, ac perfectè completus, requiritur: quòd homo verecundetur de turpi actu, saltem juxta præsentem statum naturæ corruptæ. Ob pravam inclinationem ad delectabilia sensus, nunquam homo perfectè, aut integrè frænabit concupiscentias, nisi præcedat quidam horror de actionibus

nibus illis, quæ communiter in hac materiâ reputantur turpes; 2. amor, seu inclinatio cōpetens ad ea, quæ communiter in hac materiâ reputantur honesta, seu decora. Vanum, est explicare, quæ censeantur honesta, quæ turpia. Id natura docet vel rudiores, qui, ubi viget passio, non reflectunt; at expletâ passione, erubescunt, imò & horrent, quòd sciatur actio à patribus, magistris &c. Si è contrâ aliquo tempore perseveraverint in refrænandis hujusmodi passionibus, oritur in ipsis quoddam, veluti naturale, gaudium, quòd sectentur honestatem. Communiter notaretur, ut brutalis, qui non erubesceret de turpibus, vel non gauderet de honesto, postquã cessavit passio. Hinc Theologi conveniunt, ad integrandum Temperantiæ actum, præexigi, tanquam conditiones, Verecundiam, atque Honestatem: Ideo dicuntur partes integrales. S. Th. q. 144. & 145.

7. D. Quod est Donum correspondens?

M. Ex S. Th. q. 141. a. 1. ad 3. correspondet donum Timoris, ex c. 9. directè respondens Spei, indirectè Temperantiæ, quia frænandis concupiscentiis maximè necessarius est, juxtâ illud Ps. 118. *Confige timore tuo carnes meas: à judiciis enim iuis timui*. Et ut repetam omnem correspondentiam. Prima Beatitudo cum 10. 11. & 12. fructu, & septimâ petitione Orationis Dominicæ respondet Timori, & hic Spei, ac Temperantiæ. Secunda cum fructu 5. 6. 8. & 6. petitione respondet Pietati, hæc Justitiæ.

stitiæ . Tertia cum 9. fructu, & 5. petitione respondet Scientiæ: hæc Fidei . Quarta cum 4. 7. fructu , & 4. petitione dono ac virtuti Fortitudinis . Quinta cum fructu 5. 6. & 3. petitione dono Consilii : hoc Prudentiæ . Sexta cum 9. fructu, & 2. petitione, dono Intellectus: hoc Fidei . Septima cum 1. 2. 3. fructu , & 1. petitione, dono Sapientiæ : hoc Charitati. Octava Beatitudo est repetitio aliarum .

## C A P U T XLVIII.

*De primis duabus speciebus Virtutum contentarum sub genere Temperantiæ .*

1. **I**N explicatione Virtutum plura fortè desiderabunt Scholastici : sed toties repetitum est finem esse mensuram mediorum . Sane distinctius illas examinarem , si scriberem pro scholis ; At meus finis est colligere ; quæ magis conveniunt Confessori , cui instruendo convenit intacta dimittere subtiliora : E contra sæpius inculcare magis obvia, & necessaria ad praxim ; Ideò utor terminis, ex quorum repetitâ usurpatione quis facile possit venire in cognitionem sui numeris , v. g. in toto præcedenti capite, & in titulo præsentis , nominavi non absolutè Temperantiam , sed genus Temperantiæ , quò dignoscas pœnitentem non sufficientè se accusare , si dicat commisisse sex actus , v. g. Intemperantiæ : nam ex termino

Ge-



*Genus* facile cognoscis non se sufficienter explicasse, Ex Trid. p. 1. c. 5. n. 30. scis explicandam infimam speciem peccati; & ex Rituali c. 8. n. 9. prudenter interrogandam, ubi pœnitens non exprefferit sufficienter.

2. Quia verò multum juvari poteris ex ordine, ante omnia, insinuandum, quomodo accipienda sit distinctio specifica virtutum, quæ dividunt genus Temperantiæ. Ex c. 46. n. 3. in eo principaliter versatur, quod juxta rectam rationem moderetur concupiscentias delectationum tactus, & gustus. Horum sensuum actiones, majori delectatione natura condivit, quia magis necessariae sunt ad conservationem animalis, hinc magis delectant actiones tactus, quam gustus, quia illæ necessariae sunt ad conservationem speciei: istæ, individui: Natura autem optima Institutrix voluit nos magis fovere ad bonum commune, quam particulare. Primò igitur Temperantia dividitur in Virtutes, quæ moderantur concupiscentias Gustus, & quæ moderantur concupiscentias Tactus. De his in sequentibus. Duæ sunt species infimæ Virtutum, quæ moderantur primas *Abstinentia*, & *Sobrietas*.

3. D. Quid est Abstinentia?

M. Habet moderari hominem, ne, plusquam decet rationem, hic, & nunc, consideratis omnibus circumstantiis, utatur cibo, aut potu. Medicinæ est moderari cibum, & potum, ut confert ad sanitatem. Abstinentiæ moderari, ut est con-

consonum rationi . Medicinalem moderationē subordinat virtuti Abſtinentiæ , qui utitur cibis ad conſervandam ſanitatem , quia hanc ſervare eſt conſonum rationi . S. Th. q. 145.

4. D. Sobrietatis eſt moderari potum ?

M. Abſtinentia moderatur uſum potus , ita quòd ob delectationem in bibendo , meſuram rationis homo non excedat. Sobrietas moderatur uſum potus , ita quòd ex immoderato non impediatur uſus rationis per ebrietatem ; quare Abſtinentia impedit delectationem : Sobrietas nocumentum in uſu rationis .

5. D. Qui eſt actus principalis Abſtinentiæ ?

M. Jejunium , de quo S. Th. q. 150. Valet ad tria : 1. ad frænandas concupiſcentias carnis ; nam *ſine Cerere , & Baccho friget Venus* : ut ratio naturalis dictat : 2. ad faciliùs elevandam mentem in Deū : experimur enim , quòd , ventre pleno , vix poſſumus incumbere ad negotia etiā ſæcularia , quantò minùs orationi : 3. ad ſatisfaciendum pro peccatis S. Th. a. 1. Hoc habet ratio naturalis , ut ſatisfaciens alteri dimminuat aliquid ſibi ; Ad conſervandam ſanitatem eligimus abſtinere à cibo , pluſquam noſter ſtatus exigat . S. Th. a. 1. ad 2. Porrò ad jejunium obligamur lege naturæ , ſi concurrat aliquod ex tribus prædictis motivis . Per primum obligamur , quando , niſi jejunemus , eſſet periculum proximum violandi caſtitatem . Per ſecundum , quando ſine jejunio , inſtante orandi præcepto , non poſſemus orare : per tertium , quando ſine  
jeju-

jejunio, instante præcepto, satisfaciendi Deo, non possumus satisfacere. Hinc jejunium lege nature præceptum obligat per accidens, & ratione alterius virtutis. 2. jejunium lege nature præceptum non inportat abstinentioniam cibi, aut potus determinati, sed in genere tantum abstinere cibo, & potu, quo si uteremur, deficeremus in aliquo ex prædictis tribus. S.Th. q. 150. a. 3.

6. D. Ecclesia præcipitne jejunare?

M. Utique. Ut demus, quæ conferunt ad praxim hodiernum. Duo præcepta jejunium importat, alterum negativum, alterum affirmativum. Utriusque violatio importat duplex peccatum; peccato enim commissionis violatur primum, & peccato omissionis secundum.

7. D. Quodnam ex his est principale?

M. Negativum, vi cujus in omni jejunio præcipitur abstinencia carnum; & in quadagesima etiam ab ovis, & lacticiis: extra hoc tempus secunda non est in præcepto, universaliter, sed juxta consuetudinem locorum. Et adhuc *principaliter* in quadagesima ex S.Th. q. 147. a. 8. ad. 3. *interdicuntur carnes, quàm ova, & lacticia*. Hinc deobligatus ab ovis, non deobligatur ab unica comestione cadente sub præcepto affirmativo. E contra multi tenent deobligatum à carnibus, cui commodè sufficit unica comestio; ad hanc obligari. Et sanè id suade ex multiplici capite, sed nisi aliud præcipiat Ecclesia, in jejuniis jam præceptis, deduci-

ducitur non extare hanc obligationē sub mortali ex doctrinā prædictā S. Th. , nam remoto priori, & principaliori, removetur posterius, & minùs principale; cum ergo in jejunio principale sit abstinētia carniū, hujus obligatione cessante, cessat obligatio minùs principalis. Sed quia Card. Vicarius in edicto Quadragesimę innuit deobligatos à carne teneri ad unicam comestionem, si commodè possint, id inculca, non quærens, an sit vetus præceptum, vel de novo expressum.

8. D. Quid vult præceptum affirmativum?

M. Si velimus comedere, semel tantum in die comedamus. Non præcipimur comedere; posset enim quis absque cibo transigere à mediā nocte ad aliam, sed supposito, quòd velimus, præcipimur comedere tantum semel. Ita servabatur tempore etiam S. Th. sed crescente complexionis humanę debilitate, introductum est leve jentaculum in vesperi, de quo neque Canones loquuntur, neque ullus ex Doctoribus approbatis positivè ab Ecclesiā: Ultimi enim approbati fuere S. Th., & S. Bonaventura, quorum diebus nec verbum de isto levi jentaculo; nunc tamen licet ex universalissimā Ecclesiæ consuetudine. De isto plura in omnium pænè Caustiarum libris, præsertim quærentiū quot uncias, & quarum rerum possimus comedere, hæc omitto: nā quę consuetudo piorū jam docuit permitti: eadē doce: quæ liceat quantitas, & qualitas, etiā habebis, si memineris dicta



n. 5. quòd in satisfaciendo per jejunium, debemus diminuere aliquid nobis de cibo aliàs non immoderato, dummodò non omnimodè necessario; & quid esset diminuendum, determinavit Ecclesia, & consuetudo.

9. D. Ad quid exacta hæc distinctio duplicis præcepti?

M. Sciens aliud esse affirmativum, aliud negativum, vides 1. esse interrogandum, an violaverit in solà quantitate, vel etiam in qualitate: & si in qualitate, an comedendo lacticia, vel carnes; explicando carnes, non debet ulterius inquiri, an etiam comederit ova, nam principale trahit ad se minùs principale, non è contrà. Diversi specie sunt actus morales, comestio ovorum, & comestio carnium: quare specialitèr aperiendi: 2. comedens ova, & carnes, debet explicare, quotiès in die comederit, quia præceptum negativum obligat semper, & ad semper: violans jejunium in quantitate, est ò deciès comedat, committit unicum peccatum, contrà affirmativum non obligans ad semper: quare jejunio semel violato non multiplicatur peccatum: 3. qui è loco, ubi jejunatur, accedit in locum, ubi non jejunatur tali jejunio particulari, non tenetur ( nisi accedat in fraudem ) jejunare in hoc loco.

10. D. Quando dicar ire in fraudè jejunii?

M. Hoc, quod est facere aliquid *in fraudè*, potest contingere in pluribus materiis; quare vide p. 1. c. 18, n. 18.

11. D. Qui-

11. D. Quibus diebus tenemur jejunare , & quâ hora tunc possumus comedere ?

M. Secundum præceptum Ecclesiæ declarat dies jejuniorum, quos ut 1.p.c.35. n. 13. S. Cong. præcepit proponere etiam Catechumenis . Cur autem isti potius dies, quam illi sint jejunandi, vide S. Th. q. 147. a. 5. & quoad horam comedendi a. 7. ubi S. Doctor præcisè non exprimit, an peccaret mortalitèr, qui summo manè vellet facere unicam comestionem ; sed id declarat , & probat Cajetanus ; quare tantùm peccaret venialitèr , qui sine causâ præveniret meridiem aliquo brevi tempore ; nullatenus peccaret , si ex causâ præveniret ; sed si notabilitèr præveniret absque causâ, peccaret mortalitèr .

12. D. Tenenturnè omnes ad jejunia Ecclesiæ ?

M. Ex S. Th. a. 4. omnes, exceptis illis , qui non possunt sine magno incommodo : si causa sit evidens, & manifesta , nèc de facili recursus haberi possit ad superiorem, ex se poterunt frangere. Ubi potest haberi recursus ad Superiorem, objurgà pœnitentes illos, qui, præsertim in quadragesimâ, non curant petere licentiam : convenit enim , ut saltèm in hoc ostendant suam reverentiam , & obedientiam ergà Ecclesiam; maximè, quia si insistas segnius, quilibet judicabit se causam habere legitimam , quando nulla subest ; sed in dubio recurre omninò ad superiorem , *qui habet potestatem*

*in talibus dispensandi*, in talibus dubiis : quare inferior debet se ponere in tuto, & Superior, ubi est dubium, potest dispensare; non solum in casu certo; Prosequitur S. Th. enumerare illos, qui sunt excepti à præcepto affirmativo unicæ comestionis; & 1. nominat eos, qui nondum pervenerunt ad annum vigesimum primū. Conclusionis certæ, & communis vide rationem apud ipsum. Nonnulli excipiunt sexagenarios. De his neque Canon extat, neque Doctor Ecclesiæ probatus. 2. operarios, qui multum laborantes (notā ly multum) pro vitā corporali, vel pro necessario ad vitam spiritualē, commodè non possunt differre ad aliud tempus laborem, cum quo incompatibilis est unica comestio. Si in festis quadragesimæ indigeant hi multiplici comestione, ad conservandas vires, ut laborent diebus feriatis, non tenebuntur: 3. peregrinos, ubi adsit eadem necessitas, & incompatibilitas: 4. sub iisdem conditionibus, itinerantes, qui tamen faciunt *magnas dietas* (notā hoc, & insuper quòd hoc magnum iter de se debet esse incompatible cum jejuniis) vult tamen etiam in his casibus recurrendum esse ad superiorem, *oisi fortè ubi est ita consuetum*, quia ex hoc, quòd Prælati dissimulant, videntur annuere: 5. pauperes, qui frustatim eleemosinas mendicant, nec possunt simul habere, quòd eis sufficiat ad victum diurnum; ceteros, qui possunt habere, dicit obligatos.

13. D. Prohibeturne potus in jejuniis?

Pars II.

Z

M. Je-

M. Jejunii pro communione præceptum est negativum interdicens , vel minimum cibum , aut potum : præceptum unicæ comestionis est affirmativum ; & hoc Ecclesia non prohibet potum . Nomine potus venit frigidum , & humidum . Sitis enim ( cui extinguentæ potus adhibetur ) Philosopho est appetitus frigidi , & humidi . Carnes per stillicidium ita eliquantur , ut appareant aqua , & cum liquida sint , non bibuntur propriè , sed sorbentur . Igitur , quod est liquidum , non se habet per modum potus , nisi sit ad extinguentam sitim . Electuatia neque prohibentur in die jejunii , nisi assumantur *in magnâ quantitate* : nam tunc fieri videtur in fraudem S.Th. a. 6. ad 2. & 3.

14. D. Excusatè à mortali parvitas materiæ ?

M. Quoad præceptum unicæ comestionis , excusat . Quæ autem quantitas sit parva , relinquo prudentum judicio , nè definitio ob dicta p. 1. c. 36. n. 9.

15. D. Potest nè dispensatus ad carnes , comedere quascunque ?

M. Invenies , quòd , præcedente judicio Medicorum , de licentiâ Superioris dispensatus ad carnes , non peccat contrà præceptum Ecclesiæ , si comedat quascunque , sed solùm contrà naturale præceptum abstinentiæ , si comedat insalubres , eritque , ut plurimùm , veniale , nisi maximè noceret suæ sanitati , quod est rarissimum . Tu tene , quòd comedens insalubres du-  
plici-



placitè peccat: 1. contrà naturale præceptum; & hujus gravitas metienda erit ex damno, propriæ sanitatis: 2. contrà præceptum Ecclesiæ: nam opiniones, quæ super hoc circumferebantur, suppressæ remanent ex decreto, de ordine Clementis XI. publicato, cujus particulam subjicio .

16. *Animadvertant, & Medici, & qui petunt licentiam, ut attendant qualitati carniſ, quodd, nempe, sint salubres, QUIA HÆ SOLUM PERMITTUNTUR IN QUADRAGESIMA, bis, qui ex justà causà, nequeunt vescicibis quadragesimalibus: quodd si necessitati potest subveniri per ova, & lacticinia, nèc Medici debent permittere, nèc fideles adhibere carnes, ETIAM SALUBRES. Qui toto anni tempore, abstinent à carne, diebus Veneris, & Sabbati, Quatuor Temporibus, nec non Vigiliis de præcepto, multò magis, si prædicti dies incidant in quadragesimà, DEBENT ABSTINERE A CARNE, excepto, si nova superveniens causa aliud exigat. Cumque super hoc nequeat stabiliri Regula fixa, & determinata, debet quisque primò considerare suam necessitatem, suasque indispositiones, ita ut non sint affectatę, cum reddituri sint rationem Deo, coram quo nihil valebunt licentię ex causis, vel suppositis, vel fictis. Hęc decretum, vi cujus resolvuntur innumeri casus olim disputati; Equidem alii ex hoc consurgent examinandi, ut contingit in omni lege, cujus*

verba pariunt novas quæstiones; Sed prudens, & affectus erga pœnitentiam Christianam, ita diriget pœnitentes, ut 1. reverentè suscipiant decreta Ecclesiæ: 2. non quærant licentiam sine magno incommodo salutis corporalis, & ex prudenti, fundatoque judicio Medicorum: 3. Confessores diligentè examinabunt, candidèque, enunciabunt ipsum peccare mortalitèr, ubi quis operetur contrà formam decreti.

17. D. Quid est *Sobrietas*?

M. Est virtus, quâ moderamur ita potum, ut non noceat usui rationis.

18. D. Obligatnè sub mortali?

M. Positivè non obligat ad actum, cujus omissio sit peccatum mortale ob dicta p. 1. c. 34. n. 6. sed obligamur ad non ponendum actum contrariè oppositum per excessum; de quo capite sequenti.

19. D. Super his virtutibus adsunt ne Theses prohibitæ, vel reservatio, aut censuræ contrà violantes jejunium?

M. Violans jejunium præceptum ab Ecclesiâ, nulli subditur censuræ, aut reservationi universalitèr loquendo; cæterùm vide statuta Diœcesis particularis, Circà Theses prohibitæ memento ex n. 6. in Ecclesiæ jejunio esse duplex præceptum, aliud negativum, & aliud affirmativum. 32. propositio Alex. VII. est circà negativum. Circà affirmativum extant ejusdem 23. 29. 30. & 31. Quæ sunt circà gulam, dabo c. seq.

20. D. Quas pœnitentias imponam violenti jejunia Ecclesiæ?

M. Rituale p. 1. c. 7. n. 23. innuit *libidinosos jejunia, vel alias carnis afflictiones imponendas*: quod (semper præcedente prudentiâ Christianâ) servandum erit cum gulosis. Cæterum frequenter in Missâ, & Officio celebratur jejunium: Lege Scripturam præcipuè Jonam, Hymnos, Responsorialia Quadragesimæ, Homilias SS. PP. & facili negotio hauries, quæ accendant pœnitentes ad amorem jejunii. Adde ex Catechis. p. 4. c. 8. n. 9. quod oratio (aliàs tam necessaria) non prodest sine jejunio. Gulosis etiam commendari poterit eleemosina: nam ex S. Leone fiat subsidium pauperis, quod subtrahitur gulæ.

## C A P U T XLIX.

*De Vitiis contrariè oppositis Abstinentiæ,  
& Sobrietati.*

1. D. **Q**Uæ peccata contrariè opponuntur Abstinentiæ?

M. Oppositum per defectum est innominatum, & posset dici *Nimia, seu indiscreta abstinencia*; De illo non agit S. Th., quia vix reperitur, qui, consideratis omnibus, deficiat. Oppositum per excessum dicitur *Gula*, de quâ S. Th. q. 148.

2. D. Gula est nè peccatum mortale ex suo genere?

Z 3

M. Si

M. Si homo constitueret finem ultimum in illà, utique peccaret mortalitèr; Alias de se non est peccatum mortale, ut p. 1. c. 34. n. 6. Erit per se mortale, si gravitèr noceat sanitati, & teneberis explicare, quòd tibi nocueris per immoderantiam cibi, & potus, quia est duplex peccatum, alterum in sibi voluntariè nocendo, alterum in nocendo per tale medium. Si levitèr noceat, erit veniale ex parvitate materiæ, p. 1. c. 36. n. 5. Est etiam peccatum mortale, si violetur Ecclesiasticum jejunii præceptum ut c. 47. n. 6.

3. D. Gula est genus, de species?

M. S. Th. a. 4. enumerat quinque.

*Præproperè, lautè, nimis; ardentèr, studiosè.* si vis rationem huius distinctionis, vide textum. Ad praxim: *Præproperè* peccat, qui prævenit debitum tempus. Vix potest esse mortale contrà præceptum naturæ, quia ex solà præventionem nequit inferri grave nocumentum sanitati, nisi quando prævenieris nondum factà competenti digestionem; in quo casu nocumentum procederet ex nimio cibo. In jejunio Ecclesiæ dictum est cap. 47. num. 11. præventionem notabilem esse gravitèr prohibitam. Cæterum Ecclesia conditiones omnes jejunii vult per modum unius; per cujuslibet substantialis defectum violatur jejunium; quòd si plures deficiunt, aggravatur peccatum; & ex p. 1. c. 34. n. 20. potes decidere, an hæ circumstantiæ aggravantes explicandę sint. *Lautè* peccat, qui quæ-



quærit cibos pretiosos; Nec natura, nec Ecclesia sub mortali prohibet cibos magni pretii: tamen peccaret mortalitèr, qui cum notabili detrimento sui status, vel familiæ, plura insumeret in cibo, & potu; *Nimis* peccat, qui vel se aggravat cum nocumento sanitatis, vel supra quantitatem ab Ecclesiâ taxatam in jejuniis. *Ardentèr* peccat, qui non servat modum debitum in edendo. *Studiosè* peccat, qui quærit cibos nimis accuratè præparatos in qualitate. De hoc, ut de secundo, *Lautè*.

4. D. Cum gula sit vitium capitale, assigna filias?

M. Prima est *Inepta lætitia* intelligitur, quando quis vagè, & incompositè hilarescit. Opponitur Modestix morum, de quâ c. 56. nec est mortale ex suo genere. Secunda *Scurrilitas*, quando quis utitur verbis inhonestis ad delectandum; opponitur etiam Modestix, dummodò, sola intendatur delectatio, quæ oritur ex prolatione verborum, quæ neque sint scandalosa. Est veniale satis periculosum, quia verba exteriùs prolata excitant speciem internam de significato. Tertia *Multiloquium*, quando, ut sonat nomen, quis nimis loquitur, & superflue: opponitur eidem. Si quis hæc tria vellet opponi Affabilitati, non contendat. Quarta est immunditia, seu emissio quarumcumque superfluitatum; & si sit emissio superflui pro individuo, sed necessarij pro specie ad generationem, erit contrà Castitatem; si aliarum superfluitatum,

tum, v. g., per vomitum, directè opponitur Abſtinentiæ, contrà quam peccat utens tanto cibo, unde prævidet vomitum. Quinta Hebetudo mentis explicata c. 4. n. 3. ut opposita dono intellectus.

5. D. Quæ sunt vitia opposita Sobrietati?

M. Sobrietati oppositum per defectum est innominatum: quod per excessum opponitur, vocatur *Ebrietas*, de quâ S. Th. q. 150. & definitur *inordinatus potus privans usu rationis*. Igitur in quâcunque etiam minimâ quantitate bibatur, si prævideo ex potu cerebrum plenè perturbari, & mihi perfectè deficere usum rationis, pecco mortalitèr; si imperfectè perturbetur, quia tunc est parva læsio, erit veniale ex parvitate materiæ. Est de se peccatum mortale ut p. 1. c. 34. n. 6. quia cum ebrietate nequit conservari charitas. Hæc vult bonum illius, quem amamus. Igitur si ex charitate amo me ipsum, debeo velle meum bonum. Usus rationis est maximum hominis bonum, & tale, quod per ipsum principalitèr in operando distingui-mur à brutis. Nequit ergo stare charitas cum eo, quod habet tollere hunc. Hinc etiam peccat mortalitèr, qui socios invitat ad se inebriandum; & tot numero peccatata mortalia committit, quot socios invitat cum periculo proximo ebrietatis.

6. D. Ebrietas primâ vice non est peccatû?

M. Se inebrians primâ vice excusatur à peccato, quia ignorat efficaciam vini, nec au-  
fert

fert sibi voluntariè usum rationis . Invitans ad bibendum excusatur ex hoc , & alio capite : nam ignorat complexionem bibentis . cæterùm si primà vice sciantur hæc duo , est peccatum velle illud , unde per se sequitur privatio usus rationis .

7. D. Somnus impedit usum rationis , voluntariè tamen possumus dormire ?

M. Distingue inter actiones ordinatas à naturà , & contrà ordinem naturæ . Inter primas est somnus ; inter secundas Ebrietas ; non peccat , qui vult actionem ordinatam à naturà , licet inde pro tempore impediatur usus rationis . Natura instituit quietem , ut magis in posterum operari possemus cum usu rationis ; Peccat , qui contrà ordinem naturæ sibi abscindit brachium : At si abscissio sit juxtà ordinem naturæ , ad salvandam vitam , non est peccatū .

8. D. Ebrietas licetnè ad salvandam vitam , si ordinetur ad vomitum ?

M. S. Th. a.2. ad 3. negat , quia potest procurari per potum aquæ tepidæ non inebriantem . Sed finge , quòd solus potus inebrians hìc , & nunc possit causare vomitum , & per consequens sanitatem , quam insupèr finge infallibiliter annexam cum vomitu . In isto casu dic , ut c.23.n. 10. de se defendente contrà invasorem . Poterit enim Medicus , & Infirmus permittere , at nunquam intendere impedimentum usus rationis .

9. D. Suntne peccata verè , & proprià actio-

actiones inordinatæ, quas homo committit in ebrietate:

M. Effectus sequens ad ebrietatem, sive universalitèr ad aliam quamlibet actionem, spectat ad circumstantiam *Quid*. Ex p. 1. c. 34. n. 13. effectus per se sequens ad peccatum facit circumstantiam, lege S. Th. 1. 2. q. 20. a. 5. quì ait: eventus sequens præcogitatus, est peccatum: si v. g. homo ante ebrietatem prævidet, quòd in ebrietate committet adulterium, homicidium &c. si postea se inebriat, peccat peccato ebrietatis, & peccato homicidii. Si actio sit indifferens, & prævideatur eventus malus: distingue: si actio non est necessaria, tunc volens causam, indirectè, & virtualitèr vult effectum: v. g. prævideo ex actione per se indifferenti, secuturam in somnis immunditiam, nèc ulla hìc, & nunc urget necessitas actionis, pecco ponens talem actionem, quia in eà virtualitèr, & indirectè volo immunditiam; si adfit necessitas, non pecco, nisi formalitèr intendam effectum sequentem. Si actio sit per se bona, non pecco, nisi formalitèr intendam effectum sequentem, v. g. prævideo secuturam immunditiam ex potu aquæ habentis debilitare naturam, sed potus aquæ hìc, & nunc est mihi bonus, quia utilis ad temperandum calorem cerebri, tunc immunditia, estò prævisa, non mihi tribuitur; vide c. 23. n. 10. Duo tamen adverte: 1. non omnis necessitas, quæ sufficit ad excusandum in uno casu, sufficit ad excusandum



dum in omni. Utilitas, aquæ ad temperandum calorem cerebri, sufficit, ut non imputetur mihi nocturna immunditia prævisa: Hæc non me excusat ab homicidio, si præviderem, quod puer hausturus aquam laberetur in puteum. Quæ verò sufficiat necessitas, relinquitur iudicio prudentum, & timoratorum, Non est necessarium prævidere talem actum in particulari, sed sufficit prævidere, quod ebrii, v.g. soleant committere in ebrietate aliquos actus peccaminosos, ut imputentur tanquam peccata ebrio, actiones, quæ fieri solent ab illis. Hæc dicta sint, si effectus prævidetur: si effectus non prævisus, ait S. Th. per se sequatur, & ut in pluribus; tunc qui vult causam, vult effectum: si sequatur per accidens, & ut in paucioribus, non imputatur; unde hic q. 150. a. 4. adducit verba Augustini dicentis: *Loth culpandus est, non quantum ille incæstus, sed quantum ebrietas meruit*: quia neque in universali prævidebat, quod filię essent peccaturæ cum ipso: Equidem ut in pluribus ebrii committunt aliquas actiones inordinatas, sed ut in paucioribus contingit eos induci ad actiones, ad quas filię induxerunt Loth.

10. D. Cum neque censuris, neque reservationi subdantur hæc peccata, sunt nè Theſes prohibitæ de illis?

M. Octava Inn. XI. quam attentè considera: nam ex illà, velut ex principio, deducere poteris plures conclusiones.

11. D. Quas

II. D. Quas Pœnitentias imponam pro prædictis ?

M. Vide c. 47. n. 20. Addo verba Aug. ab Angelico aducta a. 1. ad 4. *Non asperere, quantum æstimo, non darè, nen impetuosè ista tolluntur, sed magis docendo, quàm jubendo, magis monendo, quàm minando. Sic enim agendum est in multitudine peccantium: severitas autem exercenda est in peccatis paucorum.* Quam cum grano salis reduc. ad praxim. Frequens erat in Africà ebrietatis vitium; scribebatque Episcopo prædicanti ad multitudinem, non Confessori, qui cum uno tantum agit, sed; & Confessori convenit tollere peccata magis *monendo, quàm minando*, ubi non peccatur ex malitià, & pertinacià.

## C A P U T L.

*De Virtutibus, quæ refrænant  
concupiscentias Tactus.*

I. **N**Omīne virtutum refrænantium concupiscentias tactus, intelligo illas, quæ habent moderari delectationes à naturà constitutas in actu ordinato ad conservationem speciei, seu ad generationem, quas dixi c. 47. n. 2. multum excedere delectationes gustus. Etiam istæ sunt species Temperantiæ; & duas nominabo, Castitatem, & Pudicitiam. Theologi complures asserunt virginitatem (maximè

mè votò firmatam ) esse distinctam specie à Castitate , sicut ex c.14.n.2. Gnome à Synesi, Magnanimitas à Philotimià , Magnificentia à Liberalitate. Hoc parùm refert ubi , scias , quando circumstantia Virginitatis aperienda sit in confessione , quod dicetur suo loco . De his virtutibus agit S. Th. à q. 151. ad 154. & distinguit Pudicitiam à Castitate, in hoc, quòd illa respicit principaliter signa , ut aspectus , oscula &c. Hæc actum consummatum .

2. Si quæ aliæ necessariæ sunt naturæ hominum , maximè istæ . Infectio peccati originalis maximè sentitur in vi generativà , idèò quilibet indiget plurimùm hisce virtutibus . Sap.8. *Ut scivi, quoniam aliter non possem esse continens, nisi Deus det ; & hoc ipsum ergo Sapientia , scire cujus esset hoc donum : adii Dominum & deprecatus sum illum , & dixi ex totis præcordiis meis orationem , quam profequitur per plura capita . Cum igitur ex speciali tantùm auxilio Dei habeatur , omni ex parte perfecta Castitas, ut ejus amorem in pænitentium pectore accendas , recurre ad orationẽ, eritque utilissima, quæ continetur Sap.9. sed magis ora pro te ipso Nemo potest esse continens , nisi Deus det : Adde periculum se inquinandi , dum quis lavat inquinata , nisi supremam adhibeat cautelam . Ob hujus verè lacrymabilis miseriæ abundantia , S. Sedes debuit evulgare Constitutiones , equidem rigorosas , at saluberrimas , & necessarias contra*  
Con-

Confessarios inhonestæ tractantes in Confessione, quas semper ante oculos habebis. Est Aug. sententia, & confirmat experientia, quod etiam immanissimæ bestię retrahuntur à voluptatibus, maximè concupitis, ob timorem verberum; Igitur timore pœnarum firmet se Confessor, ne inquinetur, dùm lavat inquinata: *Legum enim terror* (cum Aug. loquor) *ita profuit, ut multi dicant, Gratias Domino, qui vincula nostra dirupit.*

3. Acturus de his virtutibus, vitiisque oppositis, præpono monitum Catech. 3. p. c. 7. n.

1. *In hac re explicandâ, cautus admodum sit Parochus, & prudens, & testis verbis rem commemoret, quæ moderationem potius desiderat, quàm orationis copiam. Verendum est enim, ne, dùm is latet, atque còpiosè nimis explicare studet, quibus modis à præscripto discedat, in illarum rerum sermonem fortè incidat; unde excitandæ potius libidinis materia, quàm restringendæ illius ratio emanare solet.* Et p. 2. c. 8. n. 33. *Ita agendum est Pastoribus, ut nullum ex eorum ore verbum excidat, quod fidelium auribus indignum esse videatur, aut pias mentes lædere, aut risum movere queat. Ut enim Eloquia Domini eloquia casta sunt: Ita etiam maximè decet Christiani populi doctorem ejusmodi orationis genere uti, quod singularem quandam gravitatem, & mentis integritatem præ se ferat.* Huc respiciunt verba Ritualis p. 1. c. 7. n. 20. *Quòd si adeò cautè*  
pro-



procedere debet Confessor agens cum particularibus , quantò cautior erit, qui publici juris facit opus suum , editque tractatus , quos , etiamsi velit, non amplius poterit suppressere? Prudētioribus displicuit semper, si quis Theologorum, liberiùs , quam par erat, expatiatus est per hanc materiam . Et hæc generalitèr de hisce virtutibus .

## C A P U T   L I .

### *De Actu Castitatis .*

1. **A**bstinentia non prohibet omnem delectationem gustus , quam natura in cibis constituit, ut homo magis alliceretur ad sui conservationem: Hæc utpotè bonà, est omnibus appetibilis . Temperantia eò respicit, ut prædictas delectationes ita moderetur homo , quòd neque excedat , neque deficiat in appetendo . Simili modo Castitas non prohibet omnem actum , & omnem delectationem tactus, quam natura instituit, ut homo magis alliceretur ad conservationem speciei , bonum majus conservatione individui , quia bonum commune majus est privato . Inter Abstinētiā, & Castitatem interest, quòd bonum proprium singuli tenentur conservare; Ideò singulis instat præceptum comedendi ; Bonum multitudinis , præcipitur quærere multitudo , sed non singuli . Igìtur Castitas non prohibet omnem

nem actum, sed ita moderatur, ut fiat, quando decet. Ideò dividitur in Virginalem, Virginealem, & Conjugalem.

2. D. Quid requiritur, ut actus venereus fiat debito modo?

M. Actum hunc natura instituit ad duos fines: primus est generare hominem: secundus est educare. Hæc educatio debet esse non corporalis tantum, sed principaliter spiritualis per instructionem. Natura enim condidit hominem, qui non solum fit animal, sed & homo, quia homo. Si homo incumbat actui venereo sine utroque horum finium, vel sine altero, operatur cum maximo malo speciei humanæ, & ita, non potest servari charitas, cum exercitio prædicti actus, sine duobus illis finibus, vel sine altero; propterea ut p. i. c. 34. n. 6. Castitas obligat sub mortali, ut ejus actus exerceatur inter personas conjunctas legitimo matrimonio. Si fiat aliter, quam inter virum, & feminam, homo utitur actu contra primum finem. Si sit inter virum, & feminam non conjunctam matrimonio; fit contra secundum.

3. Quid est matrimonium?

M. S. Th. hic tantum agit de peccatis oppositis Castitati: de actu distulit agere in 3. p. cum de reliquis Sacramentis, ad quorum dignitatem Christus elevavit matrimonium; agitque de illo à q. 41. ad 69. Tu lege Trid. sess. 24. ante Canones, & post de ref. Catech.

p. 2. c. 8. ex cujus n. 3. matrimonium ita definitur : *Viri, & fœminæ maritalis conjunctio, inter legitimas personas, individuum vitæ consuetudinem retinens.* Hoc matrimonium dat jus ad actum venereum, & cohonestat; Essentia matrimonii consistit in hoc jure : Actus est operatio cōsequens, & complet carnaliter matrimonium, quod tamen spiritualiter est perfectum in mutuâ conjunctiōe animorum, quæ conjunctio si adsit, & ulterius abstinencia ab actu, ut conjugēs vacent Deo, jam tunc erit matrimonium spiritualiter perfectius, licet carnaliter imperfectius, & tale fuit matrimonium inter B. Virginem, & S. Josephum; nèc non inter alios Sanctos conjugatos, de quibus Historiæ tradunt vixisse cælibes. Cum igitur matrimonium non consistat in actu, sed in jure ad actum, differam prius de matrimonio, postea de actu.

4. D. Quid intelligis per *legitimas personas*?

M. Quod non sint impeditæ à lege naturali, divinâ, vel Ecclesiasticâ contrahere. Non dico à civili, quia solum ago de Christianis, inter quos matrimonium à Christo elevatum ad significandam sui cum Ecclesia conjunctiōnem, est signum sensibile istius gratiæ invisibilis, & sacramentum, quare tota jurisdictio spectat ad Ecclesiam, cujus est administrare sacra.

5. D. Suntne aliqua impedimenta ma-

Pars II.

A a

trimo-

trimonium dirimentia ex lege naturæ?

M. Gen. 2. *Relinquet homo patrem suum, & matrem, & adhærebit uxori suæ*: ex quibus apparet lege naturali prohibitum, ut simul conjugati cohabitent pater, & filia, &c. Debetque intelligi de omni lineâ rectâ, ita ut, si Adam esset in mundo, nulli posset nubere suorum descendendum.

6. D. Extatnè aliquod lege divinâ?

M. S. Th. 2.2.p.88.a.11. probat, quòd professio sollemnis in Religione approbatâ per Sedem Ap. jure divino dirimit matrimonium; sed habet multos contradiçtores. In 4. d. 39. 4. 7. a.1. videtur sentire idem de cultus disparitate: Sufficiat hæc innuisse.

7. D. Extantnè impedimenta dirimentia per Ecclesiam?

M. Theologi claritatis gratiâ redegerunt omnia impedimenta in carmina sequentia.

*Error, Conditio, Votum, Cognatio, Crimen, Cultus disparitas, Vis, Ordo, Ligamen, Honestas:*

*Si sis Affinis, si forte coire nequibis:*

*Si Parochi, & duplicis desit præsentia testis;*

*Raptave sit mulier, nec parti reddita tute*

*Hæc facienda vetant connubia, facta terræstant.*

8. D. Quæ sunt impedientia?

M. Contrahens cum dirimentibus, ultrâ peccatum, invalidè contrahit: Contrahens cum impedientibus, peccat, sed validè contrahit.



hit. Et continentur his carminibus.

*Ecclesiæ vetitum, nec non tempus feriatum.*

*Atque Catechis., Sponsalia, jungito Votum*

*Incestus, raptus sponsatæ, mors mulieris*

*Susceptor propriæ sobolis, mors presbyteralis,*

*Vel si pœniteat solemniter, aut Monialem*

*Accipias, prohibent hæc conjugium faciendum.*

Aliqui affirmant quædam ex his undecim non amplius vigere, sed S. Concilij Cong. sæpius consulta, semper respondit non posse cum illis licite contrahi. Sequere igitur iudicium hoc autoritativum.

9. D. Confessori competitne, scire saltem principaliores casus, qui possunt contingere circa impedimenta dirimentia?

M. Id est necessarium Parocho, quia tangunt forum externum. Si pro pœnitentia, desideras explicata singula, & ulterius omne munus Parochi, vide *Inst. Cler. c. 40.*

13. D. Quid faciet Confessor requisitus, ut in foro Pœnitentialem provideat matrimonio in valide contracto?

M. Ex se solo si nescit decidere, in necessitate absolvet pœnitentem à peccatis, & petet tempus consulendi peritiores: si dubitat, & Confessor, & Penitens: dubio durante, admonabit pœnitentem nè petat debitum, sed reddat. Si certum sit impedimentum, nè potest petere, nè reddere, quamvis conjux validum crederet matrimonium, quia fornicaria

est omnis copula, ubi verè nō est validum matrimonium. Vide p. 1. c. 18. n. 15. de modo, quo debet se gerere ad petendam dispensationem: Hac obtentā, monebit ad matrimonium revalidandum exigì novum utriusque consensum.

11. D. Conjugatis, est nè semper sine peccato mortali actus conjugalìs?

M. Ex multiplici capite potest vitari sed sub prætectu docendi non debeo offendere pudicas aures, Natura ipsa docet conjuges quid licitè valeant. Si difficilior casus contingat, materiam hanc tractant ferè omnes Casuistæ: Consule, vel doctiores.

12. D. Est nè immunis ab omni veniali?

M. Erit immunis ( imò, & meritorius in homine justo ) si fiat altero ex his duobus motivis; 1. ad gignendos filios, juxtā Aug. c. 46. n. 3, qui dicit adhibendum propter solos gignendos filios; 2. si reddatur debitum. Igitur respectu petentis vacat veniali culpā, si fiat unice ad gignendos filios: Respectu reddentis erit bonus, estò prævideatur ex illo hìc, & nunc filium non generandum, si petitus reddat, quod debet conjugì. Cave tamen nè conjuges, velis sanctos, plusquàm oportet. 1. Cor. 7. scripsit Apostolus: *Nolite fraudare invicem, nisi fortè ex consensu ad tempus, ut vacetis orationi, & iterum revertimini in idipsum, ne tentet vos Satanas, propter incontinentiam vestram. Hoc autem dico secundum indulgentiam, non*  
*secun-*

*secundum imperium*. Sufficit Dei legem zelare, sicut Apostolus. Voluit, hinc ut orationis tempore abstinere, sed id ex mutuo consensu. Optimum consilium, ut absterneant volentes communicare, jejuna, &c. At voluit, ut absterneant ex mutuo consensu; si maritus nolit, ad alienam diem pertrahet uxor communionem, nisi aliud Christiana prudentia dicat. Ubi tamen non est ratio specialis orandi, qualis est in die communionis, vel temporibus ab Ecclesia institutis, revertantur *in id ipsum*, *propter incontinentiam*. In quibus verbis affirmat matrimonium, post lapsum, fuisse ordinatum à Deo, etiam in remedium concupiscentiæ; qui tamen est finis secundarius subordinatus primario generationis filiorum, & consequenter peccat venialiter, qui primò intenderet secundarium; Id apparet ex verbis sequentibus: *secundum Indulgentiam dico*: quæ plures Patres intelligunt, ut voluerit Apostolus denunciare culpæ venialis reatum in tali actu elicitò principaliter ad evitandam incontinentiam. Et duo fecit Apostolus, 1. permisit peccatum veniale (quod etiam est levissimum, & utinam alia non haberent conjuges) ad evitandum periculum mortalis: 2. voluit ut scirent id esse peccatum veniale, ut si quando Spiritus Sanctus vocaret eos ad majorem perfectionem, agnoscerent viam. Apostolum imitare in omnibus, hortando, nè invicem se fraudent; & ostendendo, quando veniale peccatum sit.

13. D. In his casibus esset melius tacere : Homo pronus ad libidinē , ab ea non cessabit , estò sciat peccari venialiter in exercendo actū conjugalem ex sola delectationis causā , unde peccabit sepè venialitèr, è contrà ignorans invincibiliter ( hæc ignorantia resultat ex probabilitate opinionis contrariæ ) excusabitur a peccato. Ita plures Moderni sentientes grande beneficium fuisse mundo allatum ex probabilismo ?

M. Vide p. 1. c. 35. n. 17. Ibi habes , an ignrans aliquid, instrui debeat: An dicatur veritatem ignorare invincibiliter , qui ab ea discedit, ductus opinione probabili probabilitate extrinseca : Id est altioris indaginis, nec volo aperire meum sensum . Hoc unum scio non esse probabilem opinionem de licito usu actus conjugalis ex solâ delectatione saltem post damnatam ab Inn. XI. *Thesim* 9. Si probabilismus profuerit , vel nocuerit , alii judicent . Tu adverte nostra peccata oriri ex ignorantia intellectus, & passione appetitus . Ex hac peccans; ubi cessat, dolet de peccato, & rarius cedit : si peccat ex ignorantia , putans bonum , quod est malum, frequentat peccata sine scrupulo; & ideò curâ instruere pœnitentes, ut saltem rarius peccent .



## C A P U T LII.

*De Peccatis contrariè oppositis Castitati .*

1. **P**eccatum Castitati oppositū per defectū vocatur *Insensibilitas*, de quā c. 46. n. 5. & si quis ex horrore ad hujusmodi delectationes conjugii petenti negaret debitum; etiam peccaret contrā Justitiam. Oppositum per excessum *Luxuria*, quæ dicitur *Appetitus inordinatus delectationum tactus ordinarum à naturā ad generationem prolis*; Et ita opponitur etiam Pudicitiae; majoris tamen claritatis gratiā tractabo in presenti capite de Luxuria, ut opponitur Castitati tantū; Et in hoc sensu, venit omnis actus venereus consummatus, & exercitus extrā legitimum matrimonium.

2. D. Quotupliciter dividitur Luxuria?

M. Est genus à SiTh. q. 154. a. 1. divisum in sex species: *Simplex Fornicatio: Adulterium: Stuprum: Incestus: Raptus: peccatum contrā naturam.*

3. D. Quid est simplex Fornicatio?

M. Est actus venereus consummatus soluti cum solutā. Est mortale, quia præjudicat fini secundo proli generandæ, ut c. 50, n. 2. quæ non reperi, sed tu relege.

4. D. Quid est Adulterium?

M. Est actus venereus consummatus cum aliquo conjuncto in matrimonio; tunc enim sic

injuria conjugii, & ideò, est contrà Justitiam communitativam; quare est in duplici specie scilicèt Luxuriæ, & Injustitiæ: si ambo peccantes sunt cōjugati, est duplex numero adulterium, quia duobus fit injuria; & pœnitens tacens conjugium utriusquæ, non explicat sufficientèr numerum peccatorū. Estò maritatus consentiat adulterio conjugis, adhuc est injustitia ut p. i. c. 34. n. 9. Peccatum, cum sponsa de futuro, reducitur ad Adulterium, quia fit injuria sponso habenti jus ad sponsam, vel è contrà; Est specie distinctum, quia specie distinguuntur jus ad rem, quod habet sponso, & jus in re, quod habet maritus; ideò explicandum in confessione. S. Th. q. 154. a. 7. ad 3. Sponsi *ex ipsà desponsatione jus habent* in sibi desponsatis.

#### 4. D. Quid est Stuprum?

M. Est defloratio Virginis; est etiam contrà justitiam, ut Adulterium. Multi docent esse simplicem fornicationem, si virgo voluntariè consentiat: nè enim vident, cui fiat injuria; tu tene cùm S. Th. a. 6. quòd semper est stuprum: Virginum castitatem Deus posuit specialitèr sub custodià parentum, vel Tutorum, licèt ipsa Virgo sit domina sui; quare deflorans Virginem voluntariè consentientem facit injuriam Tutoribus; ut injuriam mihi facit, qui suum equum ponens sub meà custodià accipit me ignorante: si istes posse parentes cedere juri suo, tunc dic, ut de marito consentiente.

tiante. Ex hac doctrinà inferes committi stuprum, non primò solùm vice, cùm defloratur, sed totiès, quotiès homo abutitur sœminà reputatà Virgine, custodità à parentibus, vel Tutoribus.

6. D. Quid est Incæstus?

M. Est actus venereus consummatus cum consanguineis, vel affinibus; est contrà Pietatem, quà tenemur honorare prædictos; eritque sub specie Adulterii; Stupri &c. si rationem illorum attingat. Vide usque ad quem gradum impediatur matrimonium; & si peccent, hi cōmittunt incæstum. Si commitatur inter Ascendentes, & descendentes in lineà rectà, est specie distinctum, ut c. 50. n. 5. Inter conjunctos in primo gradu est saltem circumstantia mutans iudicium Confessoris; ideò explicanda.

7. D. Quid est Raptus?

M. Ultrà Luxuriam, Raptus dicit malitiam Rapiæ, de quà c. 24. n. 8. fit enim injuria rapiendo violentèr aliquem, ad turpia; & possunt concurrere omnes aliæ species Luxuriæ, ut si rapiantur pueri; nuptæ, Virgines, Moniales &c.

8. D. Quid est Sacrilegium?

M. Est, quando peccatū consummatur cum personà sacrà, habente votum Castitatis, vel solemne, vel simplex; Ex c. 32. n. 6. debet explicari, an habeat votum solemne, vel simplex: hoc enim obligat coràm Deo solùm, illud coràm Ecclesià; ideò gravius, & specie diversum.

Ali-

Aliqui disputant, an violans solemne teneatur explicare, num sit Religionis, vel Ordinis. Tu vide cap. 33. n. 6.

9. D. Quid est peccatum contrà Naturam?

M. Est genus continens sub se plures species, quas nolo enumerare, quia de illis, utpotè brutalibus, etiam tacebant Philosophi Gentiles. Dolendum est frequentari apud Christianos, quæ nec nominare volebant Æthnici. Turpitudine illorum satis per se apparet. Circà peccatum nefandum explica, an fueris agens, vel patiens: nam agere, & pati, quia in diverso prædicamento; differunt genere generalissimo; & id non explicans, omittit non modò speciem, sed & genus. Peccat contrà naturam, qui est impotens ad actum consummatum: quare Eunuchi, & similes debent explicare suam impotentiam naturalem. Porro quælibet species peccati contrà naturam aggravatur ex aliis circumstantiis, ut si agens, vel patiens sint maritati, voto adstricti &c.

10. D. Immunditia voluntaria, quæ est prima species peccati contrà naturã, nimis est frequens, ideò debeo circà illã esse instructus?

M. Quàm frequens, tam clara est illius malitia, Pessimè audies, si doceas dari posse ignorantiam invincibilem de illius malitiã in adolescentioribus; si dicas cognoscere, quòd sit contrà lumen rationis; at posse ignorari, quòd sit contrà legem Dei, incidet in peccatum Philosophicum; de quo p. 1. c. 28. n. 2. Vide 49. Thesim Inn. XI.

11. D. Po-



11. D. Potestnè aliquando permitti?

M. Nunquam potest intendi, neque ad salvandam propriam vitam, quia bonum speciei, ad quòd natura ordinavit actum venereum, prævalet bono individui. Hinc neque permitti cum periculo consensus, vel delectationis voluntariæ. Quòd aliquando possit permitti ex urgente necessitate, apparet ex c. 23. n. 4. de homicidio; Quæ verò, & quanta debeat esse necessitas, non potest universalitèr stabiliri. Cajetanus opp. tom. 1. tr. 12. probat posse permitti, estò prævideatur à Confessore, qui in illam incidit, ut exerceat suum munus, sive coactus necessitate studet hisce materiis. Circa id multum laxavit habenas Michael de Molinos, & quia ob naturæ fragilitatem possumus facilè decipi, credentes esse puram permissionem, quandò verè cooperamur, ideò res paulò est accuratius tractanda. Docuit ille circa immunditiam hujusmodi, plures Theses damnatas ab Inn. XI. Omitto 42.43. 45.46.48. 49.50.51. 52. & 53. in quibus dicebat permitti, cum tamen si verum esset, quòd ait, illi, de quibus loquitur, non solum permisissent, sed voluissent, & operati fuissent. Refero 17. *Tradito Deo libero arbitrio, & eidem relicta curà, & cognitione animæ nostræ, non est amplius habenda ratio tentationum, nèc eis alia resistentia fieri debet, nisi negativa, nullà adhibità industria; & si natura commovetur, oportet sinere, ut commoveatur, quia est natura.*

37. *In occasione tentationum, etiam furiosarum, non debet anima elicere actus explicitos virtutum oppositarum, sed debet in supraddicto amore, & resignatione permanere.* In 41. docebat Deum permittere actus carnales ex violentiâ Dæmonis, qui non essent peccata, estò contingerent *in vigiliâ, & sine mentis offuscatione.* In 47. quòd violentiæ Dæmonis erant permittendæ, *nullam adhibendo industriam, nullumque proprium conatum ad eas reprimendas. Et præ omnibus non opus est confiteri, & sanctissime fit non confitendo.* Et in 48. quòd *melius est ea non confiteri, quia non sunt peccata, nec etiam venialia.* Vide alias plures: Et disce, ad idem quàm cautè sit procedendum quanta cura adhibenda in reprimendo motu omni sensualitatis, & quàm lentè debeas immunem judicare à peccato, qui credit se permittere tantùm, non etiam directè vel indirectè velle prædictas immunditias.

12. Considera quamlibet particulam The-  
sium damnatarum; & si casus accidat, damnà  
praxim quancunque illis conformem: Si verò  
habes pœnitentem ex malà corporis disposi-  
tione proclivem, charitativè, ac paternè mo-  
ne, in singulis casibus confiteri, quas patitur  
immunditias (etiam nocturnas, quantò magis  
occurentes in vigiliâ, & sine mentis offusca-  
tione) Supponamus, quòd omninò vacent à  
culpà mortali, qualiter ex Cajetano potest  
contingere in Confessore, quis tamen audeat  
excu-

excusare à peccatis pluribus venialibus, & in praxi difficillimum est judicare, quòd adhibita sit omnis industria, sub mortali necessaria reprimendis tentationibus. Igitur induc. ut ea confiteatur ad securitatem conscientiae: 2. etiam supposito, quòd sit securus se non peccasse mortalitèr, ad delenda venialia, & negligentias commissas in reprimendis: 3. ad obtinendum contrà tentationes effectum proprium sacramenti, qui sunt auxilia Dei actualia suo tempore, nè incidamus in easdem tentationes; & loquendo de tentationibus carnis, in naturà magis igneà, & in juvenibus, quorum sanguis ebullit, nihil magis potest extinguere ignem luxuriæ, quàm sanguis Christi applicatus per hoc sacramentum: 4. immunditiæ hujusmodi, etiam quatenùs merè corporales, maximè dedecent accedentem ad nuptias Agni, seù ad sumendum Eucharistiæ sacramentum: quare in sero Ecclesiastici recitant.

*Hostemque nostrum comprime,*

*Ne polluantur corpora.*

S. Th. 3. p. q. 80. a. 7. Eucharistiæ sumptionem ait per istas immunditias impediri quoad duo: 1. quoad fæditatem corporalem, *cum quâ propter reverentiam sacramenti, non decet accedere ad altare, unde, & volentes tangere aliquid sacrum, manus lavant;* 2. propter evagationem mentis, *quæ sequitur;* nisi adsit necessitas communicandi, vel proveniat ex illusione dæmonis, ut impediat communionem.

CA-

## C A P U T LIII.

*De Pudicitia, peccatisque contrariè oppositis.*

1. **E**X c.49.n.1. Pudicitia respicit præcipuè signa venereorum, ut sunt asoeetus impudici, oscula, & tactus: Quæ omnia debes explicare; nam sunt actus, incompleti, ut p. 1. c. 31. n. 3.

2. D. Quid regulat actus hujusmodi?

M. Possunt considerari secundum se, & ita sunt actus indifferentes, qui possunt benè, vel malè fieri, ac regulantur à virtute Affabilitatis; quare licet ad ostendendum amorem honestum, ubi viget consuetudo, tamen cautissimè procede; si debet adhiberi cautela maxima, in regionibus, in quibus exercentur ex consuetudine, quia etiam ibi sunt valdè periculosi, quantò cautius, nbi nulla talis consuetudo viget. Quoad praxim, ubi non viget consuetudo, sunt damnandi saltèm ob periculum proximum, quod si non esset in uno, timeri sufficientissimè potest in comparte: sunt enim peccata, quotiès libido se ingerit, vel timeri potest: & id accidit, quotiès ex antiquà consuetudine non sunt introducti, ut signa honesti amoris.

3. D. Utique sunt peccata, quotiès sunt libidinosi, sed, quando censendi sunt tales?

M. Vide p. 1. c. 43. n. 3. cæterùm quisque in  
pra-



praxi agnoscit, quando moveatur ex amore libidinoso; Natura id omnes docet, & pœnitens, ubi se accusat de istis, jam agnoscit peccasse, saltèm exponendo se periculo.

4. D. Extrà matrimonium, sunt nè peccata?

M. Utique: nam amor libidinosus à naturà est institutus ad procreationem prolis, & cui prohibitus est ultimus actus, prohibita sunt dispositiones: quia, dispositio, & ultimus actus sunt in eodem genere: quia natura tendit ad completum: cui prohibet completum, prohibet inchoationem.

5. D. Sunt nè mortalia ex naturà suà?

M. Ex p. 1. c. 34. n. 6. peccamus mortalitèr, quando actus nequit stare cum charitate: c. 50. n. 2. nequit simul stare charitas cùm actu venereo præjudicante proli, quòad esse, ut in peccatis contrà naturam, vel quòad educationem, ut in aliis Luxuriæ speciebus. Ex n. 5. natura eodem præcepto prohibet ultimū actū, & dispositiones prævias, inde sequitur omnes actus contrà Castitatem esse ex suo genere peccata mortalia.

6. D. Excusanturnè ex parvitate materiæ?

M. Nunc tenetur communiter nullum peccatum contrà Castitatem excusari à mortali ex parvitate materiæ, & inclyta Societas Jesu semper amantissima Castitatis Angelicæ, sub pœnà excommunicationis prohibuit, ne quis doceret, vel admitteret parvitatem materiæ excusantem à mortali in peccatis contrà Castita-

stitatem; Ratio, ex S. Th. quem sequor in principiis, hæc mihi est. Tota Luxuriæ malitia consistit in eo, quòd præjudicetur, vel esse prolis, vel educationi ad instituendam totam vitam: quantuncumque ergo minimus sit actus, quia infert aliquod ex dictis damnis, quorum utrunque est gravissimum, erit semper peccatum mortale. Peccat mortalitèr, qui minimam excitat scintillam, ordinatam ad incendendum campum; estò per accidens non sequatur incendium. Ita in nostro casu. Potest peccari venialitèr, si aspectus, aut tactus essent occasio, & dispositio tantum remota ad amorem libidinosum, ut verba scurrilia, de quibus cap. 48. n. 4. & inordinati aspectus, non libidinosi, sed qui disponunt remotè ad libidinem; si verò sint cum periculo proximo, tunc erunt mortalia.

7. D. Quia Luxuria est vitium capitale, enumerà filias?

M. Sunt octo: Prima: *Cæcitas mentis*. Vide c. 4. n. 13. Secunda: *Inconsideratio*. Vide c. 15. n. 4. Tertia: *Præcipitatio*: Quarta: *Inconstantia*: Ambas vide c. 15. n. 3. & 5. Quinta: *Amor sui*: quia inordinatè appetit propriam delectationem; quare est genus, a quo causantur omnia peccata: Sexta: *Odium Dei*; Vide c. 14. n. 1. Septima: est *affectus præsentis sæculi*. Est etiam genus. Octava est *horror futuri sæculi*. S. Thom. q. 153. a. 5. vocat *fastidium*, & *desperationem*, inchoativè saltem; unde

reducitur ad speciem desperationis .

8. D. Adfuntne Censuræ, contrā violantes Castitatem , aut Pudicitiam ?

M. Adfunt rigorosæ pænæ civiles, & etiam Ecclesiasticæ imponendę in foro exteriori contrā Adulteros , Incæstuosos , Virginum deflo-  
ratores, Raptores, Sacrilegos, Concubenarios,  
& præcipuè contrā Clericos. exercentes pec-  
catum nefandum . Harum notitia non est ne-  
cessaria Confessori, qui reum remittet ad Juri-  
stas ; si discutiendum sit , an aliqua illarum  
obliget in conscientiā , non desunt Doctores, à  
quibus id haurire possis : Circà pœnas in foro  
pœnitentiali , nonnulla hujusmodi peccata so-  
lent ab Episcopis reservari; In universali Trid.  
ses. 24. c. 6. de ref. matr. imposuit pœnam ex-  
communicationis Raptoribus , operando , vel  
cooperando per consilium, auxilium, vel favo-  
rem . Ex p. 1. c. 10. n. 6. excommunicatio est  
reservata Papæ (à quā intrā Italiā, extrā Urbē  
neque possunt absolvere privilegiati regula-  
res ) contra violantes clausuram Monialium  
ad malum finem , hoc est , ad finem offendendi  
earum Pudicitiam .

9. D. Quas Pœnitentias imponam violan-  
ti istam virtutem ?

M. Rituale p. 1. c. 7. n. 23. in genere dicit im-  
ponenda *libidinosus jejunia , vel alias carnis  
afflictiones* . Quæ habent annexam excommu-  
nicationem , sanā juxta regulas de excommu-  
nicatione traditas p. 1. c. 18. n. 22. quod parti

lesæ satisfiat &c. Si sint humana , hoc est , ex fragilitate , cura ut p.1.c.22.n.3. Pœnitentem incitando recurrere semper ad medicinam Sacramenti instituti , ut vi illius accedens cum debita præparatione , à Deo impetret per merita Christi applicata ex opere operato, *auxilia maxima , quibus Christiani , dùm vivunt , conservare se integros ab omni graviore spiritus incommodo possint .* Ad hoc, si Christianus negligat recurrere , vertitur facillimè in consuetudinem , quam eradicare laboriosum est , & nisi Confessor cautè procedat, nunquam eradicabit : Consuetudinarii promittunt maria , & montes, præsertim instante præcepto Paschali . Circa hoc vide p. 1. c. 11. a n. 18. regulas a S. Carolo stabilitas, ad quarum amissionem nisi procedas, aggravabis conscientiam propriam, nèc solves coram Deo pœnitentes. Quæ inculcanda sunt, ut pœnitens concipiat maximū horrorem contra hæc peccata , hauri ex Catech. p.3.c.7. a n.6. Et quia frequentissimè peccatur contra prædictas Virtutes peccato solum interno concupiscentiæ, vel delectationis morosæ , horum remedia, & pœnitentias accipe ex eadem p.3.c.10.præsertim a n. 21.



## CAPUT LIV.

*De tribus Virtutibus annexis Temperantiæ, scilicet, Continentiâ, Mansuetudine, Clementiâ, Vitiisque oppositis.*

1. **T**emperantia refrænât concupiscentias gustus, & Tactus, quæ sunt vehementiores. Quæ in refrænando passiones, non ita vehementes, imitantur Temperantiam, dicuntur partes potentiales ejusdem. In præsentî ago de tribus, in sequentibus de reliquis.

2. D. Quid est Continentia?

M. S. Th. q. 155. notat accipi aliquando in Scriptura, & Patribus, pro Castitate, ut includit Virginitatem, & Pudicitiam. A quibus Scholasticè loquendo distinguitur in hoc, quod Castus ordinariè non sentit stimulos carnis: Continens sentit, & aliquando graves; At voluntate resistit: quare Castus habet rectificatum utrumque appetitum, intellectivum, & sensitivum: Continens habet sensitivum adhuc deordinatum, per commotiones passionum, sed tenet voluntatem ordinatam in ultimum finem, ita quòd concupiscentia non trahit illam ad mortale. Continentia non est perfectè Virtus; Propriè dicuntur Incontinentes, qui peccant ex infirmitate. Ex generali notione Castitatis, & Pudicitix habes, quomodo cures Incontinentes; nam quoad praxim

388 *Instructio ad Conf. Cap. LIV.*  
melius fuit omnia simul examinare.

3 D. Quid est Mansuetudo?

M. Est virtus habens refrænare passionem Iræ, ut ne quis irascatur plus, aut minus, quam decet. Hujus subiectum est appetitus. Irascibilis: sed annectitur Temperantiæ residenti in concupiscibili, quia in modo refræ-  
nandi assimilantur.

4. D. Obligatnè sub mortali?

M. Debemus esse parati, ad exercendos actus Mansuetudinis, quando sine illorū exercitio non posset servari charitas: & tunc sub mortali obligaret, ut p.1.c.34.n.6. sed per accidens ex p.1.c.38.n.16. Cæterum quia possumus transigere totam vitam absque eo, quod offerantur occasiones irascendi cum totali detrimento charitatis, ideò, per se non obligat sub mortali.

5 D. Quæ sunt Vitia contra Mansuetudinē?

M. Oppositum per defectum est, dum, ubi, & quando quis debet, non irascitur; est innominatum. Ut intelligatur ejus essentia, ex S.Th. q.123.a.10. fortis in suo actu debet uti ira, & quicumque ad modum fortis aggreditur aliquid difficile: Igitur quibus incumbit aggredi aliquid difficile, ut fortes in bello, & in pace habentes servare justitiam legalem, & commutativam, ubi hæc opprimitur a potentiori debent irasci, nè verificetur illud Is. 56. *Canes muti non valentes latrare*, præsertim pro Ecclesiastica immunitate, & ad sublevandos pauperes.

peres . Plures irascuntur contra pauperes , & debiles , at sub capite potentium consuunt pulvillos . Ubi similes incidunt pœnitentes , inculcà graue peccatum , quo se implicant , & gravissimum , quod Ecclesiæ inferunt detrimentũ . Si qui spiritualiores aggrediuntur ardua quæque sine ira ; doce id non esse humanum . Nimia hæc lenitas pertingere posset ad mortale , quando ex ejus omissione præjudicium notabile inferretur charitati , tamen esset mortale per accidens , ideò si v.g. se accusat , quòd in tali materia v. g. præjudicaverit Ecclesiæ , non oportet scire , an fuerit iratus , ut defenderet &c.

6 D. Quod est peccatum per excessum ?

M. *Ira*, non ut passio, sed ut appetitus inordinatus vindictæ. Utpotè inordinatus est semper peccatum , sed non mortale ex genere suo ,

7 D. Omnis appetitus contra justitiam ex genere suo est mortale , & Ira appetit vindictam injustam ?

M. Ex S. Th. q. 158. a. 3. ira dicitur inordinata : 1. quatenus tendit in objectum , in quod non debet , scilicèt , in vindictam injustam : tunc est mortale ex suo genere , solumque excusatur ex paviditate materiæ , vel si desit plena advertentia : 2. est inordinata , quatenus tendit in vindictam justam ; sed nimis ardentè , vel plura , quam debet , Iræ signa profert . Quia utrunque modum complectitur Ira , ideò non dicitur ex suo genere morale .

8 D. Ira est Vitium Capitale : quæ sunt ejus filiæ ?

M. S. Doctor, sex ei filias assignat a.7. Prima : est *Rixa*, de quâ c. 14. n. 12. sed universalius nominæ *Rixæ* hîc veniunt peccata omnia, quæ factis inferunt nocumentum proximo. Secunda : *Tumor mentis*, sive, ut explicat ad 3. audacia intentantis vindictam, de quo Tumore, ut opposito fortitudini, vide c. 43. n. 16. Tertia *Contumelia*, de quâ c.26.n.2. Quarta : *Clamor*, scilicet, inordinata, & confusa locutio, Modestix opposita, de quâ c.56. n.23. Quinta: *Indignatio*, seu tristitia de bono proxim, quatenus est indignus : Iræ passio obnubilat intellectum : quare iudicat eum, qui offendit, indignum veniam, dignumque solum suppliciiis : quare indignatur, quod habeat bona, utpotè creditus illorum indignus : maximè indignatur, si quis petat pro offendente bonum veniæ. Hæc est Nemesis, de qua c. 14. n.6.&de se est veniale, quando agitur de bonis temporalibus : cæterum si offendens verè non fit indignus, sed solum ex ira iudicetur, tunc poterit esse mortale. Sexta est Blasphemia, de quâ c. 4.n.8. si sit simplex, opponitur Religioni : si vero sit hæreticalis, opponitur Fidei.

9. D. Quas pœnitentias imponam violanti virtutem Mansuetudinis ?

M. Qui violant per defectum, maximè sunt Superiores, & Principes ; qui non zelant Dei honorem, & observantiam legum ; Quia hîc defectus habet maximam similitudinem cum ipsâ Virtute, ut scias, quando est virtus, & quando



quando peccatum oppositum, vide, quod deficiens ordinariè loquendo, solum tacet, & non irascitur, quando non adest injuria in seipsum: quando vel leve delictum à paupere in se est commissum, tunc omnia sus deque movet. Silet, ubi agitur de offensis Dei commissis a potentioribus, quas parum curat suppressere. Excita hos ad justam iram, gravitèr, & efficaciter ostendendo suas obligationes in vim officii, & ex justitia; Vide c. 19. n. 14. Pro excedentibus in ira, si quidem excedant ex parte objecti appetendo vindictam majorem, quam mereatur delictum, hos mone de obligatione charitatis, & justitiæ, quam habent erga proximum: Si excedat ex parte actus nimis irascendo, habes ex Evangelio, obvia loca, ut utramque refrænes.

10 D. Quid est Clementia, Tertia Virtus annexa Temperantiæ?

M. Distinguitur a Mansuetudine, quod ista moderatur, & refrænat Iram, quæ est causa pœnarum. Illa mitigat, & moderatur pœnas, quæ sunt effectus Iræ: Princeps moderatus fuit Iram per Mansuetudinem, ita quod in ista non defecerit, neque excefferit: sed adhuc potest deficere, vel excedere in castigando, neque loquor de excessu in castigando contra justitiam, sed justitia habet suam latitudinem, intra quam semper pœna erit justa: Ex c. 27. n. 6. pretium morale est triplex, & unumquodque justum: Etiam pœnæ possunt conside-

rari justæ cum hac triplici latitudine , ut aliæ sint infimæ , aliæ mediæ ; aliæ rigorosæ ; dummodò sint justæ, Superior potest eligere quamlibet ex his , & Clementia refrænât animum , ne inclinet ad eligendam rigorosâ. Omnes experimur inclinari ad rigorem ergâ alios, ad benignitatem erga nos , & nostros : Id pluries in Confessionali experietur ipse Confessor : inclinabitur ad dandas pœnitentias leves , ubi accedant amici, divites &c. ubi accedunt ignoti, pauperes &c. inclinabitur ad graviores Clementia dirigit hominem , ut inclinet ad moderandas pœnas, non amicis tantum , sed omnibus, semper tamen, ut decet, considerata conditione personæ , loci , temporis &c.

II D. Quam regulam servat Clementia, ut moderetur pœnas intra Justitiæ limites ?

M. Ubi dicitur *consideratâ conditione personæ* &c. non potest assignari regula generalis, & determinata , sed omnia relinquuntur arbitrio prudentis . Cæterum, quod insinuatum est de pretiis, & applicatum pœnis, debet inservire pro regula generali , ut semper applicetur pœna infima ex iis , quæ sunt irrogandæ per justitiam . Ulterius ex c. 39. n. 5. Gratitude semper habet de bonis retribuere supra condignum , hoc est supra quam valeat beneficium collatum ; Deus hoc modo procedit : Sanctis retribuit gloriam supra condignum : peccatoribus verò , etiam damnatis , per Clementiam retribuit infrâ condignum . Id exigit Cle-  
men-

mentia ab omnibus habentibus retribuere pœnas . Vide S. Th. q. 157.

12 D. Quia Confessor debet esse clemens , retribuet ne infra condignum ?

M. Confessor , utpotè Dei, & Ecclesiæ Minister, debet agere juxta mandatum principalis . Ecclesia in Rituali p. 1. c. 7. n. 22. vult quidem proportionari pœnam peccato . *Videat ne imponat levissimas pœnitentias pro peccatis grauioribus* . At semper reliquit taxandã quantitatem arbitrio Confessoris, considerato statu, ætate &c. Pœnitentis . Ideò etiam antiquitus levissima imponebatur constitutis in articulo mortis : Duo tamen adverte : 1. non plenè satisfaciens in hac vita, satisfaciet multo gravius in Purgatorio : 2. sustinens supra quam mereatur pro hoc peccato, satisfacit pro aliis commissis : quare lucratur Pœnitens ex rigore Confessoris imponentis graves pœnitentias ; At quia pauci capiunt verbum hoc dico etiam Confessori procedendum fore, juxta leges Clementiæ , & Prudentiæ . S. Th. 4. d. 18. ait. *Pœnæ determinatæ a Canone sunt variandæ secundum arbitrium Sacerdotis regulatum divino instinctu, sicut Medicus non dat medicinam efficacem ob debilitatem infirmi* . Et q. 3. a. 28. *Conuenit quod Sacerdos non oneret gravi pondere satisfactionis , quia sicut parvus ignis facile extinguitur a multis lignis, ita propter gravem pœnitentiam extingueretur parvus affectus contritionis* .

13 D. Obli-

13 D. Obligatnè Clementia sub mortali ad suum actum?

M. Explicata est Clementiæ ratio, exemplo pretiorum moralium, in quibus ut c. 27. n. 6. non peccat volens vendere supremo, quia hoc est intra latitudinem justitiæ: Clementia habet moderati pœnas justas, accipiendo infimam intra latitudinem pœnarum justarum; qui autem eligit aliquid justum hic, & nunc, numquam eligit medium impossibile cum charitate; nec peccat per se loquendo: Quisque tamen debet esse animo ita paratus, ut si hic, & nunc præjudicaret hæc pœna, (alias justa, sed rigorosa) charitati, illam dimitteret. Ita procedunt Principes Christiani, etiam in casibus gravioribus: Habent reum morti adjudicatū pro tali die; justissime potest addici supplicio; quia tamen vident non se disponere ad sacramenta, per Clementiam diminuunt pœnam, protrahendo aliquem diem vitæ, ut facilius se disponat; quod si perseverat impœnitens, dant Justitiæ locum, quia non esset amplius Clementia: nam quilibet sciens se non addicendum morti, ostenderet impœnitentiæ signa.

14 D. Obligaturnè in tali casu Princeps ad differendum supplicium?

M. Ordinariè tenentur Reo concedere tempus ad recipienda Sacramenta, ad quorum susceptionem tenemur omnes jure divino in articulo mortis; At si suscipere admonitus renuit,



nuit, non tenetur sub mortali protrahere executionem sententiæ, nam ex n. 13. Clementia per se non obligat sub mortali, sed per accidens in casu, quo Charitas obligat. Et tunc obligat, quando proximus est in extrema necessitate. Reus autem ex voluntate reperitur indispositus in dicto casu. Obligatur fœminæ gravidæ, differre supplicium, quia fœtus æstis in utero, & est innocens, & est in extrema necessitate.

15 D. Quomodo vocatur peccatum contrariè oppositum Clementiæ per defectum?

M. Potest vocari *Nimia lenitas*, & committitur, quando Superior (pæcipuè Confessor) irrogat pœnam, quæ est infra limites pœnæ justæ. Ita esse animo inclinatum pertinet ad hoc vitium; si infligatur minor justa, peccatur contra justitiam legalem, sicut est contra charitatem habere animum inferendi malum proximo; & contra justitiam actu inferre.

16 D. Igitur hoc erit ex suo genere peccatum mortale: nam talis est animus violandi justitiam?

M. Dixi peccatum hoc imponere pœnam minorem justâ, non injustam. Ita imponere, de se non est mortale, nisi Superior obligetur imponere æqualem. Id apparet præsertim in Religionibus, in quibus pro tali delicto particulari imponitur aliqua pœna; Superior illam non imponens, ubi verè habet locum, considerata qualitate peccati, peccantis &c. peccat

cat peccato nimiae lenitatis, non tamen, mortali, quia Regula non obligat sub mortali; sed si sequeretur inde relaxatio boni communis, tunc esset mortale, non quia opponitur Clementiae, sed Charitati, praecipue respicienti conservationem boni communis.

17 D. Quod est peccatum per excessum?

M. *Crudelitas*: Distingue hæc tria: Est Severus, qui Reo semper imponit pœnam supremam. Hic committit actum Clementiae, sed non committit peccatum oppositum. Sævus, seu ferus, est qui in castigando non respicit culpam Rei, sed delectatur in cruciatu, & pœnis. Crudelis est qui considerat culpam, sed irrogat pœnam justo majorem; S. Th. q. 159. Sævus committit peccatum inhumanum, quia delectari in sanguine, seu pœnis aliorum, est bestiale, & contra hominis naturam; ideò peccat contra donum Pietatis, quæ, ex p. i. c. 34. n. 8. est virtus heroica, seu divina; & illi opponuntur peccata bestialia, seu inhumana: Crudelitas directè opponitur Clementiae, & per accidens erit mortale, ratione justitiæ, quam lædit, ut n. 17. de Nimia lenitate.

18 D. Circa Continentiam, supra jam dicta de Castitate, nihil ultra notandum restat, quoad Censuras, pœnas, & reservationes: Circa Mansuetudinem, atque Clementiam, hæc duæ virtutes consideratæ secundum se, aut ratione peccatorum oppositorum, nullam habent censuram, aut reservationem; Circa pœni-

ten-

tentias imponendas Iracundis, vide n. 9. Circa imponendas Crudelibus, aut lenibus vide c. 20. n. 17. & c. 21. nam hæc peccata, ut plurimum conjuncta sunt Injustitiæ.

## CAPUT LV.

*De Humilitate; peccatisque eidem contrariè oppositis.*

1 **U**Ltrà prædictas virtutes moderativas passionum internarum S. Th. notat superesse alias passiones refræmandas; Virtutesque in id tendentes a nonnullis comprehendendi sub uno Modestiae generico nomine, quod notat, ne parum versati confunderentur; nam de reliquo vitans ipse omnem vocis quæstionem, posuit tertio loco virtutem Humilitatis, quæ habet moderari passionem Spei; de qua virtute, vitiisque oppositis agit S. Doctor a q. 160. ad 166.

2 **D.** Quid est Humilitas?

**M.** Spes est boni ardui, quare duplex ratio consideratur in objecto Spei: 1. bonitas: 2. arduitas, & difficultas illud consequendi: Bonitas considerata secundu[m] se habet attrahere: Arduitas retrahere. Igitur duplex virtus est necessaria pro dirigenda passione Spei, altera, quæ dirigat hominem, dum considerat arduitatem: Hæc habet impellere, ut, non obstante arduitate, curet homo consequi bonum illud:

Et

Et est Magnanimitas, de qua c. 44. Altera, quæ dirigat hominem, dum considerat bonitatem; Hæc habet refrænare, ut homo plus, quam decet, non feratur in objectum, utique bonum, sed & simul arduum, & vocatur Humilitas. S.Th. q. 161. a. 1.

3 D. Quomodo possum per humilitatem me subicere omnibus?

M. Cum Dei adiutorio consequi poteris, si non habens opus considerandi in te dona Dei, consideres quidquid habes ex te ipso; videbis ex te habere solum defectum, & peccata; è contrà in proximo consideres dona Dei, saltem aliquod; nemo enim quantumcunque peccator, est sine aliquo Dei dono: Hoc modo S. Dominicus ingrediens aliquam urbem, se subiciebat incolis, dum genuflexus orabat Deum, ne ob sua peccata urbem subverteret. Considerabat suos defectus etiam minimos, ratione quorum, Deus iustissimè potest in hoc sæculo castigare civitatem integram, in qua moratur defectuosus. E contrà in habitatoribus misericordiam Dei, ratione cujus Deus expectat, & non punit peccatores. Hoc modo singuli tenentur ex illo Philipp. 2. *In humilitate superiores se invicem arbitrari*. Aliud humilitatis universale motivum datur. Luc. 17. Præcepit Christus: *Cum feceritis omnia, quæ præcepta sunt vobis: dicite: Servi inutiles sumus*. Quilibet igitur considerans se ipsum secundum se, ex mandato Christi, debet credere se simpliciter inutilem:



E contra proximum, imò & dæmonem, ex Dei virtute illi collata, dùm assumitur ut instrumentum alicujus operationis, esse utilem ad aliquid: nam de omni, etiam de dæmone verificatur illud Aug. in Psal. 14. *Ne putetis gratis esse malos in hoc mundo, & nihil boni de illis agere Deum. Omnis malus, aut ideò vivit ut corrigatur, aut ideò vivit, ut per illum bonus exerceatur.* Et ita sunt utiles. Porro clarum est, quòd inutilis debet se subicere ei, qui est utilis.

4 D. S. Franciscus reputabat se maximū totius mundi peccatorum: estnè necessarium ad perfectissimam humilitatem, quòd homo ita de se sentiat?

M. Ex S. Th. q. 161. a. 3. non est necessarium. Nam Gal. 2. *Nos natura Judæi, & non ex gentibus peccatores.* S. Franciscus reputabat se maximum peccatorem: considerans, quòd si alii recepissent dona sibi a Deo collata, magis correspondissent, quam ipse corresponderit ex suo defectu.

5 D. Obligatnè sub mortali Humilitas?

M. Ex S. Th. q. 161. art. 1. ad 5. *Humilitas præcipuè respicit subjectionem hominis ad Deum, propter quem etiam alii humiliando se subicit.* Et q. 162. a. 5. illud adverbium *præcipuè* vertit *proprie*, nec possumus servare charitatem Dei, quando positivè nolumus illi bonum nostræ subjectionis debitum; quare respectu proprii, & principalis objecti, Humilitas obli-

obligat sub mortali ex genere suo, quia debemus subicere nos Deo, ejusque legi: Nec sine mortali possumus refugere hanc subjectionē, particularis tamen materia Humilitatis coincidit cum materia aliarum virtutum principalius præceptorum: v.g. lex divina nos obligat aliquoties in anno, ut c. 1. n. 19. subicere nostrum intellectum divinæ revelationi de tribus mysteriis. Satisfacimus Deo præcipienti actū Humilitatis, per illum actum fidei. Ille est actus imperfectus Humilitatis: Ad perfectum obligamur, quando obligamur ad actum perfectæ charitatis importantem, quod subiciamus voluntariē totam vitam nostram legi divinæ. Ubi obligamur ad actum imperfectum charitatis, pariter obligamur ad imperfectum Humilitatis, v.g. si obligamur ad actum eleemosinæ, obligamur ad actum imperfectum subijciendi aliquid nostrum Deo in bonum proximi. Ex Trid. p. 1. c. 4. n. 12. ad justificationem prærequiritur Dei amor initialis, imperfectus, quia nondum est cum proposito servandi omnia mandata, de quo Concilium loquitur subsequenter: Justificandi obligantur ad illū actū imperfectum Humilitatis: nam illo amans Deum subicit se Deo ut fini. Hinc vides Humilitatem minū principalitē tendere in proximum, & tunc obligabimur subicere nos proximo, cum & obligamur subordinare nostra, vel nos: Subditus tenetur esse subordinatus Superiori; Obligatus ad eleemosinam corpora-

poralem, tenetur subordinare sua bona pauperi &c.

6 D. S. Benedictus posuit illos duodecim gradus Humilitatis qui sunt.

M. Hi: 1. Corde, & corpore semper humilitatem ostendere, defixis in terram aspectibus. 2. Pauca verba, & rationabilia loqui, non clamorosa voce. 3. Non esse facilem, aut promptum ad risum. 4. Tacere usque ad interrogationem. 5. Tenere, quod habet communis Monasterii regula. 6. Credere, & pronunciare se omnibus viliozem. 7. Ad omnia indignum, & inutilem se confiteri. 8. Confiteri peccata sua. 9. Per obedientiam in duris, & asperis patientiam amplecti. 10. Cum obedientia subdere se majori. 11. Non curare implere voluntatem propriam. 12. Deum timere, & recordari omnium, quæ præcipit. Graduum horum convenientiam Theologicam, vide apud S. Th. q. 161. a. 6.

7 D. Non videntur necessarii Confessori?

M. Imò ex Rituali: 1. ubi vult confessiones audiri in Confessionali crate perforata inter pœnitentem, & Sacerdotem instructa. 2. Ne curiosis, aut inutilibus interrogationibus quæquam detineat. 3. Correptiones adhibebit, & ad contritionem efficacibus verbis excitare conabitur. 4. Cum sigillo, sub exacto, perpetuoque silentio. 5. Ecclesiæ constitutiones diligenter observet. 6. ubi vult peccatorum exquiri consilium: 7. ubi vult implorari divinum auxilium: quæ enim possumus ex nobis, non

petimus ab alio. 8. expressè non meminit Rituale, quia nunquam Ecclesia sibi persuasit, Confessorem vivere in peccato mortali; sed supposuit notum jus divinum, ut volens administrare Sacramentum, si sit in mortali, debeat confiteri, vel externè Sacerdoti, vel saltem internè Deo, per contritionem charitate perfectam. 9. ubi vult audiri Pœnitentem; Considera, quibus id exprimit, verba, & videbis indicari patientiam invictam. *In hoc ministerio procedat, ut infra præscribitur.* Ubi commendat boneri divino, & animarum salutem consolare, non sibi, adeò, ut neque sibi possit applicare pœnitentias pecuniarias. 12. ubi ait Confessorem *divinæ justitiæ, & misericordiæ ministrum à Deo constitutum.* Minister enim debet timere principalem, & recordari omnium, quæ præcipit in exequendo ministerio. Restat, ut hisce gradibus humilitatis externæ correfpondeat vera, & par Humilitas interna.

8 D. Quæ sunt peccata contra Humilitatem?

M. Oppositum per defectum est innominatum, nec de illo agit S. Thom. Oppositum per excessum vocatur Superbia, cujus ut plenam notitiam tradat S. Th., quærit insuper de Superbia primi hominis, de pœnis propter illam incurfis, quæ sunt effectus, & de causa, scilicet, de Tentatione Diaboli, qua tentavit primum hominem. Vide textum.

9 D. Quid est Superbia?

M. Est



M. Est *appetitus inordinatus propriæ excellentiæ, ut homo non vult subjici regulæ, seu legi divinæ*. S.Th. q.162. a.5. & consequenter est etiam Superbia, si non vult subjici Superiori tenenti vicem Dei in directione nostra. In omnibus peccatis contemnitur regula, & lex divina; unde omne peccatum importat rationem superbiæ, sed tunc est peccatum speciale, quando directè, vel indirectè tendimus in aliquid, quia nolumus subjici Superiori; Si quis furetur, ut ditescat de alieno, utique contemnit septimum Decalogi præceptum, sed non contemnit formaliter, committitque unicum furti peccatum; si verò furetur, quia non vult subjici Decalogo, tunc duplex peccatum committit, alterum furti, alterum Superbiæ specialis.

10 D. Mihi videris confundere inobedientiam, & Superbiam?

M. Inobedientia est, quando formaliter nolumus nos subjicere in operando legi divinæ; tunc superbia, seu contemptus est causa Inobedientiæ. Ratio formalis Superbiæ stat in ipso contemptu, & Superbia magis latè patet, quia, superbio, etiam extra casum Inobedientiæ.

11 D. Inobedientia, semper, conjungitur superbiæ, seu contemptui, qui est de se peccatum mortale, etiam præscindendo ab Inobedientia: quare Inobediens debet etiam distinctè explicare peccatum Superbiæ?

M. Ex p. 1. c. 31. n. 3. explicans in confessione ultimum actum, etiam explicat præcedentes, non è contrà. Cum ergo Superbia sit semper causa Inobedientiæ, qui explicat hanc, simul explicat illam, non è contra.

12 D. Potestnè peccatum Superbiæ excusari à mortali ex parvitate mareris?

M. Formale peccatum Superbiæ non potest excusari: nam importat nolle subjici Deo; qui autem in minimo tollit dominium Dei, totaliter tollit. Optimè Scholastici concludunt, quòd si una formica tolleretur à dominio Dei, vel hoc, quòd est semel erigere digitum, omnia eo ipso subducenda essent: Ut indivisibile, vel totum tollitur, vel nihil.

13 D. Quot sunt species Superbiæ?

M. Quatuor assignat S. Th. q. 162. a. 4. Primò, cum homo æstimat habere aliquod bonum à se ipso: 2. cum æstimat se tale bonū habuisse à Deo, sed sibi contulisse, quia id per se promeruit, adeò ut illi debeatur hoc præmium ex sola Justitia, non primariò ex pura Dei Misericordia: 3. cum jactat se habere bonum, quod non habet: 4. cum vult videri, quòd ipse unicè habeat illud bonum.

14 D. Cum nullæ fiat prohibitæ Theses circa Humilitatem, neque censuræ contra formale peccatum Superbiæ directè: quas pœnitentias imponet Confessor pro Superbia.

M. Debes incumbere, ut eradices omne vitium; sed maximè, quæ est initium omnis peccati;

cati; Quandiu vivimus, quia habemus fomitem, non possumus vivere subiecti perfectissimè Deo, quia non possumus diu vivere absque omni peccato. Fuit hoc solius B. Virginis. Ut, quantum potest, eradicetur Superbia, ex Rituali p. 1. c. 7. n. 23. commeudentur *superbis humilitatis* officia, in quibus exercendi erunt frequentissimè, desumptis morivis, tùm ex scriptura, tùm ex Patribus. Efficacissimum erit ipsius Confessoris exemplum curantis in omnibus, at præsertim in administrandis Sacramentis, se subicere perfectè omni regulæ à Deo statutz, & ab Ecclesia, habendo semper ante oculos Rituale, &c.

## CAPUT LVI.

*De reliquis Virtutibus annexis  
Temperantiæ.*

1 **P**ost præcedentes virtutes Temperantiæ annexas, quia *omnis homo*, ex Philosopho, *natura scire desiderat*, hoc desiderium debet ita regulari, ut non excedamus, vel deficiamus in addiscendo; quare hinc ponitur Virtus Studiositatis.

2 **D.** Quid est Studiositas, quæ venit etiã sub nomine generico Modestiz?

**M.** Est virtus moralis, per quam homo amat studium, prout oportet, principaliter moderans desiderium sciendi, ad quod ex natura fe-

rimur, ne nimis amemus, vel nimis applicemus ad studium: secundariò autem impellens ad studium, à quo nos retrahit labor improbus omninò necessarius, ut studeamus.

3 D. Quam regulam adhibet in studio?

M. Scientia, quam in hac vita intendimus, non debet expeti per se, & ut finis, sed ut medium in ordine ad aliud. Nam per virtutes intellectuales dicimur boni secundum quid, non simpliciter, sicuti simpliciter boni dicimur per virtutes morales. Virgilius non dicitur *bonus* absolutè, sed secundum quid, seù cum addito, *Bonus Poeta*. E contra ornatus virtute morali, etiam in communi locutione, dicitur absolutè *Vir ille est bonus*. Porro quod est tale *secundum quid*, ordinatur ut medium ad *tale simpliciter*. Et ita nullus debet studere ad hoc præcisè, ut sit doctus, sed ut per doctrinam sit utilis ad alium finem. Legens hoc opus, caveat, nè legat merè, ut sciat: de hoc enim judicabitur à Deo; sed si quid in eo ex Angelico inveniet boni, ordinet 1. ut se ipsum dirigat, 2. ut ex superabundantia dirigat alios. Vide finem. Respublica, etiam Ecclesiastica, indiget viris doctis in quolibet genere virtutum, etiam naturalium, ut Philosophis, Medicis, Mathematicis, Artificibus in quacunque arte. Inculca, ut quisque in sua professione curet fieri excellentissimus, ordinans hoc ad bonum Reip. cui, cæteris paribus, prodest magis unus excellentissimus, quàm multi ordinarii. Quia divites,



ac nobiles incumbunt aliquibus artibus, vel scientiis, non ut illarum exercitio familiæ provideant, vel Reip. Accende illos ad studium, non tamen eò præcisè, ut sciant, sed ut se perficiant: quilibet enim pro fine proximo potest intendere sui perfectionem. Omnibus commendanda, ut studeant, attenta sanitate corporis, & instrumentis, quæ habent, scilicèt, Magistris, libris &c. 2. studiosus addiscet magis, quæ sunt magis necessaria; quare ut, juxta virtutem Studiositatis, dicatur studere Confessor, priùs videbit, quid sit omninò necessarium pro suo triplici munere: horum studium præponet quasi fundamentum aliorum. Talis est doctrina Christiana, Rituale, sicut & alia, quæ innui p. 1. c. 12. n. 12. In his addiscendis totus debet esse Confessor.

4. D. Virtus hæc obligatnè sub mortali?

M. Utique, ubi sit medium necessarium ad charitatem. Quare sub mortali obligamur addiscere necessaria ad salutem, part. 1. cap. 35. à numer. 2. Et primò illa, sine quibus non possumus exercere actum fidei: secundò sine quibus non possumus exercere actum Spei, ut est Oratio Dominica: 3. illa, sine quibus non possumus exercere actum charitatis, ut est Decalogus, Ecclesiæ præcepta &c. Ad hæc tenentur universaliter omnes, ut ibid. n. 4. tenetur quilibet scire officium suum, & negligendo, peccat mortalitèr; quare Cōfessor in suo

munere peccans ex defectu scientiæ, dupliciter peccat, v.g. non quærens in pœnitente dolorem supernaturalem: 1. faciens sacramentum invalidum: 2. ignorans necessitatem doloris prædicti, qui post decretum Inn. XI. est veluti primum principium in Theologia, & hæc tenetur quilibet scire. Quæ autem in particulari debeat necessariò scire Confessor, non possumus determinare, quia alii tenentur ad plura, alii ad pauciora. Plura tenetur scire Judex causarum graviorum, quàm leviorum. Medicus curans infirmos ordinarios non ita debet esse doctus, ut curans morbos periculosiores. Idem dic de Magistro, seu Doctore.

5 D. Quæ sunt vitia contra Studiositatē?

M. Oppositum per defectum est innominatum. Oppositum per excessum vocatur Curiositas, de qua S.Th. q. 167.

6 D. Quomodò possum peccare in desiderando scientiam, quæ est perfectio hominis?

M. Curiositas est peccatum; & possum multipliciter esse curiosus: 1. si per sensus quæram cognoscere objectum, quod mihi non licet: Quinque sunt sensus; & per tres possum cognoscere objecta, sub mortali prohibita: Hi sunt Tactus, Visus, & Gustus. Tactus, quando fertur, ut cognoscat, seù tangat &c. quæ habent annexam delectationem veneream: Gustus, quando fertur in cibos prohibitos: Visus, quando videtur mulier ad concupiscendum. In cæteris nullum est objectum illicitum

ex naturâ suâ sensui: 2. peccabo curiositatis peccato, si ordinem hujusmodi cognitiones ad finem malum, vel ex se, vel ex intentione operantis. Circa illa, quæ ordinantur ex se. S.Th. art. 2. ponit duo exempla: primum est. *Inspectio mulieris ordinatur ad concupiscendum illam: secundum: diligens inquisitio eorum, quæ ab aliis fiunt, ordinatur ad detrahendum.* Inspectio mulieris ordinatur remotè, & qualiter sit peccaminosa, dictum est c. 52. n. 6. Idem dic, dum aliorum facta curiosius inquiri, nisi actu, vel virtute, mea intentione ordinem hanc cognitionem, ut detraham, vel expono me periculo peccati. Porro Confessor, dum nimis scrupulosè vult exercere suum officium, caveat, ut loquitur Rituale p. 1. c. 7. n. 20. *nè curiosis, aut inutilibus interrogationibus quemquam detineat.* Si pœnitens accuset se curiositatis, non sit nimium curiosus investigandi, quæ curiosius scire voluerit pœnitens: nam ordinariè ipsi explicant, ubi mortaliter peccaverint, nisi aliud prudenter judicet ex modo loquendi. Remitterem, velut indispositum, qui se curiositatis accusaret tantum in genere, attendens, ut interrogem de curiositate peccaminosa mortaliter, ut si curiosius inspexerit exercentes actum matrimonialem &c.

7 Secundò: peccatur in cognitione sensitiva, atq; nullus habeatur finis malus, quando non ordinatur ad finem bonum. De cognitione sensitiva per gustum, Inn. XI. prohibuit con-

contrarium prop.8. De cognitionibus aliorum sensuum videtur deduci ex paritate gustus. Angelicus vult cognitiones sensitivas ordinandas ad intellectivam: sensus enim sunt instrumentum intellectus.

8 Tertiò: Curiositas de cognitione intellectiva, si homo studeat scientiis malis, ut est Astrologia judiciaria &c. Nulla scientia est in se mala, sed ob periculum imminens, ut ea quis abutatur, Ecclesia prohibuit Astrologiam judicariam. Huc spectant, qui legunt libros prohibitos. Circa quorum lectionem hæc repetio in Indice librorum prohibitorum, Regula 10. §. Ultimo: *Qui libros Hæreticorum, vel cujusvis Authoris scripta ob hæresim, vel ob falsi dogmatis suspicionem damnata, atque prohibita legerit, aut habuerit, statim in excommunicationis sententiam incurrat. Qui vero libros alio nomine interdictos legerit, aut habuerit, præter peccati mortalis reatum, quo afficitur, judicio Episcoporum severè puniatur.* Non memini curiositatem superstitiosam, de hac opposita Religioni, dictum est cap. 35. à num. 3.

9 Quartò: si cognitio intellectiva non ordinetur ad finem bonum, ex n. 3.

10 Quinto: est Curiositas, si relicto utiliori studio, attendimus ad minus utile fini, cui nos applicavimus. Ad hoc a. 1. sunt verba Hieronymi. *Sacerdotes, dimissis Evangeliiis, & Prophetis, videmus comadias legere, & amatoria bucco-*



*buccolicorum versuum verba cantare.* Huc referri posset, qui principalitèr curaret scire redditus beneficii, modum illos augendi &c. Secundariò autem munus. Omnes utique debent incumbere ad conservandum, imò augendum redditus Beneficii. Multa ex parte collapsus observantiæ regularis tribui debet huic negligentiae, sed studium oeconomicum temporaliù debet esse secundo loco: primitùs incumbendum est studio proprii muneris.

11 Sextò: est Curiositas, quando quis studet altioribus, supra suum statum, aut capacitatem, ut si Sacerdos fingat se Confessorem Magni Regis, & ex se determinet; quid in tali casu consuleret, vel Episcopum, & meditetur ordinationes pro bono gubernio Episcopatus. Huic dicitur Eccl. 3. *Altiora te nè quæsieris.*

12 D. Estnè Curiositas ex suo genere peccatum mortale?

M. Sicuti non obligat sub mortali Studiofitas, ita neque mortale peccatum est Curiositas. Est mortale studere cognitionibus sensitivis, contra Castitatem, & intellectivis, in quibus est periculum proximum gravis damni spiritualis. Ex præcepto Ecclesiæ est mortale studere libris prohibitis ut n.8.

13 D. In legendo istos possumnè excusari ex parvitate materiæ?

M. Non est mortale, si quis legat paucas lineas. Tamen applica regulam de furto positam

tam p.1. c.37. n.6. Est mortale, si acum furer, ex quo grave damnum immineat possessori: Eodem modo erit mortale, si legam paucas lineas, ex quarum lectione gravis immineat mihi ruina spiritualis.

14 D. Ad suntne Censurę contra peccatum Curiositatis?

M. Ultra n.8. vide 1.p.c.20. & c.45. n.5.

15 D. Ad suntne Theses prohibitę.

M. Vide 45. Alexandri VII. Ex 8. Inn. XI. Theologicę deducitur omnem scientiam esse dirigendam ad alium finem.

16 D. Quas Pœnitentias imponam pro peccato Curiositatis?

M. Ubi pœnitens studuit libris prohibitis, debet ab se abdicare hos libros, quorum retentio est etiam prohibita. Circa alia peccata, induc, ut omnia agat ordinatę propter finem, pręponendo semper principaliorem. Super omnia Confessor pręcedat exemplo, ita quod fugiat omne vitium curiositatis, in omni quidem circumstantia, sed maximę in loco, tempore & c. deputatis ad confessionem.

17 Habes decę virtutes, spectantes ad Tęperantiam: 1. *Abstinentiam*: 2. *Sobrietatem*: 3. *Castitatem*: 4. *Pudicitiam*: 5. *Continentiam*: 6. *Mansuetudinem*: 7. *Clementiam*: 8. *Humilitatem*: 9. *Philotimiam*: 10. *Studiofitatem*. Habent refręnare passiones, quę ex p.1. c.32. n.3. sunt undecim. Amor est passio generalis, & virtus habens moderari passiones particulares,

res, habet moderari amorem, qui causat illam. Quæ verò moderatur Amorem, moderatur, & odium oppositum: virtus enim moralis consistit in medio: Philotimia moderatur desiderium & Abominationem: Humilitas Spem, & Desperationem. Castitas, Abstinencia &c. moderantur Gaudium, seu Delectationem. Iram Mansuetudo: Tristitiam Patientia, quæ tamen cap.8. n.2. fuit annexa Fortitudini: Fortitudo moderatur Audaciam, & Timorem; Et ita vides assignatas virtutes, quæ moderentur omnes passionēs, sive refrænando hominem, ut Temperantia, sive impellendo, ut Fortitudo.

18 Sed ut homo sit perfectè virtuosus, ista non sufficiunt: non sufficit esse dispositum perfectè in ordine ad Deum per virtutes Theologicas, aut in ordine ad proximum per Justitiam, & Virtutes annexas, aut in ordine ad suum appetitum Irascibilem, per Fortitudinē, & virtutes annexas, sive Concupiscibilem, per Temperantiam, & decem annexas: Requiritur insuper, disponi perfectè circa suas actiones externas; & secundum id, per quod apparet aliis; & virtus, qua benè disponatur circa hæc exteriora, est Modestia; quia ponit modum, seu moderatur; unde ex ipsa æthymologia nominis annectitur Temperantiæ.

19 Sic sumpta est genus, & dividitur in tres species: Alia respicit actiones externas in feriis: Alia in ludicris, & jocosis. Virtuosus etiam in his tenet modum, sed diversimodè ideò  
per

per diversam virtutem, quæ à Philosopho vocatur *Eutrapelia*, 3. Tenet modum in ornatu sui corporis, vestiendo &c. Hæc ultima, sicut prima, non habet nomen particulare, sed utraque dicitur Modestia, nomine generico. In his tribus deficientes, maximo sunt scandalo in populo, & Deus gravissimè punit multitudines peccantes.

20 D. In quo consistit prima species?

M. Dicitur Modestia morum, & habet pro materia extrinseca actiones externas: pro materia intrinseca passiones appetitus concupiscibilis. Ratio per hanc virtutem moderatur primò passiones, & ultimò actiones, in quibus deficeret, vel excederet homo, si fineret illas ordinari per passionem, & non per virtutem. De hac S. Th. q. 168. a. 1.

21 D. Quam regulam servat hæc virtus Modestiae?

M. Non potest determinari una Regula, inserviens omnibus: actiones externæ, etiam in feriis, componendæ sunt, juxta sexum, ætatem, statum, conditionem, negotia &c. quæ contingunt hîc, & nunc. In universali commendâ, quæ à Patribus accepta tradit S. Th. ar. 1. Eccl. 19. *Amictus corporis, & risus dentium, & gressus hominis enunciant de illo.* Ambr. 1. de offic. c. 18. *Habitus mentis in quodam corporis statu cernitur, & vox quædam animi est corporis motus. Et motum natura informat: si quid in natura vitii est, industria emen-*



*emendet. Aug. lib. 3. Regulæ: In motibus vestris nihil fiat, quod cujusquam offendat aspectum, sed quod vestram deceat sanctitatem.* Totus est Ambrosius, ut explicet partes Modestiae in voce, in habitu, in incessu, in motibus membrorum &c. Nota, quos gestus tanquam inciviles carpant homines benè morati, eosque a te, i. abdica, deinde à pœnitentibus. Absint confabulationes, quæ non faciunt ad directionem Pœnitentis, præcipuè cautus, ne vel excidat verbum, aut nutus, quæ redoleant inhonestatem: nam Pœnitens tenebitur denunciare, estò ex levitate, aut imprudentia fuerint prolata, cujus Judex debet esse sanctum Tribunal.

22 D. Obligatnè virtus ista sub mortali?

M. Per se non obligat, nisi ratione alterius virtutis, præsertim Charitatis: nam fideles maximè scandalizantur, ubi vident actiones aliquas Modestiae contrarias. Aliæ plures de se inducunt ad luxuriam: Quoad scandalum, nihil offenditur Sæcularis, aut vix, ex actionibus etiam plus quam levitèr immodestis alterius Sæcularis. At grande scandalum patitur videns in Clerico, aut Religioso, facilitatem alloquendi fœminas, motum inconstan-tem corporis, præsertim in Confessionali, continuas in Missa, vel Officio syncopes, elidendo verba; si officium recitet, ubi ludunt alii, loquens modò cum Deo, modò cum hominibus: si in Confessionali erigat vocem, ut rusticos corri-

corrigat: si Sacerdos hortans ad pacem Sæculares, ipse semper contendat, si suffocet suos debitores, ut reddant paucos denarios, quando alias cognoscuntur hic, & nunc impotentes &c. Scandalum potest esse adeò grave, ut mortalitèr peccetur?

23 D. Quomodo vocantur peccata opposita huic virtuti?

M. S. Thom. de neutro agit, non de opposito per defectum, quia est innominatum; nec de opposito per excessum, quod communiter vocatur Immodestia, quia est per se notum, magisq; constabit ex opposito sequenti Virtuti.

24 D. In quo consistit secunda species.

M. Vocatur *Eutrapelia*, de qua S. Thom. q. 168. ar. 2. Sicut corpus, quia est virtutis finitæ, fatigatur laborando, ita Anima, virtutis etiam finitæ, fatigatur operando. S. Ioannes, ut notat Angelicus, induxit exemplum arcus: Anima operatur per intellectum, habendo cognitionem, speculativam, vel practicam, & magis, ut conjuncta corpori, per primam, quam per secundam: sicut autem corpori post laborem datur quies, ita danda est Animæ: Hujus quies, ut conjunctæ corpori, est aliqua delectatio naturalis, & sensibilis, quæ habetur per ludicra, & jocosa: quare oportet aliquando quiescere per jocos. Dirigimur autem per Eutrapeliam, ut nos benè habeamus, in delectatione, quantum decet. Porro ex Philosopho S. Th. notat, quòd joci condiunt nostram conversa-

versationem, & cum paritate, qua, sale utimur in condimentis, debemus uti jocis, quod præcipuè observabit Confessor.

25 D. Quas regulas observat virtus hæc.

M. Tres: 1. ne delectetur in operibus, aut verbis turpibus, & nocivis, ut qui semper in recreatione detrahunt proximo, aut obscænè loquuntur: 2. ne totaliter dissolvatur gravitas animi: Confessor maximè cum pœnitentibus, semper se ostendet Iudicem, Medicum, & Doctorem, semper illum pœnitens venerabitur ut talem: 3. sicut in omni alia virtute servabuntur debitæ circumstantiæ, temporis, loci, status, ætatis &c.

26 D. Obligatnè sub mortali?

M. Per se non obligat, nisi præjudicaret charitati, commiscendo, quæ sunt contra Deum, vel proximum, aut sibi grave damnum afferret.

27 D. Quæ sunt peccata opposita?

M. Possumus peccare, sicut & contra cœteras, per excessum, & defectum. Neutrum habet proprium nomen; sed de utroque agit S. Th. a. 3. & 4. dicens vocari agrestes, & duos, qui deficiunt, & peccare minùs, quàm qui excedunt; quando autem peccent mortalitèr, agnosce ex regulis datis num. 5. ad veram Entrapeliã.

28 D. Si excessus in ludo esset peccatum, peccarent jocolatores, Histriones, & qui sustentat illos; cum tamen B. Paphnutio revelatum

fuerit , quòd in glorià futurus sibi esset æqualis quidam jocularor ?

M. Aliqui prætendunt peccare Histriones, Comædos, Tragædos, & similes. Ac sanè si deficient in primo, ut n.25. peccabunt ipsi, & qui sustentat, nec absolvi poterunt , nisi desistant . An autem deficient , non possum determinare, nisi videam ipsas comædias &c. Defectuosas non credo Comædias, permissas à Principibus Catholicis, & piis, quando non recitant viri , & fœminæ simul in theatro. Histriones virtuosè operantes sunt utiles Reip. in hoc officio ludicro, & jocofo: Licet nullum aliud habeant serium officium, tamen habent in ordine ad se ipsos, & ad Deum, si suo tempore orent , si ut possunt, eleemosinas faciant &c. Hoc ludicrũ, quia utile est Reip. , possunt exigere debitam mercedem , sed moderatam . Inter deputatos ad delectandum, Musici videntur innocentissimi, quando non cantent obscœna, quod crediderim rarò contingere; ideò honestius isti frequentantur , & sustentantur , nisi periculum proximum immineat castitati ratione sexus . Horum tamen Mæcænates peccabunt , si largiùs, quàm par est, effundant in Musicos . Et sanè sustentantur, foveantur, ac ditantur:quem videmus à natura dispositum ad vocem harmoniacam, arte adhibita, reddimus aptiorem, curamusque perfici sub optimis Magistris ; quòd tamen vix contingit in alio quopiam, est ò utiliore officio : Nostreis temporibus inven-

niun-



niuntur vix Mœcænates Theologorum, Medicorum &c. qui curent erudiri sub optimis Magistris à natura dispositos ad has virtutes; Hinc extra Regularium claustra, & publicas Academias, quæ sustentant ingenia, vix invenias profundum Theologum; sed & in claustris, floret utique Theologia Scholastica, sed non æquè Polemica, Moralis, & Positiva, eo quòd honores, & gradus, qui sunt virtutum sustentacula, primæ sunt destinati, non cæteris. Quid dicam de Medicis: Hi fovendi essent, ut scientiam acquirerent aliquando nobis maximè profuturam: vix tamen invenias, qui sustentet ad tale studium dispositos: Hinc non possumus habere Medicos insignes: nam vix laureati ob rei familiaris defectum, nec possunt sibi providere libros, nec eorum accuratæ lectioni applicari, sed unicè infirmos circuire; Viri omni ex parte docti, & insignes florere, quando abundarunt Mœcænates; hodiè in nostris regionibus abundant excellentes Mnsici, quia eorum abundant Mœcænates; Ideò lauda horum sustentationem, tamen ostende magis incumbendum sustentationi aliarum scientiarum; præcipuè bonis Clericis; circa quos vide Trid. sess. 13. de ref. c. 18.

29 Hoc vitium per excessum maximè abundat in ludendo. Sanè uti ludis, ut sale in cibus, est Eutrapeli: sed: 1. non debent esse prohibiti à Principe: 2. neque cum periculo pecuniæ improporcionatæ statui ludentis, considerata

familia, negotiis, &c. 3. abesse fraudes &c. Vide cap. 30.

30 D. Quid est tertia Modestiae species?

M. Refrenatis passionibus internis, & actionibus externis, ultimò remanet moderandus exterior ornatus personae, familiae, domus &c. Respicit hoc virtus, quae dici potest *Modestia ornatus*, & de qua S. Th. q. 169. ar. 1. ubi simul explicat vitia opposita, per excessum, & per defectum, nec oportebit de illis differere specialiter, quia inordinatio patebit ex ordinatione virtutis. Igitur homo in ornando se: 1. non debet excedere consuetudinem honestam virorum prudentium, quibus convivit, habitatione conditionis: 2. non debet quærere gloriam humanam, sed uti ornatu, qui sic convenit viventibus in tali communitate. Gloriam humanam ex ornatu quærere, quàm sit grave peccatum, audit ex S. Greg. hom. 40. in Evang. *Nonnulli cultum subtilium, pretiosarumque vestium putant non esse peccatum: sed si culpa non esset, nequaquam sermo Dei tam vigilantè exprimeret, quòd dives, qui torquebatur apud inferos, bysso, & purpura indutus fuisset*: 3. non debet quærere ornatum ad corporis deliciam: cujus sunt fomentum subtiles, & pretiosae vestes: 4. non debet nimium esse sollicitus de hoc ornatu.

31 D. Peccantne foeminae in ornatu?

M. Non peccant, si ultra quatuor illas conditiones, servant quintam, quòd non provocent

cent viros ad lasciviam ; Hoc facile contingit in ornatu muliebri de se provocativo; Et si de se proximè provocet, aut intendatur, quod videntes provocentur ad concupiscendum, est semper mortale ; si fiat ex vanitate, aut levitate, aliasque ornatus de se non valdè provocet, erit veniale. Maritata poterit se ornare, ut proprio viro, non ut aliis placeat; His, ex August. & Tho. Confessor universaliter non prohibeat portare aurum, aut vestes pretiosas (intellige semper juxta statum) sed tamen prohibeat nudare capillos, ut extendantur supra humeros. S. Thom. addit permitti posse, si non ex vanitate, sed ex inducta consuetudine ita procederent fœminæ, *quamvis talis consuetudo, concludit, non sit laudabilis* : quare multò minùs erit laudabile incedere nudatis brachiis, & pectore. Si maritatæ fucis se pingant in facie, ut placeant maritis, non est mortale ; si velint per fucos occultare aliquam deformitatem ex ægritudine provenientem, quia despicerentur, nisi occultarent, neque, erit veniale. Caveant fœminæ uti veste virili, aut è converso, *præcipuè, quia potest esse causa lasciviæ*; Non erit peccatum, si fiat ex necessitate occultandi se hostibus, vel simili.

32 D. Possuntne absque peccato artifices præparare, aut vendere hæc ornamenta?


M. Ex S. Th. q. 169. a. 2. ad 4. *Si est ars ad faciendum opera, quibus homines uti non possunt absque peccato, artifices faciendo peccant,*

*quia directè aliis præbent occasionem peccandi, ut qui fabricat idola. Adde, qui docet artes magicas &c. Si sit ars, cujus operibus homines possunt bene, & malè uti, sicut sagittæ, gladii, & hujusmodi, usus talium artium non est peccatum. Si tamen aperibus alicujus artis, homines male pluries uterentur, quamvis de se non sint illicitæ, sunt extirpandæ à civitate officio Principis. Talis est Astrologia judiciaria prohibita per Papam: Hinc deducit non peccare artifices præparantes, aut vendentes ornamenta fœminarum, quia licitè illis utuntur maritatæ, nisi forte inveniendæ aliqua superflua, & curiosa. Concludit verbis Chrysostomi: Ab arte calceorum, & textorum multa abscindere oportet: etenim ad luxuriam deduxerunt, necessitatem ejus corrumpentes, artem arti male commiscentes.*

33 Ita Doctor Angelicus differuit de virtutibus, quas alii fortè credent plures vel pauciores; mihi sufficit S. Th. cujus doctrinam sæpius approbatam, una cum S. Aug. doctrina inconcussam, & tutissimam, dixit Sedes Apostolica.

## C A P U T L V I I.

*Recapitulatio Virtutum Theologicarum, peccatorumque illis oppositorum.*

1  Pus hoc ordinatur ad instructionem Confessoris, ut exerceat ritè suum tri-



triplex munus : Et quia ex Trident. sess. 23. de ref. c. 15. Sacerdoti subeundum est examen, antequam ab Episcopis obtineat jurisdictionem, ideò debui etiam intendere, ut instruerem ad hoc examen; quia intendens finem, tendit simul in media.

2 Quia vastum est mare, Theologia Moralis, non ita potui restringere, ut ejus substantiam semper quilibet habere posset in promptu, ob nimis labilem hominis memoriam, cui ut complures Casuistæ prospicerent, hanc Theologiam redegerunt in breve compendium, cum magno fructu, sed ignoro, an cum totali; nam nequit esse Doctor, qui scit solas conclusiones absque fundamentis: Et sine his addiscens utique scit casum particularem, de quo liber loquitur; sed ignorat cæteros in infinitum variables: Quia igitur in præcedentibus adductæ sunt rationes, nunc redigam in compendium, quæ primò fusiùs fuere proposita; ut ea sibi faciliùs figere possit memoriæ Confessor; si quando rationes voluerit attentius examinare, suo loco videbit.

3 Plura præcedenter dicta sunt, sed tamen alia, communiter loquendo, videntur magis, alia minùs necessaria. Hic recapitulabo, magis necessaria: Quædam peccata sunt frequentissima, & de his oportet instructum esse quemlibet. De aliis sufficit, ut sciat dubitare ad consulendum peritiores.

4 In hac recapitulatione non semper dabo

exactas definitiones: aliquando substitutam descriptiones, juxta terminos, quibus communiter pœnitentes se explicant. Ita enim faciliùs memoriæ tradentur, remediumque adhibebitur in Confessionali.

5 D. Quid est fides Theologica?

M. Est credere mysteria à Deo revelata sub ea ratione, quia Deus revelavit Ecclesiæ Catholicæ, & hæc nobis proponit. Docens doctrinam Christianam, semper in praxi curet, ut pueri in eliciendo actu fidei exprimant hanc rationem formalem, &c. dicant: *Credo mysterium hoc, quia revelatum &c.*

6 D. Tenemurnè explicitè ad aliquos actus fidei ex jure divino, seu necessitate medii?

M. Tenemur ad tria hæc, quòd Deus sit unus in essentia, & trinus in personis: 2. quòd secunda persona carnem suscepit, & secundum carnem mortuus fuerit, ac resurrexit: 3. quòd Deus sit Remunerator operum bonorum per vitam æternam, & malorum per ignem æternum gehennæ.

7 D. Satisfacio nè, dum dico: *Credo, quod credit S. Mater Ecclesia?*

M. Non: quia hoc est credere implicitè, non explicitè:

8 D. Quid intelligis, dum dicis esse credenda necessario necessitate medii?

M. Quòd nisi explicitè credam, non possum salvari, estò sine ullo peccato ignorem.

9 D. Faceretne confessionem validam, qui aliquod ex illis ignoraret?

M. Non, quia si non potest glorificari, neque justificari: nam justificatio dat jus ad gloriam.

16 D. Committitne sacrilegium, qui aliquod invincibiliter ignorans, confitetur?

M. Non justificaretur, sed neque peccaret, quia in ignorantia invincibili non est culpa.

11 D. Hæc ignorantia excusat à peccato, cur non etiam facit validum sacramentum?

M. Ad validitatem non sufficit materia, & dispositiones æstimatæ, sed verè à Christo determinatæ.

12 D. Credamne Pœnitenti, qui asserit se invincibiliter ignorasse?

M. Non, sed prudenter examinabis.

13 D. Quomodo examinabo, ut videam, an vincibiliter, vel invincibiliter ignoraverit?

M. Pete, an fecerit diligentias debitas, an à parentibus admonitus, ut recitaret symbolum, didicerit, an adierit Parochum, pro doctrina Christiana die Dominico &c.

14 D. Tenemurne alia credere ex necessitate præcepti Ecclesiæ?

M. Tenemur credere, quæ continentur in Symbolo Apostolorum: etiam explicitè.

15 D. Hæc sunt universalia omni fideli, teneturne particularis alia explicitè credere.

M. Ultrà Symbolum quilibet explicitè tenetur credere, juxta officium, quod habet in Ecclesia.

16 D.

16 D. Quomodo me geram cum Pœnitente, qui ignorat symbolum quoad substantiam?

M. Ut præcipit Rituale p. 1. c. 7. n. 17. & S. Carolus ib. c. 11. n. 18. & 19.

17 D. Quando tenemur elicere hos actus?

M. Per se loquendo 1. dum pervenimus ad usum rationis : 2. in articulo mortis : 3. quinquies, vel sexies in anno. Per accidens: quando tenemur ad actus virtutum supernaturales, quia fides est principium supernaturalitatis.

18 D. Quot peccata commisit, qui per annum vincibiliter ignoravit hæc mysteria?

M. Commisit 1. quinque vel sex in omitendo actum fidei : 2. ferè totidem in non dispellendo à se hanc ignorantiam.

19 D. Si est ita ; teneor interrogare pœnitentem, quot annos habeat, ut eliciam numerum circum circa utriusque peccati.

M. Utique, qui non facit, consulat conscientiam suam.

20 D. Quæ sunt peccata opposita Fidei?

M. Paganismus, Iudaismus, & Hæresis.

21 D. Quid est Hæresis?

M. Est error intellectus circa aliquem articulum fidei, cum pertinacia in voluntate.

22 D. Per quid Hæresis distinguitur à Blasphemia hæreticali.

M. Per hoc, quòd blasphemus hæreticaliter affirmat aliquid contra articulum fidei, sed non credit: Hæreticus affirmat, & credit pertinaciter.



23 D. Quæ differentia est inter hæreticum materiale, & formale ?

M. Hæreticus materialis habet errorem in intellectu, sine pertinacia: Formalis habet errorem cum pertinacia.

24 D. Quid est Pertinacia ?

M. Est, quòd homo sciens definitionem Ecclesiæ Catholicæ, velit tenere contrarium.

25 D. Ut sit hæreticus formalitèr, quanto tempore debet perseverare in errore ?

M. Sufficit unicum instans, si verè scit contrarium definiri ab Ecclesia Catholica.

36 D. Quod peccatum committit voluntariè dubitans de aliquo articulo fidei ?

M. Peccatum hæresis: quia dubius in fide est infidelis, seu Hæreticus.

27 D. Quotuplex est Hæresis.

M. Duplex: interna, & externa.

28 D. Ad quid prodest hæc distinctio.

M. Ut scias, an possis absolvere nam quilibet Confessor potest absolvere primam: secunda est reservata in Bulla Cænæ.

29 D. Quid intelligis per hæresim internam ?

M. Hæresim, quæ concepta solum est mente, nec manifestata signo aliquo exteriori vocis, vel scripti.

30 D. Estnè interna, quam protuli voce submissa, ita quòd nemo potuerit audire ?

M. Est occulta, sed verè externa, & illam proferens incidit in Bullam Cænæ.

31 D. Po-

31 D. Potestne unquam simplex Confessor absolvere externam?

M. In articulo mortis, dummodò si possit, juret de stando mandatis Ecclesiæ, si convalescerit.

32 D. Sic absolutus, remanetne directè absolutus?

M. Remanet; unde non indiget amplius confiteri sacramentaliter, sed judicialitè se sistere habenti auctoritatem absolvendi, ut obediat Ecclesiæ; si non se sistat, ob inobedientiæ peccatum reincidit in excommunicationem.

33 D. Quia innuisti de blasphemia hæreticali, quomodò distinguitur à simplici?

M. Simplex est *contumelia in Deum, vel Sanctos*: Hæreticalis est *Contumelia in Deum, vel Sanctos affirmans aliquid contrarium fidei*.

34 D. Si dico: *Deus sit maledictus*, est ne simplex, vel hæreticalis?

M. Dicere *Deus est maledictus* est hæreticalis, quia affirmat contrarium fidei: dicere *Deus sit maledictus*, est simplex, quia non affirmat, sed optat.

35 D. Quomodò cognoscam, an proferens, v. g. *Deus est injustus*, fuerit tantum blasphemus, vel etiam hæreticus?

M. Pete, an quando protulit ore, crediderit mente: si protulit, & credidit, fuit verus hæreticus externus: si protulit, sed non credidit, fuit tantum blasphemus.

36 D. Blasphemia in Deum, in B. Virginem. & in Sanctos differunt nè ?

M. Vide c. 4. n. 8. & cura, ut pœnitens explicet, in quem directa fuerit.

37 D. Hæreticalis est nè reservata.

M. In Urbe non est: In aliis Diœcesibus consule tabellam.

38 D. Ad quid tenetur sciens aliquem hæreticaliter blasphemasse ?

M. Vide c. 6. n. 11.

39 D. Infrà quod tempus tenetur denunciare.

M. Vide ibid. n. 2. A die, quo habuit notitiam, currunt triginta dies, intra quos potest denunciare, esto antea non denunciaffet, quia nesciebat edictum. Elapsus illis, nisi denunciaverit, incidit in excommunicationem reservatam.

40 D. Quid est Spes ?

M. Virtus, per quam, mediante gratia Dei, & bonis operibus, quæ propono facere, spero, salvari, sub ea ratione formali, *quia Deus est omnipotens, & misericors*. Hanc inculca pœnitenti.

41 D. Tenemurnè ad actus Spei ?

M. Modo, & tempore, quo n. 6. ad actus fidei.

42 D. Quam orationem commendabo Pœnitenti, ut possit frequentare actus Spei ?

M. Orationem Dominicalem, & Salutationem Angelicam si dicuntur ex eorde, habent conjunctos actus Spei.

43 D. Quid est Charitas?

M. Tendit in duo objecta , Deum, & proximum .

44 D. Ad quid nos obligat respectu Dei .

M. Illum amare super omnia , *quia summe bonus est* : hanc pariter rationem inculca .

45 D. Quid est Amare .

M. Est velle bonum , sive desiderando alteri bonum , quod non habet , sive gaudento , de bono , quod habet . Deo possumus desiderare glorificationem externam , ut ab omnibus ametur, & gaudere de immensa bonitate.

46 D. Tenemur ad actus charitatis in Deum ?

M. Dic , ut n.6. de actu fidei ?

47 D. Tenemurnè ad actum internum charitatis erga proximum ?

M. Tenemur, & contrarium damnat Innoc. XI. Thes. 10. & 11.

48 D. Tenemurnè ad eleemosinam proximo ?

M. Utique : 1. si sit in extrema necessitate , & tunc tenemur quoquo modo subvenire dummodò nos & nostri non sint in eodem: 2. in gravi, quando habemus de superfluis . In gravi tenemur etiam aliquid nobis diminuere de necessariis statui , sed non potest assignari præcisa quantitas, Inculca pœnitenti, ut abundet potiùs, quàm deficiat.

49 D. Quid intelligis per *necessaria statui*?

M. Necessarium personæ dicitur id , sine quo



quo non potest conservari persona, v.g., si non habet pauper, unde vivat hodiè; sed vel debet mori, vel ægrotare graviter. Necessarium statui, est quod convenit juxta conditionem, & dignitatem personæ. Septem sunt eleemosinæ corporales, distinctæ specie, & unaquæque obligat.

50 D. Tenemurnè ad eleemosinas spirituales?

M. Etiam, ubi probabilis extat spes juvandi.

51 D. Quid est Acidia?

M. Est tædium rerum spiritualium, seu divinarum.

52 D. Estnè peccatum mortale ex suo genere?

M. Utique: nam opponitur charitati.

53 D. Estnè semper peccatum mortale?

M. Erit: si fastidiat res divinas, ut tales, v.g. si non vult proferre nomen *Jesu* quia displicet honorare Deum, si fastidiat, quia non vult subire incommodum, v.g. audiendi missam, non est mortale.

54 D. Mortaliter pecco, si omitto proferre nomen *Jesu*, quia mihi displicent res divinæ?

M. Utique; nam sub illa ratione Acidia non admittit parvitatem materiæ.

55 D. Pecco nè mortaliter, si omittam in die festo audire sacrum, quia sentio incommodum in audiendo?

M. Tunc committo duo peccata, alterum omissionis contra præceptū: hoc est mortale: alterum

terum commissionis Acidia: hoc est veniale.

56 D. Quomodo peccare possum odio in proximum?

M. Tripliciter: 1. si displiceat mihi bonum proximi: 2. si gaudeo de malo: 3. si desideret malum.

57 D. Si plures odio habeam debeo nè explicare numerum?

M. Utique: quia tot sunt numero peccata-formaliter, sive æquivalenter, quot odio habiti: nam injuria est in injuriato: & tot numero sunt injuriæ, quot injuriati.

58 D. Explicabonè bonum, quod displicet, vel malum, quod volo?

M. Utique: sicuti tenetur explicare, qui actu externo tollit bonum, vel infert malum.

59 D. Mater, irata ex animo pro uno instanti deprecans malum filiis; peccat nè mortaliter?

M. Committit plura in uno actu: Ira enim non excusat, nisi tollat usum rationis; & quando hic tollitur, malum non optatur ex animo; quia voluntas operatur dependenter ab usu rationis: 1. Peccat contra charitatem volens malum: 2. contra pietatem, ut sunt filii: 3. si addit juramentum, peccat contra Religionem, violans justitiam juramenti, quia jurat de re illicita. Hæ sunt tres species; & in unaquaque tot numero peccata, quot sunt filii.

60 D. Ex n. 56. tristari de bono proximi est odium, mihi videtur, Invidia?

M. Pos-

M. Possum triftari de bono Petri, v. g. quia est bonum illius, & quia mihi displicet illum habere plus, quam ego habeam: primum est odium: secundum Invidia, seu triftitia de bono proximi, ut est diminutivum propriæ excellentiæ.

61 Non displicet, quod Petrus habeat bona; imo vellem, quod effet ditiffimus; fed vellem habere plusquam ille, & folum displicet, quia in bonis excedit me?

M. Si displiceret Petrum habere bona, effet odium: quia displicet, quod te excedat, est Invidia.

62 D. Etiam ego prætendi beneficium, & displicet, quod non obtinuerim?

M. Si tantum displicet te non obtinuiſſe, non peccaſti, ſi eſ dignus: ſi habuiſti duas diſplicitias; alteram, quod tu non obtinuiſti, alteram, quod obtinuerit Petrus: non peccaſti in prima, ſed in ſecunda; & ſi in ſecunda diſplicuiſti, quia nolles Petrum habere bona, eſt odium: ſi diſplicuiſti, quia nolles Petrum habere plus quam tu, eſt Invidia.

63 D. Invidia eſtne ex ſuo genere peccatum mortale?

M. Utique: nam oppoſita charitati, habet deſtruere ipſam.

64 D. Quid teneor interrogare, dum pœnitens confitetur ſe rixatum fuiſſe?

M. Rixari duo importat: 1. quod incæperit contendere verbis: 2. quod intulerit damnum:

quare: 1. interroga, si verba fuerint injuriosa graviter: 2. an inposuerit aliquod crimen: 3. si crimen fuerit verum, vel falsum, publicum, vel occultum: 4. quod intulerit damnum personæ &c.

65 D. Quid est scandalum?

M. Est occasio ruinæ spiritualis proximi, & est peccatum contra charitatem.

66 D. Intendenda ne est ruina proximi?

M. Est scandalum, esto non intendas hanc ruinam, si facis actionem de se inductivam ad peccatum.

67 D. Qui consulit, vel jubet, v. g. furtum, peccatne tantum peccato scandalii?

M. Causa sunt, non occasio tantum, qui continentur illis duobus versibus.

*Jussio, Consiliū, Consensus, Palpo, Recursus, Participans, Mutus, non Obstans; non Manifestans:*

quare hi peccant etiam contra justitiam, dummodo ultimi tres teneantur ex justitia loqui: nam si non tenentur, peccabunt solum contra charitatem.

68 D. Qui suo exemplo inducit alium ad furandum, teneturne restituere, quod abstulit ille malo exemplo inductus?

M. Non tenetur, quia solum violat charitatem; & Restitutio est actus, ad quem obligat sola Justitia.



## C A P U T LVIII.

*Recapitulatio eorum, quæ dicta sunt de Restitutione spectante ad Justitiam commutativam.*

**N**on recapitulo dicta de Prudentia, & speciebus Justitiæ, Epicheja, Justitia legali, Distributiva, & Vindicativa: nam peccata contra Prudentiam non sunt ex suo genere mortalia: quæ sunt contra prædictas Justitiæ species non sunt peccata vulgi. Quia ut plurimū hi tenentur ad restitutionem, obligatio illorum cognoscetur ex hujus regulis generalibus, quas hic recapitulo.

9 D. Quæ sunt radices restitutionis?

M. Ex S. Th. duæ, res accepta, & injusta acceptio. Ex prima obligatur possessor bonæ fidei: Ex secunda possessor malæ fidei; & obligatur quicumque lædit proximum, etiamsi nihil pro se accipiat, dummodo damnificet, ut qui incendit domum alterius.

3 D. Quid tenetur restituere possessor bonæ fidei, & possessor malæ fidei?

M. Ambo tenentur, sed cum hac differentia. Primus, quando cognoscit rem esse alterius, tenetur restituere, si extat, rem: si nō extat, id in quo factus est ditior: Secundus restituere rem, si extat: si non extat, pretium cum fructibus perceptis, & damnis illatis.

4 D. Estne possessor bonæ fidei, qui rem emit dubitans, an venditor possit vendere?

M. Non est possessor bonæ fidei, quicumque peccat, dum accipit rem alterius. Hic emens peccat, quia se exponit periculo malè emendi.

5 D. Quid faciet accipiens rem bona fide, postea dubitans, an sibi potuerit dari?

M. Debitas diligentias inveniendi veritatem; & si adhuc remanet dubius, poterit retinere, quia *In dubiis melior est conditio possidentis*.

6 D. Poteritne retinere factis debitis diligentibus, qui emit cum dubio; & adhuc dubitat?

M. Non: Regula enim illa verificatur de possessore bonæ fidei: At emens cum dubio ex n. 4. est possessor malæ fidei.

7 D. Suntne restituendi fructus rei?

M. Fructus sunt in triplici genere. Alii naturales, alii mixti, alii industriales. Possessor bonæ fidei, si factus est ditior, ex fructibus debet restituere primos, & secundos deductis expensis: Tertios nemo tenetur restituere. Possessor malæ fidei primos restituet in pretio, si non extent, etiam si non factus fuerit ditior: Ex secundis retinebit solum expensas, quas fecisset verus dominus.

8 D. Teneturne ad restitutionem quicumque lædit iustitiam commutativam?

M. Tenetur: qui enim tollit jus alterius, debet illud reparare.

9 D. Homicida, & Mutilator non potest restituere

stituire vitam, & membrum, quod abstulit?

M. Qui non potest restituere idem numero, restituet idem specie: qui non potest idem specie, restituet æquivalens, in pecunia, vel honore, considerata conditione lædenti, & læsi, arbitrio prudentis viri: Hæc applica Mutilatori, & Homicidæ, in quibus considerata: 1. est injuria: 2. damnum inde proveniens: nam familia occisi, uti mutilatus, reparandi sunt de damno sibi proveniente ex eo, quod non possunt amplius laborare, ut sibi, vel familiæ victum lucrentur; Hoc damnum debent reparare in pecunia, nisi remittatur, sicut expensas in medendo vulneratum, nisi recipiatur in Hospitali, cui erunt reparandæ, si vulnerans esset dives. Damnum primum ex injuria debet reparari arbitrio viri prudentis per humilia- tiones, aut alias satisfactiones; ut plurimum tamen remittitur.

10 D. Cum vir prudens sit Iudex, tenetur nè homicida, in satisfactionem læsi subire pœnas legis.

M. Tenetur post sententiam: si verè sint pœnæ, nec lex determinet ipso facto incurri; At si imponatur v. g. censura incurrenda ipso facto, statim est excommunicatus, ante declarationem Judicis, licèt non sit vitandus.

11 D. Tenetur ad restitutionem Adulter, qui violavit uxorem alterius?

M. Utique; & 1. damna: si nascatur filius, tenetur illum alere; ac procurare, ne in toto;

vel in parte accipiat hæreditatem debitam legitimis : 2. reparare injuriam illatam marito , & è contra, arbitrio viri prudentis, nisi remittatur injuria .

12 D. Quomodo maritus remittet injuriam uxoris , quæ thorum violavit ?

M. Multipliciter ; sed præcipuè , si sciens adulterium, petat debitum .

13 D. Teneturne restituere, qui temerè judicat nihil exterius proferens ?

M. Quia lædit justitiam commutativam: tenetur : & reparabit, si judicet benè de ipso.

14 D. Quomodo restituet , qui læsit famam alterius, imponendo falsum crimen?

M. Retractando coram illis , apud quos malè locutus fuit , etiam dicendo se fuisse mentitum .

15 Non credunt retractationi , quam facit solum de ordine Confessoris .

M. Ut sibi credatur, adhibebit juramentũ, quod est medium ultimum , ut credatur : hoc posito satisfecit propriæ obligationi .

16 D. Suntne peccata specie diversa imponere falsum crimen , & revelare crimen occultum .

M. Utique : multum enim primum excedit secundum .

17 D. Quomodo restituet, qui revelavit crimen occultum proximi .

M. Nunquam mentietur , sed coram auditoribus, dicet se malè, aut injustè , vel ex passione



sione locutum, vel laudabit illum, ita quòd iterum possint efformare debitam existimationem de diffamato.

18 D. Tenetur nè ad restitutionem, qui revelat crimen verum, & publicum.

M. Publicè diffamatus non habet jus ad famam: ideò revelans crimen publicum, si peccat, solùm peccat contra charitatem; nec tenetur restituere.

19 D. Incendens viridem agri segetem, quid tenetur restituere vero domino?

M. Non totum fructum, qui potest multipliciter impediri per grandines, &c. sed si, v.g. incendat mense Ianuarii, videbit quanti tunc æstimetur seges, si dominus vellet vendere; & ita si mense Martii, Maii &c. nam debet restituere, quanti valet, cum incenditur.

20 D. Quid tenetur restituere, qui obligatus hodie reddere mutuum, non reddit; & mutuans non potest lucrari, quod lucraretur, si haberet.

M. Si mutuans habet aliam pecuniam, ex qua possit lucrari, ad nihil tenetur: si non habet, & Mutuatarius ex culpa non restituat, arbitrio viri prudentis: Vide quanti æstimetur spes lucri, detractis laboribus, & expensis, consideratis etiam fortuitis eventibus, qui multipliciter possunt impedire lucrum, & hoc restituet.

21 D. Tenetur nè ad damnum emergens.

M. Lucrum cessans, & damnum emergens

differunt : Lucrum cessans est , ut n. 20. Damnum emergens : si, v.g. , Mutuatarius differat solvere, teneor accipere illa ad cambium , per quod annuatim solvam quatuor. Ex dilatione emergit damnum hoc, ideò Mutuatarius tenetur mihi restituere ; quia nemo debet mihi esse damno , præcipuè , quando ex me reportavit commodum .

22 D. Tenetur nè restituere , qui habet lucrum ex actione illicita, v. g. , meretricio .

M. Illicitum est meretricium , sed non solvere pro meretricio , pro quo nulla lex prohibet solvere .

23 D. Qui accepit , ut occideret inimicū, postquam occidit , tenetur nè restituere .

M. Etiam postquam occidit , tenetur , quia non solum est prohibitum occidere , sed etiam dare pro occidendo .

24 D. Mandans occidi , reportabit commodum, quia & habebit inimicum occisum, & recuperabit pecuniam.

M. Occidens restituet , non mandanti , sed pauperibus, quibus etiam debet dare mandans occidere , cum pacto dandi tantam pecuniam Sicario. Eodem modo differe de Simoniaco.

25 D. Cui teneor restituere , si mortuus sit ille , cui debeo .

M. Hæredi : nam hic repræsentat personam Creditoris .

26 D. Cui restituet , ignorans dominum .

M. Si factis debitis diligentis adhuc igno-

ro, faciam eleemosinas pro illo .

27 D. Possumnè retinere mihi , si rem perditam inveni , & dominum , factis debitis diligentibus , ignoro .

M. Si es verè pauper, de consilio Confessarii, potes retinere partem, juxta indigentiam.

28 D. Cui restituet, qui vendens defraudavit concurrentes ad officinam ; dans minùs , quam debet , & ignorans nunc , quos defraudavit .

M. Restituet , dando plus , quàm debet , concurrentibus in posterum ad eandem , quousque circumcirca , integrè restituerit : si sint iidem , qui damnificati restituet illis .

29 D. Quid faciet , cognoscens dominum transmigrasse in longinqua ?

M. Suis expensis , quia est in culpa , remittet rem domino , vel si cum periculo transmitteretur , debet significare , & se offerre ad expensas necessarias .

30 D. Curritnè idem de habente rem alienam bona fide ?

M. Hic , quia non est in culpa , non tenetur ad expensas pro transportatione , sed significabit domino , ut possit illam transportare .

31 D. Teneturnè restituere , qui vendit rem pretio supremo .

M. Pretium aliud est legale , aliud morale : Illud est statutum à lege , hoc à consuetudine : Primum non licet excedere in minimo , & excedens tenetur restituere ; morale est triplex ,  
inf-

infimum, medium, & supremum: quodlibet horum est justum: quare dum stat intra limites supremi, non tenetur restituere.

32 D. Teneturne restituere, qui vendit supremo pretio, credens se non posse.

M. Hic ex conscientia erronea peccat contra justitiam, sed non tenetur restituere, quia in veritate non læsit.

33 D. Qui tenentur restituere?

M. Comprehenſi verſibus adductis cap. 56. num. 67.

34 D. Teneturne semper ad restitutionem qui tacet, seu *Mutus*.

M. Solum: si ex justitia tenetur clamare. Idem dic de duobus sequentibus.

35 D. Quo ordine tenemur restituere?

M. Primò tenetur habens rem alterius, etiã si bona fide habuerit, hoc non restituente jubens, 3. exequens; & sic de reliquis, ita ut, qui magis influxit, teneatur ante alios.

36 D. Si omnes hi tenentur, qui, v.g. perdidit decem, poterit recuperare centum?

M. Si consulens, v. g. reddidit integra decem, jubens, & exequens non tenentur amplius domino, sed consulenti, pro parte quam solvit, & ipsi debebant solvere.

37 D. Si quis sua jussione sit causa furti, & ipse solvat, teneturne exequens restituere domino?

M. Non tenetur, quando jubens est causa talis, cujus jussioni non possit resisti, ut  
Prin-



Princeps jubens rapinam militibus.

38 D. Qui tenentur restituere in solidum , & qui pro parte ?

M. In solidum omnes , qui concurrunt ad actionem furti , aliquo ex modis contentis in versibus : pro parte , qui non concurrerunt ad actionem , sed habuerunt partem de re furto ablata .

39 D. Quid significant illi duo termini *obligari in solidum* , & *obligari pro parte* ?

M. *Obligantur in solidum* singuli concurrentes ad actionem furti , & tenentur reddere integrè rem furto ablatam , estò non totam unus possideat , potestque aliquando contingere , quòd nihil alter habuerit . Ubi tamen ipse restituit , poterit repetere à sociis , ut n.35. *Obligatur pro parte* , qui non concurrens ad actionem furti , participat de re furto ablata , & debet restituere , quantum venit in suas manus .

40 D. Quantum differre possum restitutionem ?

M. Statim teneor , quia nec uno instanti possum voluntariè aliena retinere invitis dominis .



## CAPUT LIX.

*Recapitulatio peccatorum contra Iustitiam commutativam.*

1 D. **S**E ipsum occidens peccatne contra hanc virtutem?

M. Utique: nam lædit communitatem, cuius ipse est pars.

2 D. Potestne quis occidere se ipsum, cognoscens se in gratia, ut acquirat Paradisum?

M. Inordinatè agit (per consequens peccat) hoc enim est ordinatum, ut Deus ipse det paradisum, & homo acquirat per merita, non physicè se occidendo.

3 D. Potestne occidere se ipsum, ut evadat misérias vitæ præsentis.

M. Non: quia ad vitandum minus malum, eligeret majus: etenim mors est ultimum terribilium.

4 D. Potestne occidere seipsum, ut puniat ita peccatum, quod commisit.

M. Non: quia occidere non licet, nisi ex auctoritate publica; quare assumeret pœnitentiã sibi prohibitam. Neque potest mutilare membrum, quo peccavit; quia est pœna prohibita particulari; & solum potest mutilari membrũ, quando est nocivum toti corpori.

5 D. Carnifex cognoscit occidendum esse innocentem, potestne licitè occidere?

M. Si

M. Si cognoscit per scientiam privatam esse innocentem, sed ex publica per testes juridicos esse reum, faciat quantum potest pro sua parte, ne interficiat; & si non potest liberare, non peccat interficiens: si constet carnifici occidendum non apparere reum in iudicio, peccat occidens: At si non constet de injustitia sententiæ, debet supponere justam, nec discutere ordinem Superioris.

6 D. Quæ dicitur materia gravis ad constituendum mortale peccatum furti?

M. In Urbe valor unius testonis circumcirca.

7 D. Creditor quando poterit occulte sibi compensare?

M. Requiritur: 1. quod sine gravi incommodo non possim implorare auctoritatem superioris: 2. euod creditum sit liquidum: 3. quod grave damnum immineat, si peto à debitore: 4. quod alteri non possit imputari occulta surreptio: 5. caveat, ne bis recipiat creditum.

8 D. Committuntne peccatum mortale, qui ex ira imprecantur malum grave proximo?

M. Utique, si ira non tollit usum rationis, & ex animo imprecetur, etiamsi pro uno tantum instanti.

9 D. Peccatne qui petenti pannum Hollandicum, offert Romanum, ut Hollandicum, sed pretio Romani?

M. Si sciat emptorem omninò velle Hollandicum, facit nullum contractum: Ut enim sit  
ju-

validus, debet intervenire voluntas utriusque.

10 D. Possumnè vendere vinum aquà dilutum, ut reddatur suavius bibenti?

M. Utique: si bibens non sit invitus, & non vendatur aqua.

11 D. Quando dicitur emptor inuitus?

M. Considera, si emptor velit vinum ad conservandum, tunc erit invitus, quia nemo vult vinum, quod postea marcescat, vel acescat. Alia facilè subvenient prudenti, nam in his requiritur prudentia magis, quàm scientia.

12 D. Quid est Usura?

M. Est lucrum proveniens ex mutuo immediate, seu ratione mutui.

13 D. Quare addis particulã *immediate* &c.

M. Quia si mutuans ex mutuo sentit lucrū cessans, vel damnum emergens, potest exigere, ut sibi reparetur; & tunc accipit ultra sortem, non ratione mutui, sed lucri cessantis, aut damni emergentis, semper tamen ut c. 58. à n. 20.

14 D. Quomodò probas posse accipi, ratione lucri cessantis, aut damni emergentis?

M. Nemo tenetur subvenire proximo cum sui detrimento: quare possum exigere, ut mihi reparetur damnum proveniens, eo quòd alteri sum beneficus.

15 D. Quæ differentia est inter mutuum, & commodatum?

M. In primo mutuans transfert dominium non in secundo, sed retinet sibi commodans.

16 D. Ad



16 D. Ad quid hæc differentia?

M. Quia si accepi centum mutuo, & equum commodato : pereatque utrumque sine mea culpa, obligor reddere mutuum, quia perit mihi domino, & non commodatum, quia perit domino suo.

17 D. Quæ res esse possunt materia mutui?

M. Quæ ipso usu consumuntur, ut pecunia, vinum, oleum, triticum, & similia.

18 D. Possumne hodie mutuare decem choros tritici cum hoc, quod totidem reddantur tempore, quo valebit pluri?

M. Vide c. 29. n. 19. & 37.

19 D. Possumne apponere penam non reddenti infra mensem, ut soluat aliquid?

M. Vide c. 30. n. 7.

20 D. Possumne mutuare cum spe interna, quod mutuatarius aliquid mihi reddat ex gratitudine?

M. Si motivum principale sit hæc spes, erit usura mentalis, contra illud Christi *Mutuum date, nihil inde sperantes*: At si sit facere actum charitatis, & minus principale spes, non erit usura.

21 D. Possumne promittere usuras ei, qui non vult mutuare, nisi promittam?

M. Si sum in necessitate, non pecco, quia possum uti malo alterius in bonum meum, ut Deus, qui nostris peccatis utitur ad sui gloriam: si peto absque necessitate, pecco, quia cooperor malo alterius.

22 D. Quando promisi, teneor nē solvere ?

M. Ex justitia non teneor ; usuræ enim utpote injuste, non possunt esse materia justitiæ.

23 D. Quid si jurassem solvere ?

M. Tunc teneor, ex religione propter juramentum, quod semper est servandum, nisi sit vinculum iniquitatis. Porro peccatum est exigere usuras, non solvere.

24 D. Quid faciat, qui juravit solvere; at nunc nollet ?

M. Juxta Canones deponet pecuniam juratam : deindē accedet ad superiorem legitimum petens absolvi à juramento, & absolutus repetet.

25 D. Mutuans exegi, quod mutuatarius veniret ad meam officinam, quando indigeret pannis, peccavinē ?

M. Peccasti, quia exegisti aliquid ultrā fortem : Mutuasti decem, exegisti ; quod veniret ad tuam officinam, ubi indigeret.

26 D. Exegi, quod mihi remutuaret, si indigerem, ad quod ex gratitudine, & ex charitate tenetur ?

M. Obligasti pro tuā parte, Mutuatarium ex justitia ad remutuandum, quando hæc remutuatio non potest esse materia justitiæ, sed solum gratitudinis, & charitatis : Hos actus tu non potes exigere, cum exactio dicat justitiam.

27 D. Pessum nē exigere, ut me laudet ?

M. Neque potes hoc, quia ex justitia non potest

potest obligari, nisi ad reddendam sortem; quidquid sit, an ex gratitudine teneatur.

28 D. Possumnè aliquid exigere, si me obligo ad non repetendum infrà annum?

M. Est 24. Thesis damnata ab Alex. VII. Pro tempore nihil potest expeti, quia est commune.

29 D. Hoc est falsum: nam vendens pecunià numerata ordinariè minoris vendit, quam credita?

M. Possum plaris vendere pecunia credita: 1. si ex dilatione emergat damnum: 2. si cesset lucrum, ut c. 57. n. 21. & 3. quia ordinariè vendens pecunia credita, vendit pretio supremo; & pecunia numerata vendit infimo; sed tempus nullo modo potest vendi, quia est cōmune.

## C A P U T L X.

### *Recapitulatio dictorum de actibus Religionis.*

1 D. Quid est Oratio?

M. Oratio dupliciter accipitur: 1. pro elevatione mentis in Deum: 2. pro petitione rerum convenientium à Deo.

2 D. Tenemurnè orare?

M. Utique; nam 1. aliquoties tenemur elevare mentem in Deum: 2. tenemur petere à Deo, quæ per nos habere non possumus.

3 D. Quando tenemur orare?

M. Elevare mentē in Deum tenemur, quan-

do tenemur elicere actus fidei, spei, & charitatis, qui sunt ipsa elevatio, & eodem tempore saltem virtualiter tenemur petere, quia petere virtualiter est conservare desiderium charitatis; hoc autem conservamus eliciendo actus illos.

4 D. Possumnè temporalia petere à Deo?

M. Possum, ubi cognoscam, vel supponam prodesse ad salutem, ita quòd desistam à petendo, si è contra cognoscam obesse; Ubi non cognosco, virtualiter saltem subjiciat se divinæ voluntati, quando cognosceret obesse.

5 D. Estnè certum, quod oratio exauditur?

M. Est certum ex promissione Christi, quod exaudimur orantes pro nobis: At non quòd exaudimur orantes pro aliis.

6 D. Exaudiunturnè peccatores?

M. Ex Evangelio est certum, quòd exaudiuntur, si orent pro se cum debitis conditionibus.

7 D. Quæ sunt istæ conditiones?

M. Quatuor: 1. petat pro se: 2. piè: 3. perseveranter: 4. necessaria ad salutem.

8 D. Quid significat *petere piè*?

M. Cum humilitate tali, quæ decet creaturam respectu Dei.

9 D. Quantum debeo perseverare?

M. Quo usque consequaris effectum: Deus est perfectus Medicus, qui novit congruentem suis temporibus exhibere medicinam, Infirmus, quo usque Medicus non det medicinam

om-



omninò sanativam, debet se disponere: Christiani dispositio est oratio.

10 D. Cum oratio debeat esse attenta, quid intelligis nomine Attentionis?

M. Orans debet habere mentem elevatam in Deum, ita ut non distrahatur voluntarie, & si advertit distractiones, curet, quantum potest, repellere.

11 D. Quid est Votum?

M. Promissio facta Deo de meliori bono.

12 D. Potestnè matrimonium, vel alia res indifferens cadere sub voto?

M. Neque res indifferens, neque matrimonium (alias de se bonum) possunt per se cadere sub voto, quia non sunt melius bonum.

13 D. Quare addis illam particulam *per se*?

M. Quia per accidens possunt esse melius bonum, & ita cadere sub voto: v. g. qui patitur tentationes contra castitatem, potest vovē matrimonium, quia *Melius est nubere, quam uri*. Ita non transire per talem viam, si adsit ibi occasio proxima peccandi, possum vovere, quia tunc non transire est majus bonum, quam transire.

14 D. Quotuplex est votum?

M. Duplex: simplex & solemne. Hoc est votum factum in Religione approbata, vel in susceptione sacri ordinis: Cætera sunt simplicia.

15 D. Quæ differentia est inter irritationem, dispensationem, & commutationem voti?

M. Commutatur, quando, loco materiæ

promissæ, alia substituitur : dispensatur, quando relaxatur quis à voto : irritatur, quando alicui tollitur obligatio.

16 D. Requiriturnè aliqua potestas, ut irritentur, dispensentur, vel commutentur ?

M. Utique, sed ad irritandum sufficit Oeconomica. Ad reliqua requiritur Ecclesiastica.

17 D. Ecclesia obligatnè ad actum Religionis ?

M. In 1. præcepto obligat omnes, ut in die festo audiant sacrum, & vacent ab operibus servilibus. In 3. ut confiteantur semel in anno: in 4. ut communicent in Paschate: in 5. ut solvant decimas juxtà consuetudinem: in 6. ut à nuptiis abstineant temporibus prohibitis.

18 D. Sumere sacramenta estnè actus Religionis ?

M. Quodcunque sumatur, est actus Religionis.

19 D. Quid requiritur ad faciendum validum sacramentum ?

M. Materia, & forma determinatæ à Christo, & intentio actualis, vel virtualis conficiendi sacramentum.

20 D. Quid requiritur, ut quis licite recipiat sacramentum ?

M. Requiritur, quod sit in gratia.

21 D. Quid faciet existens in peccato mortali, & volens recipere sacramentum ?

M. Si vult communicare, sub mortali debet prius confiteri, dummodo possit sine scandalo,

dalo, & habeat copiam Confessoris . Ad extremam unctionem prærequiritur confessio, ex multis capitibus , & præsertim , quia obligat jure divino in articulo mortis . Ad reliqua sacramenta vivorum non requiritur quidem sub mortali confessio : sufficit enim contritio charitate perfecta , sed omnino consulenda est , quia nunquam possumus esse certi de perfecta contritione .

22 D. Possuntne sacramenta confici sub aliqua conditione ?

M. Si apponatur ex causa conditio de præterito , vel præsentis , valide , & licite conficietur : si absque causa valide , sed illicite : si apponatur conditio de futuro , nec valide , nec licite , quia sacramentum non potest manere in suspenso .

23 D. Qui nam est effectus sacramenti ?

M. Effectus communis est gratia sanctificans , quam primò producant Baptismus , & Pœnitentia (ideo sunt sacramenta mortuorum) cætera augent; ideo sunt sacramenta vivorum. Baptismus , Confirmatio , & Ordo habent alium effectum, scilicet, Characterem. Effectus proprius cujusque est gratia sacramentalis .

24 D. Quid intelligis in hoc nomine ?

M. Auxilia quædam actualia ; quæ Deus intuitu sacramenti olim suscepti suo tempore confert , ut homo possit consequi finem , ob quem est institutum sacramentum .

## C A P U T LXI.

*Recapitulatur doctrina de peccatis per excessum Religioni oppositis.*

1 D. **Q**uid est Superstitio?

M. Est vana Religio tribuens creaturis cultum debitum Deo, vel tribuens Deo cultum indebitum.

2 D. Cum Deo non possimus reddere ad æqualitatem, omnis cultus videtur debitus Deo?

M. Indebitus Deo, est cultus prohibitus ab Ecclesia, ut si vellem servare legē Moyſi &c.

3 D. Pecconè, si ad ligandos, v. g. canes, utor aliquo Psalmo, præmissa potestazione, quod nullam volo communicatianem cum dæmone?

M. Pecco, & est protestatio contra factum: A primo enim, qui secum fecit pactum, operatur dæmon in tali Psalmo; & experientia ostendit, quod non desinit operari ex mea protestatione.

4 D. Astrologia judiciaria estnè licita?

M. Est omnino illicita, & gravissime prohibitum legere libros, qui de illa tractant.

5 D. Ex stellis possum nè cognoscere fortuitos eventus, v. g. quod talis occidetur &c.

M. Non possum, quia eventus hi non subiacent motui stellarum, sed soli divine voluntati.

6. D.



6 D. Lego in exercitu Henrici III. rumorem increbuisse, quod esset occidendus à Religioso?

M. Aliquando illos prædicit, homo, à dæmone quædam futura prævidente instinctu quodam motus ad hæc promulganda.

7 D. Quomodo potest dæmon se ingerere, quando illum nemo advocat?

M. Dæmon, ut perdat hominem, ultro se ingerit. Sancti se ingerunt conversioni animarum, etiam non rogati, ut quoquo modo possunt, curent projicere semina, unde lucrentur peccatores. Contrario modo se ingerit dæmon.

8 D. Nemo cogitat dæmonem se ingerere hujusmodi prædictionibus.

M. Hoc provenit ex subtiliori malitia scientis, quod non crederetur, si se detegeret; & ita decipitur vulgus; nam docti sciunt aliter id non posse contingere.

8 D. Possumusne credere somniis?

M. Medici possunt credere quibusdam, ubi agitur de judicando, quibus humoribus abundet corpus.

10 D. Possumusne fidere aliis somniis?

M. Regula generalis est, quod homo neque credat, neque discredat somniis, quæ contingunt circa proprias operationes; Alia omnino sunt vana, & futilia.

11 D. Qui somniavit se sibi fregisse crus, dum exiret domo, potestne sibi præcavere, non exeundo?

M. Potest, dummodo alias non teneatur; nam si v. g. tenetur audire sacrum, præcavet sibi plus, quam oportet.

12 D. Sunt plura exempla, quod contigerunt eventus in somniis prævisi?

M. Etiam in somniis ingerit se dæmon, ut hominem decipiat, & saltem abducat ab operibus, ad quæ alias tenetur.

13 Ostende non licere uti quibusdam Psalmis ad certos effectus sanitatum &c. aut nominibus Angelorum, adhibendo tot numero cruces, aliquod numisma argenteum, non aureum, &c.

M. Psalmi, nomina, numismata, cruces &c. non habent virtutem naturalem depellendi tales morbos &c. ut constat; sed neque supernaturalem; de hac enim constare debet ex Ecclesia, a quâ non sunt injunctæ contra tales morbos.

14 D. Licetnè appendere ad collum Evangelium S. Joannis &c.

M. Quidquid ab Ecclesia receptum est, ut sanctum, potes appendere ad collum, ex devotione, non superstitione, non quod confidas in tali actione, scriptura, reliquiis materialibus &c. sed in virtute Evangelii, seu verborum à Christo prolatorum, in intercessione Sancti, cujus reliquiam gestas; & teneas, quod præservaberis à malo, non quia gestas, sed quia studes obedire Evangelio, & imitari Sanctos.

## CAPUT LXII.

*Recapitulatio peccatorum per defectum Religioni oppositorum.*

1 **U**Tinam nunquam contigisset, quod adolescentuli præ verecundia omit- tentes in confessione peccatum aliquod ex fragilitate commissum, frequentaverint sacramenta per annos, & per lustra. Religiosi juniores utriusque sexus, longo tempore viventes immaculati, & puri, dum crescit ætas, incalescente pariter sanguine, si fragiliter labuntur; sentiunt dolores mortis, in detegendo lapsum Confessori, qui olim de illis optimam habebat estimationem, præsertim si sit indiscretus, & apprehendatur (inanitèr tamen) usus notitia Confessionis in gubernio regulari; Alias debent frequentare sacramenta pluries in hebdomada. Non memini Sacerdotes, qui quotidie celebrent ex malitia, cum fascibus peccatorum contra Castitatem, Simoniarum &c. nec enim dari credo Sacerdotes adeo scelestos. Cum igitur hæc sacrilegia possint esse frequentia, nihil tamen circa illa hic recapitulo, quia quæ ad id spectant, Parochi docent pueros in doctrina Christiana, ex *Instruction. Cler.*

2 Duo nota: 1. sacrilegè accipiens hæc sacramenta in Paschate, duo peccata committit, alte-

alterum commissionis, & est sacrilegium, irreverenter accipiendo: alterum omissionis contra præceptum Ecclesiæ: ideo interroga, an sacrilege suscepit, tempore statuto ab Ecclesia: 2. in his casibus unicum est remedium hortari pœnitentes ad confessionem generalem, in qua pœnitens se accuset de sacrilegiis quoad speciem, ac numerum, nec non de omissionibus. His prælibatis, circa sacrilegia.

2 D. Quid est Juramentum?

M. Est invocatio divini nominis in testimonium alicujus dicti, vel facti.

4 D. Estnè actus licitus?

M. Est actus Religionis, exercitus a Deo; Ps. 109. *Juravit Dominus* &c.

5 D. Quos comites habet, seu conditiones?

M. Tres, veritatem, justitiam, & judicium.

6 D. In quo consistit judicium?

M. In eo, quod homo juret cum prudentia, seu necessitate.

7 D. Eritnè mortale, si desit judicium?

M. Quando hæc sola conditio desit, ex suo genere non erit mortale.

8 D. Quid importat justitia?

M. Ut non juremus de re illicita, & hæc conditio non ingreditur juramentum assertorium.

9 D. Quid est veritas Juramenti?

M. In eo consistit, ut res sit talis in mente nostra, qualis affirmatur.

10 D. Estnè perjurium, si ego credens ut  
cer-



certum, quod Petrus transit per viam, juro Petrum transire, dum transit Paulus?

M. Non est perjurium: licet enim materialiter sit falsum, quod Petrus transeat, formaliter tamen est verum, quia id ita est in mente mea.

11 D. E contra juro, quod Petrus transit, qui vere transit; tamen credo, quod transeat Paulus?

M. Est vere perjurium, esto materialiter sit verum transire Petrum, tamen formaliter est mendacium; affirmo enim contra id quod in mente sentio.

12 D. Quid si dubitans, an transeat Petrus, juro transire; & post cognosco, quod sit Petrus?

M. Etiam est perjurium; quia affirmo contrarium ei, quod habeo in mente. In ea habeo sub dubio, & affirmo ut certum.

13 D. Consuetudo jurandi, de se estne peccatum mortale?

M. Consuetudo est circumstantia actus; nec peccatum mortale de se, nisi actus de se sit mortalis. Igitur consuetudo jurandi, si homo advertat se semper jurare cum veritate, & justitia, non erit mortalis, sed solū, si se exponit periculo jurandi, etiam inadvertenter, falsum.

14 D. Estne peccatum mortale inadvertenter jurare falsum?

M. Si adverto, seu debeo advertere, quod habeo consuetudinem; pecco mortaliter, ( nisi  
utatur

utar debitis diligentibus ad tollendam consuetudinem ) quoties juro : At si factis debitis diligentibus inadvertenter juro, non peccabo mortaliter, quia consuetudo non est voluntaria, cum adhibui debitas diligentias operandi contra illam.

15 D. Ex consuetudine juravi quadragesies : vigesies verum, vigesies falsum, quot peccata commisi ?

M. Quadraginta, quia peccasti jurando verum, exponens te periculo jurandi falsum.

16 D. Quotuplex est juramentum ?

M. Quadruplex: Assertorium, Promissorium, Comminatorium, & Execratorium.

17 D. Dà exemplum in singulis ?

M. Assertorium est illud : *Per Deum nunc pluit, vel : Per Deum beri pluit.* Promissorium : *Per Deum cràs tibi dabo centum :* Comminatorium : *Per Deum volo te occidere, nisi haurias aquam.* Execratorium : *Deus te possit occidere, nisi haurias aquam.*

18 D. In quo consistit veritas ultimorum trium ?

M. Prima veritas consistit in intentione, adeo ut vere intendas, quod sonant verba. Quoad hanc, tria hæc juramenta æquivalent assertorio: neque ex levitate materiæ excusantur à mortali; quare si jures te daturum mihi vel unum Milli granum, absque intentione dandi, peccas mortaliter. Secunda veritas promissorii, & comminatorii est executio: de-

bes

bes enim exequi, quod jurasti; sed in hac parvitas materiæ excusat à mortali; quare si absque intentione jurasti te daturum millii granum, peccasti mortaliter, & si cum intentione dandi, cum jurasti, nunc nolis amplius dare, peccas venialiter.

19 D. Ubi justitia deficit, excusatnè à mortali parvitas materiæ?

M. Juro, v. g. me furto ablaturum acum; si non habeo intentionem furandi, est mortale; quia deficit prima veritas. At si habeo, deficit justitia; & erit veniale; quia in conditione justitiæ levitas materiæ excusat.

20 D. Pater juravit se daturum quinque Petro: Patre mortuo teneornè redderè?

M. Ratione juramenti non teneris, quia est actio personalis non transiens in successorē: sed ratione virtutis justitiæ, aut veritatis, juxta obligationem, quā pater tibi potuit imponere.

21 D. Juravi latroni me missurum quinquaginta, teneornè mittere?

M. Teneris, quia mittere quinquaginta non est peccetum, & juramentum est servandum, nisi sit vinculum iniquitatis.

22 D. Juravi pariter, me non denunciaturum Principi, teneorne servare?

M. Non: quia est contra bonos mores, præfertim, ubi Principes lege obligant revelare delicta hujusmodi.

23 D. Non obligat votum de re indifferenti, quare nec juramentum?

M. Vo.

M. Votum debet esse de meliori bono; ideo non obligat de re indifferenti. Juramentum, ut obliget, sufficit, quod non sit de re illicita.

24 D. Peccatnè, qui jurat se non intraturum Religionem?

M. Peccat contra justitiam juramenti: nam esto malum non sit vivere in sæculo, & nubere, tamen, ( nisi fiat ob alium meliorem finem, ut dictum est de voto ) malum est se firmare in proposito non eligendi bonum melius: Etiam peccat, qui jurat, se non facturum magnam eleemosinam, licèt possit non facere.

25 D. Juravi per verba æquivoca, v. g. me daturum Petro mancipium, satisfacionè, si dem Petro figuram pictam mei mancipii?

M. Si jurasti cum dolo ex tua parte, teneris reddere mancipium verum, ut Petrus intellexit: si simpliciter, & dolus fuit ex parte Petri, teneris tantum ad pictum.

26 D. Possumnè juramentum exigere ab eo, quem scio juraturum esse falsum?

M. Si est paratus; & exigo ex meo officio, vel ex necessitate, possum, quia utor jure meo: si absque necessitate, pecco quia cooperor peccato illius.

27 D. Quid est Simonia?

M. Est studiosa voluntas emendi, vel vendendi aliquid spirituale, seù spirituali annexū.

28 D. Estnè Simonia, si dicam, *dabo tibi centum ex gratitudine, ubi obtinueris mihi tale beneficium?*

M. Est



M. Est palliata : nam vere do , ut des, licet palliem titulo gratitudinis, quæ ut habeat locum, debet abesse quodlibet pactum.

29 D. Possuntne duo invicem permutare suum beneficium?

M. Non potest fieri a Beneficiatis. At Superior habens conferre talia beneficia, poterit ex causa Ecclesiæ utili, facere permutationem.

30 D. Possumne permutare, v. g. quosdam Agnus cum aliqua Reliquia &c.

M. Hoc potest fieri, quia nulli Canones prohibent id, dummodo absit alius quicunque pravi contractus.

31 D. Parochus petit pecuniam, ut baptizet infantem morti proximum, possumne dare?

M. Est simonia : Tunc debeo me gerere, ac si non esset Parochus. Est enim regula generalis, quod pro eodem reputantur non habere ministrum, & non posse illum habere absque peccato.

32 D. Quid si esset adultus moribundus, & nollet sine pecunia baptizare?

M. Moribundus reputet se, ac si nemo adesset, curetque suam salutem baptismo flaminis.

33 D. Parochus vult vendere aquam pro baptismo, possumne emere?

M. Utique : quia est purum elementum corporale, sed non possum emere sacramentum, consistens in actione baptizandi.

34 D. Sacerdos accipit eleemosinam pro missa, in quâ conficitur Eucharistia?

M. Ac-

M. Accipit; non ut pretium sacrificii, sed ut stipendium suæ sustentationis.

35 D. Aliquando excommunicatis, dum absolvuntur, imponitur pœna pecuniaria?

M. Si nominas pœnam, non igitur, ut absolutionis pretium; sed ut pœna peccati, pro quo fuerat excommunicatus.

36 D. Pro matrimonio estnè licitum accipere dotem?

M. Licet, ut est officium naturæ, non ut sacramentum.

37 D. Possumnè meo inimico solvere pecuniam, nè impediatur me à consecutione beneficii?

M. Si jam à legitimo Superiore beneficium fuit collatum, possum redimere vexationem, & solvere, ut non impediatur consecutionem: Si nondū habeo jus, absque simonia non possum.

38 D. Quomodo sine simonia erogo eleemosinam pauperi, ut pro me oret?

M. Hoc fit, non ut emam: Alias suffragia essent simoniæca, sed per eleemosinam excito pauperes, ut pro me orent ex charitate.

39 D. Advocati &c. locant operas suas Clientibus, cur id facere non potest Superior?

M. Quia Superior ex officio tenetur exhibere, non Advocatus; Si huic ex officio incumbit, exigatque à Clientibus, etiam ipse peccat.

40 D. Peccatnè Parochus, volens pecuniã, ut vices sui officii committat, v. g. ut alteri

Sacerdoti committat vices adfistendi matrimonio ?

M. Peccat , quia actus , & adfistentia sunt aliquid spirituale .

41 D. Peccatnè Superior , volens pecuniam , ut corrigat subditum delinquentem ?

M. Peccat ob eandem rationem .

42 D. Peccatnè Superior desistens à correctione subditi deferentis sibi munera ?

M. Est simoniacus , & fovet subditum in peccatis .

43 D. Peccatnè Superior pecuniam exigens à subditis , ut eos visitet ?

M. Peccat , si eo fine velit aliquid providendo , tamen potest exigere sustentationem , & expensas itineris &c.

44 D. Peccatnè Prædicator exigens stipendium suæ sustentationis , dum prædicat ?

M. Peccat , si exigit , ut pretium prædicationis ; At non , si exigit pro sua sustentatione , quod dari solet ex consuetudine approbata .

45 D. Episcopus volens ipse prædicare poteritnè exigere , quod communitas taxavit pro sustentatione Prædicatorum .

M. Non potest , quia tenetur ex officio ; quare nihil potest exigere pro eo , ad quod obligatur , esto petat titulo sustentationis : At reliqui Prædicatores , utpotè non obligati possunt exigere .

46 D. Licetnè recipere aliquid ab eo , qui ingressurus est Monasterium ?

M. Utique: si liberaliter dat Novitius. Etiā quando non suppetunt opes Monasterii, potest exigi pretium victus pro Religioso, vel Moniali; Aliter nihil potest exigi.

47 D. Possuntne absque simonia vendi vasa sacra?

M. Pro utilitate Ecclesiæ possunt vendi, dummodo prius frangantur, & tollatur consecratio.

48 D. Cui Simonix annexa est excommunicatio reservata Papæ?

M. Triplici, pro receptione Ordinum, pro susceptione beneficiorum, & pro ingressu Religionis.

49 D. Regulares possuntne absolvere ab hac excommunicatione.

M. Consulant sua privilegia.

50 D. Simoniacè provisos de beneficio facitne illud suum.

M. Ex Regulis Cancellariæ, esto per triginta annos pacificè possedisset, statim tenetur resignare; neque suos facit fructus.

51 D. Quid, si commissæ esset simonia ab aliis, ignorante id proviso.

M. Hic non peccat, sed nullum acquirit jus in beneficium, nisi casu, quo aliquis, ex odio in provisum, daret pecuniam, eo fine, ut provisos non acquireret jus. Tunc ignorans facit beneficium suum.



## C A P U T LXIII.

*Recapitulatio dictorum de Temperantiâ.*

1 **F** Requentur peccatur contra Castitatem, Abſtinentiam, & Sobrietatem : quare ?

2 D. Luxuria excuſatnè à mortali ob parvitatem materiæ ?

M. Nullatenus : & Societas Jeſu ſub excommunicatione prohibuit doceri contrarium.

3 D. In moroſa delectatione, quid explicabo ?

M. Circumſtantiam ejus, qui delectatur, ut ſi eſt religioſus, maritatus &c. Variant Authores, an teneamur explicare circumſtantiam objecti, de quo delectatur, ut ſi ſit virgo, nupta &c. Urge, ut tibi videbitur probabilius. At faciunt optime, qui ſuadent hanc explicari.

4 D. Quid ſi virgo voluntarie conſentiat ?

M. Eſt explicandum, quia ſit injuria parentibus, & habentibus ſub cuſtodia particulari Virginitatem ſæminæ.

5 Si duo maritati ſimul peccent, explicabuntnè, quod ambo ſint maritati, an ſufficit cuilibet dicere *Commifi adulterium* ?

M. Utique: quia ſunt duo adulteria, & duæ injuſtitix. Idem dic de ſacrilegio, ſi ambo peccantes ſint perſonæ Deo ſacræ.

6 D. Quid eſt Jejunium ?

M. Est duplex naturale, & Ecclesiasticum: naturale est abstinencia cujuslibet cibi, & potus à media nocte usque ad communionem in cujus unice reverentiam Ecclesia præcepit illud, ideo, ejus observantia est actus Religionis, & violatio est sacrilegium. Ecclesiasticum est abstinencia à carnibus cum unica comestione.

7 D. Hoc ad quam virtutem pertinet?

M. Ad Abstinenciam, ideo violatio est peccatum Gulæ.

8 D. Quot peccata committit pluries comedens in die jejunii?

M. Si pluries comedat carnes, toties peccat, quoties comedit. Utens cibis quadragesimalibus, unum committit, esto vigesies comedat.

9 D. Cur hoc?

M. Quia carnes prohibet præceptum negativum obligans semper, & ad semper: Unica comestio præcipitur affirmativo obligante semper, non ad semper.

10 D. Si unica comestio est præcepti affirmativi, peccat, qui nihil toto die comedit?

M. Non peccat; Ecclesia, enim præcepit, quod si velis, comedas unica vice.

11 D. In jejunio excusamurnè à mortali ob parvitatem materiæ?

M. Circa affirmativum semel comedendi excusat materiæ parvitas.

12 D. Quod dicitur de carne, valetnè de lacticiiniis?

M. Valet etiam de his, quia, ova, & lactici-  
nia, ubi extat consuetudo, prohibentur præ-  
cepto negativo.

13 D. Accedens ad locum, ubi non jejuna-  
tur, teneturne ad jejunium?

M. Tenetur, si accedat in fraudem, hoc est,  
si eo tantum fine discedat à loco jejunii, ut non  
jejunet: fraus enim nemini suffragatur: At si  
non accedat in fraudem, non tenetur.

14 D. A loco non jejunii, accedens ad lo-  
cum jejunii, teneturne?

M. Si jejunus accedit, tenetur: si non jeju-  
nus, tenetur abstinere à carnibus, esto alibi  
comederit, sed potest pluries comedere.

15 D. Cur hoc?

M. Quia carnes prohibentur præcepto ne-  
gativo: quare prohibentur quousque est in  
loco jejunii, à quo si discedat, poterit in vespere  
comedere carnes: Unica comestio cadit sub  
affirmativo; quare si in loco non jejunii factus  
est impotens pro tota die, non amplius tene-  
tur, quocunque vadat.

16 D. Summo mane semel tantum come-  
dit, teneturne abstinere omnino, dum est in  
loco jejunii?

M. Non: quia in unica comestione præcipi-  
tur etiam hora comedendi circa meridiem;  
quare ubi factus est impotens, ut dicatur co-  
medisse circa meridiem unica vice, non am-  
plius tenetur.

17 D. Quid est Ebrietas?

M. Inordinatus potus voluntarie assumptus, & privans perfecte usu rationis.

18 D. Estne mortalis ex suo genere?

M. Utique: si voluntarie fiat, quia privat usu rationis, qui est maximum bonum.

19 D. Etiam prima vice se inebrians peccat mortaliter?

M. Utique: si prævidet talem esse potum, quod privabit usu rationis.

20 D. Peccatne mortaliter, qui se inebriat ex haustu minimo?

M. Quantumcunque minimus sit potus, si prævidet se privandum usu rationis perfecte, peccat mortaliter.

21 D. Peccatne peccato Ebrietatis, qui prævideret ex calore vini immoderati, accendendam sibi esse febrim.

M. Ebrietas respicit carentiam usus rationis; quare peccat peccato Gulæ, contra abstinentiam.

22 D. Peccatne mortaliter, qui bibit vinum perfecte inebrians, ex consilio Medici, ut procuraret vomitum pro recuperanda sanitate?

M. S. Th. reprobatur hoc medicamentum, quia vomitus potest procurari potu aquæ tepidæ: quare non est necessarius vini excessus, ut carentia usus rationis dici possit per accidens.



C A P U T LXIV.

*Recapitulatio doctrina de Sacramento Pænitentiae, juxta examen S. Caroli.*

1 **Q**uia plures Ecclesiae receperunt monita S. Caroli de sacramento Pænitentiae, recapitulabo hic, ejus doctrinam, & subjiciam pro ejus confirmatione brevem rationem Theologicam, quæ possit esse præsto cuicunque.

2 *Præter cætera inquit S. Carolus de Confessarii examine, quæ cum Sacerdotis, & Parochi officio, conjuncta sunt, hæc etiam sigillatim, atque exploratorii ratione perquirantur.*

3 Duo præscribit: 1. ut investigetur, an examinandus ad confessiones sciat munus Sacerdotis: 2. an sciat, quæ Confessor habet communia cum Parocho. Quoad Sacerdotis munus vide *Instr. Cler.* Cum Parocho solum habet commune, quod sacramentum Pænitentiae administrat.

4 *Quare institutum hoc sacramentum, & à quo institutum?*

Christus instituit quando Jo. 20. dixit: *Accipite Spiritum Sanctum* &c. Instituitque ad reconciliandos peccatores fideles cum Deo.

5 *Quæ hujus sacramenti materia?*

Duplex: alia remota, alia proxima: Remota est peccatum, & subdistinguitur: Mate-

ria necessaria sufficiens est peccatum mortale certum, ab homine Christiano post baptismum commissum, & nondum rite confessum: Materia sufficiens non necessaria, sunt venialia, vel mortalia semel ritè confessa. Peccatum mortale dubium est materia necessaria non sufficiens, quia debemus illud confiteri, sed de illo tantum non possumus absolvi, nisi adjungatur peccato certo, vel in casu necessitatis, & tunc sub conditione: Materia proxima sunt tres actus Pœnitentis, Contritio, Confessio, & satisfactio.

#### 6 *Quæ forma?*

Forma essentialis sunt verba *Te absolvo à peccatis tuis*. At juxta Rituale adjunguntur preces, quas Trident. sess. 14. c. 3. ait laudabiliter adjungi *ex consuetudine S. Ecclesiæ*.

#### 7 *Qui illius effectus?*

Est reconciliatio hominis cum Deo, quam interdum consequi solet conscientię pax, ac serenitas, nec non vehemens consolatio spiritus. Igitur: 1. tollit mortalia quoad reatum culpæ: 2. quoad eundem reatum venialia, de quibus sufficienter dolemus: 3. dat primam gratiam sanctificantem, quam auget, si homo ante habuerit: 4. reatum pœnæ æternæ mutat in temporalem: 5. gratia sacramentalis propria sunt auxilia actualia nobis collata suo tempore, ut possimus evitare peccata.

#### 8 *Qui minister?*

Sacerdos novæ legis ordinatus à vero Episcopo

scopo per manuum impositionem, virtute cujus accipit potestatem in corpus Christi mysticum, ubi prius receperit potestatem in corpus verum.

9 *Quæ conditiones in eo requirantur?*

Aliæ, ut valide absolvat, aliæ, ut licite. Ad primum, præter characterem sacerdotalem, requiritur jurisdictio, intentio, scientia, & quod proferat formam. Ad secundum, quod sit in gratia.

10 *Quæ regulæ ad dignoscendum, & distinguendum peccatum mortale à veniali?*

Mortale est dictum, factum, vel concupitum contra legem Dei: veniale, præter legem Dei: Peccata specie distinguuntur, ex diversitate objecti formalis: distinguuntur numero, si sunt diversæ moraliter actiones, vel eadem actio tendit in diversa objecta materialia, ut si uno ictu occido quatuor, sunt quatuor numero peccata.

11 *Quæ sunt Pœnitentiæ partes?*

Materiales sunt tres ut n. 5. nempe, *Contritio, Confessio, & Satisfactio.*

12 *Quæ earum partium ratio?*

Dabitur, cum agetur de singulis.

13 *Quid Contritio?*

Animi dolor, ac detestatio de peccato commisso, cum proposito non peccandi de cætero.

14 *Quæ ad veram contritionem sint necessaria?*

Cessare à peccato, proponere, & inchoare  
no-

novam vitam , ac odio habere veterem .

15 *Qui contritionis fructus, & utilitas ?*

Si sit charitate perfecta , statim reconciliat hominem cum Deo , ante actualem sacramenti susceptionem , virtute tamen sacramenti voto concepti : si non sit talis , sed voluntatem peccandi excludat cum spe veniæ , præparat hominem ad impetrandam in sacramento Pœnitentiæ gratiam .

16 *Quà quisquam ratione se ad contritionem exercere possit ?*

Ex Catech. p. 2. c. 5. n. 36. si discutientes nostram conscientiam per diligens examen, ubi noverimus nos reos : 1. doleamus : 2. veniam petamus, tempus confitendi, & satisfaciendi, ac auxilium Dei ad non amplius peccandum .

17 *Quæ signa veræ Contritionis?*

Ex Catech. si 1. restituamus male ablata: 2. remittamus injurias nobis illatas : 3. tollamus consuetudinem , & omne periculum imminens relabendi .

18 *Perquiratur item, quæ confessionis, quæ secunda pars Pœnitentiæ est, natura sit, atque substantia ?*

Est accusatio nostrorum peccatorum eò suscepta, ut Claviū virtute veniam impetremus.

19 *An diligenter inquirere sciat, & Peccatoris circumstantias, & peccati item ?*

20 *Quæ murent speciem peccati, & quæ in confessione explicandæ sint .*

Circumstantiæ sunt .

*Quis,*



*Quis, quid, ubi, quibus auxiliis, cur, quomodo, quando;*

quarum prima includit personam peccantem. Mutant speciẽ, si opponantur alteri virtuti, vel eidem per excessum, & defectum; Illæ sunt particulariter explicandæ, quæ mutant speciem vel notabiliter variant judicium Confessoris.

21 *Quæ restitutionem expostulent; quæ radices, causæ vè restitutionis?*

De his, vide c. 37.

22 *An dubios suspectosve contractus norint, aut saltem de iis dubitationes, & quæstiones instituere sciant?*

Ex dictis c. 28. 29. 30. 58. & 59. habes materiam de contractibus ita explicatã, ut in facti contingentia saltem possis dubitare, & consulere doctiores.

23 *Quibus criminibus annexæ sint censuræ?*

Ut de hoc saltem dubitare scias vide p. 1. c. 19. & 20. item infra c. 66.

24 *An item illarum peritiam, & vim teneant?*

Hanc facillime obtinebis ex sola, sed attentata lectione prædicti Catalogi, & cap. 66.

25 *An casus, in quibus irregularitatis macula contrahitur.*

Omnes pariter ibidem habes.

26 *An saltem in iis omnibus, & aliis, quæ ad verum, perfectumve hujus Sacramenti Pœnitentiæ Ministrum pertinent, sciant dubitare, & noverint consulere peritos; quomodo agen-*

*agendum sit id, de quo in dubitationem adducant.*

Ad hoc non sufficit scire principia generalia. sed applicare illa casibus particularibus. Id ut contingat, habes tam primæ, quam huic secundæ parti annexam praxim examinandi Pœnitentes.

27 *Qui item Ritus, & Sacræ Cæremoniæ Confessionis?*

Ritus à Pœnitente servandos, habes p. 1. c. 7. c. 11. & c. 14.

28 *Quæ conditiones ad confessionem verè pœnitentis necessariæ?*

Quinque necessariæ: 1. diligens examen conscientiae: 2. dolor super omnia de peccatis: 3. propositum non amplius peccandi: 4. nuda confessio peccatorum: 5. propositum satisfaciendi pœnitentiæ, quam Confessor, ut Judex, injunget.

29 *Qui ordo confitendi, quando quis statim confiteri debeat, quando item confessionem iterare?*

Quoad ordinem vide 1. p. c. 7. quoad tempus, non debemus differre ultra annum; si quis ultimo anni die peccet, ex præcepto Ecclesiæ tenebitur eodem die confiteri. Consuetudo autem Ecclesiæ interpretata est, ut currat hoc præceptum à Paschate ad Pascha. Debet item homo confiteri statim ac infirmatur; Ubi sit constitutus in articulo mortis, tenetur ad statim confitendum ex jure divino. Quoad ite-

randam confessionem, fieri debet, ubi unum defecerit ex quinque positis n. 27.

30 *De Satisfactione, quæ tertia pars Pœnitentiæ est, quærat*?

31 *Quæ Satisfactionis partes?*

Tres, Jejunium, Elemosina, & Oratio: nomine Jejunii venit omnis mortificatio carnis voluntarie assumpta, vel à Deo immissa, & patienter tolerata propter Deum: Sub elemosina quatuordecim opera Misericordiæ: Sub Oratione omnis elevatio mentis in Deum.

32 *Quis satisfactionis finis?*

Ex Trid. sess. 14. c. 8. finis est remedium novæ vitæ, medicamentum infirmitatis humanæ, nec non castigatio præteritorum criminum.

33 *Qui fructus, quæve utilitates Satisfactionis?*

Ex eodem, Revocat à peccato, pœnitentem efficit cautiorem in futurum, medetur reliquiis peccatorum, tollit vitiosos habitus, & præcipue Deo satisfacit pro pœna temporali, quam deberemus luere in Purgatorio.

34 *Quæ in Satisfactione requirantur?*

Ex Catech. p. 2. c. 5. n. 74. duo, ut opus habeat veram vim satisfaciendi: 1. in gratia sit, qui satisfacit: 2. actio suscepta ad satisfaciendum sit de se aliququaliter molesta. Qui in peccato mortali, facit pœnitentiam à Confessore injunctam, non satisfacit Deo pro pœna peccati, quod præcedenter fuerat confessus. At satisfacit obligationi, quam contraxerat erga

erga Confessorem, qui, ut Judex, imposuerat: quare non est reus omissæ pœnitentiæ, nec peccat mortaliter, sed imò facit opus meritorium de congruo, licet non de condigno, & per consequens neque satisfactoriū: Dicuntur molesta de se corpori, licet alias in eorum exercitio possit sentire maximam delectationem in anima; Et ita Sancti maxime satisfaciunt Deo per orationem mentalem, imò & per actus internos amoris heroici, licet actus isti possint esse fructus Spiritus Sancti, hoc est, elicitum cum suavitate; imo & Beatitudines; Utrique tamen de se sunt maxime molesti corpori; & ideo satisfat Deo etiam per illos.

35 *Qualis, & quanta pœnitentia pœnitenti imponi debeat?*

Ex Trid. sess. 14. c. 8. *Debent Sacerdotes Domini, quantum spiritus, & prudentia suggesterit, pro qualitate criminum, & pœnitentium facultate, salutare, & convenientes satisfactione injungere; ne si forte peccatis conivēant, & indulgentius cum pœnitentibus agant, levissima quædam opera pro gravissimis delictis injungendo, alienorum peccatorum participes efficiantur.*

36 *An salutare, & convenientes satisfactiones, pro gravitate criminum, & pœnitentium facultate sciant injungere?*

37 *An item ex Inn. III. præscripto, more periti Medici, sciant infundere vinum, & oleum vulneribus sauciati, ac quale debeant præ-*



*præbere remedium , aut consilium ?*

Super his nihil in generali potest notari , quia remedium , consilium , & satisfactio conveniens debent considerari particulariter .

38 *An præterea Canones pœnitentiales recte teneant ?*

S. Carolus eorum epitomen colligit. Tu vide p. 1. c. 15.

39 *Quæ differentia sit satisfactionum , pœnitentiarum &c.*

Ex Catech. p. 2. c. 5. n. 63.64. & 65. nomine satisfactionis venit omne opus, quo satisfacimus Deo , pro pœna peccatis nostris debita . Ex communi, & vulgari sermone, nomine Pœnitentiæ satisfactio venit , quæ in actu sacramentalis confessionis injungitur pro peccatis confessis .

40 *De absolutione indagetur ?*

Vide n.6. sacramenti formam , in qua consistit absolutio .

41 *Quæ verbarum formula requiratur ?*

42 *Quæ preces , orationesve præterea adhibeantur ?*

43 *Qui ordo servandus in absolvendo tam à peccatis , quam ab excommunicatione , suspensione ?*

Habes in Rituali , cui semper ad unguem se conformabit Sacerdos . Ideo ante hujus sacrosancti ministerii exercitium , memoriter discet formam, ordinem absolvendi , & preces ab Ecclesia laudabiliter adjunctas .

44 *De sigillo item confessionis plura quarantur, ac presertim, quæ vis, & quanta sigilli?*

Sigillum hoc tale est, ut ex vi illius, jure naturali, divino, & Ecclesiastico nihil possimus revelare, quanquam ageretur de salute totius mundi, quia majus est bonum hujus sacramenti, quam cætera omnia,

45 *Quæ sub illud cadunt?*

Obligat cælare, quidquid auditur in confessione; quod si sciretur posse revelari, redderet odiosam confessionem: quare sub illud cadunt peccata, & defectus etiam naturales; Vide super hoc duas Theses prohibitas à S. Inquisitione.

46 *Ex Sanctionibus Ecclesiasticis, Concilio Tridentino, Synodis tum Provincialibus, tum etiam Diæcesanis indagetur, quæ in illis constituta, ad Pœnitentiæ Sacramentum pertinent; quæque de Cleri, & populi disciplina, & moribus constituta sunt?*

Principaliora sanctionum Ecclesiasticarum collecta sunt in p. 1. per diversa capita; quæ firmavit Trid. habes c. 4. & 5. Quæ pro Diæcesibus particularibus decreverunt Synodi Provinciales, & Diæcesanæ, hic non possunt colligi, sed in singulis curabit Confessor servare præscriptum Ritualis c. 7. n. 8. In Urbe quas Papa edit, circa rectam sacramenti hujus administrationem habebit semper ante oculos; præcipue *Monita S. Caroli* quorū lectio in Exercitiis debet esse materia Cōferentiæ vespertinæ.

47 Ibidem commendat, ut examinandorū ad confessiones experimentum sumatur de constitutis in eisdem sanctionibus circa Cleri, & populi disciplinam. Quæ ad Clerum spectant, habes in *Inst. Cl.* Ad populi disciplinam ex Trid. sess. 14. c. 7. maxime spectat reservatio casuum: In Urbe sciant casus reservados Papæ. In Diecesibus, etiam, quos Episcopi sibi reservant: Bullam Cœnæ quilibet debet habere *penes se, diligenter legere, & percipere*. Ad eandem disciplinam respiciunt Theses prohibitæ, edicta S. Inquis. In Urbe etiam Bulla, quæ dicitur de *Datis, & acceptis* &c.

48 Maxime super prædictis articulis, ex præscripto S. Caroli, debet indifferenter versari examen approbandorum ad confessiones; ideo quilibet se instruat specialiter super prædictis.

## C A P U T L X V.

*Eadem, quæ præcedenti capite, proponuntur magis in particulari.*

1 **A** Rticuli à S. Carolo propositi, sunt satis generales; At pro directione conscientiarum, requiritur casus, particulares ex generalibus enodare; Ad hoc requiritur prudentia Sacerdotis; Qui nisi cognoscat se sufficientem, cum maximo suæ conscientie detrimento se exponit audiendis confessionibus,

peccans contra illud Eccl. 3. *Altiora te ne quaesieris*. Ut de sacramento Pœnitentiæ dicta particulariter habeas, recapitulo sequentia.

2 S. Caroli examen restringitur ad sacramentum Pœnitentiæ, in seipso, & in suis partibus. Non habeo, quid addam circa Sacramentum in se, sed solum circa partes, Ministrum, & effectus.

3 D. N. 7. petenti S. Carolo dedisti effectus: consequitur nè illos, qui bona fide putans se habere dolorem, sed re vera non habens, accedit ad sacramentum?

M. Ille non peccat, qui accedit bona fide, sed neque recipit effectum. Hic consequitur ad sacramentum, quod nunquam fit, nisi adsint partes institutæ à Christo Domino. Nec bona fides facit, ut sit institutum à Christo quod re vera non est institutum. Hic Scholastici quærent, an dari possit sacramentum Pœnitentiæ validum, & informe, sed hæc quæstio nihil prodest ad praxim.

4 D. Super n. 8. dixisti de Ministro; excommunicatus validenè absolvit?

M. Vide 1. p. c. 12. n. 9.

5 D. Super n. 13. contritio debetnè esse super omnia?

M. Vide 1. p. c. 13. n. 3. Exemplo cognosce, quando sit super omnia appetitive. Fœmina plorans, & ejulans de morte viri, non ejulans, de peccato mortali à se commisso, ostendit majorem dolorem de amissione viri, quam de offensa



fenſa Dei , ſed eſt major intensive ; nam magis appretiat Deum , quem respicit , ut finem ultimum ; Virum ad ſummum respicit ut finem proximum ; ſubordinatè ad Deum ; ideo ſi conſtitueretur ita , quod vel Deum deberet in poſterum offendere , vel perdere virum , eligeret potius perdere hunc , quam peccare mortaliter.

6 D. Eſtne invalida omnis confeſſio deficiens in examine debito ?

M. Si debeat fieri , & poſſit , invalida eſt : ſi non poſſit , ut accidit oppreſſo ſubita apoplexia , tunc , ſi facit , quantum poteſt , erit valida . Quia ut peccemus in omittendo noſtrum debitum , requiritur , quod debeamus , & poſſimus ſolvere .

7 D. Quid excuſat nos à facienda confeſſione materialiter integra ?

M. Impedimentum aliquod , phyſicum , vel morale : phyſicum eſt in eo , qui , factò examine debito , invincibiliter oblivifcitur , vel qui non poteſt loqui &c. Morale in eo , qui recordans peccati teneretur revelare complicem , v. g. ſi vir abusus fuiſſet uxore , Parochus autem Cognatus veniret in cognitionem , quod ſua ſoror peccaſſet hoc grande peccatum : In hoc caſu Cognatus tenetur adire alium Confeſſorem ; ſed ſi non commode poteſt , dicitur habere impedimentum morale ad faciendam confeſſionem materialiter integram . Caſus ſimiles tibi efforma .

8 D. Poteſtne dimidlare confeſſionem , qui

timet, ne Parochus perdat existimationem, quam prius habebat de se ipso?

M. Hoc non est sufficiens motivum, quia Christus imo instituit hoc sacramentum, ut nos detegeremur peccatores coram Confessore, qui tenet locum Dei.

9 Estne sufficiens motivum, si timerem, quod Confessor aliis revelaret mea peccata; unde apud alios perderem existimationem?

M. Hoc sufficit: quia Christus præcipiendo confessionem, voluit solum nos cedere juri famæ in ordine ad ipsum Confessorem; in reliquis servari jus naturale.

10 D. Super n. 17. *Petrus, facto examine debito conscientiae, ex duodecim peccatis invincibiliter obliviscitur duo, & de illis decem habet dolorem particularem: à quibus absolvetur?*

M. A nullis: non a duobus invincibiliter oblitis, quia de illis nullum habet dolorem, nec potest absolvi à peccatis, quæ non retrahat: sed nec à decem confessis, quia nemo sperare potest à Deo dimidiatam veniam; sed mortalia, vel omnia remittuntur, vel nulla.

11 D. Cur non decem remittuntur directe, & indirectè illa duo?

M. Quia, ut remittantur indirectè, debemus de illis dolere saltem in universali.

12 D. Invalidanè est confessio, si illa decem confitens dicat: *Doleo de his decem, quia per hæc decem offendi Deum summè bonum, vel quia per illa decem promerui gehennam?*

M. In

M. In hoc casu valide confiteretur, quia dolor est universalis, esto designet materialiter illa decem, tamen formaliter dolor est universalis, quia ratio formalis, sub qua doleo, se extendit ad omnia mortalia.

13 D. Quid si illa decem, essent contra justitiam, & duo essent contra Castitatem; diceretque. *Doleo de peccatis confessis, quia sunt contra pulchritudinem justitiæ revelatā à Deo?*

M. Invalidè confitetur, quia dolor etiam in suo motivo est particularis, nō destruēs omnia mortalia, sed tantū, quæ sunt contra justitiam.

14 D. Mendacium in confessione redditur illam invalidam, & sacrilegam?

M. Si in ordine ad confessionem, grave sit mendacium, erit sacrilega, & invalida: si leve, in se, sed materia totalis, erit etiam sacrilega, & invalida, quia est grave peccatum apponere pro materia remota confessionis, quod non potest esse: si non sit totalis, non erit sacrilega, neque invalida.

15 D. Super n. 19. Confessor imposuit jejunium in vigilia S. Antonii: non jejunavi, teneor nē jejunare alia die?

M. Teneris, quia principaliter imposuit jejunium ad satisfaciendum pro peccatis, & huic satisfactioni minus principaliter voluit adungi actum Religionis, referendo in honorem Sancti: quare peccasti mortaliter non ponendo hunc actum, & quia remoto minus principali, adhuc remanet magis principale, teneris substituere aliam diem.

16 Potestne Pœnitens recusare pœnitentiã, dicendo, quod vult agere in Purgatorio?

M. Tri l. sess. 14. c. 8. ait, Sacerdotes *debent injungere satisfactiones*, & claves concessæ sunt *ad ligandum etiam* per impositionem pœnitentiæ: Confessor est iudex, & nemo potest recusare pœnam à Iudice inflictam.

17 Supern. 3. Violone sigillum, si Petro interroganti, quid confessus fuerit Paulus, respondeam, *confessus fuit sua peccata*?

M. Non violone: nam omnes sciunt, quod materia confessionis sunt peccata, quare nihil revelo, si non dico peccatum particulare: Si vero Petrus nesciat Paulum fuisse confessum, requiritur magna prudentia: nam aliquando ex causis iustissimis homo vult nesciri, quod confessus fuerit, & tunc male agis dicendo, *Talis vir accessit, ut illum audirem in confessione*. Aliquando est necessarium etiam in scriptis testari, ut in Urbe respectu infirmorum ex p. 1. c. 10. n. 8. & plures viri nobiles volunt quolibet mense fidem in scriptis, quod familia accesserit ad hoc sacramentum. Vide circumstantias.

18 D. Quomodo dignoscam, quod Pœnitens nolit detegi se fuisse confessum?

M. Id pendet ex circumstantiis; si vides pœnitentem venire ad te in occulto, de nocte; habitu ementito &c. tunc certò judicabis, quod non vult detegi.

19 D. Violone sigillum, si dico: *Petrus est adeo*



*adeo purus, ut in confessione confessus fuerit tale verbum otiosum.*

M. Utique, quod alii ex natura sacramenti scire nequeunt, tu jam in particulari publicas, solum habens ex confessione sacramentali.

20 D. Quid faciam, si à me fidem confessionis petit, qui non fuit absolutus ob indispositionem?

M. Non potes dicere, quod absolvesti, quia mentireris: ergo testaberis, quod apud te fuit confessus, quia hoc est verum.

21 D. Suspiciabitur me non absolvisse, qui comparabit hanc fidem cū aliis, quibus testatus fui me absolvisse?

M. Nunquam facies fidem, quod absolveris, sed quod audieris confessionem talis, vel talis &c.

22 D. Parochus in confessione scit impedimentum dirimens, cum quo tamen, finita confessione, volunt contrahere, potestne assistere matrimonio?

M. Imo tenetur: nam extra confessionem debet ita se gerere, ac si nunquam scivisset: neque enim scivit, ut homo, sed ut Deus.

23 D. Non obligavi Petrum ad restituendū, & finita confessione, recordor obligationis?

M. Pete prius licentiam à Pœnitente, quem monebis, ubi concedat; si neget, satisfecisti tu muneri tuo.

24 D. Accedit Hebræus, qui simulat se Christianum; in confessione fatetur se Hæbræum,

bræum, & aliqua furta : deprecatur, ut saltem illum benedicam, quo possit accedere ad Eucharistiam in Paschate, ne detegatur Hæbræus, & cum tota familia comburatur ?

M. Duo exponit : 1. furtum, contra bonum privatum : 2. simulationem Religionis Christianæ contra bonum publicum : primum teneris cælare ex sigillo naturali : neutrum ex confessione : quia sigillum ejus obligat, quando est animus confitendi, licet alias sacrilega sit confessio : si non adsit confessio, sed simulatio confessionis, non teneris ex sigillo; sed imo denunciabis S. Inquis. & generaliter, ubi accedit infidelis absque Baptismo, non est confessio, quia baptismus est janua sacramentorum.

25 D. Quid si simulans accedat, ut hac via me inducat ad rebellionem contra Principem ?

M. In hoc casu non valet secunda ratio, quia est Christianus; sed prima: nam sigillum obligat, quando est confessio, non simulatio confessionis.

26 D. In capitulo sumus octo, & divisi; nam quatuor inclinant in Paulum, & ego cum aliis tribus inclinamus in Petrum, quem ex confessione agnosco esse Hæreticum, &c. possumnè ex auditis in confessione, Petro denegare meum suffragium, nunquam revelandum, sed semper secretum futurum ?

M. Vide p. 1. c. 13. n. 5.

## C A P U T L X V I.

*De Excommunicatione , Suspensione ,  
Interdicto , & Irregularitate .*

1 **E**X c.62. n. 22. & 23. S. Carolus à Confessore vult sciri , *quibus criminibus annexæ sunt censuræ: An teneat vim, & peritiam illarum: An casus, in quibus irregularitas contrahitur .* Et i. p. c.17. data sunt nonnulla de excommunicatione: c. 19. adductæ sunt Censuræ in Bulla Cœnæ, cap.20. datus est Catalogus censurarum &c. additurque in c.21. de potestate absolvendi excommunicatos. Porro Em. Card. Ursinus Archiepiscopus Beneventanus, volens ad S. Caroli amussim dirigere suum Clerum, tempore Exercitiorum Spiritualium, ad quæ quater in anno colligitur Clerus in Seminario, vult discuti plures quæstiones morales, generaliter utilissimas toti Clero; missaque olim ad me Tabella dubiorum præcepit singulis respondere breviter. Inter ista pro quarta ordinatione agitur *de Censuris, & aliis pænis Canonicis.* Hic igitur colligo, quæ jussu tanti Principis ibi dico .

2 D. Quid est Censura ?

M. Non Canones, non antiqui Juristæ , aut Theologi, sed Moderni ex antiquis colligentes sic illam definiunt: *Est pæna spiritualis, & medicinalis privans usu aliquorum spiritualium bono-*

*bonorū , ritè per Ecclesiasticam potestatem imposita, ut per eandem ordinariè possit absolvi .*

1. Est *pæna*: ideò non includit irregularitatem cujus neque mentio fit in c. *Quærenti* de verb. signific. 2. est *pæna spiritualis*, ideò nec est censura privatio beneficii privans officio spirituali, sed respiciens primariò ad nocumentum tēporale, ubi non est annexa suspensio. 3. est *medicinalis*: ideò censuræ non sunt Depositio, & Degradatio, quia regulariter sunt perpetuæ. 4. *privat usu spiritualium* primariò, licet aliquando privet secundariò temporalibus.

3 D. Quotuplex est censura?

M. Triplex ex dicto c. *Quærenti*: Suspendio, Interdictum, & Excommunicatio major, vel minor?

4 D. Omnis pæna Canonica est nè Censura.

M. Ex dicto cap. *Quærenti*, solum hæ tres sunt Censuræ.

5 D. Quod est subjectum capax censuræ.

M. Omnis, & solus homo, viator, ratione utens, baptizatus, habens superiorem in terris. Ita ex n. 2. Ut pæna supponit culpam, cujus incapax est carens ratione: ut medicina supponit viatorem, cui soli applicatur: ut data per Ecclesiæ potestatem supponit baptizatum, & subditum.

6 D. Ob quam causam incurritur censura?

M. Excommunicatio major incurritur ob solum mortale peccatum inobedientiæ contra Ecclesiam: quare a posteriori argues aliquid pro-



prohiberi sub mortali, quando prohibetur sub excommunicatione. Vide 1. p. c. 17. n. 3. & 14. ubi etiam habes de reliquis censuris.

7 D. Quæ causæ excusant ab incurfu Censuræ?

M. Primò Consuetudo legitimè introducta operandi contrarium, quia tunc abest inobedientia: 2. metus gravis, quia nunquam Ecclesia obligat cum magno incommodo: 3. Ignorantia, ut 1. p. c. 17. n. 11.

8 D. Quotuplex est censura accidentaliter sumpta?

M. Ex n. 3. triplex tantum est censura propriè dicta: Nonnulli eam largius accipiunt, pro aliis pænis spiritualibus, licet non medicinalibus: quare 1. venit irregularitas ex delicto respiciena primariò reverentiam Altaris, & secundariò punitionem delinquentis: 2. Depositio, 3. Degradatio, 4. Cessatio à divinis; quarum nulla est censura; nec enim illis competit definitio data n. 2. quare dispensantur, seu tolluntur, non absolvuntur.

9 D. Quis potest ferre censuras?

M. Ex c. *Quod autem* de sent. excomm. *A non suo Iudice nullus valet ligari, vel absolvi.* Et cap. *Romana* in 6. *Excommunicationum sententiæ* (idem dic de reliquis) *ligant tantum subiectos jurisdictioni* fori externi (quia privat bonis Ecclesiæ visibilis) qua hodie carent Parochi.

10 D. Quis potest absolvere?

M. Vi-

M. Vide 1. p. c. 21.

11 D. A quibus absolvere possunt Episcopi?

M. Vide ibidem.

12 D. Quæ est forma Absolutionis?

M. Habes in Rituali.

13 D. Quomodo absolvitur mortuus?

M. Vide ibidem.

14 D. Qui ligatus est pluribus censuris, indiget ne pluribus absolutionibus?

M. Vide 1-p. c. 42. n. 6.

15 D. Absolvitur nè à Censuris, qui per vim extorquat absolutionem?

M. Ex c. *Absolutionis* de iis, quæ vi, in 6. *Viribus vacuamus beneficium absolutionis à censuris extortam per vim, vel metum: & excommunicat eos, qui sic extorquent.*

16 D. Quid nam est absolutio ad reincidentiam?

M. Est illa, vi cujus homo ab absolvente obligatur ad certam conditionem, cujus ad implementum si negligit, incidit in novam censuram. Ita quilibet Sacerdos, in articulo mortis absolvit hæreticum, imponens præceptum comparendi coram Superiore. Si hoc negligat, non reviviscit excommunicatio prius incurta propter hæresim, & extincta, sed incurrit novam censuram ab Ecclesia impositam transgredienti tale præceptum.

17 D. Qui habet facultatem absolvendi a censuris in foro conscientiae, potest ne absolvere ab illis extra confessionem?

M. Non;

M. Non: quia Judex alicujus fori, debet sequi naturam illius: & natura fori conscientie importat confessionem Pœnitentis, ut partem materiale. Vide 1. p. c. 9. n. 5.

18 D. Quid est Excommunicatio maior?

M. Vide 1. p. c. 17. n. 4.

19 D. Quid est excommunicatio minor?

M. Vide ibidem n. 3.

20 D. Qui sunt hujus effectus?

M. Tres insinuati c. *Si celebret* de Cl. exc. min. Primus est privari perceptione passiva sacramentorum: secundus, peccare graviter in celebrando, & conferendo sacramenta, prius quam absolvatur: 3. privari, post sententiam Judicis voce passiva. Quæ circa hæc ingerunt difficultatem, vide 1. p. c. 42. n. 3. & 4.

21 D. Ob quam causam incurritur?

M. Quia potest infligi ab homine, & a jure; Incurreretur ab homine, ob rationabilem causam, quæ videbitur Superiori. Quæ habetur à jure; ob unicam causam incurritur, nempe, si homo in civilibus communicat cum excommunicato excommunicatione majori, jam juridicè nominatim denunciato per cedulones.

22 D. Incurrit ne censuram, qui communicat excommunicato excommunicatione minori?

M. In c. *Quoniam multos* 11. q. 3. dicitur: *Ab anathematis* (olim hoc nomine intelligebatur excommunicatio minor) *vinculo, subtrahimus illos, qui excommunicatis* (hoc nomine intel-

ligebatur major ) *communicant*. Hinc processit axioma, *Excommunicatio non transit in tertium*.

23 D. Quis absolvit ab hac minori?

M. Vide p.1. c.21.

24 D. Qui sunt effectus majoris? privatnè usu tantum activo, vel etiam passivo sacramentorum?

M. In c. *Illud* de Cl. exc. min. de Episcopo dubitante, an incurrisset majorem, dicitur: *Debuerat potius abstinere, quàm pertractare sacramenta*. Et verbum *pertracto* propriè importat utrumque usum.

25 D. Excommunicatio major privat nè divinis officiis, & interessentia eisdem? & quid intelligitur per divina officia?

M. Divina officia 1. ex c. *Responsio* de sent. exc. sunt omnia sacramenta, 2. ex c. *Episcoporum* de priv. in 6. Ecclesiastica sepultura: 3. ex c. *Si sententia* de sent. exc. in 6. auditio divinorum. 4. propria Ordinum munera, excepto, quod ex c. *Responsio* de sent. excomm. potest, etiam in Ecclesia, interesse prædicationi. Teneatur item, si est in sacris, recitare privatim Officium, sed non potest dicere *Dominus vobiscum*. Ab his ergo debet abstinere, nec potest interesse, dum alii celebrant.

26 D. Privatnè civili communione fideiium?

M. Vide 1. p. c.17. n.5.

27 D. Quodnam peccatum est communicare cum excommunicato non tolerato?

M. Ex



M. Ex S.Th. quol. 11. art. 9. Magni Juristæ sentiebant peccare mortaliter : sed ipse addit : *Opinio non est vera , quia ipsi assentiunt plus juri humano, quàm divino, cum sit plus assentiendum divino, quam humano.* Igitur distingue: vel 1. communicat in divinis: vel 2. in crimine, ob quod fuit excommunicatus: vel 3. fuit excommunicatus cū suis participibus. In tribus istis casibus communicatio est peccatum mortale: vel 4. in civilibus : & ex S.Th. suppl. q. 23. aar. 3. *Videtur valdè grave , quod homo peccet mortaliter pro uno verbo levi, quo alloquitur excommunicatum; & excommunicantes injicerent multis laqueum damnationis, qui retorqueretur in ipsos.* Vide 1.p.c. 17. n. 7. & 9.

28 D. Licetnè aliquando communicare cū excommunicato non tolerato ?

M. Vide, ubi suprà n. 9.

29 D. Communicans cum excommunicato, incurrit ne semper minorem , an aliquando majorem .

M. Vide n. 26,

30 D. Ob quę peccata incurritur major ?

M. Vide 1.p. c. 17. n. 14,

31 D. Violans excommunicationem majorem, incurrit ne aliquam pœnam ?

M. Ex c. *Is cui de sent. exc. in 6. Cui est interdictus ingressus Ecclesiæ ( cum sibi per consequens censeatur interdicta celebratio divinorum in ipsa ) efficitur irregularis, si in ea se ingerat divinis, agens in suo officio, sicut prius.*

*prius.* Et quia excommuniato prohibetur celebratio divinarum, si hæc agat, sit irregularis, ut qui ex officio exercet ordines: si agat Hebdomadariū in Choro, &c.

32 D. Quis absoluit à majori?

M. Vide l. p. c. 21.

33 D. Quomodo incurritur Canon *Si quis suadente* 17. q. 4.

M. In tresdecim casibus non incurritur iste Canon: 1. percutiens *levitate jocosa*: 2. Officialis Ecclesiæ percutiens leviter Clericum turbantem officia divina. 3. Clerici seniores, esto non deputati ad id ex officio, pariter percutientes leviter Clericum eadem turbantem. 4. Superior, & magister, ita percutiens Clericum subditum, aut discipulum. 5. Paterfamilias ita verberans Clericum minorem subditum ad correctionem, vel propinquum, ut cohibeat a vitiis. 6. quilibet Officialis in arcendo turbam, casu lædens Clericum. 7. Lædens Clericum vim sibi inferentem. 8. Lædens inventum turpiter cum matre, uxore, filia, sorore. 9. lædens eundem cum coma, ignorans esse Clericum. 10. lædens portantem arma, sine habitu, ter monitum a Superiore, ut desistat. 11. lædens dimisso habitu se immiscentem enormibus. 12. Prælatus in carcerem, ne fugiat, detrudens subditum. 13. percutiens realiter degradatum. Nomine autem Clerici, vel Monachi, etiam venit. 1. Novitius, & Conversus. 2. Monialis. 3. mandans lædi Clericum, 4. Præ-

4. Prælatum per Laicum ( non correligiousum ) mandans lædi : esto causa disciplinæ : sed non incurrit , si detrudat in carcerem , ob excessus graviores , vel defectum disciplinæ regularis .  
 5. detrudens in vincula , vel in carcerem . 6. consentiens percutienti . 7. ratam habens læsionem suo nomine factam .

34 D. Potestne in aliquo casu Episcopus absolvere a censura ob percussionem Clerici?

M. Potest lex Trident. si casus sit occultus , nec ex comprehensus in Bulla Cænæ : 2. Infirmum in articulo mortis : 3. Valetudinarium . 4. patientem inimicitias . 5. pauperem . 6. puerum . 7. senem . 8. fœminam , 9. physicè impotentem , ut Monachum clausuræ adstrictum . II. si læsio sit modica , pertingens tamen ad mortale peccatum , hoc est , non effundat sanguinem .

35 D. Quid est Suspendio ?

M. Est pœna Ecclesiastica impediens Clericum , ne exerceat ordines . Dicitur *pœna* seu pœnalitas : pœna enim semper supponit culpam ; non ita pœnalitas , & suspendio non semper supponit culpam , quia ex Trid. Episcopus potest suspendere non solum pro culpa , sed *ex quacunque causa* : quare sunt duo genera suspensionis : alterum est censura supponens culpam : alterum non est censura : dicitur *Ecclesiastica* , hoc est per Ecclesiam imposita : quare peccatum mortale impedit exercere Ordines : At nō est Suspendio , quia id provenit ex rei natura , non per ordinationem Ecclesiæ .

36 D. Suspendus ab ordine superiori, est ne suspendus etiam ab inferiori, & è contrà?

M. Respondeo negativè quoad primum: quare suspendus à Sacerdotio, non est suspendus à Diaconatu: Verba enim valent, quantum sonant: Affirmativè quoad secundum quia ex c. *Cum illorum* de sent. exc. *Majora intelliguntur prohibita illis, quibus vetita sunt minora* nisi contrarium exprimat Superior, ut in c. *Nullus* de temp. ord. in 6. *Qui contrafecerit, noverit se suspendum a collatione solum Clericalis Tonsuræ.*

37 D. Suspendus ab Ordine, remanetne suspendus à Beneficio; & è contrà?

M. Neutrum sequitur, quia hæc duo separantur: nam aliquis habet Ordinem, & non Beneficium; è contra cum sola Tonsura Clericali habet hoc, non illas.

38 D. Suspendus diciturnè etiam toleratus, & non toleratus?

M. Utique: nam declaratio Martini V. de excōmunicatione communis est omni censuræ?

39 D. Licetne tolerato exercere actum Ordinis?

M. Non licet, quia Martinus in nihilo voluit suffragari Reo; sed solum populo innocenti: quare ita suspendus exercens peccat contra jus naturæ, sancta exercens in peccato mortali, & contra præceptum Ecclesiæ.

40 D. Incurriturnè suspensio in Ordinibus, tam majoribus, quam minoribus?

M. Uti



M. Utique, si taliter suspensus exerceat minores in missa solemni, tanquam ex officio; secus si ex commissione.

41 D. Quam pœnam incurrit violans suspensionem?

M. Si est suspensus ab Ordine, fit irregularis ex cap. *Cum æterni* de sent. & re jud. exercendo Ordines, vel officium Ordinis proprium: In aliis casibus, vel si sit suspensus a beneficio, aut jurisdictione, & exerceat, non incurritur irregularitas, quæ ex c. *Si qui* de sent. exc. in 6. non incurritur, *nisi sit expressa in jure.*

42 D. Quod peccatum est exercere actum prohibitum per suspensionem?

M. Est mortale: Ex n. 34. Clericus potest suspendi propter actionem, quæ non sit mortale: sed ita suspensus à Superiore, si exerceat, mortaliter peccat, se ingerens iis, quæ ut rectè administrantur, debent administrari, dependentes à consensu Ecclesiæ, seu Superioris.

43 D. Quis absolvit à suspensione?

M. Vide l. p. c. 21. si sit ab homine absolvi-  
tur ab eo, qui suspendit, si à jure, par est ratio.

44 D. Quid est Depositio?

M. Est pœna Ecclesiastica, per quam, Clericus ob magna delicta, perdit omnem potestatem sibi ab Ecclesia collatam exercendi Ordines, & in c. *Degradatio* de pœn. in 6. dicitur *Degradatio verbalis*. In causandis functionibus Ordinum, Clericus operatur dependenter à duabus causis universalibus, ut à septem cæ-

lis dependēt causę sublunares: Altera est Christus per charaēterem, hæc nunquam deficit: Altera est Ecclesia, quę per suspensionem, tollit usum potentię, non potentiam: per depositionem tollit ipsam potentiam, sicuti per irregularitatem reddit inhabilem ad habendam hanc potentiam.

45 D. Per quid differt à suspensione?

M. Collige id ex n. præcedenti.

46 D. Quid est Degradatio?

M. Ex c. *Novimus* de verb. signif. est pœna Ecclesiastica, per quam Clericus ob delictum grave, & damnosum, *exutus privilegio Clericali*, applicatur iterum foro sæculari, consequenter privatur, sicut sæcularis, omni potestate circa ea, quę sunt propria Ecclesię.

47 D. Per quid differt à Depositione?

M. Depositiō ab Ordine tollit potestatem exercendi, non cætera jura Clericalia: Depositiō, a Beneficio, & Jurisdictione privat depositum omni bono particulari sibi tradito ab Ecclesia, non tamen bonis universaliter competentibus Clericatu: 2. Depositiō potest fieri sola voce: Degradatiō, dicta etiam depositiō actualis, fit cum solemnitate, ut in Pontificali.

48 D. Teneturne Degradatus ad officium divinum, si est in sacris?

M. Utique: nam perdit honores, non onera Clericatus, ne reportet commodum ex delicto.

49 D. Per quod crimen incurritur?

M. Ex

M. Ex c. *Ad falsariorum* de fals. illam 1. incurrit, qui falsat litteras Apostolicas, *exercens per se falsitatis vitium*. 2. ex c. *Pro humani* de hom. in 6. *Affassinus*. 3. ex c. *Ad abolendum*, Hæreticus: 4. committens contra Episcopum quinque peccata, de quibus in c. *Si quis Sacerdotum* 11. q. 2. Sed exceptis primis duobus, tam Hæreticus, quam Reus horum criminum, & aliorum in c. *Cum non ab homine* de Jud. debent prius deponi, & incorrigibiles excommunicari, ultimò degradari.

50 D. Possuntne in absentem ferri Depositio, & Degradatio?

M. Utique prima, ut in c. *Pro humani* deponitur Affassinus: Non secunda: nam *degradandus* ex c. *Degradatio* de pæn. in 6. *adducatur ad presentiam Episcopi* &c.

51 D. Gaudet nè Degradatus privilegio Canonis, & fori, ut depositus.

M. Neutro gaudet, quia degradans concludit: *Exuimus te omni Ordine, Beneficio. & Privilegio Clericali*.

52 D. Quid est Interdictum?

M. Est pæna Ecclesiastica privans usu quorundam divinorum, ut communi fidelibus. Aliquando est sine culpa ejus, cui interdicitur, & tunc est pænalitas. Vide n. 34.

53 D. Quotuplex est Interdictum?

M. Ex c. *Si sententia* de sent. exc. in 6. aliud est personale, aliud locale, aliud generale, aliud speciale.

54 D. Possuntne ministrari sacramenta tempore Interdicti?

M. Ex c. *Quoniam* de sent. exc. in 6. possunt ministrari. 1. Baptisma. 2. Confirmatio. 3. potest benedici chrisma necessarium utrique. 4. ex c. *Alma mater* Penitentia tam moribundis, quam sanis, etiam iis, qui fuerint causa interdicti, si prius satisfecerint. 5. ex c. *Quod in te* de pæn. & rem. Eucharistia per modum Viatici.

55 D. Quando nam, & quomodo celebrari possunt divina officia tempore interdicti?

M. Ex c. *Alma mater* de sent. exc. in 6. In Natali Domini, Pascha, Pentecoste, & Assumptione Virginis *debent celebrari* solemniter, alta voce, campanis pulsatis, esto adsint interdicti, dummodò qui fuerint causa, non appropinquant Altari: Reliquo anni tempore *celebrentur missæ, & alia divina officia, sicut prius, voce submissa, januis clausis*, exclusis excommunicatis, & interdictis.

56 D. Estne prohibita Clericis sepultura Ecclesiastica tempore Interdicti?

M. Ex c. *Quod in te* de pæn. & rem. Clerici, qui servaverint interdictum, *tumulentur in Cæmeterio, cum silentio, sine campanorum pulsatione, cessante omni solemnitate.*

57 D. Interdicta Ecclesia, censeturne interdictum Cæmeterium contiguum?

M. Ita ex c. *Si civitas* de sent. exc. in 6.

58 D. Interdicto Clero censeturne interdictus populus, & è contra?

M. Nul-



M. Nullatenus ex c. *Si sententia* de sent. exc. in 6,

59 D. Interdicta civitate, censenturnè interdicti habitatores?

M. Non: ex eodem, dummodò non dederint causam, vel fuerint personaliter interdicti: quare discedentes à loco, poterunt interesse divinis.

60 D. Interdicto Capitulo, vel Clero, censenturnè interdicta Ecclesia?

M. Ex eodem: Tales Clerici non debent alicubi divinis interesse officiis, aut recipere sacramenta.

61 D. Interdicta civitate, censenturnè interdicta suburbia?

M. Utique, ex c. *Si civitas* de sent. exc. in 6.

62 D. Quam pœnam incurrit violans?

M. Clericus violans interdictum locale, fit irregularis, perditque vocem activam, & passivam, ex c. *Is qui* §. *Is verò* de sent. excom. in 6. Violans verò personale, fit irregularis, & privatur sepultura Ecclesiastica, nisi pœnituerit, ex c. *Is cui* eod. Privilegiatus violans, ex cap. *Episcoporum* de priv. in 6. interdictur ab ingressu Ecclesiæ: Laici verò incurrunt excommunicationem, ex Clem. 2. de sent. exc.

63 D. Si interdicantur cives, v. g. Colonienses, & definant esse cives, censenturnè adhuc interdicti, si fuerunt causa?

M. Utique: nam respectu Culposi est pœna, quæ debet absolvi à Superiore: At respectu

innocentis est pœnalitas afficiens corpus mysticum, cujus si destinatus esse membrum, ulterius non subjacet pœnalitati.

64 D. Ligatnè absentes, & innocentes?

M. Ex c. *Si sententia* de sent. exc. in 6. Si est personale interdictum, ligat omnes comprehensos, etiam innocentes, quo usque durant esse subditi domino, pro cujus delicto fuit latum: si fuit locale, non ligat absentes.

65 D. Quando incurritur Interdictum?

M. Vide i. p. c. 20. Catalogum Censurarum &c.

66 D. Quis potest ferre, & tollere interdictum?

M. Vide n. 42. Sed recale, quod datur interdictum, ut pœna peccati, sicuti suspensio, & interdictum, ut pœnalitas: primum, quod est censura, debet absolvi: secundum, quod non est censura, tollitur per Superiorem. aut aliis modis, non per absolutionem Confessoris.

67 D. Si interdictum feratur ad tempus, cessatnè elapso tempore?

M. Si tempus est determinatum, v. gr. per mensem, isto completo cessat: si tempus est indeterminatum, v. g. *sis interdictus, donec restituas*; tunc, facta restitutione, debes absolvi, quia in hoc casu est censura, & medicina injecta, ut cesses à peccato, & ligatus in foro externo, debes in eodem absolvi. Ideò in cap. *Quenquam* de cens. dicitur: *Non obtineat relaxationem interdicti, donec de transgressione satisfecerint Judici Ecclesiastico.*

68 D. Quid

68 D. Quid est Cessatio à divinis?

M. Est pœna imposita, de mandato Ecclesiæ infllicta pro magno delicto nolētis satisfacere, quam satisfactionem, ut inducat Superior, suspendit divina.

69 D. Servandane est eodem modo, ac Interdictum?

M. Quæ antiqui Canones permittebant in Interdicto, erant item permessa in hac cessatione. Post illos plura in interdicto concedit cap. *Alma mater* de sent. exc. in 6. Et Theologi, ac Canonistę variant, asserentibus aliis, & aliis negantibus eadem concedi in cessatione. Tu videris.

70 D. Qui sunt effectus Cessationis?

M. Sunt iidem, ac effectus interdicti, exceptis duobus, qui sunt in quæstione. Primus est privata sepultura in Ecclesia, sine officio exequiarum, quæ prohibetur in interdicto, nec adest Canon prohibens in Cessatione, licet communiter censeatur prohibita. Secundus est celebratio officii divini in Choro, quam facere debent Canonici &c. E contra videtur prohibita in Cessatione, ex c. *Si Canonici* de off. ord. in 6. quod tamen prodiit ante c. *Alma mater*; quare si juxta hoc procedat Cessatio, correctum erit jus antiquum. Res satis dubia, & examinanda, ubi casus contingeret à Theologis & Canonistis, sub directione Episcopi.

71 D. Quid est Irregularitas?

M. Est impedimentum Canonicum directè,

ac primario impediens suscipere Ordines , & consequenter exercitium eorum .

72 D. Quotuplex est Irregularitas ?

M. Pro nunc est duplex : alia ex defectu , alia ex delicto ?

73 D. Quid est irregularitas Bigamiæ ?

M. Hæc dicitur irregularitas ex defectu sacramenti; nam Bigamus est, qui contrahit duplex matrimonium ; quod homo reiterans non habet significare conjunctionem Christi cum Ecclesia , quæ ut significaretur , Christus elevavit matrimonium ad rationem sacramenti.

54 D. Quotuplex est Bigamia ?

M. Triplex: Prima est vera, cum homo contrahit validè cum duabus: secunda, ubi prima fuit mortua : Altera est Interpretativa : cum homo, vivente primâ, contrahit cum secundâ; In hoc casu non est verè Bigamus, quia secundum non est verum matrimonium; sed quia ex parte sua fecit, quod potuit, ut secundò nuberet, Canones interpretantur illum esse Bigamum: Tertia est similitudinaria , cum homo, post votum solemne Castitatis, contrahit cum Virgine . Per tale votum fit quoddam veluti matrimonium spirituale ; ideò successivè contrahens carnale, similis est vero Bigamo.

75 D. Quot modis contrahitur irregularitas ex defectu ?

M. Hæc irregularitas potest provenire ex defectu sacramenti, quæ est una tantum, nempe, Bigamia . 2. ex defectu lenitatis , quando  
quis



quis interficit, vel mutilat hominẽ, etiam se ipsum, ut permittens se evirari: 3. ex defectu honorum, si careat beneficio, vel patrimonio. 4. si habeat vitium corporis, quod generet deformitatem, vel impediatur liberam executionem Ordinum. 5. si sit illegitimus. 6. si non sit in ætate præscripta: 7. si careat litteraturâ præscriptâ in Trid. 8. si careat usu rationis, ut Amens, Arreptitius, Epilepticus &c. 9. si sit Neophytus: 10. si sit servus: 11. si administravit bona Reip. vel alicujus particularis, & juridicè obligetur reddere rationem. 12. si exerceat officiũ infame, ut Birruarii, Carnificis &c.

76 D. Quot modis contrahitur ex delicto?

M. Ex hoc capite Irregularis est: 1. Hæreticus: 2. Hæreticorum, ut talium Defensor, Fautor &c. 3. Schismaticus: 4. Faciens se rebaptizare: 5. Baptizatus ab Hæretico, extra necessitatem. 6. Clericus in censura exercens Ordinem. 7. quæcunque peccata reddunt irregularem, quæ reddunt infamem, quo usque tamen duret infamia, sicut etiam pœnæ.

77 D. Quot modis accidit homicidium illicitum? & per illud incurritur ne semper irregularitas?

M. Omne homicidium potest esse voluntarium, vel casuale: Est voluntarium, si data opera, ex industria, intendo ipsam hominis mortem. Est casuale, si hæc desint, sed tamen sequitur mors ex causa, quam ego posui, licet non intenderim occidere: Primum semper est

est illicitum ex S.Th. 2.2.q.61. quoties non fit auctoritate publica, etiamsi vellem occidere invasorem, à quo occidar ego, nisi præveniam. Vide cap.24. Alterum imputatur ad peccatū, si do operam rei illicitæ, vel dans operam licitæ non adhibeo debitas diligentias: & in utroque contrahitur irregularitas.

78 D. Excusaturne ab hac homicidium pro defensione vitæ?

M. Ex Clem. *Si furiosus* edita post mortem S.Th. illam non incurrit occidens. 1. si sit furiosus: 2. si infans: 3. si dormiens: 4. si *aliter non valens vitare mortem, occidit, vel mutilat invasorem*. Hæc verba non verificantur de eo, qui potens vitare mutilando, occidit, vel potens fugere mutilat, vel directè intendit mortem &c. Ex Trid. sess.14. c.7. de ref. qui sic occidit, debet prius juridicè probare, quod aliter non potuerit vitare mortem.

79 D. Incurriturnè ob homicidiū casuale?

M. Vide n.77.

80 D. Quid est Irregularitas ex defectu lenitatis?

M. Incurritur ab eo, qui justè occidit, vel mutilat Reos, ut Judex, Carnifex, omnesque ad mortem concurrentes aliquo modo, ut satellites, ducentes scalas, præparantes instrumenta, sonantes campanam justitiæ, accusantes Reum sanguinis &c.

81 D. Quid requiritur, ut in homicidio licito contrahatur irregularitas?

M. Re-

M. Requiritur, quod particulariter influat in homicidium: Hoc secuto, est irregularis Confessor, qui recusat absolvere Iudicem, nisi damnet Reum morti: At si dicat: *Nolo te absolvere, nisi facias justitiam*, non fit irregularis, uti neque Concionator inculcans eandem, aut Clericus habens dominium temporale, qui eligens Iudices, præcipit facere justitiam, esto inde Iudex damnet morti. Absque scrupulo irregularitatis Capellani exercitus, præsertim contra Turcas inflammant milites ad bellandum fortiter, proponunt magnam gloriam morientibus & fidei triumphum vincentibus (idem faciunt Duces, Centuriones &c.) qui tamen essent irregulares, si alicui dicerent: *Occide*, vel quid simile: nam tunc verè influunt in mortem, inde sequentem: non sic, si generaliter præcipiunt justitiam, vel fortitudinem: ut est expressum c. *Episcopus* Ne Cl. vel Mon. in 6. etiam quando in casu particulari, Clericus habens dominium temporale deleget Judici causam sanguinis, quia præcipere justitiam est aliquid in generali.

82 D. Incurriturnè Irregularitas per Apostasiam à Fide?

M. Utique: si sit externa tantum, si ve coniuncta internæ incredulitati, per quam reddatur infidelis. Ita Dominicus Menghinus in opere inscripto. *Sacro Arsenale* p. 10. n. 109. ubi ait reddi irregularem omnem hæreticum, etiam occultum, omnemque a fide Apostatam, etiam

etiam si, retenta fide in corde, apostatet solis actibus externis, etiam ex metu cedente in constantem virum, (ubi tamen non cogatur omninò violenter), omnem, qui adorat, vel invocat dæmones; non possunt Inquisitores dispensare super his irregularitatibus; sed recurri debet ad Papam. Hic Author fuit Inquisitor per plures annos, quare audiendus ut peritus, in sua arte magis, quam Theologi, qui nimis subtiliter examinant Sacros Canones.

83 D. Fitnè irregularis Clericus, qui constitutus in sacris deserit habitum?

M. Utique: si deserat animo apostatandi: ex c. *Is, qui d. 50. Jubemus non admittit ad Clericatum eum, qui post sanctam Religionis professionem, (quæ assumitur 1. per baptismum: 2. per Ordinem sacrum: 3. per professionem Regularem) redit ad conversationem secularem.*

84 D. Qui sunt effectus irregularitatis?

M. Ultra Ordines, inhabilitate etiam ad Beneficia quæcunque; adeò ut invalidè conferantur irregulari, & injustè percipiat fructus; propterea obligatur restituere.

85 D. Quando incurritur, & quomodo tollitur irregularitas?

M. Si est ex defectu, incurritur ab eo instanti, quo homo incipit pati talem defectum; quare cæcus à nativitate, ab hac incipit esse irregularis: si est ex delicto, etiam ab eo instanti, quo committit delictum sub circumstantiis



stantiis, sub quibus annexa est irregularitas.

86 D. Quod peccatum est Irregularem suscipere, vel exercere Ordines?

M. Est grave sacrilegium, quia Ecclesia tales arcet ab Altari, ob reverentiam; Totiesque multiplicatur, quoties recipit vel ex officio exercet.

87 D. Quis potest dispensare ab illa?

M. Jus Canonicum refert nonnulla impedimenta ad Ordines, in quibus dispensare spectat ad Episcopos: & Canonistæ vocant irregularitatem: E contra Theologi prætendunt irregularitatem esse. impedimentum perpetuum, dispensabile à solo Conditore Canonis; quare negant hoc nomen tribui posse impedimentis dispensabilibus ab Episcopo: Est quaestio de nomine, in quâ, si cum Canonistis voces irregularitatem, dic eam posse dispensari ab eo, cui Canon committit; & si non committit, spectare ad solum Papam; si verò loquaris cum Theologis, dic irregularitatem propriè sumptam subjacere soli foro Papali ex jure antiquo; Ex jure autem novo Trid. sess. 24. cap. 6. de ref. *Liceat Episcopis dispensare in omnibus irregularitatibus provenientibus ex delicto occulto, excepta eâ, quæ oritur ex homicidio voluntario, & aliis deductis ad forum contentiosum.*

## CAPUT LXVII.

*Confessor instruitur ad praxim, super primis  
tribus Decalogi præceptis.*

**I** Udex ut Reum damnet furti, non considerat solum principia generalia, sed etiã quascunque circumstantias particulares, ex quibus potest aggravari, vel alleviari furtum; an ablatio rei fuerit invito domino, an in quantitate notabili &c. Idem dic de Medico: Considerat, num medicina contra morbum ab Hippocrate constituta sit opportuna hic, & nunc complexionì ægroti &c. Imò, universaliter, ad operandum, insufficiens est Enthymema ex præmissa universali, sed debet præcedere syllogismus in *Darii*, cum altera præmissa universali, & altera particulari, ut 1. p. c. 35. n. 2. Confessor igitur, qui simul est Judex, & Medicus, debet pariformiter procedere; ideò ex p. 1. c. 6. n. 7. debet habere scientiam, quæ est universalium, prudentiam applicantem universalia particularibus. Et quia huc usque data sunt principia generalia Theologiæ moralis, applico nunc ista, introducens in Confessionali duas personas, Pœnitentem, qui accuset sua peccata. & Confessorem, qui particlariter interroget, ut possit dare sententiam, & præbere medicinam,

2 P. Ego, Pater, sum paratus confiteri mea.  
pec-

peccata; si V. Pat. interroget, impotens, præerubescencia, ex me illa explicare?

M. Es omnino indispositus, carens proposito satisfaciendi tuæ obligationi. Ex p. 1. c. 7. n. 18. debeo adjuvare pœnitentem; sed, ubi velit ipse, quantum potest, se explicare: si habes contrariam voluntatem, non possum audire. Ergo recede ab animo tam malo: nec erubescas dicere, quæ non erubuisti facere; ac primum.

C. A quanto tempore fuisti confessus?

3 P. Ab aliquo tempore.

C. Iste sermo est captiosus; nam possunt percurrisse dies, menses, aut anni. Et quidem si annus fuit elapsus, transgressio confessionis hic in Urbe est peccatum reservatum, ut 1. p. ca. 44. nu. 16. Nec dicas pœnam transgredienti impositam, esse ferendam, non latę sententię, nec reservationi esse locum, nisi lata sententia; nã ex c. 44. n. 1. Romę, ipso facto incurritur interdictum, & ex nu. 16. peccatum est reservatum. Ulterius temporis quantitas est mihi aperienda, ut possim videre, an sit consuetudo peccandi: si fornicatus es quater in semestri, non inducis de illa suspicionem adeo gravem, ut si totidem fornicatus es in mense. Innue pœriter statum, ut possim prudenter interrogare: nam alia inquiri a Iudice, alia ab Agricola, alia a juvene &c. His explicatis, dic, an adimpleris pœnitentiam.

4 P. Memini me 1. recusasse pœnitentiam, ut satisfacerem in Purgatorio; 2. neglexisse

adimplementum, in recitando symbolum: 3. distulisse ad aliquod tempus?

C. Sacrilega fuit prima confessio: nam debet adesse animus complendi integraliter sacramenta in hac vita: si quis docuit contrarium, opinio illa obsolevit: quoad secundum, putas te à mortali excusatum ex parvitate materiæ; sed vide 1.p. c.41. n.22. Quoad tertium: Aliqui docent peccari mortaliter, si differatur per annum: Ego nolim determinare tempus brevius: dic, qualis fuerit pœnitentia: si enim commodè poteras implere, vel etiam nunc potes, vade illam implere: hic te expecto, ut accuses negligentiam in dubio, si fuit mortalis. Et quia suspicor te fatis rudem in doctrina Christiana, quippe genuflexisti absque signo Crucis &c. explica, si saltem scias necessaria.

5 P. Circa hæc, quotidie, Pater, elicio actum fidei, credens generaliter, quidquid credit Sancta Mater Ecclesia; in speciali olim didici symbolum a matre, sed hac defuncta, oblitus fui; & coactus pascere gregem, non possum ire ad Ecclesiam; cæterum per Dei gratiam, confiteor bis in anno; & pauca nunc habeo peccata: vix enim quater juravi, bis meus grex excurrit in campum alienum?

C. Ex Thesi 65. Inn. XI. non sufficit semel scivisse Symbolum, sed nec ille actus credens in universali. Explica igitur, an oblitus fueris aliquod ex tribus principalioribus, vel, istis  
reten-



retentis, alia perdideris; hoc enim scire mihi oportet, ut te dirigam: si oblitus fuisti unum ex tribus, quæcunque tua confessio fuit invalida; & ut judicem, an etiam fuerit sacrilega, dic, an ignorantia fuerit vincibilis, vel invincibilis; ex tuis dictis conjicio fuisse vincibilem: olim sciebas, & fuit negligentia non recitare quotidie. Ulterius, inter Christianos vix est, qui possit ignorare invincibiliter; si tamen hoc ponatur, excusabo te à peccato, sed invalidè fuisti confessus: quia enim sine talium mysteriorum fide, non potes glorificari, neque potes justificari. Cæterum circa totum symbolum, dic, an feceris debitas diligentias, ut addisceres, eundo diebus festis ad doctrinam Christianam, addiscendo à sociis, & recitando sæpè cum illis, ubi metuas de memoria: si neglexisti hæc, ignorantia tua fuit vincibilis; & dic ætatem, ut possit colligi numerus circumcirca tuorum peccatorum: i. enim peccasti mortaliter peccato ignorantiae, à puncto, quo ingressus fuisti usum rationis, & continuaisti usque nunc contra præceptum negativum obligans semper, & ad semper: Addiscere verò cadit sub præcepto affirmativo; quare peccasti toties, quoties potens, non adjisti doctrinam Christianam, quam omni die festo solet docere Parochus; & ideò ordinariè, quolibet tali die peccasti, ideò petii de tua prima ætate, ut, computatis annis ab usu rationis, possem colligere numerum circumcirca peccatorum;

2. ex vi talis ignorantia, omisisti actus Fidei; Spei, & Charitatis, quorum singulos tenebaris elicere in usu rationis, in articulo mortis, & saltem sexies in anno: Toties ergo mortaliter peccasti. 3. quoties in Paschate confessus fuisti, commisisti duo peccata, alterum sacrilegii, recipiens indignè sacramentum: alterum omittendo præceptum confessionis Ecclesiasticum: Aliis verò temporibus, unicum sacrilegii. 4. Dic jam, si communicasti, ob eandem rationem.

6 Ad 5. Juramenta, quæ accusas, vel omnia fuere contra justitiam, vel aliqua, vel nulla, Ubi defuerit ista conditio, explica, num fuerint in materia gravi: nam tunc peccasti mortaliter: quod si jurasti inferre malum, sed sine animo, tunc deest veritas, cujus nulla materiae parvitas excusat à mortali; & si jurasti ex animo inferre malum, explica malum quod volebas inferre: si contra vitam, famam, aut bona; Cui volebas inferre malum, si conjuncto, Clerico &c. Explica, si habes consuetudinem jurandi: nam tunc non possum absolvere, nisi præcedat notabile signum emendæ.

7 Ad 6. Immittens gregem in agrum alienum ex industria, peccasti mortaliter toties, quoties, æstò prima vice intuleris leve damnum, si volebas continuare, vel si potens impedire damnum grave, omisisti: & teneris ad restitutionem. Super his omnibus responde singillatim, nec aliter satisfacis tuæ obligationi.

Opti-

Optima erit confessio generalis totius vitæ, vel saltem à die, qua turbari cœpit tua conscientia; nec dicas me scrupulosius inquirere contra stylum aliorum. Hoc est munus Confessoris: unusquisque sibi consulat. Si verò ignorantia fuit circa tres articulos, non possum absolvere, nisi primò discas, & postea elicias actus Virtutum Theologalium, uti nec absolvam, si dubius es de validitate confessionum præcedentium.

8 D. Ego, Pater, à triennio non fui confessus, quia susceperam iter longum, eo fine, ut me subducerem à Diœcesibus, in quibus meū peccatum est reservatum?

C. Istud iter longum fuit terrestre, vel maritimum; & si hoc secundum, conveniunt omnes ita itineraturum posse absolvi, a quocunque casu, etiam reservato, quia talis reputatur in probabili periculo mortis; hinc præcepto divino tenebaris tunc ad sacramenta Pœnitentiæ, & Eucharistiæ. Discedens à patria eo fine, nullibi poteris absolvi, nisi à Pœnitentiariis D. Papæ in Urbe: Peccasti etiam ita discedens contra præceptum Ecclesiæ, quanquam discesseris multò ante Pascha: nam distingue præceptum temporis determinati, & indeterminati: Non teneris prævenire, ut adimpleas primum, sed secundum, v.g. prævidens te cras legitimè impediendum à divino officio, non teneris prævenire, hodie recitando crastinum, quia est determinatum pro die sequenti: At si

prævides in vesperi te impediendum, debes prævenire, totum recitando in mane. Idem dic de Missa: non teneris audire in Sabbato, si prævides legitimum impedimentum. At prævidens illud in hora tertia Dominicæ, teneris audire Missam præveniendo: quia præceptum est determinatum pro Dominica, cujus hora est indeterminata; cumque præcepta divina confessionis, & communionis sint indeterminata, & Ecclesia solum determinaverit tempus, ultra quod non licet differre, debebas prævenire. Hic ergo in Urbe, non possum te absolvere: 1. quia in fraudem venisti: 2. quia transgressio præcepti Paschalis est reservata.

9 P. Ego, Pater, in ætate circumcirca sex annorum, dormiens cum fratre, habui secum, octies, vel decies tactus, quos cognoscebam omninò indecentes fratri, & sorori, sed non contrarios legi Dei; nam penitus ignorabam Decalogum, utpotè nondum habens usum rationis, quo superveniente, incæpi dubitare, num essent peccata: Nonnullos etiam habui cum famulo, quos credebam licitos; Constituta in duodecimo nupsi viro, & à matre edocta, huic in matrimonio permittere, quidquid vellet, ipse statim cæpit operari etiam contra naturam. Post annos plures agitata super hoc scrupulis aliquoties ex verecundia, nolui consultare Confessorem: alias non consului oblita invincibiliter.

C. In tali ætate discernebas prædictos actus  
talis



disconvenire naturæ rationali taliter conjunctæ: Habebas ergo usum rationis; nec enim horrebas hæc, more quorundam brutorum, ex instinctu naturali, quia omnis natura operatur juxta modum sibi convenientem, & rationalis operatur per discursum, seu rationem.

10 Ignorantia Decalogi non fuit; nam videbas hoc disconvenire; ideò sciebas, sextum præceptum, licet imperfectè, & non quoad omnia. ut dicis de tactibus cum famulo. Tuum erat ulterius instrui. Homo debet agere propter finem bonum; ubi per se non sufficienter cognoscit hunc, debet quærere à parentibus, Confessore, vel Magistro: Nisi introducas peccatum Philosophicum, de quo 1. p. c. 28. nu. 2. malè te excusas, quasi cognosceres illos actus indecentes conjunctis, at non contrarios legi divinæ. Peccasti pariter cum famulo, & turpius cum viro contra naturam; Ignorantia utpotè vincibilis, non excusat, nec imperium matris, à qua fuisses instructa, si particulariter, ut supra, quæsisisses finem talis operis: Hinc omnis tua confessio fuit sacrilega, utpotè carens examine debito ad invenienda peccata. Excipio, si quas fecisti, ut dicis, oblita invincibiliter; Consulo tibi confessionem generalem, in qua explices tuam ætatem, accuses, quantum temporis duravit ignorantia Decalogi, quoties incestuosè peccasti cum fratre: quoties cum famulo, & viro: numerum confessionum, & communionum sacrilegarum, transgressionem præcepti Paschalis &c.

II P. Ego , Pater à juventute incæpi adeò æstuarè libidine , ut sæpè inciderim in graves morbos cum periculo vitæ , super quibus consulens in confessione Theologum , dixit generaliter expelli posse superfluitates omnes nocivas individuo. Hac doctrina instructus duravi per annos in immunditiis , quas aliquando ex me procuravi , aliàs in me permisi per manus ejusdem Theologi : aliàs fui passus in somno: Post multum verò temporis, ordinatus in sacris cum patrimonio fièto , post Diaconatum cœpi statim celebrare , ac audire confessiones, inter quas docui eandem opinionem, & nonnullas alias, quas sciebam à S. Sede reprobatas: Cupiditate pinguis beneficii consului dæmonem , cujus opera credidi posse obtineri; Ab illo edoctus , ad inveniendum thesaurum , mihi una cum meo patre , baptizandam esse suam, ego feci opus Parochi; & pater officium Acolythi in baptismo : repertam ex hoc ingentem pecuniæ quantitatem, in scriptis fui pactus donare Mediatori : & jam ad præsentationem Patroni, expecto Bullas promotionis.

C. Hæreticus error est dicere, quod, extra fines matrimonii, possit homo prodigere, quod natura instituit ad generationem; Minus bonū est conservatio unius individui , quam totius speciei, ideò, ubi utrumque non potest haberi, debet præponi hæc illi , Potuisti credere contrarium judicio practico dictante hic, & nunc præponendam esse tuam salutem ; & hoc judicio

cio quilibet peccator procedit ad peccandum: Potuisti credere idem iudicio speculativo distante veram esse universalem: *Ad conservationem propriam licet prodigere omnem superfluitatem*: Explica, num processeris hoc secundo modo: nam tunc habens errorem (non solam ignorantiam) in intellectu, fuisti cum Magistro hæreticus formalis; absolvendus à solo Papa, & ut talis incurristi irregularitatem. Suspendus verò, quia cum patrimonio ficto ascendisti ad ordines, in exercendo hos incurristi alteram irregularitatem.

12 Gravissimum est peccatum, quod non Sacerdos celebrasti: Adorans panem, & vinū, toties, quoties commisisti idololatriam tu, & causa fuisti, ut idololatrarent, quicumque audierunt missam, ideò quantum fieri potest, explicandus est numerus Auditorum.

12 Non nemo utique docet sine meo peccato a me alios induci ad actionem materialiter malam, qualis respectu audientium missam fuit hæc idolatria; sed tu ne fide huic doctrinæ casu etiam, quo talis actio esset mala tantum, quia prohibita. Sic peccat inducens carentem usu rationis ad fornicandum, vel ad comedendum in die jejunii eum, qui ex ignorantia non advertit esse diem jejunii. Carens usu rationis per se non obligatur ad jejunium, quare huic porrigens carnes, non inducit ad actum per se malum: Inducens verò ignorantem inducit ad actum per se malum, & excusabilem solum per acci-

accidens ob ignorantiam. Ratio generalis est, quia prohibemur concurrere non solum moraliter, sed etiam physicè, ad actum de se malū, licet per accidens huic non imputetur ad peccatum: Ita sciens virum, & fœminam laborare impedimento dirimente poterit quidem aliquando permittere, ut se cognoscant, non detegendo impedimentum, sed nunquam hortari aut inducere. Confessiones a te auditæ sunt omninò invalidæ; ideò explica numerum sacrilegiorum. Tractasti utique inhonesta in Confessionali; sed Pœnitentes pro hac parte non tenentur te denunciare, quia Gregorius XV. explicat denunciandos solos Sacerdotes; in quo gradu si esses, denunciari deberes, esto, defectu jurisdictionis, esset invalida confessio.

13 Denunciandus tamen es, quia docuisti hæresim: quoad alias Theses, explica qualitatem earum, Alexander VII. & Innocentius XI. damnarunt, ut scandalosas, & perniciosas: quare si has docuisti, utique fuisti excommunicatus, & si ad praxim reduxisti, peccasti etiā peccato inobedientiæ, cum in virtute S. Obedientiæ id vetent; sed non es denunciandus: At benè, si docuisti aliquam ex damnatis cum censura saltem reddente suspectam de hæresi, quanquam indeterminatè nota hæc fuisset affixa pluribus, quia tuum non est in tali casu, sed Inquisitionis judicare, an nota conveniat tali determinatæ: Denunciandus insuper es  
super



super exercitio Sacerdotii, tam in celebrando, quam in audiendo confessiones, & incurristi pœnam extremi supplicii.

24 Quoad immunditias à te procuratas, fuere omnia sacrilegia, quia habebas votum Castitatis: quoad consumatas manu Theologi, unaquæque fuit duplex sacrilegium: abusus enim fuisti ad patiendum in tuo corpore sacro, & ad agendum instrumento manus sacræ. Quoad passas in somno, ut videam, an peccaveris; dic, quam causam dedisti; nam dictæ actiones extra usum rationis exercitæ sunt, qualis causa; ergo si processerunt ex mortali peccato, erunt mortales, explicandæ in confessione, ubi debet explicari peccatum completum, & immunditia profluens ex peccato est complementum peccati, nisi casu, quo, ante cubitum sufficienter pœnituisses de causa: tunc immunditia, quia involuntaria, non amplius imputatur: Causas autem examinabo, juxta doctrinam. S.Th.3.p. q.80. a.7.

15 Consultatio Dæmonis, & reliqua inde secuta sunt actus superstitiosi, per quos reoditus fuisti suspectus de hæresi: Pater tuus tenetur te denunciare: tu è contra tenetis denunciare illum. Aliqui docent contrarium respectu patris, filii, aut compliceis, quia denuncians complicem, teneretur detegere se ipsum: Reus enim interrogatur de complicibus: At tu cave ab hac doctrina. Et ne figat pedem, audi: In crimine Læsæ Majestatis humanæ quilibet tenetur

netur revelare suspectos, sive sint patres, matres, filii, complices &c. Suspectus autem de hæresi, est suspectus ex S. Th. 4. d. 13. q. 2. ar. 3. de læsa majestate divina. Equidem non licet accusare complices, aut valdè conjunctos: nam accusatio respicit pœnam delinquentis: sed tenemur denunciare, quia denunciatio respicit bonum publicum: Ad id tenemur, etiam omiſſa correctione fraterna: hæc enim habet locum, ubi fratris emendam speras ex tuis verbis; nec potes sperare, quod cedit tuo dicto, qui suspectus est non cedere infallibili Ecclesiæ dicto: Vide igitur a quanto tempore operatus es hæc magica, vel saltem scivisti obligationem denunciandi; & si à die hujus scientiæ elapsus est mensis, incurristi excommunicationem reservatam S. Tribunali, à qua non potes absolvi, nisi prius reveles.

16 Fuisti etiam Simoniacus ob pactum super beneficio, & invalidè tibi conferretur, erisque fur, usurpando fructus. Ergo ut consulas conscientiæ, quam primum te præſenta spontaneum S. Tribunali, à quo benignè accipieris cum solis pœnitentiis salutaribus. Ut ibi non sis diminutus in integra confessione judicialiter facienda, scribe singula in specie, numero, & circumstantiis: In foro externo absolutus à censuris, cum eadem carta, cui addes cætera peccata non pertinentia dicto Tribunali, redibis ad me facturus confessionem generalem, in qua te absolvam sacramentaliter, etiam

ab hæresi; nam hæc, si auferatur censura, non ultra est reservata. Nec moreris ob sponsiones dæmoni factas. Huic si scripto proprii sanguinis promississes animam tuam, omne pactū rumpitur per solam veram pœnitentem; imò, in foro conscientiæ, posses absolvi ab omni superstitione per te commissa (non à præcepto denunciandi complices) nec enim generaliter est reservata, sed adeundo S. Tribunal, consulles animæ, & corpori.

17 P. Ego, à pueritia, ob exemplum mei patris, assuevi proferre ad omnem ferè motum, verba hæc: *Per Deum, per Virginem* &c. Subsequenter cœpi eadem adducere, dum affirmabam aliquid verum: Habitu prævalente, usurpavi promiscuè, sed inadvertenter, in verò, & falso; nunc tamen omnibus consideratis, sum certus, adhibitum fuisse juramentum, in verò sæpius, quam in falso: Multoties juravi me furaturum aliquid leve, sed ut plurimum, absque animo jurandi: Ex irâ pluries juravi me occisurum filios, nisi obedirent: Alias juravi me facturum aliquid, sed absque animo promittendi, vel me obligandi. Aliàs cum restrictione mentali: aliàs cum æquivocatione; semel juravi me soluturum usuras: semel fratri meo machinanti rebellionem in Principem, juravi non detegere crimen: Sciebam me spurium, sed juravi me legitimum in concursu ad dignitatem, quam obtenturus, jurat se legitimum, & uti talis apparebam ex fide baptismatis:

matis: semel vicinus confessionaliaudivi foeminam in confessione accusantem suum adulterium; & postea juridicè interrogatus juravi, me super illo nescire quicquam. In ultima confessione accusavi plus quam mille juramenta: nunc verò vix pertingunt ad quinquaginta.

C. Verba illa non inducta ad affirmandum, vacant à ratione juramenti, in quo affirmatur aliquid, & confirmatur per Dei nomen: sunt ex se veniale, dictum *Nominatio Dei in vanū*, contra secundum Decalogi præceptum, sub mortali prohibens perjuriam, blasphemias, & violationem votorum.

18 Ubi ex consuetudine jurabas verum, & licitum, sed absque indicio, non peccabas mortaliter: nec enim habitus reddit peccatum, quod de se non est tale: Ubi verò ex habitu cœpisti usurpare juramenta in iis, quæ respectu tui, æquè poterant esse vera, & falsa, jam peccasti mortaliter, non propter habitum; sed quia sic habituatus, exposuisti te periculo pejerandi; Explica speciem, si defuit veritas, vel justitià, & in qualibet specie numerum. Inadvertentia non excusat à mortali: nam fuere voluntaria in causa, quoties advertens habitum, neglexisti evellere, saltem per dolorem sufficientem: esto pluries juraveris verum, peccasti semper, quia te exposuisti periculo pejerandi.

19 Jurare absque animo jurandi, vel cum restrictione mentali est Thesis damnata. Jurans



rans absque animo promittendi, aut se obligandi: mentitur: nam habet aliud in corde, aliud in ore: Verba hæc: *Per Deum promitto tibi centum*, important promissionem, & obligationem, quæ non est in corde: Jurans mortem filiis, vel volebas occidere, vel non: si hoc secundum: defuit veritas: si primum: defuit justitia; & in uno juramento fuerunt tria peccata specie distincta: 1. contra justitiam juramenti, quia fuit de re illicita: 2. contra charitatem, quia voluisti malum mortis: 3. contra pietatem, quia voluisti filiis: Explica, quot hi fuerint: nam in unaquaque specie tot fuerunt numero peccata, quot personæ: Jurans furari leve, si defuit intentio, ex defectu veritatis peccasti mortaliter: si adfuit, à mortali excusat materiæ parvitas: Si non indigens, jurasti usuras, cooperatus fuisti peccato Usurarii; non ita, si indigebas: In utroque tamen casu, ex Religione; non ex justitiâ, teneris solvere, quia juramentum est servandum, nisi sit vinculum iniquitatis; nec iniquitas est solvere pecuniam pactam; sed hac deposita. Episcopus potest dispensare.

20 Secretum illud servare fratri est illicitum, quia contrà leges; ideò teneris revelare. Æquivoca in jurando usurpata convincunt te dolosè processisse, ideò te obligant juxtà intellectum simpliciter procedentis. S. Th. 2. 2. q. 79. a. 7. ad 4. Juramentum de tuâ legitimitate, si fuit cum restrictione mentali, est Thesis damnata:

mnata : Adulterium ex confessione cognitum tenebaris cælare : Optimè jurasti nescire quicquam : Intentio Judicis erat, ut revelares, quod poteras sine peccato : Hoc, ex S. Th. 2. 2. qu. 70. a. 1. ad 2. verificatur non solum in secreto confessionis, quomodocunque cognito, sed & in secreto naturali, dummodò res tibi taliter commissa cadat sub eo; nam servare fidem ei, qui committit, est de jure naturæ; & semper debes præsumere, quod Judex, dictus justitia animata, nullatenus velit subvertere illam: si tamen constaret contrarium, posses quidem tacere, sed nunquam jurare mentiendo, &c.

21 Ut videam, si ab ultima confessione fuit emenda notabilis, explica à quanto tempore fuisti confessus: nam si præcedenter, dilata confessione per annum jurasti millies, & nunc dilata per octiduum, jurasti quinquagesies, nihil fuit emendæ, sed imò multiplicasti perjuriam, & incapax es pro nunc absolutionis.

22 P. Ego, Pater, contra secundum Decalogi præceptum, ulterius peccavi pluries: nam 1. habens votum Castitatis, violavi hanc; in quo tamen non commisi sacrilegium contra votum: hoc fit de bono superogationis: quare sub voto cadit solum matrimonium, ad quod contrahendum fui dispensatus; At ex falsa causa; nunc verò imminente incontinentia, volo, mortua prima, contrahere iterum: 2. multa alia vota feci ex levitate animi, potius quam

matura deliberatione , recitandi Rosarium , visitandi Ecclesiam , non ludendi ; Non curo de horum observantia ; Imò sæpè ludo, non ex vitio, sed ad animi relaxationem, & ob Eutrapeliam , contra quam virtutem non potui me obligare : nam actus huic oppositus per defectum est vitium ; & me obligassem ad malum .  
3. blasphemavi pluries .

C. Explica 1. si votum fuit solemne , vel simplex : In primo enim casu fecisti injuriam Deo, & Ecclesiæ , in cujus manibus te obligasti : Falsum est solum matrimonium esse materiam hujus voti : quod equidem fit solum de bono supererogatorio , sed talis est omnis Castitas ; Hæc , ut subest voto , assumitur pro materia Religionis supererogatoriæ ; nam nemo tenetur eam servare in vim hujus virtutis. Dispensatio obtenta ex falsa causa fuit subreptitia, & invalida? Esto fuerit super voto simplicis castitatis: Cum tali valido matrimonium est validum , quia impedit , non dirimit ; ideo post primam vicem non peccasti reddens , sed benè petens: Nullatenus peccasses petendo , si valuisset dispensatio : Mortua prima , illicitè transires ad secundas nuptias: nam dispensatio Apost. expressè declarat licere solum primum ; In reliquis nihil concedit, ideo , etiam si valida fuisset dispensatio , deberes explicare , num , peccaveris , vel cum legitima uxore contra naturam, vel aliter cum aliis: dispensatio enim facit licitam solam petitionem à propria; quod

in cæteris est peccatum, nullatenus concedit; quare violatio semper fuit sacrilega.

23 Vovisti cætera, sed certè non ita, ut careres omni usu rationis. Hinc, quidquid alii speculativè doceant, in praxi consulo, ut recurras ad Superiorem pro dispensatione, vel còmmutatione. Idem dico, si dubitas, num voveris. In quo casu multi dicunt te non teneri, quia melior est conditio possidentis, & possessio stat pro tua libertate. Ego e contra 1. p. c. 39. n. 8. & 9. dixi proloquium illud valere solum in materia justitiæ; in reliquis eligendam esse partem tutiorem.

24 Votum non ludendi, obligat juxta vim verborum, nisi aliud expressè intenderis: Nemo utique potest obligari ad actus vitiosos: Eutrapelia tamen non habet actus determinatos, quos omittere si voveas, pecces; sed potest exerceri, quamvis actus aliquis ab uno susceptibilis, ab altero suscipi non possit. Ludus cū expositione alicujus pecuniæ, suscipi potest per Eutrapeliam à divite, non à paupere, quia est physicè impotens: qui autem vovit, est impotens moraliter. Si tua hæc doctrina subsisteret, qui facit votum paupertatis, adhuc sibi retineret jus ad faciendam elecmosinam, quia non potuisset se obligare contra charitatem.

25 Ad 3. Explica, num blasphemix fuerint simplices, vel hæreticales; num proferendo istas, credebas, quod affirmabas: nam esset hæresis:



refis: num te alii, & quot audierint: nam addidisses peccatum scandalii; & illi obligarentur te denunciare.

26 P. Ego, pluries, in diebus festis laboravi serviliter; & omisi sacrum; semel, quia non habebam, unde viverem; Alias, quia herus minatus fuit rumpere brachia, si desistebam à labore: Aliàs, quia mihi promisit mille scuta, si complerem; Aliàs duplum mercedis consuetæ, ad solemnitatem prophanam eo die indictam: Aliàs itinerans cum hæreticis, audivi paci-scentes, quod ex missa volebant cognoscere, an essem Catholicus, & postea me occidere: Aliàs audivi diversas partes à quatuor Sacerdotibus; Aliàs corpore quidem, & cum omni actu devotionis externo, sed mente omninò distractus, quippe qui scio auditionem sacri præcipi ab Ecclesia, quæ non potest præcipere actus merè internos.

C. Jus naturale obligat ad sacrificium, sed non eodem modo singulos: Alios, ut ipsi sacrificent, alios, ut dent necessaria sacrificio: Alios, ut adsistant &c. Ecclesia determinavit, ut universitas Christianorum assisteret diebus festis; Jus etiam naturæ dictat feriare aliquot dies: At Ecclesia determinavit feriandum esse talibus festis diebus; & nunquam obligat cum magno incommodo. Hinc non peccasti laborans in die festo, & omittens sacrum, quia non habebas pro eo die, unde viveres, uti nec si fundatè timebas verbera gravia.

27 Peccasti laborans, ut lucrareris mille scuta: nam aliud est pati damnum; aliud non sentire lucrum: Pro solemnitate prophana legitime indicta, potuisti laborare, non præcisè ob lucrum, sed quia, hæc, & similia si omittantur, contingit hoc cum perturbatione, seu damno publico.

28 Omittens missam metu mortis tibi ab hæreticis conventæ, peccasti gravissimè contra confessionem fidei: nam jus naturæ dictat præponere honorem Dei nostræ vitæ. Nota differentiam inter fervare festa, & audire missam, quia in hac breve tempus infumitur, si alias debes laborare, ut victum pares, vel aliud grave damnum repares, debes prius audire missam; & in laborando publicè, prius obtinere licentiam ab Episcopo: Privatim minùs malum est fœminas texere, quam otiari; & si alterum esset consulendum, illud primum consule; sed fugiant otium, frequentando in templis officia divina &c.

29 Ex Theſi damnata non satisfacisti audiens missam à quatuor, uti neque confitens, quia tunc agis cum Iudice homine, non per modum orationis cum Deo. Quia recitando officium, ad quod alias obligaris, agebas cum Deo, existimo te satisfacisse utrique præcepto sacri, & Officii. Neutri autem satisfacisti voluntariè distractus; Ecclesia enim præcipit orare, hoc est, elevare mentem ad Deum, quod nunquam fit cum distractione voluntaria, quia  
defi-

definitio explicat essentiam rei. Recitans, vel assistens ita, non puniris ab Ecclesia, sed neque adimple præceptum, vi cujus obligaris orare, juxta quod ratio naturalis dicitur: Non puniris à potestate laica, dum juras falsum; sed verè peccas, quia Judex præcipiens tibi dicere veritatem, præcipit actum, juxta quod dicitur lumen naturæ.

## C A P U T L V I I I.

### *Praxis super quarto Decalogi præcepto,*

I P. **E** Go, Pater, quod in pueritia committerem inhonesta cum famulo, vapulavi graviter à patre; ideò exarsi odio contra illum; quæ in me vomebat maledicta, in illum pluries regessi, sed nunquam ex animo: Eidem detraxi: semel illum fuste percussi: Bis minatus fui mortem: Quod verò satis crudeliter ageret in meos fratres minores, hortatus fui, ut clam se domo subducerent. Illius & horum mortem sæpius à Deo petii, affectu inefficaci, non tamen ut malum eis, sed ut bonam mihi, cui pinguissima obveniebat hæreditas. Omnium horum peccatorum cessabit occasio, quam primum; Ad declinandam ejus sevitiam ortam ex amore meo ergà meretricem contraxi sponsalia cum hac, propediem firmanda matrimonio, quod nisi spondidsem, nole-

bat illa mihi facere sui copiam, dicens negatam sibi à Confessore absolutionem, nisi desisteret à mea consuetudine, vel matrimonium iniret.

C. Odium hoc in patrem fuit gravissimum contra charitatem, & pietatem, maximè, quia justissimè verberabat. Explica, si fuit desiderando malum, vel gaudendo de malo, vel tristando de bono; explica tempus, quo continuasti: malum quod volebas, si honorum, famæ, vitæ &c. Explica numerum circumcirca si aliter non potes, actuum iteratorum.

2 Maledicta eidem regesta, præsertim in facie, omnia fuere contra pietatem ob gravem irreverentiam: Detractio, quia nihil honoris diminuit, non est specialiter contra hoc præceptum, vel pietatem: sed benè percussio: sicut minæ mortis: Si excessit in sævitia contra fratres, ipse sibi consulat: Tu nihilominus peccasti hortans, ut se subducerent à jurisdictione, quam pater naturaliter habet in filios, à qua extrahi potest solum autoritate ejus, qui sit Superior & Patris, & Filii, nempe, Principis, ad quem est recurrendum, si nimis Pater sæviat, sicut ad eundem recurrere debet pater, si filius indigeat animadversione carceris, exilii, aliarumque similium pœnarum. Desideria prædicta vide damnata in Thesibus Innocent. XI.

3 Matrimonium filius non emancipatus debet contrahere, cum scientia saltem patris, &



& si dissentiat irrationabiliter, quia satisfecit suæ obligationi, absque peccato contrahet: si pater timet fundatè jacturam honoris, tunc præjudicas graviter familiæ, & peccas, uti peccat, qui ad contrahendum, accipit rem sub alterius dispositione positam, contra ejus voluntatem. In c. *Inter de spons.* dicitur opus magnæ charitatis contrahere cum meretrice: sed, ut sit talis. debet actus esse circumstantionatus, præcipuè, ex fine, ut fiat ad revocandam meretricem, & ut non sit cum gravi damno tertii, qualiter hoc tuum esset, & ad minus debes notificare parentibus qui, cognita intentione rectà, si adhuc dissentiant, erunt irrationabiliter inviti.

4 P. Ego, Pater, à duobus annis facio amorem cum adolescente nobilissimo, invitis meis genitoribus, continuavi ad semestre, desiderans unicè matrimonium, absque ullo meæ pudicitie periculo; Talis consuetudo inflammavit libidinem, vi cujus, contractis primò invicem sponsalibus, feci copiam mei eidem introducto clam domi: Pluries etiam noctu exivi secum, matre inconsulta. Tandem victa libidine, admisi plures alios: Nunc verò sum in summis angustiis: nam primus adolescens renuit stare sponsalibus juratis.

C. In his peccasti multipliciter: 1. faciendo amorem contra prohibitionem matris, cui teneris obedire in omnibus, & præcipuè in iis, quæ tangunt tuam pudicitiam, & famam; qua-

re in omni actu peccasti duplici peccato ; 2. considerare debebas periculum Compartis, quæ subjacebat mille peccatis Luxuriæ, quam tu ageres omnia pudicè, eo maximè, quod multum excedebat tuam conditionem : unde omnis promissio matrimonii præsumenda erat mera fraus ; & eventus ostendit, quam fundatè id præsumpsisses .

5 Ambo & fornicati estis, & violastis jus paternum, ubi Procum introduxisti domum, & ubi, contra voluntatem matris, noctu exiisti ad peccandum ; fuitque semper peccatum stupri, contra justitiam : intulisti enim injuriam matri, sub cujus custodia erat tua virginitas . Quia verò nunc prætendis observantiam sponsalium juratorum, ex c. *Quemadmodum* de jur. in conscientia ille non tenetur, quia post juramentum fornicata es cum aliis .

6 P. Ego, Pater, in cura familiæ multum peccaui: dum pueraſcerent, neglexi docere doctrinam Christianam, contentus monitione facta semel famulis, ut dicerent ad scholam : In horum manibus reliqui, siue comederent, siue dormirent &c. Coram omnibus alui concubinam domi, cum qua etiam libere loquebar, sed filios ex hac genitos, prius baptizatos, exposui alendos in Hospitali. Ex legitimis primum ejeci domo, nec illum à pluribus annis tracto, quia renuit nubere Virgini ditissimæ, per cujus matrimonium magnus familiæ honor crevisset, voluitque nubere pari . A secundo

cundo etiam vivo alienus, quippe qui, ut uxorem ducat, renuit acceptare beneficium pingue Jurispatronatus, quod erit transferendum in extraneos; quia masculus capax non superest, cum tertius à me minis, & verberibus fuerit coactus profiteri Religionem: E fœminis verò prima contraxit cum viro infami; quare illam in testamento exhæredavi. Secundam in Monasterium intrusi, a quo nunquam exiit. Remanet tertia Spuria, quæ prætendit dotem sibi congruam; ut nubat; sed ego certè uolo dotare.

C. Peccasti multipliciter in educatione filiorum: Tuum erat dirigere in viam salutis, adeò ut S.Th. asserat violare jus paternum eos, qui pueros, nondum quoad hoc sui juris, baptizant, invitis parentibus, etiamsi esset Princeps supremus: quare peccasti contra præceptum negativum, te semper, & ad semper obligans repellere ignorantiam: Peccasti etiam contra affirmativum obligans filios ad actus Fidei, Spei, & Charitatis, debito tempore, quos, quantum est ex parte tua, omiserunt: Utique non semper teneris instruere per te ipsum; sed plurimum defecisti, semel tantum in generali monens famulos, ut ducerent ad scholam. Hi, ut ad risum moveant in via, in mensa &c. prorumpunt in verba obscena &c.

7 Pejus fuit permittere cum famulis idem lectum, quod neque permitti debet fratribus, & sororibus, ubi pervenerint ad usum rationis;

nis; imò nec parentes possunt tenere in proprio infantem, ubi teneritudo corpusculi facit periculum suffocationis.

8 Cohabitatio concubinæ, ultra quod est peccatum Luxuriæ continuatum, habet in se deformitatem scandali; Hospitalia sunt pro verè pauperibus: quare, si tu es dives, teneris ex justitia recompensare expensas pro filiis ibi expositis: Nec ipsa mater, si habeat bona propria, potest ibi exponere filios clam ex adulterio conceptos.

9 Si major filius in contrahendo, requisivit tuam licentiam, nihil peccavit nubens fæminæ pari: Tu irrationabiliter fuisti invitus. Aliud est lucrum cessans familiæ, in recusando tale matrimonium, aliud est damnum emergens. Utique non potuisset filius nubere cum gravi damno familiæ, sed neque tenebatur quærere tam grande lucrum. Vivis ergo tu in continuo peccato non tractans illum.

10 Alterum nequis cogere ad Ordines, præsertim, quia respicis temporalia beneficii. In cogendo tertium ad Religionem pariter læsisti justitiam, quia, quoad statum, quilibet, est sui juris: Ergo teneris pro injuria eidem satisfacere, (modo tamen proportionato patriæ potestati) & vel inducere, ut libens portet jugum Religionis, vel testari tuum peccatum Superioribus, ut eum dimittant, nec deobligaris ex infamia tibi inde procedente: Favor omnis debet esse pro Innocente filio, non pro Reo patre.



11 Filia nubens infami, juxta leges civiles potest exhæredari: sed multum dubito, num pro omni casu sustineri possit in conscientia. Tu interim explica, si ex tua parte, in tempore debito, cogitasti eam collocare; si nimis in eam sæviisti &c.

12 Porro, circà pœnas hujus vitæ, quæ sunt medicinales, vel privato, vel communitati, hæc generaliter nota ex S.Th. suppl. q. 62. ar. 1. ad 1. *Peccat vir, si dimittat uxorem fornicantem, livore vindictæ: non peccat, si dimittat ob cavendam infamiam, ne videatur particeps criminis.* Huic in casu nostro constat te non participasse: Non ergo potes in conscientia exhæredare, si alias convenienter satisfacit injuriæ illatæ: si vivit Christianè cum viro &c.

13 Secundam potuisti, pro recta educatione, in Monasterium inducere; sed libera est circa sumptionem status, eamque debes, quemcunque elegerit, convenienter dotare; sicut etiam dotare spuriam, ubi dos detur loco alimentorum.

14 P. Ego, Pater, sub patria potestate constitutus inii multos contractus; nunc verò angor scrupulis, an teneat fervare; Memini i. in ætate octo annorum mutuò accepisse duas summas ad ludendum; & primam totaliter amisi cum eodem, qui mutuaverat; ignoro, an dolosè processerit; cum altera verò lucratu sui alia centum. Agens annum decimum septimum accepi mutuo summam pinguem,  
clam

clam patre , quæ inservit pro xenio Ministri , operantis , ut Princeps pecuniis à patre exburfatis . mihi venderet nobile officium vitalitiū , cujus fructum accepi per biennium , & cessavit , extincto , per Principem officio , redditaque omni pecunia valoris intrinseci , non tamen extrinseci , quod resultaverat per tale xenium . Intui multos alios , contra quos , factus major , reclamo , & peto restitutionem in integrum . E domo paterna pluries abstuli , sed leviora , quæ magnam summam faciunt , si conglobentur . Promisi mercedem meretrici , quam nunc recuso solvere , videor tamen teneri ad mercedem pactam Sicario , qui meum hostem occidit : exposuit enim se mille periculis ; imo nunc imminet illi furca , & habet uxorem , quæ peribit , nisi succurratur .

C. Multi Casuistæ satis liberaliter invalidant complures Minorum contractus , incumbentes intelligentiæ legum , quæ , cum causa , etiam in conscientia possunt invalidare , sed ubi lex id expressè non declarat , nec sunt iniusti , aut simoniaci , valent in conscientia . Ut in hac materia , possim te dirigere , dabo prius regulas generales : deinde applicabo particulariter contractibus expressis , vel si quos alios habes exprimere .

15 Igitur ex contractu potest oriri triplex obligatio : Alia civilis simul , & naturalis , quando contrahens obligatur in conscientia , & à Iudice potest cogi per debitas vias : Alia

natu-

naturalis, non civilis, quando contrahens obligatur in conscientia, sed à Judice non potest cogi; qui mutuo accipit absque teste, obligatur coram Deo, sed quia non possum probare meum creditum, deest mihi actio civilis recurrendi ad Judicem pro solutione: Alia est civilis, non naturalis; v. g. sine teste satisfeci meo debito, & neglexi recuperare cautionem factam Petro. Hic potest me convenire civiliter, & obligare ad solutionem; sed in conscientia non teneor. His positis.

16 Jura disponunt Minorem, antequam approximet pubertati, neque civiliter, neque naturaliter obligari. Quando autem intelligatur proximus pubertati, Juristę variant: Alii volunt talem esse, ubi compleverit decimum annum: Alii requirunt duodecimum: Illud certum est, Puberem in omni materia esse, qui est in decimo quarto. Quantumcunque tamen Minor sit, si ex contractu ditescit, tenetur & naturaliter, seu in conscientia, & civiliter; non ita, quod subjaceat, nisi solvat, pœnis à lege statutis, carcerationis &c. sed ita, quod imploratus Judex, de bonis minoris accipiet, quantum requiritur debito extinguendo, & adjudicabit Creditori. Minor verò jam Pubes, & adhuc sub patria potestate, non obligatur civiliter, sed naturaliter, & in conscientia tenetur ubicunque non potest haberi suspicio doli, ex parte alterius contrahentis; & nisi contractus illos speciales Jura irritaverint in favorem

vorem boni publici. Ratio est clara : nam Jura possunt velle aliquid supra justitiam naturalem ; sed nihil contra eandem ; & quia natura dicitur reddere, quod accepi , lex nequit dispo- nere, ut remaneat mihi , quod accepi ab alio , nisi in pœnam, nec pœna habet locum, nisi præcedat culpa: qui ergo sine dolo, & culpa, contraxit cum Minore , non potest puniri in conscientia , & ita Minor illi remanet naturaliter obligatus. Adhuc tamen in favorem boni publici Jura irritant nonnullos contractus , videndos apud Juristas, quorum celebriores consulat semper Confessor , ubi materia hæc sub- jicitur foro sacramenti ,

17 Hinc primus mutui contractus initus in anno ætatis octavo, de summa amissa ludo cum mutuante, quanquam ignores, an dolosè pro- cesserit , habet maximam suspicionem invaliditatis , & quia in dubiis melior est conditio possidentis bona fide , tu qui per ætatem eras incapax doli , potes stare in possessione, quous- que Creditor non doceat contrarium . Alter contractus ejusdem ætatis , quia lucratus fui- sti , debet in conscientia satisfieri .

18 Debes pariter in conscientia reddere mu- tuum pro xenio acceptum , ex quo habuisti lucrum , non modo pecuniæ , sed & honoris ; officium tibi venit juxta valorem intrinsecum simul & extrinsecum : nec enim sine xenio ha- buisses ; Mutuans fuit omnino absque culpa , qui gratis , absque ullo interesse mutuavit, so- litus



litus alias implicare suas pecunias ad lucrum; A puncto igitur, quo, ut fateris, fuisti ditatus officio tam nobili, persona tua, in vim mutui, remansit obligata mutuanti: Hæc obligatio solvitur solum ex solutione, aut donatione Mutuantis, non ex casu fortuito, non ex facto Principis. Hæc est differentia inter mutuum, & depositum: Illud transfert dominium, & primariò afficit personam, secundariò bona: Istud non transfert, afficitque primariò bona, secundariò personam. In isto ad nihil teneris, si res fortuitò pereat, aut ex facto Principis: in illo semper teneris, quomocunque res pereat; multò magis in nostro casu, quando recepisti notabile lucrum honoris, & pecuniæ.

19. Circa reliquos contractus, quos in particulari non specificas, generaliter dico contra obligationes juramento vallatas, a legibus non concedi restitutionem, ubi alias contractus de se non sit irritus: Reliqua pete à Juristis. Estò sis Minor, teneris ad mercedem meretrici: est enim contractus onerosus, ex quo factus fuisti ditior, quatenus habuisti tuum intentum, nisi te deceperit, volendo supra quam solvatur talis actus, qui de se quidem est illicitus, utpotè contra Castitatem; at non illicita solutio, cum non sit difformis: at imò conformis justitiæ; Sicario autem nihil debes, quia leges irritant hosce contractus: Uxori poteris obligari ex justitia, non resultante à delicto mariti; quare ut hujus hæres nihil potest

test prætere, sed quia tu fuisti causa injustissima suæ miseriæ.

20 Quæ abstulisti paulatim à patre, dic, an verisimiliter præsumere possis consensum, & quidem, si erant convenientia tuo statui, quoad substantiam, non præsumitur invitum rationabiliter; unde nec erit furtum: Si verum fuit furtum, quando attigisti summam notabilem, peccasti mortaliter; Conveniunt tamen Doctores, quod major summa requiritur pro mortali peccato filii, aut Religiosi, & volunt esse circa duplum: quare si accipiens ab extraneo Testonem peccat mortaliter, filius de bonis patris, aut Religiosus de bonis Monasterii accipiens duos circiter Testones, peccabit.

21 P. Ego, Pater, contra propositum servandi virginitatem, nupta denego sæpissimè debitum viro, eidem obedire detrecto, quia zelosa de ejus fide, timeo, ne thorum violet.

C. Gravissimè peccas contra justitiam; quoties negas debitum viro; & tu es in causa, si thorum violat. Experientia docet vivere in summa pace familias illas, in quibus uxor est prompta ad omnem petitionem viri; è contrariis, & dissidia perpetua, ubi, etiam prætextu pietatis, denegat debitum. Quia vir est caput mulieris, eidem debes obedire; alias graviter peccas, nisi materiæ parvitas excuset: Zelus iste tuus de fide maritali, vel est mera suspicio, vel perfecta determinatio, quod violet. Suspicio de sui natura est peccatum veniale;

le; firmum verò iudicium est temerarium, per consequens de sui natura mortale, nisi habeas utrobique indicia sufficientia, sed multò maiora pro iudicio: Hæc explica, ut possim mederi tuæ conscientiæ.

## C A P U T L X I X.

### *Praxis super quinto, & sexto Decalogi præcepto.*

1 P. **E** Go, Pater, odio habui plures personas; & pluries dixi me libenter moriturum in occasione cuiusdam magnæ infamiæ imminantis: quoad proximum, alias fui tristatus, videns in proximo bonum, quo ego carebam. Deprecatus sum plura mala cuidam, qui vulneraverat patrem meum: Renui dare pacem eidem: Lætatus sum audiens ejus malum: Obvium habens nolui salutare; imò solitus præcedenter invitare ad prandium diebus festis, per eam occasionē, amplius non vocavi.

C. Involvis multa, quæ oportet distinctius explicare: 1. odium est genus. Igitur dic, an fuerit odium, gaudendo de malo, an desiderando malum, an tristando de bono; Hæc circa actum, 2. circa objectum cui, dic, an volueris hoc malum consanguineis, aut affinibus, quia tunc est contra Pietatem. 3. circa objectum quod, dic, an volueris malum spirituale, an temporale, bonorum, honoris, vitæ &c. Aliqui

distinguunt inter desiderium, ac delectationem mali, voluntque in illo primo, esse specificandum malum, non in hac secunda. Relinquo Scholasticis quæstionem: Ego interim volo explicari, quia gaudens de morte, vel de infamia, ut talibus, in genere moris, attingit objectum gravius, vel levius: 4. circa displicentiam boni, dic rationem formalem *sub quâ*: nam est Nemesis non peccaminosa, si displicet, quia obtinens est eo indignus: est peccatum Invidiæ si displicet, quia apprehendo bonum illud, ut est in alio, diminuere meam excellentiam: est odium, si displicet, quia nollem adversarii bonum. Explica numerum actuum: Homo non potest continuò stare in eodem actu odii, quin divertat ad plura summè disparata; Hinc est interruptio physica, & moralis, saltem interpretativè retractans; Explica igitur, quoties in die, in hebdomada, in mense circumcirca, potuisti replicare actus odii, considerata majori, vel minori mole negotiorum, quibus implicatus avertisti te a tali odio, & maximè, si intra hoc tempus, confitens deposuisti odium.

2 Distingue peccata omissionis, in non amando, seu non exhibendo signa communia amicitiae, & commissionis in odiendo: si es in communitate, ubi salutatio est signum commune, velut, inter Moniales &c. peccasti mortaliter, non salutando adversariam, estò nullus viderit: si publicè omisisti, ultra hoc peccatum, fuit



fuit scandalum numero multiplicatum, juxta numerum scandalizatorum. Excipe, si ex gradu majori, adversarius debuisset salutare primus &c. Invitare domi est signum speciale, ad quod propterea de se non teneris, nisi ex circumstantia scandali &c. Odium sui est multò gravius peccatum, specie distinctum: Si voluisti mortem, ut esses cum Christo, non peccasti, quando accelerandæ morti, non posuisti media prohibita: nam comparabas minus bonum vitæ presentis, majori æternæ, & hoc ordinatè præponebas: si optabas; quatenus esset voluntas Dei, te eripere à malis vitæ præsentis, neque peccasti, unicè intentus majori bono, quod est implere voluntatem Dei: si absolutè optasti mortem, ut fugeres infamiam peccasti; nam vita est majus bonum fama, & ad fugiendum minus malum, inordinatè desiderasti majus.

3 P. Ego, vir equestris, habui partem in pluribus duellis & 1. consului meum Principem acceptare propositionem hostis volentis finire longum bellum duello duorum à singulis eligendorum. 2. fovens odium contra Ducem exercitus inimici, pariter consului Principem terminare bellum duello, cui, ex sua parte adesset ego, cogereturque ex adversariis certare Dux à me odio habitus, ut contigit; fateorque causam publicam fuisse prætextum odii privati. 3. provocatus acceptavi duellum, ne incurrerem timiditatis notam: 4. ad salvan-

dam propriam vitam : Vir enim ferox provocaverat , juraveratque se occisurum , nisi acceptarem , in quo casu potui consulere magis mihi innocenti , quam Reo provocanti . 5. acceptavi , sed moraliter certus , nihil damni sequendum ex interpositione amicorum . 6. adstisti testis duellantibus . 7. provocatus semel , respondi me esse virum honoratum , sed Christianum ; ideò me non posse acceptare , quotidie tamen armatum ambulare urbem , si absque condicòto , aliquid velit , me promptum ; Postridie , iterum lacessivit , & dum , educto ense gladiabamur , occidi miserum .

C. Multi , super casibus prædictis varia docent , ego sequens ductum Clementis VIII. sub excommunicatione reservata prohibētis duella , ad primum dico , posse , ob bonum publicum , à Principe habente jus belli , duellum tale permitti : nam si potest permittere mortem multorum , poterit etiam permittere mortem unius .

4 In secundo incurristi excommunicationem Clementis , qui apertè comprehendit dictum casum , sicuti & tertium ; & vide Theses Alex. VII.

5 Sic etiam in quarto : Pueris non mihi finge , te occidendum , nisi condiceres pugnae locum , tempus &c. ( duellum de sui ratione importat hæc ) Poteras interponere amicos , imò & Principem , qui prohiberet mortem .

6 Ad 5. Clemens prohibet duellum , estò

con-

convenient cessare ad primam sanguinis effusionem: quare non respicit eventum sequendum, sed qui aptus est sequi de sui natura.

7 Ad 6. excommunicat omnes consules faventes, adstantes &c. duello, nisi casu adessent.

8 Ad 7. non incurristi excommunicationem, quia verè non fuit duellum; sed fuisti homicida. Ad avertendam mortem, debebas uti diligentius, ut in quarto.

9 P. Ego, adventantem domi meæ noctu furem, quia clamore non fugabatur, occidi: Alium de die, qui arripuerat mille aureos, postquam clamavi sæpius, me sclopum explosurum, nisi deponeret crumenam: Alium, qui contra meam familiam minabatur spargere calumnias, coram viris gravissimis, quas evitare non poteram alia via. Occidi ex eodem motivo falsum testem, per cujus depositionem, mihi certò imminebat sententia capitis. Aliū, qui alapa in meam faciem, impacta, cum magna ignominia meæ nobilitatis antiquæ, fugiebat: Semel causa disciplinæ verberavi in capite puerum, qui paulo post ex ictu obiit. Semel me peccante cum fœmina, cujus vir juraverat nos occidendos, si ultra reperisset simul, ille inveniens, vibravit gladium in utrosque, sed me evadente, uxor periit: Semel invasus ab hoste, cum moderamine inculpatæ tutelæ illum occidi; quæro, num ex hoc ultimo remanserim irregularis, aut ex aliis, quæ commisi,

invincibiliter ignorans , irregularitatem illis annexam, quæ est ex delicto , non ex defectu , ut in homicidio justo;quare, cum sit pœna, non incurritur ab invincibiliter ignorante talem pœnam .

C. Leges civiles, & divina Exod. 22. dicunt, quod percussor furis nocturni , *non erit reus sanguinis* Augustinus in cap. *Si perfodiens* de hom. dicit id statutum ad differentiam furis diurni , quia hic agnoscitur venisse ad furandum, non ad occidendum. Igitur ut discernam, si peccaveris (nec enim in hoc Tribunali queritur , an sit reus pœnæ temporalis ) dic ulterius, an habeas indicia , quod venerit cum armis, vel animo te occidendi: nam in conscientia intendere homicidium licet solum habenti auctoritatem publicam: quare peccasti, si scloppum explosisti , ut occideres: At si explosisti, ut terreres , ad te defendendum , & contigit mors casu , non peccasti. Vide c. 24. n. 5.

10 Ad 2. vide Thesim 31. Innoc. XI. quæ certè non habet locum in hoc casu , sed ratio Theologica: nec enim ad conservandum , vel reparandum minus bonum , potes prodigere majus: Vita proximi pretiosior est omni bono exteriori , & ipsa fama . Hinc patet ad 3. & 4. super quibus vide Theses Alex. VII.

11 Ad 5. Theses Inn. XI. Quoad reliquos est regula generalis firmata per S. Canones homicidii Reum esse illum , ex cujus actione sequitur hominis occisio , si dat operam rei illicitæ ,



licitæ, vel si dat operam licitę, nec adhibet diligentias debitas; Hinc

12. Ad 7. Talis est homicida, ut in c. *Presbyterum* de hom. Ad 8. ex dec. Cong. Concil. non est irregularis, per consequens nec homicida Adulter, ob cujus peccatum maritus occidit uxorem: Equidem dabat operam rei illicitę, non tamen dedit occasionem morti, sed eam maritus injustę accepit: Adulterium ad uxoris homicidiũ fuit veluti scandalum passivum. At in nostro casu, qui sciebat minas mortis, per tale opus illicitum, fuit vera occasio mortis, & homicida.

13. Ad 9. Nihil ita est in ore, ut moderamen inculpatę tutelę, cui verbo, nisi probetur, non stat Judex fori externi, nec stare debet Judex interni, Glossa civilis in Cod. *Unde vi l. 1.* dicit per illud tria importari: 1. ut intendatur defensio propria, non offensio aliena: 2. ut fiat in fragranti. 3. ut sit æqualitas: nec enim est moderamen, si hostis invadit sine armis, & tu cum armis. Clem. *Si furiosus* addit, quod invasus non possit aliter vitare mortem: Dic ergo, an ista servaveris; & quoad irregularitatem, non sufficit à te ista deponi, ex Trid. sess. 14. c. 7. de ref. oportet ista constare in foro contentioso, per sententiam Judicis: Aliter peccas gravissimę.

14. In reliquis casibus incurritur irregularitas introducta ob reverentiam Eucharistię, ideò nulla ignorantia excusat: Verum hæc

circa homicidium non sufficiunt, explica ulterius, an mutilato, incarcerato, verberato &c. satisfeceris de injuria, ut debes, & ubi occidisti, an consanguineis, qui habent tale jus exigendi: nam injuria privati sub mortali debet reparari: quam verò intulisti Reip. hæc portat gladium; Explica, num intuleris damnum temporale: nam tu debes reparare expensas infirmitatis, (nisi fuerit receptus in Hospitali; cui etiam debes reficere, si tu vulnerans, es dives). Habet ne occisus, mutilatus &c. uxorem, aut filios, antea viventes de ejus industria; nec enim te absolvam, nisi prius repares hæc damna arbitrio boni viri, consideratis circumstantiis loci, temporis &c. Idem dic, si habebat sorores, fratres &c. viventes de industria occisi: nam verè hos damnificasti.

15 P. Erat in periculo proximo infamiæ, ac mortis violentæ puella nobilissima, quæ furtim conceperat, ego consului abortum: Alias, ego Medicus dubitans, num adhuc viveret fœtus, qui nisi expelleretur, certò erat occisurus matrem, dedi medicinam illi expellendo.

C. In primo casu peccasti graviter: Vide Theses Innoc. XI. Imò si fœtus erat animatus, incurristi excommunicationem: Ut id arguam, ubi tu nescias, dic, a quanto tempore puella conceperat: Philosophi docent masculum animari anima rationali die 40. fœminam verò in 80. Hanc opinionem supponit Pentateuchum

& Sacri Canones : Aliqui Moderni conantur experientiis probare animationem ante hoc tempus. Tu 1. adverte illas experientias fuisse factas à Medico Sennerto ad effectum probandi suam hæresim , quod anima nostra non creatur à Deo , sed simul cum corpore traducatur à parentibus . 2. à Catholicis urgeri , ut baptizentur omnes abortivi fœtus . 3. Ecclesiam Romanam reprobasse hanc necessitatem baptismi prædictis fœtibus , etiam unius diei : 4. reliquisse liberum cuique , ut apparentibus majoribus vitæ indiciis posset baptizare , ante diem 40. vel 80. post quem sunt baptizandi . 4. experientias convincere motū vitalem . 5. istas nihil probare in sententia S. Th. & Aristotelis docentium fœtus humanos animari primum anima vegetativa, huic succedere sensitivam , & , hac destructa , rationalem , quæ perfectior exigit corpus magis dispositum. Hæc ergo dimittens, dic tempus conceptionis : nam si erat fœmina, post 80. & si mas post 40. debes absolvi etiam ab excommunicatione : si nescis , eris etiam absolvendus ad cautelam .

16 Ad 3. si certus, vel dubius de vita fœtus, intendisti expulsionem, peccasti, eligens ad conservandum matri minus bonum temporalis vitæ , majus malum æternæ damnationis . Si unicè intendisti salutem matris, ad quam proderat medicina , expulsio fœtus fuit præter intentionem, & casualis ; ideò non imputatur tibi in peccatum , si nulla erat spes , ut pro baptismo

ptismo vivus educi posset fœtus : nam tunc prævalere debuit æterna salus. Vide c.24.n.16.

17 P. Ego, Pater, vulneravi plures Clericos; & 1. Degradatum: 2. Depositum. 3. agentem turpia cum fœmina. 4. Bigamum: 5. quem ignorabam esse Clericum: 6. incedentem in habitu laicali, sed à me cognitum Clericum. 7. qui fuerat Assassinus mei Patris.

C. Vulnerans primum, quia privatus est privilegio, non es excommunicatus. Cæteri gaudent tali privilegio: quare incurristi vulnerans secundum: Etiam tertius simpliciter gaudet, sed explica utrum in isto casu particulari, fœmina fuerit tibi conjuncta in primo gradu, quia non incurrisses: Bigamus non gaudet ex cap.1. de big. in 6. Quoad 5. ignorantia, si fuit invincibilis, excusavit, sed non habitus laicalis: ad 6. Peccasti nisi præcesserit sententia Episcopi declarantis ex dimissione habitus amisisse privilegium. Ad 7. Assassinus etiã privatur omni privilegio, sed pariter debet præcedere sententia legit. Jud. super Assassinio.

18 P. A quo possum absolvi?

C. Prius explica, num percussio fuerit publica, & si non talis, num excommunicatio publicata per Cedulones: nam in utroque casu, debebis confiteri alia plura peccata, ut si communicasti cum fidelibus, in sacris, audiendo missam, recipiendo sacramenta &c. vel in civilibus, faciendo actus publicos &c. Hi enim omnes fuerunt invalidi. Ulterius, an percussio fuerit



fuerit levis, mediocris vel gravis. His explicatis, dirigam te, ut c.66. a n.32.

19 P. Ego, per biennium frequentavi tactus impudicos, cum alio puero: At non est, quod explicem, an fuerit consanguineus, vel affinis, quia multi probabiliter docent incæstum esse solam violationem fœminæ, per consequens neque utrum habuerit votum Castitatis, quia non est sacrilegium: Ter commisi actum Sodomiticum, nec, juxta alios, explico, si fuerim agens, vel patiens.

C. Volo hæc omnia explicari; Luxuria, utpotè in se portans turpitudinem est contra reverentiam debitam conjunctis usque ad quartum gradum. Reverentia hæc debetur & fœminis, & masculis: quare, quidquid alii dicant, nunquam ego te absolvam, nisi explices circumstantiam conjunctionis, quæ, per me, variat speciem; Multò magis explica, num fueris agens, aut patiens: Actio enim & passio variant genus.

20 P. Ego, Pater, cognovi plures fœminas: Alia habebatur, ut Virgo, sed verè non erat: Alia erat, sed ipsa, invitis parentibus, me induxit: Aliam libentissimè concesserunt parentes: Aliam rapui à parentibus, ipsa consentiente: Alteram rapui omninò contranitentem: Alteram seduxi ficta matrimonii promissione: Alteri verè promisi, sed postea vovi castitatem; post quod alteri pariter promisi.

C. Estò prima non esset vera Virgo, quia  
tamen,

tamen, ut talis habebetur, & custodiebatur à parentibus vel Tutoribus, peccasti peccato stupri contra Justitiam, cujus malitia ex S. Th. consistit in eo, quod fiat injuria custodibus virginitatis, ut facis injuriam mihi custodienti tuum depositum, si aufers, absque mei licentia expressa, vel tacita.

21 Secunda, estò domina suæ virginitatis, nec prodigere potuit absque licentia Custodis.

22 Cum tertia etiam fuit stuprum, quia parentes jure non possunt consentire, ut, ob eandem rationem, est adulterium, si uxor peccet consentiente marito.

23 Cum quarta, ultra stuprum, fuit Raptus ob illatam vim parentibus, uti furtum distinguitur à Rapina.

24 In quinta multiplicatur raptus, ob illatam vim etiam ipsi.

25 Sponsalia contracta cum sexta equidem fuere invalida ob defectum consensus interni; sed adhuc teneris jure naturali stare promissis, & renovare animum contrahendi juxta dicta c. 35. n. 6. de juramento æquivoco.

26 Septimæ, si votum fuit simplex, debes servare fidem: nam promissio facta Deo nihil tollit præcedenter debitum homini: Per votum abstulisti a te libertatem petendi debitum, sed teneberis reddere. Si votum fuit solemne, jam per spirituale matrimonium tradidisti te Religionis; & juxta omnes leges actualis traditio rei facta uni, evacuat omnem promissionem alteri factam.

26 Nona;

27 Nona, vel scivit tuum votum præcedenter factum, vel nescivit: si primum: non teneris ad sponsalia: nam sibi imputet, quæ voluit deflorari: si secundum: teneris ad sponsalia eidem promissa; nec enim est simplex promissio, sed involuit damnum tertii, scilicet, defloratæ, præsertim, quia dabis Deo, quod promifisti, non petendo.

28 P. Ego Sacerdos hac nocte semel peccavi cum fœmina.

C. Juxta circūstantias *Quis, quid, ubi &c.* explicā quid peccaveris, an peccatum consummatum, an incompletum, & qualiter incompletum. quæ fuerit fœmina, si libera, si conjuncta, conjugata, sacra &c. *Ubi* peccaveris, in Ecclesia, vel alibi; & si in Ecclesia, utrum in confessionali: nam tunc, ultra sacrilegium ex parte personæ, extat violatio loci sacri, ut deputati ad Eucharistiam, & violatio Confessionalis, ut deputati ad sacramentum Pœnitentiæ; Quibus auxiliis, & quot fuerint cooperantes; eritque sacrilegium, si adhibueris personas. Deo consecratas per votum Castitatis: Si verò frequentasti hos, explica ulterius, desideria, & delectationes morosas, a te replicatas super fœmina, muneribus, aliisque viis per dictos Cooperatores vincenda. Si hanc tuam luxuriam ordinasti ad alium finem extrinsecum, ut est infamare talem familiam. Pariter explica modum, tempus, & præcipuè, si fuit inde secutum scandalum, in domo, vicinia, castello &c.

&c. quod scandalum multiplicatur juxta numerum scandalizatorum. Quia verò ex tuis responsionibus colligo peccatum fuisse ex mera fragilitate, juxta Rubricas consulo, non obligo te abstinere hoc manè à sacrificio, seu communione.

29 P. Ego, Pater, nunquam credidi Pœnitentem obligatum confiteri consuetudinem, ubi semper, ante sacrum, si peccaveram, confitebar Confessario nunquam ulterius interrogante: Quia verò adducis Theſim super hoc damnatam Inn. XI. & dicis hac circumstantia reticita, quæ non mutat speciem, variari judicium Confessoris, ideò aperiā sincerè meū statum: A quatuor annis pecco, semel in hebdomada, cum hac fœmina, de consilio Medici testantis imminere mihi mortem, nisi naturam exonerem: Domi non retineo, sed alibi sustentato ex charitate, & justitia. Erat pauperrima: nullam ex se habens artem, destituta omni auxilio; & sui copiam mihi fecit, post pactum sustentandi illam in tota vita. Pluries adii cum altero fratre, pariter Sacerdote. Nunc voveo Deo, & tibi juro me restitutum clavem domus, ante noctem, & actu traderem tibi, si haberem mecum: oportet verò me nunc celebrare: si omitterem; oriretur grave scandalum in civitate.

C. Non modò circumstantias aggravantes peccata, debes aperire, ubi possunt mutare Confessoris judicium, sed etiam alia, quæ non sunt



sunt peccata : Ut ait S. Th. ubi Confessor velit pro pœnitentia imponere tibi jejunia, teneris explicare, *si es infirmus*: ubi velit impondere eleemosinam, *si es pauper*: ut variet judicium prævium, imponendę pœnitentię: Consuetudinem verò peccati, ut videat, cui pœnitentię medicinali sit locus, & an sit locus statim absolvendi, negandi, aut differendi. In nostro casu extat consuetudo, & occasio proxima voluntaria, quę est peccatum continuatũ: Nihil refert fœminam vivere extra domum, quando, ad tuum beneplacitum, potes convenire illam. Ego non prôhibeo charitatem, multò minus justitiam: si promisti, utique teneris sustentare; sed hoc totum fieri debet sine alio peccato: Recluide in Monasterio, & sustentata ad delicias: nihil dicam: dummodò eam nec ibi frequentes, ubi impeditus agere peccatum consummatum, erit tibi occasio proxima, desideriorum, delectationum &c. Memento scandali, quo fratri occasionem dedisti sacrilegii, & incestus: A te prius cognita, contraxit affinitatem cum tuis conjunctis usque ad secundum gradum. Imò, post fratrem, dic, quoties cum ea peccasti; nam tu ex tunc pariter commisisti incæstum, quia post peccatum fratris, evasit tibi affinis. Cæterum propone, vove, jura. quantum scis, & potes, nisi tollas occasionem proximam, incapax ex absolutionis: Tu consule scandalis.

30 P. Ego semel incideram in peccatum hæ-

hæresis reservatum in Bulla Cœnæ . Quia, nisi celebrarem, imminebat scandalum , accessi ad Confessorem . Hic cognoscens grave damnum spirituale , quia nullius alterius peccati Reus eram, suavit exponere aliquod vitæ præteritæ , super quo cadere posset directè absolutio , in vim cuius indirectè absolveret ab hæresi , cum onere me presentandi, ut me statim præsentavi Superiori habenti facultatem absolvendi directè . Meum peccatum est levius hæresi ; nec reservatum : scandalum ex omissione sacri , est gravius , cur ergo non possim absolvi ?

C. Processit prudentissimè talis Confessor : Nostrum est consulere scandalis , ne oriantur : Ita tamen , quod tollendo aliorum peccata , nos non labamur in pejora . Tu verè dolens retractaveras hæresim ; & retractationis signa sufficientia dederas Confessario , qui , non intuetur cor, ut Deus, sed ea, quæ parent : Quia nunc occasio proxima est peccatum continuatum , mihi nullum signum sufficiens interni doloris esse potest , nisi dimissio talis occasionis : Huic ergo renuncia taliter , ut non sit amplius periculum vomitus ; Prepara te ad confessionem generalem ab eo tempore , quo cœpisti peccare cum hac sœmina : quas enim à tali die , confessiones frequentasti , valdè sunt suspectæ de validitate : Revoca in memoriam omne peccatum , sacrilegia in conferendis , vel recipiendis Sacramentis , violationes

Deca-

Decalogi &c. quò affecures conscientiam per novam anteaetæ vitæ absolutionem .

31 P. Ego , dote obtenta cujusdam Confraternitatis solita dari Virginibus maritandis, amisi virginitatem cum viro in altera Deputato ad distribuendas similes dotes, qui promiserat assignare mihi similem , si cum eo peccabam , & nunc dicit se peccaturum mortaliter, si assignet: **Contraxi pariter cum juvene consanguineo in quarto gradu , vel habente mecum, aliquod impedimentum dirimens cum hac conditione; si dispenseret Papa,** qui de facto dispensavit, quæro, an tenear stare sponsalibus. **Contraxi cum viro, & deinde nupsi alteri: Sine denunciationibus nupsi, & cum voto Castitatis, vel Religionis .**

C. Si dos est affixa solis virginibus, dic, an amiseris virginitatē ante assignationem dotis , vel post; si ante peccasti, quoties illam petisti; & vide , num adhibueris falsos testes ad probandam virginitatem : si , post consecutionem dotis, amissisti, retines injustè : dic, num adhuc nupseris, & dos venerit in manus viri: nec enim de jure potest illam retinere . Moneo tamen , quod S. Pœnit. , si crimen sit occultum , & tu nunc honestè vivas , potest dispensare ut retineas . Multò minus potes retinere secundam, quam promittendo , vir peccavit gravissimè , quia distribuit dotem contra intentionem instituentis , & propter dolum erga te commissum , tenetur de proprio, etiamsi tunc habuiss-

set animum decipiendi : nam dolus nemini patrocinator .

31 Sponsalia cum conjuncto &c. etiam sub tali conditione , sunt ipso jure nulla , ut declaravit S. Cong. quare potes resilire , quia nullam obligationem inducunt. Dic, an post sponsalia cum uno contracta , habueris aliquod motivum ex narratis in cap. *Quemadmodum* de jur. resiliendi: nec enim tunc peccasses : At si nullum erat, certè peccasti : Dic , an denunciationes omissæ fuerint de licentia Ordinarii: nam is potest dispensare : Explica , si votū fuit Castitatis, an Religionis: si primum fuit, committis sacrilegium , quoties petis , absque dispensatione : quando autem reddidisti , prima vice fuit sacrilegium , quia reddidisti te impotentem servare votum in tota sua latitudine ; in cæteris casibus non peccasti , quia jam teneris reddere : si fuit secundum , ob eandem rationem peccasti prima vice , tum petendo , tum reddendo: in cæteris nullatenus peccasti , quia votum Religionis promittit Castitatem de futuro, non de præsentis ; quare in vim illius tuum corpus nondum est consecratum Deo , nec fuisti sacrilega : Cætera , quæ in praxi possunt contingere circa matrimonium, ejusque impedimenta , facilè enodabis ex doctrina , breviter , sed clarè tradita in *Instruct. Cler. c. 40.*

33 P. Ego commisi bis incæstum : Primò pluries osculatus fui duas sorores , cum quibus



bus tandem peccavi completè, postea cognovi earum consanguineam: Ab his peccatis cessavi jam per annum, sed continuo agitated cogitationibus impudicis, dubito valdè, an consenserim deliberatè, delectatione morosa, vel desiderio.

C. Ad 1. Explica, num. in primo gradu fœmina fuerit tibi conjuncta: & si in hoc, num. in linea ascendenti, vel transversali. Superius dixi esse diversum specie peccatum cū Ascendente; sed, quidquid sit de hoc: Peccare cum primo gradu est adeò deforme, ut saltem variet judicium Confessoris; Non ita in reliquis, esto semper sit contra Pietatem.

34. Ad 2. Affinitas oritur ex commixtione utriusque seminis: quare ubi hæc verè non commiscetur, nulla oritur affinitas in conscientia, licet præsumatur in foro externo, si nequeat probari contrarium, ut potest probari, si præcesserunt sola oscula: Hinc non commisisti inæstum osculando duas sorores; tamen est circumstantia varians judicium Confessoris. Neque commisisti, completè peccans cum prima; nec enim tunc eras affinis. Peccans cum secunda fuisti inæstuosus, utpotè affinis; Harum consanguineam cognoscens, explica; in quo gradu; nam affinitas ex copula illicita pertingit solum usque ad secundum.

35. Ad 3. Dubius de consensu, dic, an fecisses, si potuisses: Ubi fuit iste animus, dic quoties: nam est certum peccatum; Ubi defuit:

Explica, quoties circumcirca dubites de consensu in delectationem morosam, licet verosimilius sit te non poecasse, qui nullatenus volebas exequi; Adhuc tamen potuisti peccare, si nolebas exequi actum externum timore infamiae &c.

## C A P U T LXX.

*Praxis super septimo, & octavo  
Decalogi præcepto.*

**P. E** Go, per furta modica, abstuli materiam gravem: si teneor restituere, sum paratus consignare in tuas manus, vel obligare in testamento hæredes, ut solvant dictam summam cum fructibus, qui, hoc tempore potuissent obvenire Creditori?

**C.** Non sufficit accusare furtum in materia gravi, sed oportet explicare specialiter quantitatem circumcirca; nam hæc circumstantia facit variare iudicium Confessoris, qui aliquando potest statim iudicare, seu absolvere: aliquando tenetur differre. Pariter habet variare iudicium in imponenda pœnitentia, quæ nunquam prudenter designabitur proportionata, nisi sciatur gravitas peccati. Explica quot vicibus abstuleris, & quantum prima vice; in qua, si habebas animum furandi materiam gravem, peccasti statim mortaliter. Si autem defuit, adhuc explica, quantum, singulis

lis vicibus, ut possim judicare, quando perveneris ad mortale. Quæ sit materia gravis, quæ levis, disputant Doctores, ego, ut i. p. c. 36. n. 9. nolim definire; hoc unum scio communiter in Urbe materiam gravem reputari unum Testonem pro divitibus, & pauperibus (respectu aliud non habentis materia gravis erit etiam unus obolus, ob grave damnum, quod infertur carenti, unde vivat pro illa die) Explica, quando perveneris ad hanc summam, & successivè semper peccasti mortaliter, estò abstuleris unum quadrans, quia semper reiterasti voluntatem retinendi aliena in materia gravi. Ex alio capite debes explicare materiam; si erat granum conservandum in hyeme, quando pluris æstimatur, vel pecunia, pro tempore, quando plus crescit valor &c. nam debes refarcire damnum, demptis expensis, v. g. conservabam pro hyeme triticum in horreo: Tu auferis mense Julii, & ego dissolvo locationem horrei: Restitues pretium grani, quanti valituum esset in illa hyeme, sed detrahes locationem horrei, quam ob furtum non solvo.

2 Non est de se illicitum Sacerdoti accipere in confessione rem restituendam, maximè, si furtum sit occultum, & alius modus restituendi præjudicet famæ, sed prudentia distat non recipere, ob mille accidentia, quæ possunt contingere impotenti de hac materia loqui: Non ero ita difficilis, extra confessionem acci-

cipere sub sigillo naturali, cum debitis declarationibus. Est tamen de se illicitum differre restitutionem usque ad mortem; quia cadit sub præcepto negativo obligante semper, & ad semper, nec pro uno instanti potest retineri alienum.

3 P. Ego, in extrema necessitate jussi meo servo, ut auferret à Petro centum scuta, quæ obligatus à Confessore jam restituit. Alia ego abstuli coactus à Principe, cui non poteram contradicere. Hic jam obiit; quare nihil teneor restituere; cum enim deobligatur causa primaria, deobligatur secundaria: nam accessorium sequitur naturam principalis?

C. Extrema necessitas est, quando non possem vivere pro illo die: non ergo indiget centum scutis, etiam si debeas alere integram familiam. Accipere supra talem necessitatem est peccatum ex Thesis Inn. XI. Explica, num servus esset paratus inferre hoc damnum; si non erat: peccasti triplici peccato, scandali, furti, & injustitiæ, quia obligatus ex justitia legali dirigere tuum servum in bonum: si erat: tunc defuit scandalum: Explica, si pecunia tibi cessit, vel servo: in primo enim tu primus debes restituere: servus in tui defectum, juxta ordinem positum c. 22. n. 15, Quia verò ille restituit, tu eidem supplè: Quæ abstulisti coactus &c. debes restituere, ubi Princeps non restituit: Coactio prodest in hoc, quod si jubens restituat, tu non teneris eidem; neque si  
damni-



damnificatus remittet principali : si autem hic remittat tibi secundario , non per hoc remittit primario. Ex Thesi 39. Inn. XI. ratio non suffragatur ; quia restitutio facienda est ob jus quod damnificatus habet contra quemcunque influentem in furtum ; si hoc jus pereat respectu unius, non statim perit respectu alterius . Ideo si non habeo jus contra Testatorem, nec habeo contra hæredem .

4 P. Sexennio possedi duas villas : post triennium inveni alteram in me derivatam à meo patre, ab hoc fuisse usurpatam à quadraginta annis citra cuidam Monasterio ; alteram per triginta fuisse bona fide à meo patruo ; quid faciendum est mihi constituto in articulo mortis ?

C. Antequam absolvaris ab excommunicatione incurfa , quia occupasti bona Ecclesiastica , debes restituere : nam præscriptio in primo casu non habet locum ; Pater enim fuit in mala fide , & hæc nullo tempore præscribit ; nec in secundo ; nam contra Ecclesiam valet sola præscriptio quadragenaria, non tricenaria . Et 1. ut Hæres patris usurpatoris, si talem te declarasti , cum beneficio legis , & Inventarii restitue fructus naturales , integros per tale tempus usurpatos : 2. mixtos , deductis tamen expensis necessariis, non voluptuariis : 3. potes tibi retinere fructus industriales : 4. quoad primos, & secundos , teneris pro quanto suppetunt vires hæreditatis. Si es hæres absque tali benefi-

cio, teneris, etiam si hæreditas non suppetat: Imputa tibi negligentiam: quoad triennium bonæ fidei, vide, an fueris factus ditior ex naturalibus, & mixtis; nam teneris restituere pro hac parte. Considera ergo v. g. vinum inde collectum, non ex pretio ejusdem, sed ex pretio illius, quod tu, & tui bibissent; Nisi villam hanc habuisses, suffecisset vinum decem juliorum, bibisti vinum sexdecim, computa vinum à te consumptum ad rationem decem, quia solum in hoc pepercisti tuæ pecuniæ: Dic idem, si de vino donasti aliis, ita quod impotens donare vinum, donasses aliud xenium: si nihil donasses, nihil tibi superfuit: A quo possedisti mala fide, dic, ut supra de patre. Quia verò Patruus fuit possessor bonæ fidei, applica hujus regulas. Quia es in articulo mortis, possum te absolvere ab excommunicatione alia reservata Papæ, dummodò prius restituas; quod hîc, & nunc facere debes vocando Notarium, per cujus instrumentum dices te, (ut consulatur tuæ, ac tuorum famæ) donare tali Monasteriô tale prædium; & cave obligare Monachos ad aliquod opus pium eleemosinæ, Misfarum &c. Hæc declaratio statim habeat locum, etiam si mors non sequatur. Circa fructus decursos poteris convenire, si aliquid remittant, non circa prædium, quia ipsi nequeunt alienare bona immobilia, sine licentia S. Cong.

5 P. Ego semel furem cum furto ablato suscepî, & abscondi meæ domi à satellitibus insequen-

quentibus. 2. alium laudavi de furto. 3. consensu malæ cuidā electioni, quæ fiebat à Patronis super beneficio.

C. In primo casu explica, si ex officio tenebaris impedire furtum, quia tunc peccasses contra justitiam, & tenereris restituere, si v.g. eras Judex, vel stipendiatus ad custodiam: si talis non eras, explica, num tua hæc receptio furis influxerit in furtum, quia v.g. furatus est, sciens à te suscipiendum: tunc etiam peccas contra justitiam, & obligaris restituere: si recepisti ex charitate, quatenus fur non carceraretur, sed tamen pro tuo posse curasti, ut restitueret, non peccasti exercendo actum charitatis.

6 Ad 2. Fuisti Palpo, & obligatus restituere, si tua laus efficaciter influxit in furtum: si laudasti post hoc, non violasti justitiam, nisi fur fuisset paratus restituere, & ob tuam adulationem abstinuit.

7 Ad 3. Explica, si electus erat indignus hoc est, reprobatus per Sacros Canones, vel, si erat dignus, & consensisti in illum, omisso digniore: nam in utroque peccasti, licet in secundo facile potueris formare judicium, ubi consentiebant reliqui: Divino servitio inter homines peragendo est habilior, qui acceptior, est populo regendo, cæteris paribus. Explica ulterius, an alios incitasti ad pravam electionem: Si ultimus omnium fuisti suffragatus, certè violasti justitiam distributivam, sed quoad  
com-

commutativam, nihil teneris restituere, quia ex tuo suffragio nihil damni cessit dignis.

8 P. Ego semel consului peccatum mortale: 2. Emeram bona fide gemmam à fure; Ut primum scivi ablatam, reddidi eidem reposcens meam pecuniam: 3. cum quatuor sociis ingressi fuimus devastare villam, sed quia, nobis inficiis, fuerat præcedenter devastata, inde abstulimus pretium unius Julii: nunc dominus vineæ obtinuit ab Episcopo excommunicationē contra scientes, & non revelantes, qui abstulerant bona villæ: 4. me auferentem ab alia vuam, viderunt sex, & moti meo exemplo devastarunt: 5. cum sociis aliam integrè devastavi: die S. Michaelis.

C. Hujus peccati generalissimè insinuati, explica non solum genus, ut quod sit contra justitiam, charitatem &c. sed insuper speciem, si consuluisti fornicationem, furtum &c. si ex tuo consilio fuit secutum, quia hoc pertinet ad complementum peccati, ut est in conscientia: si dubitas, an fuerit secutum ex tuo consilio, peccatum, maximè obligans ad restitutionem, vide, an non modò pœnitueris coram Deo, sed an sufficienter revocaveris. Aliàs teneris restituere, quanquam sis dubius de influxu: nam, quia peccasti, es in mala fide; & solum est melior conditio possidentis bona fide.

9 Ad 2. Doctores disputant, an possim reddere furi, quando aliàs certè scio hunc sibi retenturum, nec me rehabiliturum pretium: Ali-

qui



qui sustinent, posse fieri ex hoc motivo: quia nunquam teneor, si non pecco, reddere meam conditionem deteriore, quare possum facere me indemnem, reddendo furi. Tu cogita, num faveat S. Th. 2. 2. q. 62. a. 62. dicens in mutuo me obligari ad restitutionem, *quod non fieret, si per hoc damnum incurrat mutuarius*, qui tenetur restituere, quantum accepit; sed si ultra hoc damnificetur, potest restitutionem differre, quia non peccavit. unde videtur regula generalis, quod accipiens rem alienam sine peccato, non tenetur facere se deterioris conditionis.

10 Ad 3. Dic, an tu socius fueris causa principalis inducens, vel ab aliis fueris inductus; an tu, vel tui fregerint sepem: quia est peccatum distinctum contra iustitiam, & obligaris domino ad damnum fractæ sepi, & damnum, quod patietur ab aliis intrantibus per talem fracturam Peccasti mortaliter in furando. quanquam fuerit materia levis, ob animum accipiendi multum.

11 Ad 4. De excommunicatione: si eras inscius prioris devastationis, non teneris revelare; quia solum infligitur ob actum exlernum, consummatum, qui sit de se peccatum mortale.

12 Ad 5. Peccasti mortaliter auferens uvam in materia gravi, & teneris restituere pretium: Tuo exemplo aliis fuisti scandalo, contra charitatem; & quia restitutio est propria iustitiæ,

tiæ, ubi hanc non lesisti, es immunis a restituendo.

13 Ad 6. explica ut ad 3. Et scias te violasse diem festum, quo prohibetur labor ille servilis transportandi nvam.

14 P. Videns moribundum disponere Legatum in fauorem certæ Ecclesiæ, consului, vt relinqueret alteri: Videns furem velle domum furripere, ab eo accepi aureum, & tacui: Famulus magni Principis, impotens obtinere ab eo mercedem dari solitam meis Collegis, mihi occultè compenfauit. A Creditore curaui habere syngrapham mei crediti per Antidatam. Hinc non potuerunt obtinere solutionem suorum multi me posteriores.

C. Ad 1. Vel consuluisti mutare voluntatem viis licitis; & nihil peceasti; vel viis iniustis, detrahendo de Rectore &c. aut ex odio; quomodocumque procefferis, teneris restituere; Licet odium opponatur solum charitati: executione cujus per consilium fuisti causa efficax, & læsisti iustitiam, æquè violabilem, siue tollatur jus tertii, siue impediatur ab acquisitione honesta juris, iuxta modum, quo impedis, præsertim quia testamentum habens pro radice odium, est nullius roboris, in conscientia; quare si Testator exclusit Ecclesiam in vim tui odii, teneris ad totum.

15 Ad 2. Si ex officio obligatus clamare, tacuisti pro aureo; jam læsisti iustitiam:

Si

Si obligatus tantum excharitate, dic, an aureū fuerit pars rei surreptæ, quia tunc, ut participans, teneris restituere; si erat proprius furis, leſisti solam charitatem; quare non teneris.

16 Ad 3. Si tu convenisti de mercede solito minori, occultè compensando, incidis in Theses Innocentii XI. Si è contrà convenisti de solita, hæc occulta compensatio patitur magnas difficultates ob pericula, quibus te exponis, vitæ, aliorumque damnorum ab ira Principis. Vide c. 22. n. 3.

17 Ad 4. In simili antidata exposuisti te periculo damnificandi priores, & verè damnificasti, quando institutus erat juridicè concursus Creditorum; ideò in hoc casu teneris refarcire prioribus. Ubi nondum erat iste concursus, & fraus non intercessit, quæ neminē unquam patrocinator, experientia docet posse à te retineri summam receptam, cuius restitutionem, neque urgent Creditores, neque Judex exigit.

18 P. Multoties proximus fuit damnificatus ex meis actionibus, ut me diligenter examinem ad integram confessionem, dic, ex qua culpa tenear restituere?

C. Per Juristas distinguitur dolus, seu fraus, culpa lata, culpa levis, & culpa levissima: Distinctionem hanc sequuntur Theologi, Angelus, Sylvester, & alii, sed in rei veritate non explicant, vtrum ex quolibet capite homo teneatur in conscientia; De hac divi-

divisione nihil S. Th. quod mihi est aliquale indicium, nihil eam referre ad conscientiam. Ut id possit agnosci, do primum ex eisdem Canonistis definitionem huiusmodi specierum, & omitto dolum, seu fraudem, de qua c. 28. n. 2. quia est contrà justitiam usurpare illum: quare eum dolo agens actionem, ex qua sequitur damnum tertii, tenetur in conscientia refareire.

19 Culpa lata dicitur, quando quis non adhibet diligentias, quas communiter faciunt etiam rudiores: Ponunt exemplum: In banco publico consignasti librum mihi; & ego abiens relinquo ibidem, quem vix ita dimittit homo sensatus, qui scit periculosè dimitti. Est hic negligentia crassa in custodiendo procedens ex præcipitatione, seu inconsideratione, vitiis, de quibus c. 16. n. 3. & 4. Hæc est culpa illius adolescentis, qui voluntariè in se movet membra inservientia generationi, absque eo quod prius inquirat finem naturalem illius commotionis, quod communiter faciunt, seu saltem omnes tenentur facere: Culpa levis est, Si omittam facere, quas facit alius homo diligens similis professionis, v. gr., apud Bankarium, qui à communi reputatur fidelis, depono pecunias, si fugiat, deportatæ pecuniæ sum culpa levis, quia credidi, quod credebant cæteri communiter, & per consequens etiam diligentes. Levissima culpa est, si omittam, quæ solet facere diligentissimus, v. gr.,  
in



in dato casu , diligentissimus, ad implicandam pecuniam, quærit, suprâ cæteros, Bancarium, de quo sit insuper certus factorum particularium, quod habeat stabilia , quod non sit debitor in minima quantitate &c.

20 His prælibatis, Juristæ, multique cum illis Theologi explicant , quando , in quibus negotiis , & in quo casu aliquis teneatur ex prima , secunda , vel tertia culpa . Distingunt contractum , qui fit in utilitatem dantis , ut depositum , & qui fit in utilitatem accipientis , ut mutuum , vel in utriusque utilitatem , ut locatio , & venditio ; nam domus locatur , & res venditur cum proventu mutuo contrahentium . Distingunt officium Tutoris , negotiorum gestoris , officium Reipub. quod homo petit , ut beneficium , vel quod suscipit à Superiore &c. In aliquibus volunt sufficere primam culpam , in aliis secundam , in aliis tertiam : Et sanè in c. *Cum gratia* de comm. qui accepit aliquid commodato unicè in sui utilitatem, dicitur teneri ad restitutionem ex culpa etiam levissima ; Videamus , an ita sit in conscientia . Generaliter habemus . 1. quod omnis vera virtus esse potest perfecta , & imperfecta . 2. quod culpa levissima est , si prætermittam , quod in negotio facit diligentissimus : & culpa levis , si prætermittam , quod communiter faciunt homines similis negotii . Hinc arguo: Nulla in conscientia oritur obligatio restituendi ex actione virtuosa : nam  
bona

bona fides excusat, nisi (sim factus ditior) quoties facio debitas diligentias: esto non faciā in re omnes possibiles, actio est virtuosa, & prudens: nam prudentia, ut aliæ virtutes, recipit magis, & minus, potestque esse maxima, major, & minor: Actio igitur erit virtuosa, etiamsi non sit maximè prudens, hoc est etiamsi non faciam totum, quod facit diligentissimus. Hinc in c. *Si culpa* de in. & damn. obligaris ad satisfaciendum, si damna evenerunt ex tuo facto, nec excusaris ex imperitia, vel negligentia, *si debuisti scire damnum inde posse contingere; & si non curasti diligentiam adhibere, quam debueras.* Ab Altari semper Ecclesia repulit humani sanguinis effusores. At illos tantum judicat tales, qui non adhibent diligentias debitas: Et in c. *Ad aures* de æt. & qual. ut Medicus possit promoveri, exigitur, quod eum *conscientia non remordeat*, non fuisse eruditum *in arte physica*, & non dedisse medicinam *juxta traditionem ipsius artis*. Culpa levis sola excluditur, cum potuerit adesse culpa levissima, seu non fecisse totum, quod facit Medicus peritissimus. Quidquid ergo sit de foro externo, quoad internum, tene regulam ex S. Th. traditam p. 1. c. 43. n. 9. vel damnum, quod actione tua intulisti, sequitur per se, vel non: si primum es causa talis damni, & teneris resarcire: si secundum, subdistingue: vel prævidisti, vel non: si prævidisti, etiam teneris resarcire,

sup-

supposito, quod non debeas permittere : si non prævidisti , non es causa . In praxi pro rudibus quære , an , ad evitandum alienum damnum adhibuerit diligentias , quas adhibet ad evitandum proprium , esto alius sit multò diligentior .

21 P. Ego violavi legem , quæ sub pœna viginti leutorum prohibet in aliena Sylva incidere arbores , venari , piscari &c. Pactus reddere infrâ trimestre mutuum sub pœna dupli , non reddidi ; Mulctatus à Judice non solvi mulctam .

C. Si quæris , an peccaveris , violando legem pœnalem , vide 1. p. c. 38. n.8. Si quæris , an tenearis solvere , dico te non teneri , ante sententiam ; sed solum post ipsam . Explica ergo , an Sylva fuerit alterius privati , an Communitatis . Si sit priuati non nemo docet tunc peccari , quando Sylva est clausa sepibus , vel muro ; sed mihi non placet , quia plurimi habent prædia aperta ; Vbi ergo sit privati , vide , an taliter incideris , quod Dominus possit dici rationabiliter invitus , & tunc teneris restituere damnum ante sententiam , sed non scuta viginti , quæ sunt in pœnam , ad quæ teneberis post sententiam : si sunt Communitatis , vel tuæ , vel alterius : si hoc secundum , teneris , vt supra : nisi prævaluerit consuetudo , quod promiscuè hi cedant Sylvam aliorum , quod sæpè contingit : si primum : obligaris ex sola lege : quare si hæc ex circumstantijs agnosci-

tur non ligare in conscientia, non peccasti.  
Idem dic de piscatione, & venatione.

22 Ad 2. Si distulisti reddere ex culpa, teneris ad pœnam: si absque culpa: non teneris: nam pœna non habet locum, nisi præcedat culpa.

23 Ad 3. Explica genus mulctæ: nam Judex aliquando mulctat ad pati, vt ad torturam, flagella, mutilationem, mortem: aliquando ad agere, ut ire in exilium talis loci, solvere pœnam pecuniariam &c. In hoc secundo post sententiam, teneris facere, quod sententia præcipit, ubi appareat id in conscientia exigi à Principe: In primo teneris tantum pati, & ad non contranitendum, si sententia sit iusta, ut S.Th. 2.2. q.69. ar. 4. Hinc damnatus ad flagella, mortem &c. potest fugere si damnetur, ut pereat fame, potest, imò tenetur accipere cibum sibi occultè oblatum. In quo distingue Ministros Justitiæ a cæteris: Custos carceris peccabit dans cibum, relinquens fores apertos, vel alio quocunque modo adjuvans Reum ad fugiendum &c. Filius è contrà tenebitur, si possit, porrare occultè cibum Patri: Cæteri licitè offerent; quod si adjuvent ad frangendos carceres, peccabunt; non in adjuvando Reum ad fugam, sed quia effringunt domum publicam, quod est gravius, quam effringere privatam.

24 P. Eunti Petro Neapolim accommo-  
davi equum, & pecuniam, quibus eum expo-  
lia-



liavit Graffator ; Ego nunc prætendo eum in conscientia obligatum restituere utrunque . Solitus ire ad nundinas , & ibi lucrari decem pro centenario , mutuavi hoc Paulo , à quo nunc repeto tale lucrum cessans . Semel vas argenteum mihi donatum , quod deposueram apud patrem , occultè abstuli , ut solverem meretrici pactam mercedem .

C. Contractus prior italicè dicitur *Imprestito* , quod est genus sub se continens mutuum , & commodatum ; Potes exigere pecuniam , cujus utpotè mutuatae transtulisti dominium in Petrum ; ideò eidem periit : Circà equum , si fecit diligentias debitas , ut in re , seu persona propria , periit tibi ; nam adhuc eras Dominus .

25 Ad 2. Si habebas aliam pecuniam , nihil lucri cessavit ex mutuo ; nam poteras ire cum illa : quare si non ivisti , fuit ex alia causa : si non habebas , potes exigere non illa decem , sed quantum verosimilitèr fuisses lucratus , detractis expensis , periculis &c.

26 Ad 3. Bona filii sunt in quadruplici classe , Castrensia , quasi Castrensia , Profectitia , & Aventitia . Prima sunt , quæ filius acquirit militando : secunda , quæ acquirit ex scientiis , ut Medicina , Jurisprudentia &c. Tertia , quæ illi relinquuntur intuitu Patris : Quarta , quæ relinquuntur à tertio ex alio intuitu : In primis duobus habet filius dominium , & usumfructum : In tertiis vtrumque

est Patris: In quartis dominium est filii, & ususfructus Patris. Explica igitur, quomodo tibi paruenit hoc vas, si ex primo duplici capite, peccasti, absque scientia Depositarii accipiens; at non peccato furti: si ex tertio, fuit furtum: si ex quarto: etiam fuit furtum, quia impedivisti Patrem, uti suo ususfructu, & teneris restituere, quantum hic æstimari solet. Nota, quod bona uxoris sunt paraphernalia, & dotalia. Horum etiam ususfructus est viri, non primorum.

27 P. Habeo aliqua debita, quæ olim facile poteram soluere, sed Creditores non urgebant: nunc verò, vix possum conservare meum statum, dilapidatis luxuriosè multis proventibus. Habeo duo credita; Pro unius asssecuratione nuper habui pignus, ut mihi fructificet, ad recompensandum damnum emergens ex dilatione: Alterum, quia non habet unde soluat, obligavi, ut quotiès indigebat, veniret ad meam officinam, empturus merces pretio currenti; Et timens usuram, consului Theologum, qui considerans me venditurum pretio, ut alii, mercem æquè bonam, ac alii, notavit, in bonum debitoris cedere meam officinam, quæ cæteris vicinior illi est ad milliare; Lucrum mihi proveniens in distractione mercium, est non ex mutuo, sed ex contractu venditionis.

C. Explica, quæ sint debita, & cum quibus: si cum famulis, vel alijs timentibus tuam poten-

potentiam &c. non faciliè excusaris à mortali, estò juridicè illi non urgeant solutionem: status tuus non est aliquid indivisibile, quo ablato, illum perdas irreparabiliter: Habet latitudinem: Absque illius levissima jactura, qui hodiè habes decem famulos, potes dimittere unum, & retinere novem: qui nutris octo equos, nutrire sex: qui ad mensam apponi decem fercula, deinceps apponere octo: de eorum pretio diminuere aliquid: Idem dic de vestibus, domo &c. Si non facis, & Creditores ex dilatione sentiunt grave incommodum, toties, quotiès peccas mortaliter. Expendens verò tua luxuriosè cum notabili damno status, peccasti, ultrà luxuriam, in inferendo tibi, & familiæ tale damnum, & ob damnum illatum Creditoribus: Horum damno teneris prospicere, etiam cum detrimento tui status: nec enim potes conservare hunc de alieno: Adde, quod illi sunt Innocentes, tu Reus: & pati debet Reus, non innocens.

28 Ad 2. Pignoris fructus computandi sunt in sortem, nisi pignus sit, quale dico c. 29. n. 23. Quidquid Theologus dixerit, illa obligatio est usuraria: Homo ex natura sua est liber adire quamcumque officinam, estò distantem mille leucis: Tu ergo ultrà sortem, vis exigere hanc servitutem pretio æstimabilem.

29 P. Ego, nuper communicata sociis mea suspicione super inhonestate cujusdam

Virginis, absque alio peccato, accessi ad Confessarium, qui noluit me absolvere, quia recusabam me retractare, cum esset merum veniale peccatum; & inde sum lapsus in judicia temeraria, per quæ cognosco læsam maximè charitatem proximi; & videns Clericum intrare domum meretricis, judicavi ingressum ad malum finem. Illud postea communicavi sex personis nullius fidei, nempe, meretricibus; & est probabilis opinio docens non peccari mortaliter, in communicando mala proximi similibus personis.

C. Supposito, quod communicatio talis suspicionis fuerit venialis, & esset tota materia confessionis, prudenter Confessor exigebat retractationem, ut absolveret: Si unicè accusas furtum unius quadrantis, nequeo te absolvere, nisi proponas restituere: Confidenti plura venialia sufficit habere dolorem, & propositum de uno: Ita enim recipis gratiam, quæ stat cum venialibus in hoc statu: At si confiteris unicum, nec de illo habes dolorem, & propositum, sacriligè confiteris, quia deest pars essentialis. Verum examine-mus, an talis suspicio fuerit venialis. Utique talis est de sui natura ob imperfectionem actus ut est veniale furtum unius acus. At si magnum inde proveniat damnum Sutori, quia usu illius alebat familiam, est mortale: Suspiciens ergo de Virgine, potes peccasse graviter, & gravius communicando suspicionem aliis,



ut si tali sanctitate florebat Virgo, quod suspicio multum præjudicaret ejus famæ.

30 Ad 2. Cuicumque, estò levissimæ personæ communicentur, judicia, suspiciones, detractiões &c. si damnum famæ sit grave peccatur mortaliter; & tale in hac materia est judicium de Religioso communicatum meretricibus expositis evidenti periculo illuminandi. Falleris, si putas judicio temerario solam lædi charitatem: Lædis & justitiam, quia proximus habet jus, ut à te judicetur bonus, nisi contrarium sufficienter constet: ideò teneris reparare damnum illatum, formando intrà te judicium contrarium; & si communicasti aliis, jam fuit detractio: Sed ut sciam, si verè fuerit temerarium judicium de tali Clerico, explica, num ex solo indicio ingressus, affirmaveris malum finem, tunc certè judicium fuit temerarium: At non esset si alia concurrebant, quod Clericus esset infamatus de inhonestate, quod noctu sit ingressus, & raptum, quod notaverit non videri ab aliis &c. Explica, si eras Pater, vel Superior illius Clerici: nam tunc certè non potuisti judicare malum, sed applicare cum merito remedium, supposito, quod esset malum, sicuti Medicus suspicans de tali morbo, non judicat esse talem, sed applicat medicinam, casu, quo talis esset.

31 P. Ego semel videns tumidum uterum Virginis euntis ad Ecclesiam, dixi sociis, qui

non advertabant : 2. revelavi adulterium matronæ duobus tantum viris prudentibus , de quorum secreto eram certus : 3. cùm plures Medici convenirent dare medicinam Virgini cessuram in ejus , & concepti filii mortem , ut distraherem , aperui stuprum illis , & Obstetrici , quo prompta esset baptizare : 4. de Religioso dixi in sua patria rumorem fuisse sparsum ab invidis de ejus inhonestate : 5. de alio in patria juridicè damnato idem dixi, sed in loco , ubi delictum erat omninò incognitum : 5. quia vir magni nominis erat mihi gravissimus , dixi esse mendacem .

C. Ad primum : Non fuit grave peccatum ostendere sociis , quod publicè proferebatur .

32 Ad 2. Explica , si fuit murmuratio , vel detractio : S. Th. non distinxit hæc duo , quæ distinguunt Moderni volentes , murmurationem esse , quando dicitur crimen verum occultum ; & detractioem , quando dicitur falsum : Ex tuis verbis conjiicio fuisse murmurationem ; & putas excusari opinione docente peccari leviter murmurando cum duobus , aut tribus prudentibus , ac secretis . Id mihi non placet : Malitia murmurationis est in denigrando famam alterius ; & hæc gravissimè patitur , etiam apud unum ; & gravius , quo major est persona : & per accidens est , quod ille hic , & nunc non diminuat , in suo interno existimationem denigrati .

33. Ad 3. Non peccasti, dicens solis necessariis, nam elegisti minus malum infamiae, ut salvares maius bonum vitæ temporalis, & æternæ.

34. Ad 4. Quidquid intelligas pro rumore spatioso, vel suspiciones, vel judicia, id est per accidens: explica, num fama de illius honestate fuerit læsa graviter apud illos, quos fuisti allocutus: nam tunc peccasti mortaliter, sive ab invidis, sive ab aliis fuerit sparsum: Hæc est regula dignoscendi essentiam murmurationis: An verò hîc, & nunc fuerit, utique pendet ab his circumstantiis, an relatores sint personæ graves, aut levis armaturæ, an invidi &c. num sit notus ille, de quo est sermo &c.

35. Ad 5. Doctores disputant, num sit injustitia infamanum in uno loco diffamare in alio, ubi occultum est crimen: Tu dic famæ jus oriri ex actionibus virtuosis, quæ præscindunt à loco, & tempore: sicut ergo non est contra justitiam, mala publicè commissa ante ducentos annos narrare posteris, qui ignorant, ita neque erit contra justitiam crimen publicum in uno loco, evulgare in alio: Erit contra charitatem, si fiat ex odio.

36. Ad 5. Gravissima injuria est dicere mendacem virum gravem: Explica, si falsum dixisti: & si verum: an occultum, vel publicum: hoc ultimum, si fiat ex odio, erit contra charitatem: si dixisti coram illo (nam est

est contumelia ) vt deleatur, vltra retractationem , indiget restitutione honoris per tui humiliationem : Si addis calumniam fuisse à te fictam , ut elideres illius auctoritatem tibi noxiam , est Thesis ab Innocentio XI. prohibita . In quocunque casu leseris iustitiam, teneris restituere famam ; sed cum hac differentia : si fuit falsum : teneris restituere, jurando, etiam te fuisse mentitum , si opus sit : nam fama Innocentis prævalet famæ Rei , sed prius uti potes aliis remediis , & juramentum erit ultimum : si dixisti verum occultum , non potes dicere te mentitum : quare dic te locutum malè , vel ex passione : te illum habere, ut virum bonum &c. Saltèm lauda, quod maximè curabis , ubi præcessit tempus notabile , ac dares admirationem,refricando antiqua .

37 P. Ego pluriès audiui murmurantes , ut quod talis esset iracundus, audax &c. quod alius esset spurius,vel ex genere Hēbreō,quod alius fuerit homicida , proditor &c.

C. Aliqui assignant defectus particulares , v. gr. , naturales, quos audire dicunt non esse peccatum : Tu ex definitione ipsius murmurationis collige , quid sentias : nam si tuum audire influit in gravem famæ denigrationem, peccas , sive moralis sit defectus , sive naturalis . Ut sciam, an venialiter, pecces, vel mortaliter , an contrā charitatem , vel iustitiam , memento dicta de tacente furtum : & explica, quum tenebaris ex iustitia impedire , ut Pater  
respe-



respectu filii, Dominus respectu servi &c. Si extrà talem casum, sperans probabiliter fructum, non repressisti, peccasti contrà charitatem; sed difficulter potes sperare emendam in fervore sermonis: In his circumstantiis optimum est mutare sermonem; & erit veniale, si non mutes timore mundano. Si complacuisti, memento dicta p. 1. c. 43. n. 7., quod aliud est gaudere de cogitatione fornicationis, aliud de fornicatione cogitata. Igitur explica, si complacuisti de jocis, aut salibus detrahentis: tunc peccasti venialiter: si de fama ablata, est mortale.

38 P. Ego, coram multis, pluries contumeliavi quosdam, exprobrans illis, modò naturales defectus publicos, modò vitia occulta.

C. Detractio, & contumelia differunt, quod illa tollit famam, seu bonam estimationem ab aliis habitam, v. gr. de Petro: ista honorem, seu testificationem externam, quam tu debes Petri excellentiæ, vel per virtutem Observantiæ, si est Superior, vel per virtutem Pietatis, si est conjunctus. Hinc 1. si detrahis coram multis, tot sunt numero peccata, quot audiunt; quia bona estimatio est in intellectu Auditorum; ideò tollis tot numero estimationes: E contrà, si contumelias coram multis, unicum numero peccatum committis, quia tollis testimonium excellentiæ, quod tu debes: Potes tamen multiplicare scandalum: Aggravaturque contumelia ex multiplicitate

audientium; adeò quod aliquando possit variare iudicium Confessoris, præsertim in imponenda satisfactione, quam læsus potest exigere coram omnibus. 2. in neutra teneris explicare varietatem exprobratorum, ad differentiam odii, aliorumque peccatorum contra iustitiam, in quibus debes explicare malum desideratum, vel ablatum, si sit fortunæ, fame, vitæ &c. Ratio est, quia in his tendis in diversa mala: In detractiōe verò destruis vnicè bonum famæ, & in contumelia bonum honorationis: obiciendo autem diversa, uteris diversis instrumentis. Ut homicida non teneatur explicare, an abstulerit vitam baculo, vel ense, ita detractor, & contumeliatus, an abstulerit famam, exprobrando furtum, adulterium &c. Igitur explica, si, & quotiès contumeliasti conjunctos, si superiorem: si æqualem &c. ut sciam speciem virtutis, quam læsisti: & possim te obligare ad satisfactionem proportionatam. quia debet esse major, quo dignior est persona offensa. Nonnulli assignant genera satisfactionum imponenda calumniatori. Sed ego non me alligo determinatæ, dummodò restituas, quod abdulisti: arbitrium Confessoris est eligere, quam, consideratis circumstantiis judicat æquiores.

## C A P U T L X X I.

*Praxis super Vitiis Capitalibus.*

1 P. **E** Go fui superba, vana, & curiosa.

C. Quoad primum, Superbiâ, de sui natura, est peccatum mortale: quia meum in hoc foro iudicium, debet esse particulare, non possum te Ream mortalis damnare, nisi ulterius explices, an in tua superbia excluderis, quæ habent reddere veniale, quod est de se mortale: Dic ergo, num deliberatè superbie-  
ris in materia gravi; & dicitur talis, quando inde secuta sit magna perturbatio familiæ &c. v. gr., Maritus præceperat parare prandium: Tu nolens subiici ejus præcepto, neglexisti: & rediens Maritus notabiliter excanduit, vel etiam, si patienter tulerit, tua tamen superbia fuit de se apta perturbare graviter domum, peccasti mortaliter: Fuit etiam gravis culpa, si iussa elevare festucam, renuisti sub ea ratione formali, quod nolis esse subiecta matri &c.

2 Ad 2. De vanitate ornatus, explica, si ad finem libidinosum te ornasti: nam est mortale totiès quotiès. Etiam Virgo volens maritum, sine gravi culpa potest se ornare, intrâ modestiæ limites, ut placeat alicui; sed nota Virginem posse habere desiderium matrimo-

trimonii, utpotè rei licitæ, tendentis in futurum, non posse habere in præsentì delectationem actus conjugalis, quia delectatio sequitur naturam actus hìc, & nunc intrinsecè malì respectu Virginis: Explica ergo, num te ornans, vanè steteris in solo desiderio, vel processeris ad delectationem, & quotiès: Et si tu non processisti, explica, num tuo ornatu, videntes fuerint in probabili periculo delectationis. Explica, num ornatus fuerit ad tegendum aliquem defectum, v.gr., cicatricem: hoc potest fieri absque culpa: num in ornatu multa consumpseris cum gravi damno familiæ: num nudaveris pectus &c. nam hoc est intrinsecè malum, in Urbe prohibitum sub excommunicatione reservata: Si ornatus fuit decens tuo statui, sed inde alii, ut plurimum, acceperunt occasionem ruinæ, tunc est scandalum passivum: Dirige te, ut dixi in c.14. n. 16, advertens christianæ charitatis esse, ut aliquando divertas à via, vel templo, in quo cognoscis periculum, nisi hæc diversio tibi esset valdè incommoda, nullatenus tamen teneris te claudere domi, fugere conversationes omnes honestas &c.

3 Ad 3. Explica, in quo consistat tua curiositas: si quæris facta proximi contrà jus, lædis justitiam, v.gr., soror intravit in cubiculum, & clave clausit ostium, tu ex foramine clàm intueris quid faciat: ex hoc, quod clausa voluit latere, & ad id habet jus, injuste



stè facis . Idem dic de epistolis sigillo munitis ; Nisi ergo sis Superior , lædis iustitiam : si autem operatur ad fenestram , cedit juri , hoc ipso , quod eligit locum publicum ; & si vides ibi operantem turpia , peccabis solum exponendo te periculo similium . Quia curiositas ex S. Th. remotè ordinatur *ad detrahendum* , vel similia verborum peccata , dic , an de facto detraxeris in materia gravi , susurraveris &c. Vide c. 27. n. 6. quid sit susurratio ; & nota , quod singula erunt materia levis , quæ tamen fient gravis , si simul jungantur : v.gr. , in communitate Monialium publicasti aliam abfuisse à Choro , aliam in Cella comedisse , aliam otiarî &c. Singula hæc sunt levissima , sed potest contingere , quod simul juncta separent amicitiam Monialium , & erit susurratio mortalis : Si reveles Sæcularibus , hi possunt perdere famam observantiæ , bonumque Monialium nomen : ergo crit detractio mortalis .

4 P. Ego sum Avarus , Gulosus , & Iracundus ?

C. Hæc tria peccata ex genere suo non sunt mortalia , sed quia ex illis , utpotè Capitalibus , oriri nata sunt multa mortalia , debes ulterius explicare , in quæ alia incideris . Ut tibi subveniam , 1. dic , an constitueris finem ultimum in altero illorum ; Ne autem hæreas in verbis : Dicitur constituere finem ultimum in creatura , qui paratus est transgredi Dei , & Ecclesiæ præcepta , ut obtineat talem creaturam.

turam , v. gr. ; ita es affectus pecuniæ ( idem dic de cibis , & vindicta ) ut ad illam acquirendam sis paratus pejerare , furari , omittere Missam in die festo &c. Sic dispositus , continuè vivis in peccato habituali , cujus actum multiplicas , quotiès cum tali animo lucraris , & tot numero sũnt peccata mortalia Avaritiæ , quot sunt lucra ; unde cum tali animo pejerans &c. committis peccatum Avaritiæ , ultrà perjurium ; ( Nota hoc verum esse in amore cujuscuq; creaturæ etiam aliàs honesto : quare si , v. gr. , jejunes cum hac animi præparatione , transgrediendi legem Dei , ut jejunares , jam peccas mortaliter ) Si autem sine tali animo , v. gr. , in die festo , vadis ad Missam , & occasione tibi oblata vendendi mercem , omittis Missam , ut lucreris , Avaritia est peccatum veniale : At mortale sacri omissio : Idem est , si ex contemptu pecces , & fortè aliquid amplius ; nam in te paratum transgredi legem Dei ; dominatur affectus pecuniæ sensibilibiter alliciens ; At peccans ex contemptu , qua talis , abstrahit ab omni creatura , & directè odio habet legem Dei : Ut cognoscam , an peccaveris contemptu , dic : Violans jejunia Ecclesiæ , comedistine ex amore delectationis resultantis à cibo , seu gula victus : Ita comedens peccasti mortaliter contra Abstinẽtiam tali die præceptam ; & transgressio legis non fuit speciale peccatum : An potiùs comedisti ex abominatione præcepti ,  
nolens

nolens eidem te subiicere : In hoc casu peccasti dupliciter : 1. contrà præceptum : 2. ex contemptu , quod est peccatum gravissimum , in quod facilè iucidunt , frequentantes peccata : *nam impius cùm in profundum venerit, contemnit :* & quo potes peccare , quamvis actio de se sit indifferens, vel bona : v.gr. peccas expuendo humi, animo contemnendi omnem legem .

5 Ad 2. Præter jam considerata generaliter in primo , explica , num violaveris jejunia præcepta , & qualiter : num in quantitate sola : num in solis ovis : num in carnibus : & quoad duo ultima , quoties in die : nam toties peccasti : Explica , si ob voluptatem ciborum te ingurgitasti usque ad vomitum , novus Sardanapalus : nam hoc est peccatum inhumanum , & plus quàm bestiale, quia neque Tigris ita se ingurgitat : Bibistinè taliter , quod fueris perfectè inebriatus , vel te exposueris periculo proximo inebriandi : an huic periculo exposuisti alios , & quot , sciens , aut dubitans de complexionis debilitate , quamvis ad bonum finem, v.gr. , ut ita ebrii revelarent prodicionem patriæ à se meditatam : nec enim sunt facienda mala , ut eveniant bona : Tales inquirere est finis bonus : At ad illos habendos uti inebriatione, est medium intrinsecè malum : Dic , an comederis , aut biberis ob solam voluptatem ; Id est contrà Thefim 8. Innocentii XI. Nota ly *ob solam*

quia si vespere comedis usque ad satietatem, eo quod sequenti die itinerabis longum iter, nec poteris comedere, tunc non est *ob solam*, sed ex alio fine honesto: Non tamen erit mortale, sed veniale, quia Thefes damnantur in proprio verborum sensu. Cum ergo Thesis diceret non esse peccatum, Papa definivit esse peccatum.

6 Ad 3. Ira est apperitus inordinatus vindictæ: Dic ergo, an volueris hanc per te ipsum: Hoc ex suo genere est odium formale, & in materia gravi mortale peccatum, in quo debes ulterius explicare, quod malum volueris, in vindictam, si famæ, bonorum fortunæ &c. si tantum complacuisti, vel desiderasti &c. si verbis, vel factis procurasti hanc vindictam, qualiter, & quoties, quia jam læsisti justitiam: Si verò voluisti vindictam à Judice, dic, an volueris gravem suprâ quam mereretur injuria in te commissâ, etiam peccasti mortaliter, & quomodocunque procuraveris, læsisti justitiam: quod si volueris vindictam justam, sed nimis ardentem, fuit veniale peccatum Iræ.

7 P. Ego fui Invidus, & Acidiosus.

C. Non omnis tristitia de bono proximi est Invidia: Doluisti Petrum habuisse in Republica officium, quo abutitur ad deprimentos Subditos &c. Gentiles dicebant spectare ad virtutem Nemesis. Nos Christiani credentes temporalia non distribui pro meritis, sed



ex Dei beneplacito, hoc fidei lamine, debemus æquanimiter ferre, quod hic, vel ille habeat temporalia; cumque sint separabilia hæc duo *habere officium, & malè uti officio*, non indignabimur de primo: De secundo, quod est peccatum, dedignabimur zelo disciplinæ, non typo superbiæ, ut ait S. Gregorius in Eu. Dom. 3. post Pent. Adhuc tamen si dedignaris in primo, non peccas mortaliter, nec peccato Invidiæ. 2. Potes tristari, quia tu volebas tale officium: In hoc distingue: si solum doluisti, quod tu non habueris, nihil peccasti, quia doluisti de tuo malo: si ulterius doluisti de illius bono, peccasti; & explica speciem: si doluisti, quia ille habuit bonum, est formale odium: si doluisti, quia inde tibi est superior, vel æqualis, (quod nolles) est Invidia, etiamsi diceres: *nihil mea interest, quod talis sit Princeps, dummodò, & ego sim talis*, vel similia.

8 Ad 2. Si tædio tibi fuit Missa, Officium &c. quia hæc sunt in gloriam Dei, peccasti gravissimè, nec materiæ parvitas excusat, si tædio tibi fuit ob incommodum, quod sentis in officio &c. tunc tædium non est mortale, sed actus imperfectus Acidix; Explica, num sis simpliciter in sacris, quia peccato omissionis violasti Religionem, vel ulterius habeas beneficium, quia tunc 2. peccasti contra justitiam, etiamsi non esses in sacris, à quo non te liberat, si omittas cum animo red-

dendi pauperibus fructus illius diei: Explica, quoties omiseris integrum, ut innuam tibi quotam restitutionis ex Bulla Pii V.: nam si primo semestri omisisti, tunc peccasti mortaliter, sed non teneris restituere: post semestre, ultrà peccatum mortale omissionis, quoties integrum omisisti, reddes pauperibus, aut Ecclesiæ integros diei fructus: si omisso Matutino, & Laudibus, recitasti reliquum, vel è contrà, reddes pro medietate: si unicam parvam horam omisisti, reddes sextam partem: si es habituatus in omittendo, & hodie tenearis celebrare, non te absolvam, nisi priùs recites saltèm Matutinum cum Laudibus: Si autem à Beneficio, ultrà pensum Officii habeas alia onera, v. gr. Missarum, curæ animarum &c. Pius non definivit, quid fructuum tibi possis retinere, ubi omisso Officio, illa adimplesti: Æquitas tamen dictat posse retineri aliquid pro illis; & nonnulli docent obligari ad restitutionem quartæ partis: Ego tamen judico remitti debere arbitrio prudentis. Ideò enumera hæc onera; nam inde colligam, ad quantum proportionalitèr obligeris. Ad dictam Pii taxam teneris, etiamsi, quando recitatur in Choro, ibi *te solo* recitares: etiam, quando recitas voluntariè distractus. Et si alia in hac materia suggeras, interrogando excurram per Theses 20. 21. 33. 34., & 35. Alex. VII., nec non 54. Innoc. XI.

9 P. Ego, ad evitandum incommodum,  
ubi

ubi solus recito in omnibus Dominicis, Palmarum excepta, dico Officium Resurrectionis: in Choro, ubi alternatim canimus, incipio versiculos, antequam alteri finiant. Semel febris laborans, Medico præcipiente, reliqui Officium, sed verè poteram dicere Horam parvam.

C. Quoad primum, non es reus in 35. Alex.VII. quia Theses damnantur, ut jacent, At semper peccasti mortalitèr, cum onere restituendi: Unum Officium pro alio nequit substitui: nam singula sunt de præcepto, (iis exceptis, quæ Rubrica expressè notat *ad libitum*) & si omittis, debes satisfacere: Fortè excusarem, quando ex conscientia erronea invincibiliter, unum substituisse alteri; nam Ecclesia non obligat cum magno incommodo: quare inad vertenter exantlato labore primi Officii, non obligaris subire secundum; si omninò sint diversa; nam si v. gr. debens satisfacere de uno Martyre, fecisti de alio, potes facile supplere solas lectiones proprias. In tuo casu, quando in Officium Paschæ mutasti Officium Dominicæ, 1. vix potuit esse inadvertentia: 2. non sentis magnum incommodum, si advertens errorem, replicas de Dominica; nam consumpsisti modicissimum tempus in iis, quæ sunt propria Paschæ, nec communia Dominicæ.

10 Ad 2. Si præventio versiculorum in toto Officio pertingit ad materiam gravem,

tu non satisfacis; & ulterius committis tot peccata, quot sunt canentes; Es enim causa, ne alii integrent; Si es superior, peccas contra justitiam legalem, quia tuum est tollere hos abusus: Singulares, si ad persolvendum integrè, faciunt, quod possunt, non tenentur repetere initia versiculorum, quia non faciunt sensum orationis, nec totos Psalmos, quia, sine culpa, non tenentur ad tale incommodum.

II Ad 3. Vir magnæ pietatis, & dignitatis feбри laborans in 83. suæ ætatis anno, à Medico prohibitus recitare Officium, agebatur scrupulis, quod cognoscens se impotentem recitare totum, adhuc sentiebat in se vires recitandi Horam parvam, cui propterea credebat se obligatum, ex Thesi 54. Inn. XII. Ego consultus respondi Papam damnare asserentes de obligationem minoris partis provenire ex eo, quod sit impeditus. ponere majorem, ut verba Thesis innuunt: v. gr., proximus mediæ nocti, caret tempore recitandi totum, adhuc tenetur recitare, quod potest, dummodò sint partes dividuæ: si verò sint indivisibiles, non tenetur: v.gr., cæcus, aut qui amisit Breviarium, scitque memoriter Psalmos, non tenetur, omissis lectionibus, ad istos, quia Psalmi, & Lectiones cum Laudibus faciunt unam partem individuum Matutini: At virum illum in tali morbo, Ecclesia deobligabat ab onere; ideo non incurrebat in Thesim pro-



prohibitam, estò pisset recitare Horam: in tali enim statu erat veluti Laicus, cui nulla incumbit obligatio. Applica tibi hanc doctrinam; & solum nota, doceri à S. Carolo, quod non omnis febris deobligat, sed solum gravis. Tu tamen sequere semper iudicium Medici docti, & timorati.

## C A P U T LXXII.

### *Praxis super quibusdam statibus Ecclesiasticorum.*

I P. **E**GO multum dubitans, an essem confirmatus, & an Confirmatio præexigatur ad validitatem Ordinum, vel saltem de præcepto, accessi ad omnes Ordines, etiam Subdiaconatus, in quo dubito an physicè tetigerim vasa sacra, & accessi post contracta Sponsalia, inductus metu patris, qui nolebat tale conjugium: Quia simul cum tali dubio, num Confirmatio præexigeretur pro validitate, non potuit esse intentio suscipiendi Ordines; utpotè invalidè ordinatus, omisi recitare Officium, & celebravi matrimonium cum dicta virgine, invincibiliter credens posse id à me fieri.

C. Quidquid nonnulli doceant, existimo ad Ordines confirmationem requiri de necessitate præcepti: verba formaliter præceptiva non usurpat Trid. sess. 23. c. 24. de Ref., sed

ait: *Prima Tonsura non initientur, qui Sacramentum Confirmationis non susceperint.* Et negario, quantum potest, destruis sequentia, taliter, quod invalidaret, si validitas penderet ab Ecclesia. Tu certè peccasti gravissimè operans cum conscientia dubia, etiam de validitate.

2 Circà tactum materiæ, dic, an fuerit dubium prudens; nam fortè fundaris in iudicio temerario, vel suspicione, quod Episcopus, alique Ministri publicæ ordinationis neglexerint, in re tam gravi suum officium, curandi omnibus modis, ut ordinandi physicè tangerent; & ego, meæ ordinationis recorder nihil aliud, quàm vocem altam Præfecti Cereemoniarum exclamantis, ut omnes physicè tangereot,

3 Pessimè conclusisti non posse simul stare cum dubio de invaliditate, intentionem recipiendi Ordines. In S. Genesio Comedo stetit simul error de validitate baptismi imò derisio, & valida ejusdem susceptio: Etiam si præcedenter positivè noluiſſes ordinari, dic, processisti nè, ut ebrius, vel amens, ad Ecclesiam, induisti te vestibus sacris, appropinquasti Episcopo, extendisti manus ad tangendum &c., vel fecisti hæc omnia more humano? si hoc secundum: qua intentione? illa certè, quam exiget ipsum opus. Hæc autem fuit efficax, quia posuit opus; ideòque retractavit priorem contrariam. Concedo potuisse poni à te  
omnia

omnia illa cum intentione contraria, & tunc non fuisses ordinatus juxta Theſim 28. Alexandri VIII. Sed ubi non amens illa fecisti, aut te conformabas Ecclesiæ, aut contrariam habebas: hoc secundum negas. quare fuisti validè ordinatus.

4 Sponsalia priùs contracta non invalidant Ordines: imò neque ordinationem faciunt illicitam, ubi Virgo te liberasset à promissione, vel aliud adfuisset obstaculum, ex enumeratis in c. *Quemadmodum* de iur. Id explica.

5 Metus Patris potuit esse levis, & gravis, seu cadens in constantem virum: Explica, qualis fuerit: primus nihil officit. Si fuit alter: distingue, quod in ordinatione provenit jure naturali, ac divino, vel Ecclesiastico. Juris divini est impressio characteris; quare hunc nullus metus etiam gravissimus impedit, quia taliter factum de sui natura est simpliciter voluntarium. Idem dic de voto simplici naturaliter obligante. Quæ autem proveniunt à jure huæano, si fiant ex metu cadente in constantem virum, sunt invalida, ex eodem jure. Cum hoc metu emittens vota solemnia non obligatur Religioni, sed in conscientia debet servare vota, ut simplicia, nisi specialiter in conscientia dispensetur. Subdiacónatu; Castitas annectitur jure Ecclesiastico; nam eis ordinans dicit: *Si susceperitis hunc Ordinem non licebit resilire, sed oportebit servare castitatem*: non exigit ab eo promissum;

sum; ideò in Extrau. *Antiqua* Jo. 22. præcipiuntur Ordinarii per censuras compellere ad cohabitationem, ordinatos post matrimonium ratum; quod non esset, si verè voverent; nam valeret, ut votum simplex, quod Ecclesia permittit violari, sed non compellit: Communiter quidem dicitur votum; & tu loquere cum pluribus. At in rei veritate, si fuisses ordinatus invalidè, non teuereris esse cælebs, ad differentiam profitentis Religionem. Hic, ubi validè profitetur, juxtà sententiam S. Th. adeò tenetur, ut neque dispensari possit à Papa, quia talis voti solemnitas est de jure divino. At se facere alicujus Religionis, seu Reip. membrum subiacet legi humanæ, ac duarum Civitatum Princeps potest prohibere, ut Civis unius acceptetur in altera, & Papa supremus Hierarcha Religionum prohibuit fieri membrum Religionis eum, qui ex metu gravi profitetur: quare, hoc probato, declaratur liber.

6 Equidem ordinatus ex tali metu, in conscientia, non incurrit obligationes: At cum in propria causa nemo sit Judex, etiam in conscientia debes recurrere ad superiorem, qui prius declaret te ordinatum invalidè. Potes enim multipliciter decipi, ac 1. judicare gravem metum, qui talis verè non est. 2. metus gravis invalidat, quousque perseverat vel in se, vel in causa. Dic ergo, an adhuc vivat tuus pater, qui fuit causa, dic violentiam illatam;

Esto



Esto metu mortis te adegerit , si mortuus est , nec statim reclamasti ad legitimos Judices ; ratificasti saltem tacitè ordinationem ; & idem est , si adhuc vivens cessit violentiæ.

7 Sed fac istam adhuc durare adeò evidenter , ut nulla possit in foro interno tergiversatione cædari , eris fortè deobligatus à recitando privatim officio, nec committes in conscientia sacrilegium, violando castitatem; sed absolutè nego potuistè te , absque gravi peccato subducere à reliquis duabus obligationibus deferendi habitum , & non nubendi . Coram Ecclesia vidente solum , quæ parent, es Clericus: quare in ejus conspectu , teneris ad leges Clericales , quousque judicialiter non facias constare contrarium. Ita etiam fert stylus, nec audieris , nisi priùs te separet à fœmina, & resumpseris vestes .

8 Quod addis de ignorantia invincibili , si hæc cadit super omnes particulas casus , & præsertim super tactu morali materiæ, ne fidas quibusdam Doctoribus asserentibus posse per illam ordinatum procedere in sui ordinis executione , quia Thesis :. Inn. XI. tangit solos conferentes, non recipientes sacramenta: Uti-que , non incidisti in formaliter damnatum , *ut jacet* , sed ratione Theologica convincitur dubia fuisse ordinatio: Damnatur enim Thesis, quia non licet exponere sacramenta periculo nullitatis , cui tu ita recipiens exposuisti : quare si dubium subsistit , iterum ordinari debes

debes sub conditione . Sed audi Superiores legitimos .

9 P. Ego , ante legitimam ætatem , cum falsis dimissoriis , fui ordinatus in Subdiaconum a quodam Episcopo , postquam pluries tentaveram alios per multum tempus , & recusarunt : Dictum ordinem solemneriter exercui etiam pluries ; At ignorans invincibiliter , quod suspensus exercens incurrit irregularitatem ; Nunc vellem absolvi à suspensione incurfa .

C. Si credens invincibiliter te ætatis legitimæ accessisti ad Ordines , non peccasti , per consequens nec incurristi pœnam suspensionis ; ubi nota , ut evadas pœnam canonicam , minus requiri , quam , ut evadas peccatum : quia dictæ pœnæ , ut tales incurruntur solum propter contumaciam : Vide 1.p.c.17. n.11. & hic c.66. n.29. Dic , an cognito errore , statim abstinueris ab exercitio ; si adhuc exercuisti , & peccasti , & incurristi suspensionem : si abstinuisti , eum primum complēs ætatem , potes statim exercere . Ob dimissorias , ultra crimen falsarii , remanes suspensus .

9 Sed & aliæ sunt causæ suspensionis , quas oportet explicare , si vis absolvi : nam 1. dic , an Episcopus fuerit tuus Ordinarius , nempè , originis , domicilii , vel Beneficii . Addis ad longum tempus te vagatum in aliis Diœcesibus ; explica , num horum habueris testimoniales ex Bulla Inn. XII. & quidem singulorum , si per trimestre fueris commoratus . Juxta opinionem  
nem

nem S. Th. (quam vide in Inst. Cl.c. 20. n. 21.)  
solemniter exercens in peccato mortali Ordines, etiam Minores, peccat mortaliter, est enim naturale præceptum exercendi sancta sanctè. Si tu exercuisti suspensus, ulterius es irregularis, estò invincibiliter ignorares; quæ effect ignorantia juris difficile supponibilis. At supponamus; Inhabilitates ad Ordines, ut impedimenta matrimonii incurruntur etiam ab ignorantibus. Equidem irregularitas ista oritur ex delicto; Hinc si non deliquisses, non incurrisses: At ubi confiteris delictum, sequitur irregularitas ex lege Ecclesiæ: Non solum igitur indiges absolvi à suspensione, sed etiam dispensari ab irregularitate. Dic, an sint occultæ: nam tunc ex Trid. sess. 24. cap. 6. adire poteris Episcopum.

10 P. Sacri Canones docent illud esse occultum, quod aliqua potest tergiversatione cæleri. Porro soli duo complices norunt falsitatem dimissoriarum. Super testimonialibus fui inquisitus; At per testes falsos probato me solum transisse per alienas diœceses, fui ex capite innocentiae absolutus. Delictum in ordinatione commissum fuit occultum, sed exercui publicè.

C. In multis materiis, occultum dividitur contra manifestum, quod nulla potest tergiversatione cæleri. Occulta est Clerici percussio ita cælabilis; ideò non teneris vitare talem percussorem. Sed Trid. accipit occultum pro  
eo,

—eo, quod non potest probari per duos legitimos testes. Hinc illa falsitas est occulta: nam idonei testes non sunt complices: tamen si rem deduxissent ad forum contentiosum, non potes dispensari ab Episcopo, nisi præcederet sententia absolutoria fori externi, quæ quia super testimonialibus præcessit, potes absolvi, & dispensari, estò apparueris innocens per falsos testes, dummodo non possis ulterius convinci per veros; At si sententia non fuit data ex capite innocentia, sed solum es dimissus ex defectu probationum, cum onere alias te præsentandi, nihil Episcopus poterit, sed erit recurrendum ad Papam.

10 Quia delictum est occultum, Episcopus potest in te, quamvis incurreris irregularitatem publicè exercendo. E contra non posset, si delictum esset publicum, & incurrisses occultè exercendo, celebrando &c. Super quibus non dubites: nam in omnibus ita decidit Sac. Cong. Conc. licet hic non possim adducere decisiones ejusdem Authenticas.

11 P. Ego, ut possem ordinari, pactus fui cum Beneficiato, dare illi centum scuta, si mihi cederet suum beneficium habens redditum viginti scutorum, cujus fructum possedi, licet nondum Sacerdos; & cum fui ad illud institutus, habui animum renunciandi meo Nepoti, & nubendi: Reiterata intentione ascendendi ad Ordines, quia Beneficium erat insufficiens, conveni cum alio, ut suppleret patrimonium,  
jurans,



jurans ( absque animo tamen) me nunquam exacturum fructus: ille decem scuta mihi constituit super domo hypothecata Creditoribus: Alia decem super fructibus cujusdam Cambii. Quia beneficium erat tenue, nunquam, ante Subdiaconatum, recitavi Officium.

C. Pactum illud fuit mera simonia; ideo incurristi excommunicationem Papæ reservatam, & perpetuam inhabilitatem ad alia consequenda, estò simonia fuerit occultissima, nec ad habendum in eo jus, juvaris pacifica trienniali possessione: Injustè percepisti fructus, & teneris reddere non renuncianti: nam hic per simoniam, ipso facto amisit beneficium, & pecuniam collatam, sed Ecclesiæ, vel pauperibus.

12 An verò non Sacerdos possit percipere fructus beneficii: distingue; si institutio exigat prius esse Sacerdotem: Tu, omittendo hanc conditionem, invalidè accepisti, & teneris restituere fructus: si sacerdotium non exigebat specialis institutio, sed generalis dispositio Canonum, dic, an fueris in tali ætate, quod infra annum poteras ordinari Sacerdos, tunc licitè accepisti; aliàs non; quia collatio beneficii fuit nulla.

13 In qua positivum habens animum renuncianti, gravissimè peccat, ac in Urbe pejerat, quia hic omnes jurant, non se subicere examini cum hoc animo. Potes equidem dimittere, sed non habere animum dimittendi, quando subis examen.

14 Fingens patrimonium peccasti, & incurristi suspensionem. Fuitque perjurium jurare absque animo faciendi, quod verba præferebant.

15 Ex c.35. n.6. dolosè jurans adhuc obligatur juxta intelligentiam ejus, cui juratur; At non in nostro casu, quia ex Trid. patrimonium, quoad fructus, acquiritur ordinato, & sibi imputet, qui contra legem voluit fructus, Domus, super qua constituit partem patrimonii, vel erat hypothecata generaliter Creditoribus, vel specialiter cum traditione pretii locationis; In hoc casu fuit etiam fictio: nam Clerico fuit assignata portio a non domino. In primo tui erunt fructus, quos specialiter habuisti. At fuit grave peccatum, & teneris ad restitutionem, si acceptasti sciens donantem esse imparem satisfaciendi suis debitis.

16 Fuit etiam fictio in assignatione fructuū super Cambio: nam patrimonii titulus esse debet ad vitam: & potest ordinatus remittere parentibus, vel alteri fructus. At nunquam se obligare ad remittendum, nisi convenirent, quod remittet, quando alias fuerit provifus de competenti beneficio, vel alio redditu.

17 Existimo, si fuit beneficium legitimè collatum, te mortaliter peccasse in omiffione officii: nam, quidquid aliqui doceant, mihi non videtur tam tenue beneficium viginti scutorum, quod deobligeris; & ita sentiunt ferè

omnes

omnes Canonistæ , quibus in materia canonica est credendum .

18 P. Ego provifus de beneficio Parochiali, distuli me conferre ad residentiam : Ab hac etiam me absentavi aliquando , sed ex causis gravissimis : Absque ulla fidei professione commoratus in cura , semel egrotus per trimestre , non potui celebrare : Quoties celebravi, semper obtuli missam pro diversis; etiam fructum mihi correspondentem : semel excommunicatus celebravi , accipiens eleemosinam consuetam pro missa: Semel accepta eleemosina unius julii , non obtuli pro dante : Alias jussus celebrare ad Altare privilegiatum , in eo non celebravi; sed alibi, & supplevi suffragio defuncti per visitationem Ecclesiæ habentis Indulgentiam applicabilem Defunctis .

C. Notabiliter protrahere residentiam est de natura sua peccatum mortale . Si verò juraveras , quantocyus te conferre , fuit sacrilegium .

19 Dic igitur quantum temporis distuleris ; & pro quanto te absentaveris ; Si beneficium esset residentiale , sed sine cura , non potuisses abesse , *ultra tres menses*. Quia est cum cura, non potes abesse ultra duos ; *nisi ex gravi causa*, cum licentia in scriptis Episcopi; Ulterius absens peccasti mortaliter toties quoties ; & in qualibet vice , dic tempus : nam potuit esse tam longum, ut variet iudicium Confessoris . Fructus non fecisti tuos , & teneris

restituere pauperibus , aut fabricæ, super quibus non potes componere , quia Trid. prohibet omnia hæc .

20 Pariter differens professionem fidei, ultra duos menses, fructus non fecisti tuos . Facienda tamen est in manu Episcopi : quare Parochus passivè se habet , non activè : debet enim induci ab Episcopo : quare paratus facere, nec faciens , quia non curat Episcopus , in nihilo habet imputari .

21 Super applicatione missæ Parochialis pro populo, S. C. C. decrevit, fore applicandâ quotidie, si redditus sint pingues . Si verò sint tenues, saltem diebus festis . Cum hoc stat, te potuisse semel in hebdomada , ex reverentia , seu alia causa honesta omittere; si tamen celebras , debes offerre pro populo ; nec potes ab alio accipere stipendium ; & si quidem egrotasti diebus festis , quia tenebaris providere populum de missa, supplens in hoc tuas vices, debuit etiam loco tui , offerre pro populo .

22 Si autem applicasti pro diversis , explica, num obtuleris ex charitate, vel ex justitia, ob acceptum stipendium, quia in hoc secundo peccasti mortaliter . Dico, *si fueras obligatus ex justitia* , & notâ fructum missæ non vendi , quia esset gravissima simonia; unde nequit esse materia justitiæ , sub qua solum cadit pactum à te ultrò initum applicandi fructum, offerenti sustentationem , juxta Ecclesiæ consuetudinem, concedentis hoc pactum in missa, non in aliis



aliis spiritualibus ; ideò esset simonia hoc modo pacisci v. gr. super sacramento baptis-  
mi &c.

23 Accipere stipendium pro applicatione fructus Sacerdoti correspondentis, est 8. The-  
sis Alex. VII. Ego insuper existimo non posse applicari ex charitate : nam ex 1. Cor. 10. *Qui edunt hostias, participes sunt Altaris*. Ergo jus naturæ, ac divinum stabilivit fructum sa-  
crificii participari debere a Sacerdote ; nec possum cedere alteri, quod meum fore voluit Deus, & natura.

23 Tres fructus in missa possunt conside-  
rari : primus ex opere operato, per quod ap-  
plicantur satisfactiones, & merita Christi eis,  
pro quibus volo applicare : Alter ex opere  
operantis Ecclesiæ, cujus nomine offertur sa-  
crificium, & preces missæ : tertius particula-  
ris ex opere operantis Sacerdotis : Hic nullus  
est, ubi Sacerdos celebrat cum mortali : Ne-  
que secundus provenit, ubi Sacerdos est ex-  
communicatus denunciatus, quia pro tali  
statu non agit, ut Minister Ecclesiæ ; Est reci-  
sus : Primus semper correspondet, ubi verè sa-  
crificatur ; stipendium sustentationis datur  
pro hoc saltèm principaliter : quare licèt gra-  
vissimè peccaveris, tamen offerens stipendium  
habuit, quod petebat.

25 Estò accepisses unum obolum ; si non  
applicasti Missam pactam, peccasti mortali-  
ter, & teneris aliam applicare ; Parva utique

materia est julium ; At defraudas in sacrificii fructu , qui est materia gravis .

26 Mortale pariter fuit contrahere cum volente Missam ad Altare privilegiatum , & defraudare illum ; Omnis contractus debet esse mutnò voluntarius , & in modo tuæ satisfactionis nulla fuit voluntarietas compartis , à qua fueras obligatus applicare purgantibus Indulgentiam à Papa connexam fructui Missæ provenienti ex opere operato ; & propterea efficacius operatur , quam Indulgentia proveniens ex opere operantis .

27 P. Ego per triennium scandalosè vivens cum fœmina , exercui officium Parochiale ?

C. Ultrà ea , quæ teneris explicare circa speciem , numerum , circumstantias , actus internos , & externos Luxuriæ , adde , an fœmina fuerit tuæ Parochiæ , quia peccasti contra exigentiam tui specialis officii obligantis ex justitia legali dirigere subditos in viam salutis , non perditionis . Quam ampla sit Parochia , ut mihi constet numerus circumcirca scandalizatorum .

28 Ut autem , integrè , quantum fieri potest , confitearis ; explica specialiter : i. quotiès Sacramentum Pœnitentiæ , Eucharistiam , & Extremam Unctionem . Non peto de matrimonio , cui non est mortale adstare , vel excommunicatum . Quotiès celebraveris ( in qualibet Missa commisisti duplex sacrilegium )

quo-

quotiès benedixisti juxtà Rubricas Ritualis ;  
Quotiès prædicasti , vel docuisti Doctrinam  
Christianam in Ecclesia , ex officio . In om-  
nibus enim his , juxtà S. Th. peccasti morta-  
liter .

29 P. Quid importat Concilium expli-  
cans Parochi munus illis verbis : *Oves suas  
agnoscere , pro his sacrificium offerre , pascere  
prædicatione verbi divini , administratione  
Sacramentorum , & exemplo bonorum omnium  
operum , pauperum , aliarumque miserabilium  
personarum curam paternam gerere ?*

C. Tripliciter homo potest cognosci : 1.  
per scientiam publicam, quæ supponit jurisdic-  
tionem in foro externo , & acquiritur per tes-  
tes coram Notario examinatos . Hæc nulla-  
tenùs competit Parocho : 2. per confessionem  
sacramentalem in foro interno . Pro hac Pa-  
rochus principaliter deputatur , & est obligatus  
per eam subvenire Ovibus , eo præsertim  
tempore , quo ipsæ debent accipere Sacramen-  
tum Pœnitentiæ , ut in Pascha , & mortis ar-  
ticulo , peccaretque Parochus non se osten-  
dens paratum ita subvenire dictis temporibus ,  
& aliis , quibus solent fideles confiteri :  
nam quilibet accipiens iu. Repub. officium pro  
multitudine , debet illud exercere tum maxi-  
mè , cùm multitudo convenit , ad evadendas  
graves Reipub. perturbationes , quæ seque-  
rentur gravissimæ , si Parochus in hoc defice-  
ret : nam fideles averterentur à frequentia Sa-

cramentoræ . Nullatenus tamen obligantur subditi se cognoscendos præsentare Parocho in hoc foro , sed sufficit , si se præsentent habenti jurisdictionem delegatam ab Episcopis .

3. Cognosci potest subditus , velut æconomice , in sua externa conversatione Christiana . Inter secundam , & hanc cognitionem est differentia , quod illa credit Pœnitenti pro se , & contra se : Ista non credit , sed , ad modum Patris familias examinat indicia : quare Parochus in confessione credit filiæ neganti stuprum , contra dictum Matris : Extrâ confessionem verò credet Matri , quæ dat indicia stupri contra filiam , & adhibebit remedia , quasi fuerit Rea .

30 Super hac externa conversatione perquires principaliter , quæ principaliora sunt in vita Christiana , quod Infans baptizetur quàm primùm , sub debitis materia , & forma , juxtâ Ritus S. R. E. quod baptismi formam sciat Obstetrix , quod puer ad usum rationis veniens discat Doctrinam Christianam , quod sciant festa , & jejunia , quæ propterea prænunciabit Populo in festo præcedenti ; sciant modum recipiendi Sacramenta Pœnitentiæ , & Eucharistiæ , sicut etiam necessaria Infirmis pro Extrema Unctione . Perquiret , num , inter conjungendos matrimonialiter , adsit impedimentum dirimens , vel impediens . An in Parochia sint scandala , num conjuges vivant in pace , num sint inimicitie &c. Omnia cognoscet,



fecit, & aliquorum notitiam firmabit in scriptis, ut baptismi, & matrimonii &c. juxta Rituale.

31 Superius est explicata necessitas prædicationis, Sacramentorum administrationis, & boni exempli, restat de cura pauperum &c. Hæc debet esse paterna, qualis, nempè, est Patris erga filios, pro quibus thesaurizat, non è contra; Filius Patrem sustentat *ad horam*, seu in necessitate, sed Pater providet filio ad vitam. Parochiani ergò sustentabunt Parochum in necessitate constitutum: Parochus verò in spiritualibus, & in temporalibus, providebit Parochianis ad semper; & de spiritualibus, ut dictum est supra: Quoad temporalia verò quousque sunt pauperes, aut miserabiles: Hi enim, quoad hæc, sunt sub sua cura speciali: quare juxta conditiones Parochiæ, si non competunt sibi facultates, monebit ditiores, à quibus colliget, uude possit subvenire pauperibus: Infirmi, & præcipuè moribundi, sunt etiam miserabiles, quibus propterea providebis de Sacramentis tunc necessariis, visitabit &c.

32 P. Me omnium votis ab Episcopo approbatum ad Parochiam, alius per appellationem injustissimam vexabat: Quia debebam subire multas expensas, ut redimerer à vexatione, conveni solvere Adversario medietatem expensarum à me faciendarum, & aliam donare Ecclesiæ. Alias Mediatori, tanquam

ex gratitudine , post collationem , dedi centum aureos : Episcopus cum intentione , sed nulli manifestata , mihi contulit beneficium , & ego vicissim dedi munera , cum eadem occulta intentione . Æxistens vltra Montes iussi meo Procuratori in Curia Principis , ut promitteret grande xenium pro obtinenda gratia temporali , & simile xenium iussi , ut in Curia Romana daretur pro obtinenda iustitia in materia pariter temporali .

C. In primo casu peccasti peccato simoniæ : incurristi excommunicationem : Parochia fuit nulliter collata , fructusque usurpas , ut fur . Equidem S. Th. docet , posse pecunia redimi vexationem injustam ; sed ubi læditur iustitia commutativa . Supponamus ; quod Superior sit læsurus distributivam , nisi conferat tibi : nondum tamen habes jus ad Parochiam , quousque tibi non sit collata finaliter : nam appellatio suspendit omne jus . Si autem hæc sit frivola , & id evidenter tibi constet , nihil acquiris : nam interposita judicialiter , suspendit omne jus , quousque judicialiter res definiatur . Hoc medio tempore licitè stas in possessione , juxtà Concilium , & casu , quo per appellationem decidas , debetur tibi congrua portio fructuum ab Episcopo taxanda : sed taliter pacisci cum Aduersario , etiam in Ecclesiæ utilitatem , est mera simonia intrinsecè mala . Et nota , quod sunt diversa hæc duo : *Simonia est intrinsecè mala , & Dare*  
tem-

*temporalia pro beneficio est intrinsecè malum:* Illud est verum, hoc falsum: quare Papa non subjectus legi Ecclesiasticæ, si exigeret pro beneficio, non peccaret, quia respectu illius, non est simonia: Subjecti autem, si accipiunt, sunt simoniaci, nec ad vitandam mortem possunt accipere, quia hoc ipso, quod Ecclesia posuit accipere sub vitio irreligiositatis, est intrinsecè malum: sicuti sunt diversa: *comedere carnes in die Veneris; & comedere carnes, ut hæc comestio est protestativa fides:* hoc enim ipso, quod respicitur sub tali nota, est intrinsecè mala.

33 Ad 2. Explica, quis fuerit Mediator: si erat Examiner, fuisti simoniacus: nam isti, nec ante, nec post, possunt recipere: Id constat ex Concilio: Etiam ex Thesi 45. Innocen. XI. est simonia, si dedisti. aliis ex gratuita compensatione: In omni enim permutatione rei ad rem, servari debet æqualitas, & proportio: Arithmetica, si est materia commutativæ: Geometrica verò, si sit aliarum virtutum: Spiritualia verò, utpotè infinitè distantia, utroque modo sunt improporcionabilia: Tamen in praxi adhuc distingue: vel dedisti Mediatoribus obligatis concurrere, & fuisti simoniacus: vel non obligatis, & subdistingue: vel antea promiseras, vel non: si primum: fuisti simoniacus, quia promissio manifestata parti inducit iustitiam, quæ nequit hic habere locum: si secundum, & dedisti solum

lum liberaliter, hoc licet, nullo habito respectu ad proportionem, quia liberalis est correspondere Benefactori, non proportionaliter, sed in quo potest.

34 Ad 3. Ex c. *Mandato* de sim. ambo peccastis mortaliter ob animum pravam; sed neuter incurrit excommunicationem; Et provisio in te facta est valida: Potes retinere beneficium, & fructus: nam istis pœnis subiacet solum pactum simoniacum, & non iactentio.

35 Ad 4. Temporalia, utpotè proportionabilia possunt permutari, & vendi: quare de se non est mortale pacisci pro gratiis temporalibus. Bulla Alex.VII. prohibet hæc pacta, pro obtinendis temporalibus à Sede Apostolica, ejusque Ministris. Ideò, nisi aliud obstet, nihil peccasti, paciscens pro aula Principis Laici, vel Ecclesiastici, aut Cardinalis, etiam Legati, quamvis pro his promitteres in Urbe. Si tamen pro temporalibus habendis à Curia Romana paciscaris in Indiis, excommunicationem incurris, & gratia est nulla; Ergo explica distinctiùs casus; & 1. ex Calepino xenium significat donum illud, quod Hospitibus mitti solet: Diversatus, v. gr. fuisti apud me, & rediens domum, mihi mittis aureum vas centum librarum, juxta dignitatem tui status, hoc est xenium: si è contrà ingrediens domum, pactus fuisti mecum de quota menstrua multò minore, hoc non est xenium



xenium, sed venditio operarum, seu locatio &c., quanquam mittas dictam quotam post mensem, & annum. Ad hanc justitia obligat debito rigorofo; ad illud gratitudo, vel liberalitas ex convenientia; & primum permittit Bulla Alex. non alterum: si ergo præcessit pactum, esto utaris nomine xenii, peccasti: 2. explica, quoad Curiam Romanam, quia fortè peccasti mortaliter, & incurristi excommunicationem, & gratia fuit nulla: 3. explica, num jufferis promittendum, vel dandum ante consecutionem justitiæ, vel post: si post: nihil officit, etiamsi antea jufferis tuo Ministro; nec enim prohiberis præcipere actum liberalitatis &c. Ulterius, vel justitia erat in damnum tertii, vel non: si primum: ut, quod insisteret tuum hostem daminari ad triremes, etiamsi fuerit sola pollicitatio, incidisti in Bullam: si non fuit in damnum, requiritur promissio, nec sufficit pollicitatio: Differentiam inter hæc duo, vide in Inst. Cl. c. 40. n. 78.

## C A P U T LXXIII.

### *Praxis super quibusdam statibus Sæcularium.*

1 P. **E**GO, scrupulis angor ob officium  
Judicis diu exercitum; & 1. ac-  
cepi pecuniam, ut darem sententiam justam:  
2. ut

2. ut darem injustam : 3. judicavi , iuxta minus probabilem , in favorem Rei : 4. processi ad inquisitionem criminis ex depositione duorum testium ; sed hoc fuit initio muneris , quando adhuc eram imperitus . 5. Reum constitutum interrogavi super aliis delictis .

C. Ad 1. Peccasti , vendendo , quod tuum non est , scilicet , justitiam , quæ erat partis . Dic quoties , in qua , & quanta materia , si famæ , bonosum &c. nam teneris ad damna in his illata . Et si officium hoc esset tibi occasio proxima , non possem absolvere , nisi prius dimitteres . Præcipuè debes distribuere pauperibus pecuniam acceptam , quia nec potes retinere , nec restituere danti .

2 Ad 2. Peccasti gravissimè , sed aliqui docent pretium posse à te retineri , quia non obligaris dare injustam ; ideò vendis , quod est in tua manu , sed ego dico erogandam pauperibus , quia teneris non dare injustam .

3. Ad 3. Ex 2. Innoc. XI. Judex nequit judicare juxta minus probabilem . Sed tu adverte in hac materia judicii , esse consideranda fundamenta non solum intrinseca , sed etiam extrinseca legum &c. Si hæc omnia simul considerata faciunt majorem probabilitatem , teneris judicare juxta hanc , licet , spectatis rationibus intrinsecis , contrarium esset probabilius : Agitur , v. gr. , num Petrus occiderit ; & indicia talis facti concludebant probabilius Petrum occidisse . Hoc est judicium facti , super

per quo non habes judicare. Deo relinque hoc. Tuum est judicium personæ, si es Judex: nam aliàs multò minùs debes. In hoc, ut rectè judices, considera non solùm indicia temporis, loci &c. sed insuper, quod *nemo præsumitur malus, nisi constet* certitudine tali, quæ in moralibus habeatur, saltèm per duos testes omni exceptione majores; ubi hæc defuit, erat è contrà certum à te non posse damnari Petrum, licèt indicia ex intrinsecis probabiliùs concluderent delictum.

4. Ad 4. Inquisitio potest esse quadruplex: prima generalis, qua in universali de omnibus quæritur, an deliquerint: Hanc faciunt Visitatores Ecclesiastici, dum visitant generaliter, inquirentes, utrum aliquod delictum vigeat in subditis. Hanc innuit Christus præcipiens: *Si te non audierit, dic Ecclesia*; Subditus in hoc casu obligatur denunciare, si hoc medio sperat emendam fratris; & hanc emendam debet solùm intendere, ad quam promovendam potest dare pœnitentias salutare, conservando Rei famam &c. Secunda est inquisitio specialis, qua, de persona determinata, inquiritur delictum determinatum: Ultimæ duæ dicuntur mixtæ: differuntque: nam una de persona determinata inquit delictum in genere, v. gr., si Petrus occidit: altera è contrà delictum determinatum inquit de persona in genere: v. gr., quis tali nocte occiderit: Dic ergo, quæ fuerit tua inquisitio;

tio; & si prima: num processeris ad pœnam, quia peccasti graviter: si secunda; dic, num ante inquisitionem habueris semiplenam probationem, quæ oritur vel ex publica fama, vel ex depositione unius testis omni exceptione majoris: Aliàs illegitimè inquiris, & Reus non tenetur tibi respondere. Idem dic in duabus aliis. Nec sufficit incipere juridicè, opus est progredi.

5 Dic ergo, an Reo expresseris delictum, de quo inquiris, an nomina testium contra se deponentium: Hos semper debes declarare, nisi crimen sit læsæ majestatis divinæ, (qualis est hæresis) vel humanæ: si concessisti defensiones &c.

6 Quod addis te processisse ex depositione duplicis testis, non sufficit, nisi præcesserit infamia, *nec enim ex cap. Inquisitionis de acc. potes reputare infamatum, propter paucorum dicta eum, cujus læsa opinio non existit apud bonos, & graves*. Imperitia, quam præ te fers non excusat, imò aggravat peccatum, quia est ignorantia juris, non facti; & Juris, quod scire tenebaris.

7 Ad 5, Si delictum, de quo ulteriùs inquisivisti, erat aliquo connexum, utique poteris inquirere: Aliàs secus: Ideò potes inquirere complices, in casu, quod tale delictum debebat committi à pluribus, ut si furatus est arcam, quæ ab uno tantum nequibat deferri &c. vel de homicidio mariti secuto, ubi Reus est Adulterii.

8. C. Pos-



8 C. Possum nè aliquando procedere ad inquisitionem ex depositione unici testis .

C. Judex Ecclesiasticus non potest , quia debet sequi Canones præcipientes , ut supra , & solus Papa potest dispensare . Judex sæcularis potest in crimine læsæ Majestatis , & ubi Servus machinatur in Dominum . In reliquis hic in Urbe video, ad testimoniū Cursoris deponentis se præsentasse citationem, procedi contra Reum in contumaciam . Quæ sunt stabilita lege humana, possunt revocari per consuetudinem contrariam . Ubi tamen peccasti, teneris etiam restituere damna illata .

9 P. Aliàs 1. damnavi , quem certò sciebam esse innocentem , sed secundùm allegata , & probata apparebat Reus . 2. semel excommunicatus judicavi . 3. damnavi Clericum Assassinum in vim c. *Pro humani* de homin 6. prius ab Ecclesia extractum . 4. dubius , an Reus esset Clericus , vel Laicus , illum judicavi . 5. Damnavi Reum multæ pecuniariæ, quam mihi applicavi : Per menses distuli proferre sententiam .

C. Ad 1. Aliqui docent damnari posse ad poenam pecuniariam , non ad corporalem . sed ratio S. Th. concludit generaliter . Dic ergò, si eras Judex supremus , an subordinatus : Princeps enim potest facere gratiam, & in tali casu debet : subordinatus autem debet prius ponere omnia media possibilia pro saluando innocente , idest , subtilius examinare testes ,

ut fecit Daniel. Imò, & deposito Judicis officio, assumere coràm alio Judice personam testis ad favorem innocenris; Unde in praxi est casus metaphysicus, quod debeas damnare: sed S. Th. illum proposuit, ut Judices agnoscerent modum procedendi judicarium.

10 Ad 2. Nihil obest excommunicatio minor, vti neque major, si eras toleratus: At vitandus privatur pro tali statu, omni jurisdictione etiam temporali, quam usurpando, peccasti graviter: nam jurisdictio est bonum ita magnum, ut pro illa conservanda, Princeps licitè possit bellare, mortisque periculo exponere omnes Vassallos.

11 Ad 3. & 4. Sit regula generalis, quod ubi duæ potestates, inferior, & superior disputant de sua jurisdictione, judicium finale habens decidere, cujus verè sit, competit Superiori. Utique in *c. Pro humani* Clericus Assassinus, in generali traditur brachio seculari. Sed ultrà præmissam hanc universalem, ut Laicus licitè judicet, per scientiam publicam, debet præmittere hanc particularem: *Iste Clericus est Assassinus*. quod esto sit notorium notorietate facti, ut judicares, debebat tibi constare per scientiam publicam, quæ est via juridica perveniendi ad judicium, hoc est, per depositiones factas coram Notario legitimo, & per declarationem à suo Judice, criminis commissi. Idem dic, ubi Gregor. XIV. Reos esto Laicos concedit extrahi posse à loco sacro:

nam

nam potestas Superior, hoc est, Episcopus, ut concedat Reum, debet scire, an ille commiserit crimen indignum immunitate, debetque scire per scientiam publicam; quare non sufficit videre processum Judicis Laici: nam hic facit scientiam publicam in foro Laicali, non Ecclesiastico. Episcopus ergo debet prius judicare, quod immunitas in d. casu non suffragetur.

12 Ad 5. Si eras Judex Ecclesiasticus, debebas applicare mulctam locis piis, vel pauperibus. Et si prætendis esse pauper, explica ex quo capite, ut hic, & nunc judicem, an licite potueris tibi applicare: Ulterius, an fuerit cum scandalo, quod tenebaris avertere, cum valde scandalizentur videntes Episcopum, esto pauperem, sibi applicares has mulctas. Si eras Judex Laicus, distingue: vel habebas dominium, saltè utile, ut sunt Comites, Duces &c. In hoc casu potuisti, & bona sic acquisita vocantur Allodialia; fiuntque propria; unde in dominio utili, finita linea investorum, transeunt in hæredem: si autem jurisdictio erat delegata tue personæ, malè applicasti, tenerisque restituere deleganti, nisi expressè, vel tacite fuerint tibi concessæ, Nota, me scire, quod ubi præsertim imminet periculum capitis diviti, nec instat damnum tertio, Judices, alique Ministri, clam accipientes pecuniam, suffocant causam: v. gr., damnandus ad mortem offert mille scuta, qui-

bus illecti Ministri fingunt torquere pro confessione Reum, sed verè non torquent: imò per totum tempus tormenti, placidè invicem fabulantur. Hinc Reus purgat indicium omne contra se, & scio in aliquo casu fuisse absolutum ex capite innocentiae: Rogati verò Ministri, qua id conscientia facerent, dixerunt in hujusmodi personis, quarum damnatio posset excitare tumultus, posse lui in ære, quod non luunt in corpore. Hoc fortè permitti posset, ubi servaretur ordo juridicus, & de consensu saltèm tacito Principis assumerent pecuniam, quæ tanquam multa solvenda post sententiam, spectet ad Principem secularem: sed contingunt mille fraudes testium fessorum, actuum diminutorum &c., nec unquam Princeps justitiæ amantissimus vult illam vendi: quare hi consulant sibi.

13 Ad 6, Dic, an viis legitimis distuleris; hoc licet: si verò distuleris unicè ob tuum commodum, vel quia noluisti studere, ut dares lucrum majus Advocato, ut haberes majora munera à partibus tu, vel tui domestici, peccas mortaliter, & teneris ad reficiendas expensas utrique parti per te graviter læsæ; pauperibusque restituere acceptat.

14 P. Advocatus pluriès suscepi defensionem causarum, quas judicabam minus probabiles; & pro medietate circumcircuiti fui victor; pro medietate succubui. 2. suscepi aliam à me creditam initio injustam, sed postea vici:  
aliam



aliam è contrà credidi à principio justam, sed postea fuit injusta. 3. usus sum astutiis. 4. aliquotiès patrocিনatus fui ambas partes adversas: 5. fui negligens in patrocinando. 6. Cùm multi soleant solvere stipendium annuatim, aliquando fluunt anni, absque ullo labore, nihilominus recipio stipendium. 7. Alii solvunt annuatim, & ubi vincunt lites, exigo quatuor pro ceutenario litis patrocinatae. 8. scæel excommunicatus adhuc volui patrocinari. 9. Idem post susceptos ordines, etiam in causa criminali. 10. Factus Judex cause, quam primò defenderam, quia sciebam esse justissimam, judicavi statim in favorem Clientis, nè pateretur dispendia expensarum: 11. vellem scire, quando tenear advocare pro pauperibus.

C. Ad 1. Thesis Innoc. XI. solum damnat Judicem, qui sententiat juxta minus probabilem; & meritò; nam obligatus ponderare partis utriusque rationes, debet inclinare in verisimiliores: Advocatus considerat solum rationes Clientis: quas tamen si cognoscit inanes, facit injuriam Clienti, ad id solum in lite expendenti, ut habeat lucrum ex victoria, non dispendia expensarum ex jactura, cui certò succumbet, si sint rationes minus probabiles, & ut tales cognoscantur ab Advocato: nam Judex sententiabit in favorem probabiliorum. Etiam infert damnum Adversario, qui habens contradictorem, tenetur

ad majores expensas . Primum potest vitari, admonendo Clientem, qui potest cedere juri suo; sed nunquam Adversarius voluntariè subibit damnum. Quidquid igitur sit, an vera sit speculativè universalis hæc: *Advocatus potest patrocinari causæ minus probabili*, ob damnum inde sequens, existimo in praxi non posse fieri, quando tamen talis est, omnibus pensatis: Hodie potest esse talis tibi, quæ cras non erit, post studium majus. Potest esse tibi, non Judici, & tu proponis, ut judicet juxta suum sensum: v. gr., exigere lucrum in mutuo est manifestè peccatum; & hoc dictat jus, Theologusque quæsitus in universali debet ita respondere; si verò addas, lucrum fuisse pactum ratione damni emergentis: Ex hoc facto novum oritur jus contrarium: Si ergo admonuisti Clientem de infallibilitate universalis; & ipse promisit in particulari adducere probationes legitimas instrumentorum, testium &c., ut probet damnum emergens, licitè incipis litem, & licitè prosequeris, quousque non constet tibi de vanitate damni, etiamsi hæc tibi appareat, quia talis poterit non apparere Judici, ut ostendit tuum additum, quod aliquando viceris causam, aliquando amiseris: nam est idem, ac si dicas Judicem aliquando existimasse probabiliiores rationes, quas tu credebas minus probabiles; imò, post sententiam, debuisti credere probabiliiores: debes enim stare sententiæ, foretque  
judi-

judicium temerarium, si affirmares fuisse judicatum juxta minùs probabilem, contrà conscientiam. Nequit ergo Advocetus sustipere causam minùs probabilem, sed potest suscipere, quam ipse hìc, & nunc privatim judicat minùs probabilem, sed sperat suo labore, ac studio posse Judici, discussis utriusque Partis fundamentis, apparere probabiliorem. Spes autem hæc semper extat, quotiès non utitur fraudibus, mendaciis, instrumentis, aut testibus falsis &c.

15 Ad 2. Dic, an justitia apparuerit, ante sententiam, & an statim cessisti; Aliter peccasses; ubi certò constitit: v. gr., repetebas creditum Clientis à Cajo, & per syngrapham apparuit solutio: si prosequeris, peccas; & teneris ad damna. Idem à contrario dic, quando à principio credebas injustam, singula metiendo, ut ad 1.

16 Ad 3. Explica sigillatim astutias, ut videam, si pervenerint ad mendacia, dolos, fraudes &c. Hæc enim, ut intrinsecè mala debuerunt abesse: At si processisti astutè, occultando Parti tuas rationes &c. hoc licet; Imò, casu quo dimitteres causam, adhuc teneris occultare tui Clientis secreta.

17 Ad 4. Patrocinium ambobus Aduersariis potuisti præstare in diversis causis. In eadem id Jura municipalia non permittunt, nec tolerant partes ipsæ, quia timent, nè non alteri Advocatus propria secreta revelet,

quod illicitè fit, ex numer. 16.

18 Ad 5. Explica, si tua negligentia intulit grave damnum, ut si noluisti legere instrumenta super facto, si non ponderare testimonium dicta, si non citare suo tempore, aut comparere coram Judice; undè Cliens fuit damnatus in contumaciam potius quàm ex defectu rationum sibi assistentium. In hoc casu peccasti graviter; & teneris ad expensas multiplicatas. Vide c. 70. à n. 17. de culpa lata &c. & applica hìc: Ubi talis negligentia non habuit locum, erit venialis in foro conscientiae.

29 Ad 6. & 7. Dic, an acceperis *moderate*, ut ait S. Th. *considerata conditione personarum, negotiorum laboris, & consuetudine patriae*: nam ex Aug. *Extorta per immoderatam improbitatem repeti solent, data per tolerabilem consuetudinem non solent*. Nota terminos illos, *extorta, & data*.

10 Ad 8. Si eras vitandus, peccavit Judex te admittens: prohibetur enim facere id in c. *Decernimus* de sent. exc. Actusque sunt nulli: Contra te nullus extat Canon: Si eras toleratus, injustè repelleris à Judice: nec enim adhuc privaris communione fidelium.

21 Ad 9. Clericus nullus potest agitare causas sanguinis; & si agitet quocunq; modo, vel advocando, vel judicando &c. sequaturq; mors, aut mutilatio, ex suo influxu, fit irregularis. In causa civili, nullus Clericus in sacris, vel Beneficiatus, in foro Laicali potest



test advocare nisi pro se, suis conjunctis (hoc nomine multi volunt intelligi etiam amicos) sua Ecclesia, & miserabilibus personis, aut pro una, vel altera causa. Hinc explica, si tuum patrocinium fuit juridicum, hoc est, ut acta exigebant. Potes privatim suggerere motiva Clientulo, informare Judicem &c. sed peccas, faciendo hæc in forma juridica. Si fuit causa sanguinis, etiam potes in uniuersali dicere, tali delicto annecti pœnam mortis, quia uniuersalitas nihil ponit in esse; nam operatio humana dependet non ab una, sed à duplici præmissa, quarum altera sit uniuersalis, altera particularis; ideò non peccat Confessor obligans pœnitentem ad faciendam iustitiam, & denegans absolutionem Judici, nisi faciat. Nec fit irregularis, ubi sequatur mors, ad quam inferendam Judex fuit motus ob denegatam absolutionem, quia Confessor præmisit: *Omittenti iustitiam debeo negare absolutionem*: cui uniuersali subdidit: *Tu omisisti iustitiam, ergo tibi debeo negare absolutionem*: Pœnitens verò eandem uniuersalem assumpsit: substituitque: *Nè hîc, & nunc mihi denegetur absolutio, inferenda est mors*, & de facto intulit: Sed si Confessor, diceret: *Nolo te in hoc casu absolvere, nisi occidas*: jam influeret in particularem, & per consequens morte illata, in irregularitatem. Si causa sit criminalis, & non sanguinis, potest Clericus agere in foro Ecclesiastico, ut de facto agunt, non in Laico.

22 Ad 10. Sæpè, in Urbe præsertim, Advocati fiunt Judices. Explica igitur, quomodo sciebas causam Clientis esse justam: si ex scientia solum privata, quod studens illi, agnoveras fundamenta inconcussa, peccasti graviter: nam scientia judicialis debet procedere ex scientia publica hausta ex testibus &c. in processu per Notarium examinatis &c. cognitis, comparatisque invicem partis utriusque fundamentis, quod tu non fecisti: Nec juvat vitatio expensarum, quia usus fuisti medio malo ad finem bonum; & debes vitare solas expensas injustas.

23 Ad 11. S. Th. obligationem Advocati ad patrocinandum pauperi, deducit ex principio universalis dictante nobis facere eleemosinas. Ideò, quæ subdo, appiica etiam Medico, & universaliter omni Christiano, ut sciat, quando sub mortali obligatur ad eleemosinam. Igitur evitabis mortale, si 1. subvenias pauperibus, qui occurrunt, nec obligaris, quærere per Urbem pauperes: 2. si occurras necessitati præsentis, nec obligaris providere in futurum: 3. si ante omnia provideas conjunctis, quomodocunque conjungantur sanguine, amicitia &c. taliter, quod magis conjunctos præponas: Fortè conjunctior tibi erit amicus tecum diversans, vel tibi adstans in negotiis præsertim spiritualibus, quam consanguineus in quarto gradu &c. 4. ut sub mortali obligeris subvenire pauperi, debet tibi appa-

apparere, quod non sit in promptu alius, qui subveniat: si enim appareat illum posse subvenire per se, aut subveniri per alium magis conjunctum, aut ditiozem, non teneris sub mortali; sed si adhuc subvenias facis, actum superogationis.

24 P. Ego Reus: 1. non juridicè interrogatus de homicidio occultissimo, respondi, me non occidisse, mentaliter subintelligendo *ad dicendum in hoc casu, ubi nulla erant contra me indicia*: 2. addidi, me neque potuisse occidere Petrum, accipiendo æquivocè Petrum pro ejus imagine chartacea: 3. quia imminebat mihi pœna mortis, dixi Accusatorem fuisse mentitum: 4. aliàs inquisitus de crimine capitali, imputavi mihi tale crimen, quo effugerem tormenta graviora morte ipsa: 5. nunquam subiui pœnas contra delinquentes à jure statutas.

Ad 1. Ex Thesi 26. Innoc. XI. fuisti mendax in juramento: quare perjurus. Idem existimo ad 2. ex ratione Theologica, quam fundo in Thesi 27. definiente scandalosam illam uniwersalem, quod possimus uti amphibologiis ob exercitium cujuscunque actus virtuosius: nam ita dissero: In tali casu uti amphibologiis est peccatum; & Amphibologia idem est, ac verbum dubium ad varios sensus: quare includit æquivocationem; nec aliud est peccatum: Aliàs assigna, cui virtuti opponatur: Porro mendacium est intinsecè malum. Ergo  
in

in primo casu , quia illegitimè interrogatus , poteras tacere verum , sed non dicere falsum : in secundo , si Judex legitimè interrogabat , ego credo te dupliciter peccasse tacendo verum , per omissionem , & mentiendo per commissionem .

25 Ad 3. Fuit calumnia in Accusatorem intrinsecè mala , ideò non potuisti ità iespondere ad evitandam mortem . Eodem modo est mendacium intrinsecè malum apponere sibi falsum crimen : quare patet ad 4.

26 Ad 5. Vel à Judice fueras damnatus ad dictas pœnas , vel non : si hoc : subdistingue : nam si fuit censura Ecclesiastica , & Canon dicebat ipso facto incurrendam , peccasti toties , quoties , & exercendo actum Ordinis ex Officio , incurristi irregularitatem , quæ non est pœna , sed inhabilitas , licèt aliquoties oriatur ex culpa : si Canon, vel præceptum illud non expressit, es immunis à peccato, quousque non prodeat sententia : si primum explicita , num pœna fuerit privativa, hoc est privans te aliquibus bonis , ut patria , officio , voce activa &c. & peccasti, non solvens hanc pœnam : si positiva : iterùm subdistingue : vel fuit ex illis , quæ si exercentur , possunt esse actus virtutis , ut jejunare , confiteri &c. Peccasti has omittens : vel ex illis , quæ non possunt exerceri virtuosè, sed tantùm tolerari patienter , ut mori fame &c. Omittens hæc, non peccasti .



C A P U T LXXIV.

*Praxis super aliis quibusdam statibus  
Laicorum.*

I P. **E**GO, Pater, fui laureatus in Medicina, ob pecuniam, sed vix in ea instructus, neglexi studere ulterius, ex cuius studii defectu, duo infirmi ad meas manus obierunt; sæpius etiam neglexi curam infirmorum. Semel applicui medicinam, dubitans, an profutura esset. Semel applicui medicinam, ex qua contigit immunditia, & aliam, ex qua contigit abortus. Omitto apud nobiles revelare gravitatem morbi. In cura fœminarum patior plurimas commotiones libidinosas: Facillimè indulgeo infirmis, ut relaxent jejunia: Nunc autem, ut caveam à tantis periculis, opto Clericari.

Ad 1. Cooperatus fuisti peccato acceptationis personarum, quod Laureantes commiserunt, toties, quoties institisti pro laurea. Peccatum hoc consistit in eo, quod persona respiciatur ex alia causa, quam ea, propter quam illi est confidendum munus. & laurea hæc conferri debet ob talem scientiam, non ob pecuniam, favores &c. Ulterius, si saltèm virtualiter intendebas exercere, exposuisti te periculo tot peccatorum, quot circumcircuit potuisses curare infirmos, habita ratione loci, temporis &c.

2 Ad

2 Ad 2. Negligens studium peccasti mortalitèr, quotiès omifisti discere omninò necessaria tuo muneri; Dic tempus negligentiae, quia est peccatum continuatum contrà praeceptum negativam obligans semper, & ad semper.

3 Ad 3. Imputatur tibi mors illorum duorum, quia dabas quidem operam rei licitæ, qualis est cura infirmi, sed non adhibuisti diligentias tibi ex officio sub mortali debitas. Ulteriùs explica, quot alios circumcircà curasti; nam te totiès exposuisti periculo illos occidendi; estò per accidens vixerint.

4 Ad 4. Explica, si Infirmus erat omninò desperatus; nam tunc nemini faciens injuriam, licitè potuisti experiri pharmacum, quod poterat sanare. Dixi omninò desperatum: Peccasti enim; si mortalis quidem fuit infirmitas, at diu protrahibilis, & tuum pharmacum, de se habebat statim interimere, vel statim sanare. Dic, num solùm dubitares, an profutura esset, vel ulteriùs, an etiam nocitura. Primum fuit peccatum omissionis, ubi alia tibi erat, quam verosimilius credebas profuturam: alterum est commissionis, quia dedisti, quod verosimiliter poterat nocere.

5 Ad 5. Medicina illa vel erat necessaria curationi, vel non: si hoc secundum: peccasti mortaliter peccato contrà naturam, si, ut in pluribus, habebat hunc effectum, estò non intenderis: qui enim vult liberè antecedens,  
indi-

indirectè vult consequens : si primum : subdistingue : si enim intendis , es causa , & peccas : si non intendis , neque indirectè dicitur volita , ob necessitatem : Adhuc generaliter distingue : vel fundatè dubitabas , quod infirmus esset deliberatè consensurus libidini ; & tunc peccasti exponens proximum periculo peccandi .

6 Ad 6. Ultra præcedentèr notata , supposito , quod non esset alia via salvandi matrem , dic , ex hujus morte , num sperabas , infantem posse vivum educi ; & tunc peccasti , estò solum intenderis salvare matrem . Hoc enim ipso , quod poteras providere , ut infans per baptismum viveret spiritualiter , indirectè voluisti hujus mortem æternam ; nec excusat necessitas salvandi temporalem matris , quia ex duobus malis imminentibus eligendum est minus : At si desperabas fætum educi vivum , tunc imminente simul morte æterna fætus , ac temporali utriusque , potuisti permittere duas mortes , nè sequerentur tres . Vide c. 69. n. 15.

7 Ad 7. Dic , quid , & qualiter negligas , & ulteriùs , an ex hac negligentia revelandi gravitatem , aliqui decesserint sine Sacramentis : nam Medici ex Innoc. III. tenentur admonere infirmum , & si post tertium diem , non habeant fidem factæ confessionis , dimittere illum : Hoc statutum aliqui scripserunt consuetudine abrogatum , ideò renovavit B. Pius V. , & Innoc. XI. jussit talem consuetudinem

dinem, vocari *perniciosum abusum redundan-  
tem in grave corporis, & animæ præjudi-  
cium*. Medici jurant *se horteturos ad hoc Sa-  
cramentum, & non redituros, si post tertiam  
diem non fuerint confessi*. (Hujus præcepti,  
& juramenti finis est sanatio animæ; quare  
ubi hæc desperatur, nulla est obligatio; &  
ita hic in Urbe Medici prosequuntur curam  
Hæbræorum, & Hæreticorum) Dic ergo, si  
in his deliquisti; nam est sacrilegium perjurii.  
At si procurata per te, vel per domesticos,  
confessione hac; postea ingravescente morbo,  
reliquis Sacramentis perceptis, consuluisti  
sperare, ac petere à Deo salutem corporalem,  
si profit spirituali, melius facis, quàm ij, qui  
turbant infirmos, imprudenter asserendo mor-  
bum esse gravissimum, ab eo non posse resili-  
ri &c. quando nihil hujusmodi monita pro-  
desse.

8 Ad 8. Optimum est hujusmodi morbo-  
rum Medicos, & Chirurgos esse uxoratos.  
Interim dic, si es in periculo; vel occasione  
proxima deliberatè consentiendi: nam tunc  
nequis absolvi, quando velis continuare ar-  
tem Medicinæ, quanquam talis esses, ut sine  
hujus exercitio non posses vivere: semper enim  
est voluntaria: Differt à te filius familias,  
quia hic fugiens à domo paterna, violat jus,  
quod suprà se habet pater, & revelans crimen  
occultum Servæ, violat jus naturæ infaman-  
do: Tu nullum jus violas, si relinquis offi-  
cium,



cium, nisi casu, quo es in extrema necessitate, ut pro uno die non posses vivere: si autem pateris absque consensu, potes prosequi commendans te Deo. Vide 1. p. c. 32. n. 8. Quoad jejunia, recale cap. 38. n. 16.

9 Ad 9. Ex c. *Ad aures* de æt. & qualit. accipe, quod singillatim consideres, & applices tibi: *Cum sis eruditus in arte physica, cum diligentia, juxta traditionem artis dedisti pluribus medicinam, licet pluries successerit in contrarium, & incurrerunt periculum mortis. Quia verò desideras promoveri, si super hoc conscientia te remordet, de nostro consilio non ascendas ad Ordines majores.*

10 P. Ego, Miles 1. adfui bello, de cujus justitia dubitabam: 2. in propugnatione arcis mihi commissa, fugi a loco, ubi erat periculum mortis, & transivi ad alium securiorum. 3. receptis a Duce pro statione hyemali quatuor syngraphis, distribui binas inter socios; quarta fui usus, ut hospitarer, & non contentus de iis, quæ hospitii dominus exhibebat, alia clam abstuli, alia per violentiam. Per quartam verò exegi à domino pecuniam: 4. Dux factus exigebam mercedem quinquaginta militum, cum solos nutreirem quadraginta. 5. ut magis ditarer, providi alimenta deterioris conditionis. 6. munera cohortis distribui meis famulis. 7. tandem fugiens deservi militiam.

C. Ad 1. Aliqui docent subditum in dubio

bio posse militare pro suo Principe, adduntq; talem dici posse omnem, qui mercede conducitur ad bellum, esto non sit Vassallus. Negant id respectu militis voluntarii; sed obstat regula generalis, quod operans cum conscientia dubia exponit se periculo peccandi; & ideò peccat. Dic ergo, vel tuum dubium de justitia belli erat voluntarium, vel involuntarium: Hoc secundum nihil refert, sicuti neque refert, quod homo patiatur cogitationes libidinosas: si primum: vel fuit dubium prudens, vel imprudens: Ut id scias explicare, dubium dicitur prudens, quando intellectus, pensatis omnibus motivis in particulari, tam intrinsecis, quàm extrinsecis, manet anceps, impeditus ex vi motivorum declinare in unam potiùs, quàm in aliam partem. Inter extrinseca, maximè considera illud: *Nemo præsумitur malus; nisi constet;* adeo ut contravenire sit temeritas peccaminosa, quod præcipuè locum habet in factis Principum aliàs piissimorum, qui movent bella de consilio Juristarum, & Theologorum, S. Th. 2. 2. q. 67. ar. 2. ad 3. ait: *In his, quæ pertinent ad publicam potestatem, debet informare homo conscientiam suam secundum ea, quæ sciri possunt in publico judicio.* Quia ergo bellum indicitur ex publica potestate, debes te remittere judicio publico Principis. (qui tamen, ut securiùs procedat, nunquàm aperiet suam inclinationem Consiliariis, sive sint Juri-

Juristæ, five Theologi: nam utrique possunt adulari ) Ad id obligatur Vassallus prohibitus discutere judicia sui Domini: Miles voluntarius non obligatur ad id ex debito rigoro, sed solius honestatis. 2. Prudentia debet considerare aliud principium universale, quod Princeps potest movere bellum ad subveniendum Principi amico: nam nemo habet majorem charitatem, quam ut ponat animam suam pro amicis. 3. tranquillitas unius corporis particularis ordinatur ad tranquillitatem universalis: tranquillitas familiæ ad tranquillitatem Reipub. Igitur sæpè Princeps videt pacem unius Regni obesse paci totius Orbis. An id sit verum, vel falsum, judicare non est privati: Dic ergo, an his omnibus pensatis, militaveris cum hostibus fidei Christianæ. In horum, ut talium, exercitu peccas, si militas. Imò Bulla Cænæ prohibet deferre his instrumenta quælibet, quibus oppugnare possint Catholicos, ut tales, aut solùm revelare secreta, quæ communicata possent afferre perniciem Religioni. Dic, an ex tali bello huic periculum imminet: Hoc enim, estò non intentum, si prævideatur, vel prævideri debeat, facit te Reum, quia Princeps non moveret bellum, nisi haberet milites. Id habet locum maximè, quando Ecclesiæ Caput declarat tale periculum imminere. Dic, an tali dubio perseverante militaveris, quando erat prudens: (imprudencia faceret te Reum talis

dubii, non militiæ ) nam etiam tunc peccasti. Dic quotiès , & quanto tempore : nam particeps fuisti , utpotè Cooperator , omnium criminum , & damnorum in tali bello commissorum .

11 Ad 2. Peccasti relinquendo locum commissum , estò periculum mortis esset evidens ; Adscribens te militiæ contraxisti cura Rep. defendere bonum commune ; ideò teneris ad hoc , cum periculo tuæ vitæ privatæ , quia bonum commune præponderat ; nec potes relinquere loca tibi commissæ , nisi de ordine Superioris, cujus est judicare quid intersit bono communi , & privato , habetque suas leges militia , quæ servari debent .

12 Ad 3. Syngraphæ hospitii dantur singulis proportionatæ . Illas quatuor certè recepisti per fraudem , quia singulæ dantur pro singulis ; ideò teneris restituere , iis dominis , à quibus illi duo exegerunt, ut tibi debitum . Uno verbo , quæ actu inservierunt tibi in tuo hospitio, licitè accepisti : cætera injustè usurpasti ; sicuti etiam , quæ tibi à domino hospitii , suprà consuetum , abstulisti clam , ( hoc est furtum ) & per violentiam ( hæc est Regina )

13 Ad 4. Italiè dicuntur, *Piazza morta*, mercedes datæ Ducibus pro militibus non descriptis : Has aliquando Princeps expressè concedit ; ideò tunc non peccas exigendo, sed solum conceduntur pro tempore pacis , non belli .



belli. Dic ergo, an exegeris vigente bello; nam fuit manifesta fraus, & teneris restituere, & refarcire damnum Reipub. illarum ex defectu militum. In tempore autem pacis, dic, an exegeris vltrà concessum à Principe expressè, vel per consuetudinem toleratam, quæ talis dicitur, quando Princeps scit exigi, nec prohibet, cùm facilè possit. Extrà istas conditiones, etiam est fraus.

14 Ad 5. In eo, in quo alimenta erant deteriora, fraudasti de substantia Principis, cui propterea teneris restituere, calculando pretium, quo deterius vendi solet: Fraudasti etiam de mente, quæ tota est subvenire militibus, ut sint sani, & vegeti ad operationes militares. Fuisti etiam causa multiplicis damni militibus, qui deterius nutriti, defecerunt in sanitate, egueruntque frequentius medicamentis. In quo peccant plures Ministri communitatum. Hi, ut Superiori in expensis appareant providi, curant minoris emere alimenta, sed deteriora, & in fine anni, utique pepercerunt ducentis, aut tercentis scutis; At Superior videat pro illa quidem parte diminutos fuisse sumptus, non tamen in toto asse, imò creverunt ob innumera pharmaca, quibus ad recuperandam sanitatem toto anno uti debuerunt subditi; ideò immensum est, quod expendunt in pharmacis Religiones austeræ, si, ut parcant sumptui, vi-

Etum vulgarem accipiunt deterioris conditionis.

15 Ad 6. Est universaliter certum officia Reipub. ita providendi debere, ut persona detur officiis, non officia personæ. Aliàs est acceptio personarum: Dic ergo, an famuli verè apti essent officiis distributis: In tali casu non damno, quod prius consulas tuis, & tibi conjunctioribus, quocunq; titulo jungantur, sanguinis, amicitiae, famulitii &c. Secus faciendo peccas. Distingue pariter tempus belli, & pacis. In isto habent facere stationes &c., quæ non indigent multa capacitate; sed tempore belli requiritur verus miles.

16 Ad 7. A nonnullis Principibus assumuntur milites ad tempus determinatum, v.g. ad octennium: Ab aliis quousque possint utiliter inservire, quod alii saltèm ex consuetudine, statuunt ad annos quadraginta, alii ad quinquaginta &c. Ut ergo sciam, si peccaveris, dic morem tuæ Provinciæ, si fugeris ante tempus consuetum. Licitè fugit, qui hoc finito, timet retineri violenter, si petat licentiam; si verò ante tempus fugiat, graviter peccat. Descriptio ista militum habet rationem contractus inter Principem, & descriptum. Utì ergo in aliis contractibus delictum est ex parte non adimplentis conditiones appositæ, ita in hoc. Princeps promittit solvere mereedem pactam, seu consuetam. Ubi renuit, primus est Princeps in violando

con-

contractum, nec peccas tunc, si fugis, quia *frangenti fidem, fides frangatur eidem*. Miles promisit pro tuitione status exponere vitam. Si tu, absque ullo defectu ex parte Principis, fugis, gravissimè peccas, pro tua parte præjudicans bono communi, & insuper particulari, furripiens vestes, utensilia &c., quæ ad tui servitium providit.

17 Nec dicas, mercedem esse parvam, respectu exponentis vitam periculo; nam ita convenisti, & debes stare pactis: 2. Princeps sustentat totam vitam: Tempore pacis te assumpsit, non indigens tui pro tunc, solvensque mercedem, ut ad illud tempus, quo indigebit, post lustra, vel fortè nunquam in tota tua vita, possit exigere tuum servitium. Ergo merces menstrua est parva pro tempore, quo actu pugnas. At competens merces tot annorum in pace, ut in casu necessitatis illum defendas.

18 P. Multi, i. p. e. 17. n. 9. excusantur ab incurso excommunicationis minoris, ubi tractent cū excommunicatis vitandis, ut præcipuè significasti per illam vocem, *Humile*, vellem scire in praxi, qui particulariter veniant in tali nomine, ut possim admonere meos Parochianos, à quibus debeant abstinere?

C. In c. *Quoniam*: 11. qu. 3. declarantur etiam particulariter alii comprehensi in aliis terminis prædicti versus: At de illis habes sufficienter in præcedentibus. Ratione humi-

litatis, seu subjectionis, potest civiliter agere cum excommunicatis vitandis: 1. *Uxor*: 2. *Filii* (fortè ob eandem rationem, si filius sit talis, poterit cum eo agere Pater, & Mater) 3. *Servi*, & *Ancillæ*, seu *mancipia* (undè sub hoc titulo non veniunt famuli mercenarii) 4. *Rustici fervientes*, ut Coloni, & fortè domestici mercenarii: 5. Additur: *Et omnes alii, qui non adeò Curiales sunt, ut eorum consilio perpetrentur*. Ne dicamus omnem populum posse cum excommunicato agere, crediderim ly *omnes alios* referri debere ad *fervientes*, & communicare posse Rusticos fervientes, & omnes alios fervientes, sine quorum consilio, & auxilio Domini commiserunt scelera excommunicatione punita, præsertim contumaciam permanendi in illa.

19 P. Sæpè in mea patria, Episcopus publicat monitoria, ut sciens detentores alieni, sub pœna excommunicationis, debeat illum revelare infra statutum tempus; & angor scrupulis, timens ne illam sæpiùs incurrisse?

C. Do priùs formulam Monitorii, quod fertur hìc in Urbe: *Pro parte, & ad instantiam N. principalis fuit nobis expositum, quod nonnulli iniquitatis filii utriusque sexus, quos præfatus ignorat, indebitè detinent, & occupant: Alii verò sciunt detinentes, & indebitè occupantes nonnulla bona*. Hìc in particulari specificantur bona, quæ Instans probabiliter præsumit detineri, ad ipsum legitime  
spe-



*Speſtantia , valoris ad minus ſcutorum quin-  
quaginta . Qui præmiſſa habentes, ea Inſtan-  
ti reſtituere, in animarum ſuarum periculum :  
Scientes, veritatem revelare non curant in In-  
ſtantis maximum detrimentum , & inſtanter  
petitum fuit , ut ſuper his de opportuno reme-  
dio provideatur . Quapropter diſcretioni ve-  
ſtræ , & cujuſlibet veſtrum , ſcilicèt , Eccle-  
ſiarum Superioribus . . . committimus , quate-  
nùs , receptis his , . . qui , pro parte Inſtantis  
fuerit requiſitus , in veſtris Eccleſiis . . . mo-  
neatis , & requiratis . . . omnes , & ſingulos . .  
eiſque ſub excommunicationis pœna præcipia-  
tis , quatenùs ſi quis, clv̄m , latenter , occultè,  
injuſtè , & indebitè habuerit . . . vel ſciat ha-  
bentes . . . & ſibi indebitè appropriantes ali-  
qua de bonis . . . cujuſcunq; valoris ad dictum  
ſpeſtantia . Ipſæ perſonæ dicta bona , aut ex  
eis aliquam notitiam habentes , ſignificent ,  
& revelent Inſtanti , vel Parocho , . . . . aut  
alteri perſonæ, per quam Inſtanti fiat integra  
reſtitutio , & revelatio . Et hoc infrà novem  
dierum terminum à die publicationis huius-  
modi monitionis . Alioquin , elapſo termino  
ſingulas perſonas contumaces , dicta bona ha-  
bentes , & non reſtituentes , ſcientes verò , &  
non revelantes excommunicetis , & excommu-  
nicationis ſententiam incurriſſe daclaretis .  
Decernentes , quod dictus Inſtans nullo un-  
quam tempore , ex revelationibus huiusmodi  
ſi illas fieri contingat , valeat agere , niſi præ-*

20 Hæc est substantia Monitorii: 1. igitur excommunicatio est ferenda post terminum assignatum: quare si post illum, nemo excommunicet, non incurritur; 2. quia est ad instantiam partis, non feret illam Parochus, vel Superior, nisi pars instet: 3. duo genera personarum subiiciuntur Monitorio, injustè detinentes, & scientes injustè detineri. Hinc

21 Non venit 1. possessor bonæ fidei, quousque ista durat: 2. qui compensavit sibi occultè, dummodò servaverit conditiones positas c. 22. n. 3. Aliàs, quia peccat contrà justitiam, injustè detinet. Talesque injustè detinentes &c. ultrà peccatum furti, aut rapinæ, peccant peccato inobedientiæ, seu contumaciæ contrà præceptum; ideò excommunicantur.

22 Circà scientes dico sequentia: 1. finis Monitorii est procedere judicialitèr ad emendam delinquentis, non ad punitionem delicti, quia vult procedere civiliter, non criminaliter, quare debet esse taliter sciens, ut possit prodesse in tali foro; & quia omnes leges clamant: *Dictum de dicto non facit fidem* in judiciis; ideò, qui audivit à tertio, per hoc præcisè non tenetur revelare: 2. tenetur sciens, estò non possit probare, quia probare pertinet ad Accusantem, non ad Denunciantem: 3. tenetur ille, quem leges repellunt ab accusando, ut infamis &c. nam ad correctionem fratris

tris, omnes debent concurrere . 4. etiam complex criminis , ob eandem rationem : 5. qui novit sub sigillo naturali : nam hoc non obligat , ubi foveatur crimen , quamvis privatum . Porro detinens injustè aliena , continuat peccatum : quare non est fovendus . Nec horum quispiam tenetur priùs admonere privatim detentores : nam privata correctio habet locum , si probabiliter speretur emenda , quæ non speratur , ad vocem particularis , quando Ecclesiæ sub excommunicatione præcipientis vocem non audit Detentor : 6. non tenentur revelare consanguinei , & affines usque ad tertium gradum . Ita ex l. 4. ff. de test. Et licèt leges civiles non obligent in foro Ecclesiastico ; non tamen Ecclesia dedignatur iis uti , quando nihil sibi detrahunt . Porro Doctores extendunt usque ad quartum gradum , quia neminem Ecclesia obligat cum suo magno incommodo , sed neque charitas corrigere , aut providere fratri cum suo gravi damno . Si autem conjuncti obligarentur , timeri prudenter possent rixæ , & inimicitia familiarum . Et ita corrigendo malo minori , & privato , assumeretur malum publicum , & majus familiarum : 7. ex eadem lege , ob eandem rationem , non tenetur Patronus revelare Clientem , & è contrà : 8. crediderim deobligari omnes illos , qui , ut nu. 18. ratione subjectionis , possunt communicare cum excommunicatis : ut quos Ecclesia deobligat à simili : Deobligat , v. g.

fer-

servientem à præcepto non communicandi cum excommunicatis, ob grave damnum, quod jure sibi timere potest subiectus, etiam mercenarius, si se absentat à servitio &c. Hos etiam deobligabit à præcepto obligante sub pœna majoris excommunicationis. Conjunctorum, subiectorum &c. status generaliter eximit à revelatione, quia in natura corrupta per se illi annexum est periculum gravis damni, quod si non sequatur, contingit per accidens. Cæteri status non habent; unde non potest poni regula generalis. Ubi verò, hîc, & nunc sequatur, habes, quod revelatio hæc respicit emendam ex charitate nunquam obligante cū proprii gravis damni periculo: nam *amicabilia ad alios veniunt ex amicabilibus ad se*, ut ait Philosophus, & ante Philosophum Deus: *Diliges proximum tuum, sicut te ipsum*: idest; Dilectio tui sit exemplum dilectionis, qua diligis proximum, ut explicat S. Th., cui post Deum, & B. Virginem, debeo, si quid benè scripsi in hoc opere, ad gloriam Dei, B. Virginis, ipsius Angelici Doctoris, & ad proximorum utilitatem, quæ omnia meorum operum sunt.

F I N I S.

INDEX



# INDEX

## *Rerum Memorabilium.*

### A

- A**bsolvens ab excommunicatione, qualiter exi-  
gat pecuniam. 274. in articulo mortis omnia  
directè absolvuntur. 428.
- Abstinentia quid. 344. ejus actus. 348.
- Acceptio personarum quid. 130.
- Accusatio quid. 160. an liceat accusare complices,  
conjunctos &c. 126.
- Acidia quid. 79. quando mortalis. 80. cur vitium  
capitale; ejus filia. *ibid.* Vide 595.
- Acquisita illicitè quæ dicantur. 74.
- Actio magis necessaria magis delectat. 347. Bona  
de se refertur in Deum, indifferens debet referri  
ab operante. 61. quando naturalis sit bona. 62.  
an possim inducere ad materialiter malam. 521.  
interna qualiter multiplicetur. 546.
- Adjuratio quid, & quotuplex. 250.
- Adolescens malo exemplo incipit violare Castita-  
tem. 92.
- Adoratio quid. 220. an obliget. *ibid.*
- Adulatio quid. 313.
- Advocatus ad quid tenetur. 164. an debeat sequi  
magis probabilem. 626. nequit tueri causam in-  
justam. 627. an uti astutiis. *ibid.* revelare se-  
creta Clientis. *ibid.* patrocinari ambas partes.  
*ibid.* quando ejus negligentia culpabilis. 630.  
quando peccat accipiens mercedem. *ibid.* excom-  
municatus an possit advocare. *ibid.* an factus Ju-  
dex sententiare pro Cliente. 632. an teneatur  
de-

defendere pauperem . *ibid.*

Adulterium quid . 375. quomodo remittatur . 438.  
consentiente marito , adhuc est injustum . 375.

Æquivocatio an licita . 306. non probatur ex Scri-  
ptura . 307.

Affabilitas : actus , & vitia opposita . 312.

Agnosceitur Ovis tripliciter . 613.

Aléarum nomine quid veniat . 203.

Ambirio quid . 332.

Amicitia triplex . 62. in hoc statu incipitur ab uti-  
li . 63.

Amor prima passio . 49. an amor benevolentix in  
Deum justificet . 66. justificativus quomodo ten-  
dat in proximum . 67. Vide Charitas .

Amorem facere multipliciter peccatum . 535.

Anima nostra objectum Charitatis , & in quo . 63.  
quomodo fatigetur , & quiescat . 416.

Animatio fœtus quando fiat . 552. ejus mors quan-  
do imputanda . 553.

Antidata scripturæ , an licita . 573.

Apostasia , & ejus species . 27. Apostata à fide irre-  
gularis . 509. ut etiam ab habitu . 510.

Appellatio suspendit jus . 616.

Aqua tepida causat vomitum . 362. debilitat ad im-  
munditiam . *ibid.*

Arbitrium boni viri quid . 189.

Artes quando felices . 189. quæ illicitæ . 422.

Artificiata , ut talia , non habent vim . 257.

Assassinium Clerici qualiter probandum . 624.

Astrologia quid præcognoscat . 261. judiciaria cur  
prohibita . 410.

Astutia quid . 106.

S. Athanasius timebat mortem . 49. an usus æqui-  
vocis . 307.

Attentio quid , 216.

Avaritia quid . 315. ejus filiæ . *ibid.*

Aves quid portendant . 256.

## B

**I**N Baptismo quando peccetur . 238. acceptum ab Hæretico facit irregularem . 507. invitis parentibus non baptizandi infidelium filii . 537. an Abortus . 553.

Beatitudines correspondentes dono Intellectus, & Scientiæ . 24. Timoris . 53. Sapientiæ . 78. Confilii . 105. Pietatis . 316. Fortitudinis 328.

Bellum an liceat . 86. potest assumi pro tuitione amici . 641.

Beneficentiæ species . 69.

Beneficium, an obliget ad eleemosinas . 75. non permittendum est ruere, ut alia fundentur alibi . 36. quid considerandum, ut conferatur . 125. an conferendum ob commendationem . 127. Prælatus potest ea commutare . 273. an conferri fervienti . 279. an recipi cum animo renuncian- di . 607. an tenue obliget ad officium . 608. Vide Officium .

Bestiæ mansuescunt timore verberum . 366.

Bigamiæ irregularitas quid, & quotuplex . 506.

Blasphemia, & species ejus . 28. Hæreticalis ut dif- fert ab hæresi . *ibid.* an requirat animum convi- ciandi Deo . 29.

Boni communis relaxatio contra charitatem . 369.

## C

**C**Ambium quid . 181. quotuplex . 182. minu- tum an liceat . 183. an alia . 184. a Mutuo differentia . 186. super illo decreta B. Pii . 190. ad terminos an liceat . *ibid.* nequit esse patrimo- nium Clerici . 608.

Campforia utilis Reip. 187.

Castitas qualiter obliget Subdiaconum . 231. ex Dei auxilio speciali . 365. monitum Catechism. 266

- Catechumenus** an teneatur ad actus fidei . 13.
- Censura** quid . 489. quotuplex . 490. subjectum causa . *ibid.* quæ, excusent ab incurfu . *ibidem.* quotuplex accidentalis . *ibid.* quis ferat, & absolvat . *ibid.* quæ minor . 494. hujus effectus . *ibid.* contra violantes Justitiam legalem . 122. Distributivam . 131. circa Restitutionem . 143. contra vitam proximi . 152. contra judicia . 165. circa verborum peccata . 170. in Simoniacos . 282. Sacrilegos . 284. Impios . 292. Inobedientes . 300. legentem libros prohibitos . 412. Ufurarios . 180. in violantes Religionem . 226. Vota . 236. Superstitiosos . 265. Luxoriosos . 385. Latæ, & ferendæ sententiæ, ut differant . 634.
- Census** quid . 196.
- Certitudo** moralis quæ . 118. unde habetur . 621.
- Cessatio** à divinis quid . 505. effectus . *ibid.*
- Charitatis** actus assistere Confessionali . 58. quid importet charitas . 59. habet actus perfectos, & imperfectos . *ibid.* quadruplex objectum . 60. præcedens cognitio tangit in Deo duas rationes . *ibid.* diligitur charitate . 64. an diligat irrationalia . *ibid.* quot ejus actus . 67. 68. actus externi . 69. in Deum quando obliget . *ibid.* novem peccata illi opposita . 81. quæ reservata . 94. an obliget restituere . 146. ex Cibo prævidens vomitum peccat . 360. aliter complexionem . 259.
- Clementia** quid . 231. ejus regula . 392. an obliget . 394. vitia opposita . 395.
- Clerico** quare non liceat bellum . 87. an cambium . 191.
- Cæcitas** mentis quid . 31.
- Comedens** carnes quando peccet contra fidem . 17. præceptum singulis . 363.
- Commodatum** non transfert dominium . 139.
- Comædus** quando peccet . 418.
- Compensatio** occulta an liceat . 135.
- Conditio** quæ poni possit in Sacramentis . 453
- Confessor** quid curabit in pœnitente . 61. quando
- scan-



scandalizet. 91. necessarium illi experimentum  
&c. 100. quærat consilium. 101. dictum Caroli  
V. 104. est Judex. 114. docentis malam doctrinam  
peccata. 132. humilitas illi necessaria in  
omni gradu. 401. quærat tempus ultimæ confes-  
sionis. 70. Alius tenetur scire plura, alius pau-  
ciora. 408. materialis integritas Confessionis  
necessaria. 483. quæ excusent. *ibid.* instituta ut  
humiliemur. 484. ejus fides qualiter facienda.  
239. dum quis confitetur. non satisfacit præce-  
pto Missæ. 532.

In Confirmationis Sacramento qualiter peccetur.

239. ad Ordines necessarium de præcepto. 599

Conjux dubius de matrimonio quid agat. 120. con-  
jugal actus duo fines. 368. quando liceat. 372.  
an vovens castitatem obligetur. 233.

Consanguineus an præferendus. 126.

Consentire de jure non potens est invictus. 144

Consilium Judicis necessarium. 101. Consilii do-  
num. 105. dans malum tenetur revocare. 570.  
ad quid teneatur consulens revocare legatum  
Pium. 572. prius consulendum sibi, & suis.  
644.

Consuetudinarii proposita. 386.

Contemptus qualiter dignoscatur. 592.

Contentio quid. 84.

Continentia quid. 387.

Contractus à Principe irritatus non dat jus. 74. ad  
quid obliget transferens, & non transferens do-  
minium. 139. una res nequit supponi pro alia.  
445. triplex obligatio. 542. lucrosus Minorum  
obligat in conscientia. 542. illicitus, & injustus  
differunt. 543.

Contumelia quid. 166. an sustentanda. 167. ut  
differt a detractioe. *ibid.*

Cooperatur injustitiæ, quot modis. 139.

Corpus nostrum charitate amandum. 63.

Correctio fraterna locum non habet in delictis con-  
tra fidem. 36. quando obliget. 72.

Cor-

- Correspondentia Virtutum, & Donorum. 345.  
 Crimen falsum sibi apponere non licet. 634.  
 Crudelitas quid. 396. opposita Vindicationi. 304.  
 Pietati. 318. 396.  
 Culpa lata, levis, & levissima. 573. quæ obliget in  
 conscientia. 576.  
 Cultus qui superstitiosus. 252.  
 Curiositas quid. 408. cavenda Confessori. 469. ad  
 quid ordinetur. *ibid.* quod peccatum. 411.

## D

- D**æmon, ut fallat, se ingerit. 261. quando  
 tribuendus illi effectus. 456. sponsio facta  
 qualiter eluatur. 527.  
 Damnatum quis possit subvenire. 578.  
 Damnum emergens quid. 173. attentè confide-  
 randum. 145. ex facto Principis, vel casu non  
 deobligat. 543.  
 Debitum multiplex. 113. illud negare conjugij fons  
 rixarum. 544.  
 Definitionem Ecclesiæ negans se scivis se, quomodo  
 interrogandus. 26.  
 Degradatio quid. 500.  
 Dehonoratio habetur ex peccatis contra Castitatem  
 291. diversa specie. 287.  
 Delectatio: per se non frænanda spiritualis. 342.  
 sequitur naturam actus. 343. Tactus vehemen-  
 tior. 347.  
 Denunciatio quid. 160. non tenetur probare. 191.  
 tempus in quo obligat. 424. denunciandus pa-  
 ter, filius &c. 524. qui denunciandi. 40. cujus  
 omissio sit reservata.  
 Depositio quid. 499. in quo differt à Degradatio-  
 ne. 500. à suspensione. *ibid.* an deobliget ab offi-  
 cio: per quod crimen incurritur. *ibid.* an ferri  
 possit in absentem. 501. an tollat privilegia. *ibid.*  
 Derisio quid. 169.  
 Desiderium actus imperfectus charitatis. 59.  
 Despe-

Desperatio quid . 55.

Detractio quid tollat : 168. quotuplex . *ibid.* differt à susurratione . *ibid.* an contra Pietatem sit detrahare patri . 290. an detrahat , qui communicat malum perlonis levissimis . 583. an dicens malum publicum . 584. an dicens uni , vel duobus . *ibid.* an diffamatus hìc possit publicari alibi . 585. an peccet audiens detrahentem . 587. an multiplicetur ex diversitate mali publicati uno impetu . 588.

Deus amandus , ut bonus nobis . 60.

Dictum de dicto non facit fidem . 648.

Dignior quis sit . 125. fit vitæ integritate . *ibid.* non commendatione . 127. talis eligendus . 128.

Diligens in re aliena , ut in propria , non peccat . 577.

Disciplina regularis , cur collapsa . 411.

Discordia quid . 84.

Dispensatio ex causa falsa est invallda . 529.

Dispensator , & Dominus differunt . 127. deficiens in modico an peccet . 101.

Divinatio quid . 253. species . 257. Romæ non est reservata . 258.

Docens an possit accipere pecuniam . 277.

Doloris motivum quando universale . 484.

Dolus quid . 106.

Dominandi libido non facit bellum licitum . 86

Dominium grande bonum . 298.

Dotis assignatæ Virgini , quando per S. Pœnit. fiat capax non Virgo . 161.

Dubius in fide infidelis . 26. dubius de suo facto judicet contra se : in alieno pro illo . 120. in dubio Superior dispensat . 352. quomodo interrogandus dubius de consensu ad inhonesta . 563. dubium invaliditatis Sacramenti , stat cum intentione recipiendi . 600. quando sit prudens . 640.

Duelli casus varii . 548.

Dulia quid . 205.

## E

- E** Brietas quid . 360. an liceat ad salvandam vitam . 361. an ejus effectus sint peccata . 362.
- Ecclesiæ subjicienda Voluntas , & Intellectus . 341.  
non obligat cum magno incommodo . 537
- Educatio filiorum quando peccatum . 537.
- Effectus sequens ad peccatum , quando peccatum . 361.
- Electio Indigni peccatum . 569.
- Eleemosinæ spiritaales , & corporales quando obligent . 73. qualiter dentur pauperi , ut oret . 276.  
ut quis obligetur , quæ concurrant . 632.
- Emenda peccati quomodo agnoscitur . 528.
- Epicheia quid . 115. quotuplex . 116.
- Episcopus consulendus in Perfectionum directione . 54. 61. an possit exigere honores . 331. an honorarium , si prædicet . 465. an absolvere à percussione Clerici . 497. an à Bulla Cœnæ . *ibid.* an dispenset ab irregularitate occulti . 571.
- Eubulæ est consiliari . 98.
- Eucharistiæ præmittenda confessio . 239. an ejus effectum recipiat omnis justus . 240. impeditur immunditiis . 381.
- Eunuchus peccat contra naturam . 378.
- Eutrapelia quid . 416. ejus regula . 417.
- Abque Examine an valida confessio . 348.
- Examinator accipiens facit simoniam . 617.
- Cum Excomm. minore communicare veniale . 496.  
an illam incurrat percutiens Degradatum , Bigamum &c . 554. qui subditi particulariter possint tractare cum excommunicato . 645.
- Executio justitiæ an differenda propter sacramenta . 394.
- Exhæredare pater an possit filium . 289.



## F

**F**Amuli an possint agere cum Hero excommunicato. 646.

Festa qualiter servanda . 225. peccare in illis an mutet speciem . *ibid.* in necessitate petenda licentia. 226. possum laborare pro damno vitando, non pro lucro captando . 522.

De Fide ubi agat S. Th. 4. de actu , an de habitu agere debeat Confessor . *ibid.* Actus quid . *ibid.* an meritorius . 5. mysteria qualiter credenda . 6. an lata sufficiat . *ibid.* an quæ est cum notitia solum probabili revelationis . 7. an credat unum articulum sine alio . 8. quæ sint credenda . 9. an sit præceptum de tribus myheriis . *ibid.* quæ credenda ex præcepto Ecclesiæ , 10. quomodo eruendus numerus peccatorum in omittendo . 11. ratio formalis fidei , quæ 13. opinio deobligans ab actu , quot mala inferat . 15. quando obligemur ad actum externum . 16. peccata contrariè opposita . 25. vel ex præcepto Ecclesiæ affirmativo , & negativo . 35. quæ reservata . 44. mysteria discere præceptum affirmativum . 515. committenti secreta tenemur servare fidem . 528. primus frangens imputet sibi . 645.

Filiorum peccata unde . 293. tenentur servare jurata à patre . 272. eorum bona quadruplicia . 579 quales nascantur . 343.

Finis ultimus peccantis venialiter quis . 50. quando constituatur in creatura . 591. finem operis ignorans debet interrogare . 519.

Fornicatio quid . 375. an liceat dimittere uxorem fornicantem . 539.

Fortitudo quas passiones moderatur . 320. quid sit . *ibid.* materia . 321. duo actus . *ibid.* an habeat delectationem . 323. partes integrales . 324. vitia opposita . 326. Fortitudo Donum . 327. vitia opposita Virtuti . 326. Dono . 328.

- Forum Pœnitentiæ credit pro se, & contra se. 614.  
 Fraus quid. 107. 172. quotuplex. *ibid.* in fraudem  
 quis agat. 351. distinctio ab infidiis. 87  
 Fructus bonorum tres. 138. Spiritus S. correspon-  
 dentes donis Intellectus, & Scientiæ. 24. Timoris.  
 53. Sapientiæ. 78. Consilio. 105. Pietati. 318. For-  
 titudini. 328.  
 Fuci fœminarum an liciti. 431.  
 Fugere à carcere an liceat. 578.  
 Furis diurni, & nocturni differentia. 550. à fure  
 accipiens bona fide, cui teneatur restituere. 570.  
 ad quid tenetur furans rem conservandam. 565.  
 furti domestici gravitas unde metienda. 545.

## G

- G** Audium de Deo est voluntaria susceptio gra-  
 tia. 69.  
 Gnome qualiter judicet. 99.  
 Grassatori jurans an obligetur. 248.  
 Gratia specialis gaudere in tormentis. 324. Sacra-  
 mentalis quid. 453. an liceat pacisci pro gratia  
 temporali. 618.  
 Gratitude, & ejus actus. 302. rependit plus. 303.  
 vitia opposita. *ibid.*  
 Gratuita compensatio spiritualium, & temporalium  
 an detur. 617.  
 Gula quid. 357. species. 358. filiæ. 359.

## H

- H** Abitus plures concurrunt ad opus. 1.  
 Hæbraismus quid. 25. an detegendus Hebræus  
 simulans confiteri. 488.  
 Hæresis quid. 25. species. 27. quæ reservata. 44. quæ  
 materialis. 407. reddit irregularem. 507.  
 Hebetudo sensus quid. 31.  
 Histrio an, & quando peccet. 418.  
 Homicidium quid. 147. an liceat. 16. permitti non  
 intendi potest à privato. 148. quotuplex. 507  
 quando

quando reddat irregularem . 508.

Homo animal sociale . 309.

Honor qui dandus parentibus . 287. an quærendus . 330. qui verus, qui falsus . 333. qui magnus, qui parvus . 292.

Hospitalia pro pauperibus . 538. dives raparabit expensas . 437.

Humilitas quid . 397. an obliget . 400. gradus . 401. vitia opposita . 402. actus perfecti, & imperfecti . 400. conjungenda Magnanimitati . 331.

Hyperdulia quid . 296.

Hypocrisis quid . 310. an peccatum . *ibid.*

## I

**I**dololatria quid . 253.

Jejunium ad quid utile . 348. an obliget . 349. deobligatus à qualitate, obligatur ad quantitatem ; esto contrarium fuerit tempore S. Th. 350. violans in qualitate peccat toties, quoties . 351. dies, & hora . 352. qui teneantur . 353. dispensatus quas carnes comedet . 354. importat duplex præceptum . 350. tentaculum introductum post S. Th. *ibid.* Vide 593.

Ignorantia an excuset à peccato . 374. an invincibilis detur immunditiæ . 378. an validet Sacramentum . 425.

Illegitimus cur imperfectus . 343.

Imago de se non habet vim . 257.

Immodestia quæ Confessori vitanda . 415.

Immunditia an possit permitti . 379. ad hanc proclivis quid faciat . 380. nocturna an peccatum . 523.

Immunitate loci quis privetur hic, & nunc judicat Episcopus . 625.

Impatiens an sit dolens in morbo . 324.

Impediens jus ad rem, quando restituat . 137.

Impedimenta matrimonii dirimentia . 370. impedientia . 371. certus de primis nec petat, nec red-

- dat : dubius reddat , non petat . *ibid.*  
 Impietas mortale peccatum . 292.  
 Impubes an possit vovere . 232.  
 Inadvertentia an excuset à perjurio . 273.  
 Inanis gloria quid . 334. an vitium capitale . *ibid.*  
 filia . 335.  
 Incarceratio an liceat . 151.  
 Inconsideratio quid . 106.  
 Inconstantia quid . 107.  
 Incæstus quid . 377. committitur etiam inter ma-  
 res . 555. explicandus quandoque gradus . 556.  
 osculari duas sorores non est incæstus. *ibid.*  
 Indignus qui dicatur . 569.  
 Infamia reddit irregularem . 507.  
 Infidelitas externa an subiaceat excommunicationi.  
 45. Vide Fides .  
 Infirmus per se non subjacet jejunio : ignorans per  
 accidens . 521.  
 Ingratitudo , & ejus actus . 303.  
 Innocens aliquando tenetur subire mortem . 163. an  
 possit damnari . 444. 623.  
 Injuria ut reparanda . 437.  
 Inobedientia quid . 399. ut distinguatur à superbia.  
 403. de se peccatum mortale. *ibid.*  
 Inquisitio quadruplex . 621. Juridica supponit semi-  
 plenam probationem . 622. præcedere debet in-  
 famia. *ibid.* an fieri possit unico teste . 623.  
 Insensibilitas quid . 344.  
 Insidia in bello an licitæ . 87.  
 Insinuatio quid . 160.  
 Intellectus donum quid . 21. ejus actus imperfectus  
 in peccatore . 22.  
 Intemperantia quid . 344.  
 Intentio operandi qualiter cognoscatur . 600.  
 Interdictum quid . 501. quotuplex. *ibid.* an Sacra-  
 menta possint conferri . *ibid.* pœna violentis . 503  
 Invidia quid . 82. filia . 83. Vide 595.  
 Invitus quis dicatur . 416.  
 S. Jo: exemplum pro ludicris . 416.



S. Jo: Chrysostomus an Martyr. 322

Ira quibus necessaria. 388. an peccatum. 389. filia.  
*ibid.* an excuset à peccato. 432. Vide 594.

Irregularitas quid. 505. quotuplex. 506. quando incurratur ex homicidio. 509. non est irregularis Clericus hortans ad justitiam, neque Dux ad fortitudinem, si non provocent ad occidendum. *ibid.* effectus. 510. quis dispenset. *ibid.* de illa dubius quid agat. 120.

Irregularis an Adulter, si occidatur adultera, an qui occidit se defendens. *ibid.* an Confessor negans absolutionem Judici. 631.

Iter longum in mari arripiens potest absolvi à reservatis. 517.

Judex quando peccet recipiendo testes. 121. quando possit procedere. 162. judicat personas. 621. tenetur restituere, si accipiat pro sententia tam justa, quam injusta. 620. nequit admittere Advocatum excommunicatum. 628. quid faciat ut rite judicet. 159. an peccet differendo judicium. 625. Judicium facti est Dei. 621. duplex. 2. quo utatur Director. 3. conditiones legalis. 121. Confessori competit per inquisitionem. 302. publicum, & privatum. 117. an sit licitum. *ibid.* à suspitione differentia. 118. aliquando falsum, non temerarium. 119. de aliis non judicandum. *ibid.* speculativum non practicum faciti hæreticum. 520.

Judith mentita fuit. 307.

Juramentum quid. 243. comites. 244. an liceat cum restrictione mentali. 245. cum æquivocatione. 246. quotuplex. 247. promissorii duplex veritas. *ibid.* quando dicatur vinculum iniquitatis. 248. an liceat sine animo jurandi. *ibid.* an obliget juramentum de sponsalibus. 249. quando obligemur jurare. *ibid.* quis relaxet. 250. jurans facere alterius voluntatem ad quid obligetur. 272. jurans servare statuta, an obligetur ad facta post. 273. an liceat de non intrando Re-

ligionem . 460. Vide 527.

Jus potest velle supra , non contra justitiam . 542.

Justitia facit bellum licitum . 86. quotuplex . 113.

Legalis in quo fit . 114. quotuplex hæc . 115. ejus actus . 116. an obliget . 121. vitia huic opposita .

*ibid.* Distributiva servat proportionem Geometricam . 124. an obliget . 129. vitia opposita . *ibid.*

Distributivæ , & Vindicativæ differentia . 133.

Commutativa servat proportionem Arithmeticâ . 138. vitia opposita . 144.

## L

**L**æſio non enormis an deobliget . 201.

Later decretum de infirmi confessione tenendum . 637.

Laudare furem quando obliget restituere . 140.

Lectum idem non permittendum pueris diversi sexus . 537.

Legens hoc opus quid faciat . 406.

Legitimæ personæ ad matrimonium quæ . 369.

Lex pœnalis non extenditur . 140. Civilis irritat ludum fortunæ . 203. in ludo ingenii permittit aureum . *ibid.*

Libellis anonymis an fidendum . 162.

Liberalitas quid . 312. ejus actus . 314. dat quod potest . 618.

Libertas hominis non subjacet stellis . 256.

Libertatem Eccl violans ad quid tenetur . 143.

Librorum prohibitorum lectio , & censuræ . 410. quæ reservata . 43. qui Parocho tenendi . 615.

Litigium quid . 313.

Litteras alienas aperire injustitia . 591.

Locutio ænigmatica licet . 313. potest reddere suspectum de hæresi . 27.

Loth an peccaverit . 363.

Lucrum cessans quid . 173. quando possit peti . 174. an in mutuo . 178. quando spes faciat usuram . *ibid.*

Ludus

Ludus quis liceat. 202. ludus fortunæ, & ingenii.  
*Ombre ingenii*. 203. Fortunæ irritus lege civili.  
*ibid.* quando lucrari sit peccatum. 204. debet esse,  
 ut sal. 419.  
 De Luxuria parcè quærendum. 252. quid. 275.  
 quotuplex. *ibid.* filiæ. 384. in illam proclivis quo-  
 modo curandus. 380.

M

**M**agnanimitas quid. 330. conjungenda Humi-  
 litati. 331. vitia opposita. 332.  
 Magnificencia quid : vitia opposita. 336.  
 Magnum, & parvum quando specificent virtu-  
 tes. 99.  
 Maledictio quid. 169. in patrem mortalis etiam abs-  
 que animo. 296.  
 De Malis melius est bona facere, quam non permit-  
 tere. 207.  
 Mansuetudo quid. 387. vitia opposita. *ibid.*  
 S. Martinus non est Martyr. 322.  
 Ad Martyrium quid requiritur. 322. aliquando in  
 præcepto. 325.  
 Materiæ leves coalescunt in gravem. 391.  
 Matri detegenti stuprum filiæ, an credat Parochus.  
 613.  
 Matrimonii finis. 373. an invito patre contrahen-  
 dum à filio. 353. quid. 368. impedimenta juris  
 naturalis, divini, & humani. 370. quomodo iis  
 providendum. 371. an perfectum inter B. Virg. &  
 S. Joseph. 369. licet desiderium, non delectatio.  
 590. an assistet Parochus ex confessione sciens  
 impedimentum. 487. qualiter exigatur pecunia.  
 275.  
 Mediator in spiritualibus quando simoniacus. 617.  
 Medicus nequit intendere infirmi ebrietatem. 361.  
 cur nunc desint insignes. 419. se laureans absque  
 doctrina peccat mortaliter. 635. ut negligens  
 studere. 636. est homicida, si sua culpa infirmus  
 perit.

perit. *ibid.* an applicare possit pharmacum dubium. *ibid.* tenetur dimittere infirmum, qui non confitetur intra triduum. 637. bonum est esse uxoratum. 638. an possit ordinari. 639.

Memoria quomodo juvetur. 100.

Mendacium intrinsecè malum. 307. quotuplex. 309. an sacrilegium in confessione. 485.

Mendacem vocare injuria gravis. 585.

Menturam stabilit Princeps. 175.

Mercis vitia an revelanda. 175. an copia cras futura. 176.

Meretrici nubere quando pium. 531. solvenda merces. 543.

Metus qui invalidet. 601. præexigit sententiam in Judicis. 603.

Militis fortitudo quæ. 323. an bellare possit in bello dubio. 640. an pro Infidelibus. 341. an ob periculum mortis, deferere stationem. 642. an fugere. 644. an ejus merces sit tenuis. 645.

Minor gravosè contrahit, ut prodigat. 205. an obligetur. 541.

Miserabiles qui. 615.

Misericordia subordinatur charitati. 69. quot ejus actus, & ad quos habenda. *ibid.*

Missam audire obligamur. 222. quando possit omitti. 616. an possit applicari pluribus. 610. Fructus invendibilis. *ibid.* an alteri possit applicari fructus Sacerdotis. 613. tres fructus correspondent: quem excommunicatus applicet. 615. materiæ parvitas non consideratur ex stipendio. 611. Altaris privilegiati non compensatur per Indulgentiam. 612.

Modetamen inculpatæ tutelæ quid. 549. 551.

Modestia quid. 405. 413.

Mæcenatum defectus perdit scientias. 459.

Mohatra contractus. 180.

Molines errores in materia Castitatis. 339.

Moneta caret vi contra morbos. 257.

Monitorium pro rebus subtractis. 646. censura ferenda



renda post illud . 648. quos liget . *ibid.* quærit  
emendam , non pœnam. *ibid.* qui teneatur reve-  
lare . 649.

Monopolium quid . 201.

Mons Pietatis licitus . 183.

Moralis Christiana à PP. fumenda . 335.

Mors timenda . 49. 321. an possit sibi desiderari .  
547.

Mulctæ cui applicandæ . 625.

Mulieris inspectio ad quid ordinata de se . 409.

Musicus in delectando innocens . 418.

Mutilatio an liceat . 150.

Mutuum transfert dominium . 139. quæ cadant sub  
mutuo . 177. quando palliatur venditione . 185.  
cum capitalis periculo cui fructificet . 194. an  
mutuans possit sibi fide jubere . *ibid.* mutuum  
Beneficiatorum in Curia . 195. an possim obli-  
gari pro mutuo præcedenti . 199.

## N

**N**atura omnis corrupta tendit ad vitium . 256.  
contra naturam peccatum . 378.

Necessitas medii quid . 424. quæ reddat aliquid in  
imputabile . 362.

Negligentia quid . 107.

Negotiatio an licita . 176.

Nobilis promptè solvit amissa in ludo . 205.

## O

**O**bedientia quid . 297. an violetur in omni pec-  
cato . *ibid.* an obliget . 498. cui obediendum.  
*ibidem.*

Oblatio quid . 223. an obliget . 224.

Observantiæ virtus quid . 294. Vana quid . 264.

Occidere licet soli Principi . 148. neque ad defen-  
denda bona exteriora , vel virginitatem . 149.  
quando non imputetur . *ibid.* an se ipsum , an

- ob alios fines . 444. an innocentem ex scientia privata . 445.
- Occultum quid . 605. Rei à Judice falsis testibus absoluti occultum est delictum . 606.
- Odium triplex . 78. 81.
- Oeconomus providens mala alimenta quantum noceat . 643.
- Officiorum divinorum nomine quid veniat . 404. quando , & quid teneatur restituere omittens officium . 596. an unum possit dici pro alio . 597. an peccet præveniens in Choro . 598. an teneatur ad Horam parvam infirmus impotens ad reliquum . *ibid.* an cæcus memoriter sciens Psalmos . *ibid.*
- Officium periculosum exercens nequit absolvi . 638. officio danda persona , non è contra . 644.
- S. Officii edictum . 39. cur legendum . 34.
- Omen quid . 263.
- Ovum Ascensionis superstitiosum . 256.
- Opus servile quid . 225.
- Oratio quid . 214. an obliget . *ibid.* qualis . 216. pro quibus . 217. quid petendum . *ibid.* an sit efficax . 218. actus externi . 219. sine jejunio non prodest . 357.
- Pro Ordinum actu nequit accipi pecunia . 276. materia physicè tangenda hoc ordinatus post matrimonium , compellitur cohabitare . 602. an tangens moraliter possit exercere . 603. ordinatus ante tempus quando sit suspensus . 604. an peccet , exercens in mortali . 605.
- Originalis infectio in quo . 365.
- Ornatus vestium quando peccatum . 420. an licitè vendatur . 421. Vide 590.

## P

- P**aganismus quid . 25.
- Papæ Christus adssistit in judicio per inquisitionem . 3. an possit dispensare in voto solemni Castitatis . 601.

B. Paphnutio æqualis Histrio. 417.

Parochus quid faciat, si populus negat stipendium. 276. quando perdat fructus differendo professionem Fidei. 616. quando applicabit Missam pro populo. *ibid.* qualiter interrogandus Habituatus. 612. peccans cum fœmina subdita agit contra suum officium. *ibid.* quando audiet Pœnitentes. 613. cognoscit Parochianos oeconomice. *ibid.* quæ debet inquirere. 615. pauper quomodo subveniet aliis. *ibid.* ejus subditi possunt confiteri delegato. 613. dissipans jus oblationum peccat. 244.

Parvitas materiæ an à mortali excuset infidelitatem. 37. Acidiam. 80. peccata contra charitatem. 94. acceptionem personarum. 130. peccata in vitam proximi. 151. in bona. 157. in judicio. 165. in verbis. 170. Usuram. 180. in Missam. 222. in Fottitudinem. 328. in observantia festi. 226. in vota. 230. in perjurio. 245. in superstitione. 265. in sacrilegio. 270. in simonia. 282. in pietate. 292. in obedientia. 309. jejunio. 354. Luxuria. 303. Superbia. 404. lectione prohibitorum. 411.

Parvificentia quid. 336.

Passio causa peccati. 319. refrænandæ regula. 342.

Pater doctus cur generet filios stolidos. 243. quid debeat filio ex pietate. 291. sævitia qualiter vitanda. 534.

Paterna cura quid importet. 615.

SS. Patres Magistri Moralis Christianæ. 334.

Patientia quid. 336. an obliget. *ibid.* non est in Peccatore. 338. vitia opposita. 339.

Patrimonio ficto ordinatus est suspensus. 521. Vide *ibid.* alios casus. fingens peccat, sed sibi acquirit. *ibidem.*

Pauperes quotuplicis generis. 76.

Pax an in præcepto. 70.

Peccator habituatus omittit actus debitos caritatis; & quando explicet confitens. 70.

Pecca-

- Peccata in Spiritum Sanctum quæ . 30. Philosophica . 378. opposita Donis . 318. Philosophis innominata . 311.
- Pecunia multipliciter consideratur . 182. distans valet minoris , ut merces , non ut pecunia . 186. an liceat dare cum spe lucri . 193.
- Perjurium quid . 272.
- Perfectionis larvam qui obtendat . 129.
- Periculosa actio est intrinsecè mala . 33.
- Permutatio dicit proportionem . 617.
- Perseverandum in oratione quantum . 450.
- Perseverantia quid . 33.
- Pertinacia quid . 3. 47. Hæretici . 427.
- Peste infectis inservire actus airtutis . 321. non martyrii . 322.
- Pete re piè quid . 450.
- Philotimia quid . 330.
- Piazza morta* quid . 642. quando liceat possidere . 643.
- Pietas quid . 286. objectum . 288. actus . *ibid.* an , & ad quid obliget . 289. vitia opposita . 290. Donum . 317.
- Pignus in mutuo an possit accipi . 194.
- Pœna ut talis non quærenda . 133. Principis est ordinare in bonum . *ibid.* diminuere . 160. retrahit a delectatione . 366. Positiva , & privativa , an subeunda . 634. in mutuo apposita an solvenda . 574
- Pœnitens confitens alia peccata , & alia obliviscens an absolvatur . 484. an possit recusare pœnitentiam . 485. si vult cæleri quomodo agnoscet Confessor . 486. volens interrogari de peccatis , est indispositus . 513.
- Pœnitentia gravis an imponenda : S. Thom. dictum . 391. implenda in hac vita . 514. imponenda pro peccatis contra fidem . 45. Spem . 56. Charitatem . 91. Prudentiam . 108. Justitiam legalem . 123. distributivam . 131. circa restitutionem . 142. circa vitam proximi . 153. rem proximi . 158. judiciis . 166. pro verborum peccatis . 170. non oranti . 218. violanti



lanti vota. 236. curioso. 385. violanti Religio-  
nem. 227. sacramenta. 241. sacrilego. 285. impio.  
293. inobedienti. 300. illiberali. 316. Mendaci. 311.  
non jejunanti. 357. Guloso. 364.

Pœnitentiaria quid agat cū simoniacè beneficiato. 282.

Pœnitentia imposita pro uno die, an supplenda. 235.

Pollicitatio in Bulla *de Datis* prohibetur, si est in  
damnum tertii. 619.

Possessor bonæ, & malæ fidei. 153. ad quid teneatur.

*ibid.* Triennalis pacificus beneficii habet jus. 210.  
non simoniacus. 283.

Potestas minor subjicitur judicio majoris. 624.

Potum quæ virtus moderatur. 348. an violet jeju-  
nium. 354.

Præcipitatio quid. 106.

Præcepta an multiplicanda ex Augustino. 299.

Paschalis transgressio reservata in Urbe. 513. diffe-  
rentia præcepti pro tempore determinato, & in-  
determinato. 517.

Præscriptio quæ valeat in ludis. 203. in quo differt  
ab usucapione. 208. locum habet in conscientia.  
210. tempus necessarium. *ibid.*

Præsumptio duplex. 332.

Preces an porrigendæ pro indigno. 280.

Pretium quando crescat. 172. peccat, qui augeat  
etiam infra dimidium. 153. triplex morale. *ibid.*  
quando in eo nequeat intervenire locatio opera-  
rum. 186. an liceat ad nundinas. 187. cujus sit  
lucrum Cambii. *ibid.* quod sit summum, & an isto  
vendi possit. 441.

Princeps non aperiatur suam sententiam Consiliariis.  
640. ejus facta non traducenda. *ibid.*

Probabilissimus an nocuerit, vel profuerit. 374. unde  
oriatur. 620.

Processus laicalis in foro Ecclesiæ non probat. 625

Prodigalitas quid. 315.

Professus invalidè tenetur religioni usque ad sen-  
tentiam. 603.

Proportio duplex. 617.

Propositum de se non debet descendere ad mala particularia.

Protestatio contra factum quando. 354.

Proximus quis. 63. peccata in ejus vitam. 146. quando sint in duplici specie. 151.

Prudentia, & donum Consilii diverso modo procedunt. 97. habet præcipere. 99. quando ejus actus sit perfectus. 100. partes Confess. commendat Rituale. 101. quotuplex. 102. an obliget. 103. vitia opposita. 106.

Pubes quis. 541.

Puniri nequit Innocens. 542.

Puillanimitas quid. 336.

## Q

**Q**uam primum, hæc particula quid imporret. 240.

## R

**R**apina quid. 153. quotuplex. 156.

Raptus quid. 377.

Rationis usum grande bonum. 360.

Recurfus quid. 140.

Redimere vexationem an liceat. 274.

Referre an teneamur omnia in Deum. 61.

Religio quid. 212. non est virtus Theologica. *ibid.* ejus actus. 214. quos Ecclesia præcipiat. 452. facit bellum licitum. 86.

Religiosi votum particulare qualiter liceat. 232.

Respublicę cur pereant. 129.

Restitutio quid. 136. radices. 137. quid sit obligari *in solidum*. 141. uno restituente, an, & qualiter cæteri teneantur. *ibid.* an obliget ad plus. 142. non obligor ante sententiam, si debeo in pœnam. *ibid.* qualiter facienda, si dominus distat. 441. ordo. 442. ut consulenda in articulo mortis. 568. qualiter obligetur laudans. 569.

Re-

- R**estriccio mentalis, an licita in juramento. 245. an de se. 306. an probetur ex Scriptura. 307.
- R**esidentiam differre, peccatum mortale. 615. si fuit jurata, sacrilegium. *ibid.* quantum possit abesse. *ibidem.*
- R**ei in favorem judicet Superior. 120. privatus non tenetur appetere pœnam. 154. an possit jurare amphybologicè &c. 633. quando peccet tacendo, vel fugiendo. 162. quando testes detegendi. 622. vel de complicibus interrogandi. *ibid.*
- R**evelare qui teneantur in vim Monitorii. 650.
- R**evelationes factæ Sanctis an credantur fide Theologica. 8.
- R**ixa quid. 88. quid importet. 433.
- R**ubricæ servandæ. 233.
- R**usticus volens confiteri, an amet Deum. 65.

S

- S**acerdos an, & quando teneatur celebrare. 222. sine confessione celebrans ad quid teneatur. 240. quæ studia illi objurget Hieronymus. 411.
- S**acerdotale beneficium an exigat sacerdotium. 607.
- S**acramenta, quæ præexigunt gratiam. 240. 553. an danda sub conditione. *ibid.* in dando nequit exigere stipendium. 611. an aliquid accipi. 274. materia remota potest emi. *ibid.* conferunt auxilia actualia. 286.
- S**acramentalia sumere actus Religionis. 241.
- S**acrificium quid. 221. an obliget. *ibid.*
- S**acrilegium quid. 269. species, *ibid.* quid ut est contra Castitatem, in Confessionali Ecclesiæ duplex. 557.
- S**alus propria finis cujusque. 111.
- S**alutare proximum, & invitare domi an teneat. 507
- S**ancti an colendi. 296.
- S**apiens dominabitur astris quid significet. 260.
- S**apientia Donum quid. 77. actus perfecti, & imperfecti. 78.

- Scandalum quid . 49. lædit charitatem . 90. quando, ut tollatur, obliget dimittere spiritualia , vel temporalia . 91. non obligat restituere . 139. an ut tollatur, indirectè possit absolvi Pœnitens . 560.
- Schisma quid . 85.
- Scientia non potest vendi . 275. Donum quid . 23.
- Scriplura si non intelligitur , quid faciendum . 307. varios variè commendat. *ibid*.
- Scrupulis tollendis modus . 118.
- Scurrilitas quid : veniale periculosum . 359.
- Seditio quid . 89.
- Semen posse prodigi credens est Hæreticus. 520.
- Severitas quid. 396. exercenda cum paucis. 364.
- Sicarius nequit retinere mercedem pactam. 74.
- Sigillum an violet dicens : *Confessus est peccata*, vel *verbum otiosum* . 487.
- Signa quinque reddunt fidem evidentam . 7.
- Simonia quid. 273. committit accipiens pro docendo &c. 277. pro ingressu Religionis. 278. dans spiritualia ad preees . 279. quotuplex . 280. quid si commissa sit cum ignorantia provisi . 466. Fructuum Beneficii fur est simoniacus . 284. illam ignorans non acquirit fructus . 288. simoniacus nequit retinere munus pactum . 74. intrinsecè mala. 616. pœnæ sunt contra externam. 618.
- Simulatio quid. 309. quotuplex . 310.
- Sobrietas quid. 358. vitia opposita. 360.
- Societatis contractus quid . 197.
- Societas Jesu amantissima Castitatis. 383.
- Sævitia quid . 396.
- Sollicitans Confessor denunciandus. 36. a quo tempore incipiat obligatio. 37. si non sit Sacerdos, non est denunciandus. 522.
- Sollicitudo temporalium , vel futurorum quid. 107.
- Solutio differenda an augeat pretium . 173. anticipata, quando liceat . 193.
- Ex Somniis quid possit præcognosci . 261.
- Sortium divinatio an licita . 263. ludus quid requirat. 205. quæ non permittenda . 206. Januensium origo.



- origo. 207. severè prohibita. *ibid.* peccata. 108.  
 Species bonum majus individuo. 367.  
 Spes quando excitetur. 46. respicit quatuor causas.  
*ibid.* quando obligat. 47. vitia opposita. 54. passionem moderatur duplex virtus. 397.  
 Spiritualia nequeunt vendi. 275. an quæ illis annexa. 278. an permutari. 279.  
 Sponsalia dant jus. 376. an servanda. 536. an servanda ficta. 556. an, si, post, fiat votum. *ibid.* an si fuerat ante. 557. irrita sunt inter impeditos, etiam sub ea conditione: *Si Papa dispenset.* 562. an cum illis possit ordinari. 601.  
 Spontè comparens in S. Officio quid faciat. 35.  
 Spuria filia an dotanda. 539.  
 Status hominis habet latitudinem. 581.  
 Stellæ influunt in passiones. 261. quid ex illis possumus arguere. 259.  
 Studiositas quid. 405. finis & regula. 406. vitia opposita. 408.  
 Stultitia, peccatum, quid. 92.  
 Stuprum quid. 396.  
 Sublunarium duplex motus. 256.  
 Superbia quid. 402. species. 404.  
 Superfluum quid significet. 73.  
 Superior aliquando habet exigere professionem fidei. 19. quomodo peccet in corrigendo. 73.  
 Superstitio quid. 252. an possit esse in precibus. 254.  
 Suspensio quid. 497. duplex: *ibid.* suspensus a minori, & à majori, & contra. 498. an toleratus, & non toleratus. *ibid.* an incurratur in omni Ordine. 499 a quo absolvenda. *ibid.*  
 Suspicio quid. 118. de se non est mortalis. 159.  
 Sufurratio quid. 168.  
 Sylvam cædens an teneatur refarcire. 577.  
 Synesis qualiter judicet. 99.

## T

- T** Actus libidinosi peccata . 283.  
 Tacens quando tenetur restituere. 140.  
 Talionis pœna . 161.  
 Temperantia quid : 342. vitia opposita . 343. partes  
 integrales. 344.  
 Tentatio Dei quid . 268.  
 Testis qui recipiendus. 121. quando tenetur respon-  
 dere. 163. quot requirantur . 164, nequit exigere  
 mercedem . 165.  
 Testonis valor materia gravis furti . 445.  
 Theologi cur non pauci . 419.  
 Theses prohibitæ, & pœnæ contra fidem . 45. spem.  
 58. charitatem . 73. prudentiam . 110. iustitiam  
 legalem. 122. distributivam . 131. restitutionem .  
 143. vitam proximi. 152. rem proximi . 153. judi-  
 cia. 165. peccata verborum. 170. usuram. 180. ora-  
 tionem . 218. externos actus Religionis. 226. vo-  
 tum. 236. sacramenta. 242. juramenta . 211. sacri-  
 legia. 285. Obedientiam . 300. Veracitatem. 311.  
 jejunia. 356. gulam. 363. Curiositatem. 412.  
 S. Thomas cur agat de singulis virtutibus : 2. ad-  
 mittit confessionem informem. 59. veneratur Pa-  
 tres . 318. horum compendium. 335.  
 Timor quotuplex. 48. Confessoris quando munda-  
 nus. 49. servilis an bonus . 50. an respiciat prin-  
 cipaliter se ipsum . *ibid.* servilit præcedit tempore  
 charitatem. 53. vitia opposita. 54.  
 Tristitia quotuplex . 83.

## V

- P** Ro Vacatione danda , an possit aliquid accipi .  
 278.  
 Vassalli non est discutere facta Domini. 641.  
 Venditio transfert dominium. 184.  
 Verberatio an liceat . 151.

Vera-

- Veracitas quid . 291. vitia opposita . 308.  
 Verum qualiter aliquando præsciat Astrologus. 455.  
 Vestis virilis prohibita fœminis, & è contra . 421.  
 Vexatio: injusta in Beneficiis an possit redimi. 616.  
 Vindicatio quid . 303. per se non facit suum actum .  
*ibidem* :  
 Vinum aqua dilutum an possit vendi. 746.  
 Virginitatis voto an obligetur qui semel violavit .  
 330.  
 B. Virgo habuit peivilegium non peccandi . 109.  
 Virtus charitate diligitur . 65. Retributiva est du-  
 plex . 392. Intellectualis facit bonum secundum  
 quid : moralis simpliciter. 400.  
 In Visitatione an aliquid possit accipi. 277. quæritur  
 Rei emenda, non pœna. 621.  
 Volens antecedens quando velit consequens. 635.  
 Voluntarium in causa , esto cum inadvertentia est  
 peccatum. 526.  
 Voluntatis actus præcedens fidem qui . 5. an possit  
 fidem reddere firmiorem: *ibid.* an sit in præcepto. 6  
 Votum quid . 228. de nubendo an valeat . 229. an  
 obliget . *ibid.* quotuplex . *ibid.* an differant sim-  
 plex , & solemne . 231. quis possit vovere . *ibid.*  
 voti dispensatio , irritatio , & commutatio . 233.  
 quid faciat dubius de causa dispensandi. 235. pro  
 die indicta votum violans , postea an teneatur .  
 485. non ludendi qualiter obliget . 530. qualiter  
 peccet nubens cum voto Castitatis, vel Religio-  
 nis. 562. solemnis violatio injuriosa Ecclesiæ. 529.  
 dispensatus in voto Castitatis est sacrilegus , si  
 peccet, vel contrahat cum secunda. *ibid.*  
 Vox erecta in Confessionali scandalosa. 415. ad quid  
 instituta. 309.  
 Ufucapio quid. 208. conditiones. 299. Vide Præscri-  
 ptio .  
 Usus rationis impedire contra rationem mortale .  
 361.  
 Usura quid . 176. resultat ex omni obligatione su-  
 pra sortem. 177. an illam solvere sit peccatum. 178  
 an

678 INDEX RERUM MEMORAB.

an , pro dilatione fortis , possim exigere . 179. an  
teneatur solvere , qui juravit . 248. quid si nolim.  
448.

Vulnerato damna , & expensæ reficiendæ : 552.

Uxoris bona duplicis generis . 580.

X

**X** Enium quid . 618. illud permittit Bulla *de*  
*Datis* &c. 619.

*F I N I S .*



# ERRATA.

# GORRIGE.

- Pag. 195. lin. 27. ducento . leg. Ducentis.  
 Pag. 202. lin. 8. accurrēbantur . leg. accurrebant.  
 Pag. 258. lin. 21. comparare. l. comparere.  
 Pag. 261. lin. 26. tum rerum. l. motum rerum.  
 P. 274. lin. 15. pecuniam per . l. per pecuniam,  
 P. 281. lin. 14. quas . leg. quos ,  
 P. 285. lin. 17. sit . l. sis ,  
 P. 289. lin. 15. extranis . l. extraneis ,  
 P. 295. lin. 1. reveri . l. revereri .  
 Ibid. lin. 8. ostendo . l. offendo ,  
 P. 299. lin. 5. suam . l. suas .  
 P. 300. lin. 25. Pœnitentium . l. Pœnitentes.  
 P. 305. lin. 17. Comidi . l. Comædi .  
 P. 317. lln. 4. ideò sunt , rarissimè contingunt.  
 l. rarissimè contingunt , ideò sunt .  
 P. 342. lin. 2. necessariò . l. necessaria .  
 P. 346. lln. 23. numeris . l. muneris .  
 P. 358. lin. 13. de species. l. dà species.  
 P. 400. lin. 21. imperfectuis . l. imperfectus.  
 P. 429. lin. 16. Elapsus . l. Elapsis .  
 P. 432. lin. 5. desiderat . l. desiderans ,

*Cætera per te corrige .*











